



Philosoph:

9. 4. 4.

9 A. 4.

XV

12. 1. 1967

12. 1. 1967.

B.5

GERARDI L. B. VAN SWIETEN,

*Augustiss. Imperator. & Imperatric. a Consiliis, Archiat. Com.,
Bibliothecae Augustae Praefecti, Inclyt. Facult. Medic. Vienn.
Praesidis perpetui, nec non Academiae Reg. Scient. & Chirurg.
Parisi, Academiae Scient. Petropolis., Academ. Natur.
Curios., Institut. Bonon., Collegii Regii Medic. Edinburg.,
Societ. Scient. Harlem., Botanic. Florent. Germanic.
Jenens. Degli Agiati di Roveret. Membri,*

COMMENTARIA
IN
HERMANNI BOERHAAVE
APHORISMOS

DE
COGNOSCENDIS, ET CURANDIS
MORBIS.

TOMI QUARTI PARS ALTERA.

*Congrui
Missionis*



*Roma
Florentina*

T A U R I N I,
EX TYPOGRAPHIA REGIA.
MDCCLXIV.





INDEX CAPITUM

HUJUS TOMI PARTIS II

	Pag.
<i>Morbi Virginum</i>	393
---- <i>Gravidarum</i>	450
<i>Partus Difficilis</i>	513
<i>Morbi Puerperii</i>	581
----- <i>Infantium</i>	647

INDEX CAPITUM

II SITUS IMOT SUUM

202

203

204

205

206

207

208

209

210

211

212

213

214

215

216

217

218

219

220

221

222

223

224

225

REIMPRIMATUR

Joannes Dominicus Piffelli Ord. Praedic. Vicarius Generalis
S. Officii Taurini.
V. Allionus P. & R.

V. Se ne permette la ristampa.

GALLI per la Gran Cancelleria.

MORBI



MORBI VIRGINUM.

§. 1183. **P**raeter omnia haec Acutorum, & Chronicorum genera sunt nonnulli morbi virginibus, gravidis, puerperisque proprii, tum & puerili aetati.

Haftenus dictum fuit de morbis fluidarum, & solidarum partium tam simplicibus, quam compositis, acutis, & chronicis. Verum praeter hos alii morbi sunt, qui observantur illo tantum vitae tempore, dum corpus foemininum aptum fit ad suscipiendam prolem; alii morbi sunt, qui a momento conceptus per totum graviditatis decursum molesti sunt: ipsum puerperium, quamvis legitimum, & naturale fuerit, saepe non caret difficultate: post partum demum sollicita cura requiritur, ut puerpera sic restituatur, ut integra, sana, & foecunda maneat.

Sed & recens nati infantes morbos patiuntur huic aetati proprios, quibus vel omnino non, vel rarius saltem obnoxii sunt reliquo vitae tempore, dum sensim magis magisque firmum redditum corpus non adeo facile afficitur a levioribus morborum causis.

De omnibus ergo his singulatim agendum est, & ordo postulat, ut primo dicatur de insigni illa mutatione, quae observatur in corpore muliebri circa fluoris menstrui eruptionem, & de variis molestiis, quae illam praecedere, vel & comitari solent.

§. 1184. **Q**uo tempore foemininum corpus ad incrementum suum pervenit, in bene facta temperie plus solet conficere cruoris, quam qui vasis contineatur, unde arteriis uterinis fluoris Menstrui nomine secetnitur.

Constat in foemineo sexu, dum corpus ad propagandam speciem humanam aptum fit, miras, & satis subitas contingere mutationes: crescit saepe subito incremento corporis statura, mammae turgidulae sororiari incipiunt, pubescunt pudenda, de muliebri sinu sanguis prodire incipit, & in sana puella stasis temporibus idem redit sanguinis effluxus, qui fluoris menstrui nomine vocatur, quia, mensis spatio elapso circiter, denuo apparere solet; ita tamen, ut quaedam varietas observetur in diversis, licet caeterum sanissimis puellis, quoad intervallum inter has sanguinis excretiones. Aliquando enim

Tom. IV. Pars II.

bis

bis in mense, quibufdam tertia quavis feptimana, plurimis quarta redeunt menftrua. Neque obfervatur, fi caeterum fanæ fuerint virgines, ab intervalli hujus diverfitate impediti, vel minui foecunditatem, modo confans maneat periodus hæc, nec variet perpetuo. Tales enim foecundas obfervavi, & fi conciperent, facile abortum patiebantur; fimilis etiam diverfitas in quantitate fanguinis excreti obfervatur pro varia ipfius uteri difpofitione in fingulis. Hoc monuit Hippocrates (v); *Mulieribus quibufdam quidem menftruae purgationes abundantes, quibufdam pauciores expurgantur. Quod fi in natura, & genere femper contingat (μὲν τις αὖτε τοῦ) ipfis uterinum eſt.* Varia hinc etiam nomina impoſita fuerunt huic fluori: a Periodo enim magis communi, *fluor menftruus, menftrua, menfes, catamenia*, vocatur, & purgatio *menftrua*, cum multi crediderint, aliquid noxii per hunc fluorem expurgari de corpore: multi etiam dixerunt *Flores*, quia, uti hi fructum præcedunt in regno vegetabili, fic & menftrua futuæ foecunditatis ſignum dant: his enim apparentibus nubilus virgo habetur, & dicitur.

Plerumque circa decimum quartum ætatis annum menfes primo apparere ſolent, raro ante decimum tertium; plerumque circa quadrageſimum, & quinque ætatis annum ceſſare ſolent (x), in quibufdam tamen citius, in aliis ſerius deſcendunt. Toto hoc tempore, dum menftrua ordinatim fluunt, foecundæ dicuntur mulieres; illis ceſſantibus, vocantur effoetæ, quia raro, vel nunquam poſt menftruorum ceſſationem concipiunt. Unde videtur menftrui fluxus duratio coincidere cum foecunditatis tempore. Obfervatur etiam in calidioribus regionibus citius prodire menftrua puellis, ſed & citius ceſſare; in borealibus regionibus contrarium obtinet. Sic obſervavit *Linnaeus* (y), *Lapponicas foeminas menftruum fluxum, parciorem tamen, ſtata periodo pati.* Plures vidit, quæ toto vitæ tempore carebant menftris, ſed viro junctæ manebant ſteriles. Juvenculas noverat, quæ æſtate ſolum menftruabantur; hyeme, quæ rigida admodum, & longa in his locis eſt, nunquam. Aderant & aliae, quæ ſemel in anno menftruabantur tantum, ſed hæc, quotquot vidit, habebant pedes oedematofos.

Quamvis autem illo ætatis tempore communiter ſoleant menftrua prodire, tamen raræ obſervationes docuerunt, non diu poſt nativitatem contigiffe fluorem menftruum. Sic legitur (z), recens natae puellæ octiduo poſt nativitatem, ſecundum alias relationes tertio tantum menſe prodiſſe menftrua. Sed quarto ætatis anno abſoluto eadem hæc puella jam æquabat tres pedes cum dimidio, corporis altitudine, cum juſta omnium membrorum proportionem. Partes autem genitales, & mammae eodem ſe habebant modo, uti in virgine octodecim annorum obſervari ſolent, ita ut perfectæ nubilus videretur. Primo vitæ menſe vidi profluxiſſe menftrua, & videbatur ſeptimo ætatis anno nubilus; laxæ tamen temperiei; fatiſ ſana vixit, &c.

(v) De natur. poer. cap. 10. Cha-ter. Tom. V. pag. 323.

(x) Maigneau traité des malad. des ſeinn. groſſ. Tom. I. pag. 49.

(y) Flora Lappon pag. 324.

(z) Acad. des ſcienc. l'an. 1708. hiſt. pag. 63.

& decimo nono aetatis anno nupta plures postea proles sanas peperit. Varios similes casus colligere ex Historia Medica facile foret; unde minus mirum videtur, in Indiis orientalibus nono aetatis anno jam parere foeminas (a).

Pariter & observatum fuit, longe diutius persistisse fluxum menstruum: quin imo in decrepita senectute rediisse absque noxa. Sic *Daniel Puerrarius*, Genevensis Medicus, scripsit *Ibomae Baribolino* sequentia, quorum testem autoptem se fatetur. *Mulier quaedam octogenaria, a duobus circiter annis, menstrua patitur, iuxtaque, cum sanitatis commodo, & iuxta. (b).* Centesimo, & sexto aetatis anno menstrua adhuc fluxisse, alibi (c) legitur. Interim commune axioma est, quod ex raro contingentibus nunquam formetur regulae.

Cum ergo generali naturae lege in foemineo sexu determinato aetatis tempore prodirent menstrua, atque alio aetatis tempore denuo cessarent sponte, consideraverunt sedulo Medici omnia, quae causam mensui fluxus illustrare possent, & determinare loca, unde sanguis ille fluit. Cum enim non continuus, sed periodicus sit ille fluxus, debet adesse mutatio quaedam in partibus, unde fluit, illo tempore, dum fluxus menstruum adest. Cum autem in morbis defunctorum cadaveribus semper iusta adsit suspicio, multa per morbum mutata occurrere, facile patebat, pulcrius haec indagari posse in violenta, aut subita morte peremtis, illo tempore, dum fluxus menstruum aderat. *Columbus (d)* voluit, menstruum sanguinem non effundi per uteri vasa, sed ab illis, quae in uteri cervicem ad ejus latera inseruntur: testaturque alio in loco (e) idem his verbis: *Quemadmodum saepe numero vidi hisce oculis in aliquibus mulieribus, quae violenta morte perierunt, dum adhuc illis menses fluere, neque in his modo, sed etiam in alijs quibusdam, quibus instabant, & mox fluxuri erant.* Imprimis autem se hoc observasse credit in muliere infanticida, quae ultimo supplicio affecta fuit; mensis spatio elapso, quo gemellos pepererat, & in lucem editos mox suffocaverat. In illo cadavere numerosis spectantibus ostendit illas venas, quae in alijs non admodum magnae esse solent, esse insignes, nigerrimas, & propterea satis perspicuas: inde autem conclusit; per quas venas fluunt menstrua, eas non transire per uterum.

Alia autem, & fide dignissima quidem observata evincunt, menstruum fluorem ex ipso utero, praecipue ex vasis, quae ad fundum uteri pertinent, procedere. Sic *Mauriceau (f)* in cadavere infanticidae, suspensae menstruorum tempore, invenit totum fundum cavum uteri obductum grumulis sanguinis coagulati; vasa fundi uteri multo ampliora erant, quam illa,

a 2

(a) Ibidem.

(b) Thom. Baribol. Epist. Med. Centur. IV. pag. 432.

(c) Académ. des scienc. in loco modo citato.

(d) De Re Anatomica lib. XI. pag. 243.

(e) Lib. VI. pag. 173. Ibidem.

(f) Traité des Malad. des femmes grosses &c. Tom. I. pag. 48.

illa, quae ad cervicem uteri spectabant: orificia autem horum vasorum in uteri cavum hiantia, plena erant sanguine grumoso. Confirmatur hoc & celeberrimi *Littre* (g) observatis. In cadavere enim foeminae, quae embryonem in tuba Fallopiana gestabat, & moriebatur, dum menstrua fluebant, invenit uterum tumidum, sanguine rutilo, sed concreto plenum; quo ablato, in superficie cava uteri vidit numerosissima foraminula, quae setam porcinam facile admittebant, & plena erant sanguine rutilo, qui, pressa inter digitos uteri substantia, guttatim exibat. Sollicite examinans deinde internam vaginae superficiem, nihil simile invenit; unde conclusit, menstruum fluorem ex uteri cavo, non ex vagina prodire: idem & in aliis menstruantium cadaveribus se vidisse testatur, & (quod videtur hanc opinionem extra omne dubium ponere) in tribus prolapsu uteri laborantibus, ita, ut orificium uteri prolapsi intra pudendi labia haereret, vidit, sanguinem menstruum ex uteri orificio prodire, dum ne gutta quidem exiret de vaginae cavo.

Huic sententiae & accedit accuratissimus Anatomicus *Morgagni* (b), qui vidit in virgine, fluente adhuc menstruo sanguine, a capitis ictu demortua, universum uteri fundum sanguineis maculis, quas & figura adumbravit (i), scaterere; ex quibus maculis vel mediocri pressione cruentas guttas elicere admodum facile erat: tamen nec in vagina, nec in cervice uteri inveniebatur aliquid, quod, cruorem ex earum parietibus prodire, significaret. Postea autem in plurium mulierum cadaveribus, quibus forte non ita pridem sanguis menstruus profluxerat, vidit similes maculas in uteri fundo, sed coloris multo dilutioris, ex quibus subcruentas guttulas prolicere potuit; sed in cervice, & vagina nil tale invenit. Interim negare noluit, quod & menstruus sanguis ex vaginae parietibus prodeat, cum plures graves, & fide digni auctores se hoc observasse testentur, quos plures recenset. Sic *Piso* (k) scripsit, quod in puellae, quo tempore menses fluere, strangulatae cadavere, superioribus annis hic publice dissecto, solus sinus pudoris observatus fuerit sanguine persusus, sinibusque mensibus, uterus autem prorsus siccus, & nulle connivens. In cadavere menstruantis foeminae *Heisterus* (l) vidit, & ex uteri cavo, & ex vagina prodire menstrua.

Cum ergo & celeberrimus Anatomicus *Vinslovus* (m) invenerit, membranam internam, quae fundum uteri obvelat, multis foraminulis pertusam esse, quae oculis facile percipiuntur, & ex quibus sanguis prodit, si uteri substantia prematur: si praeterea consideretur, eandem hanc membranam instar holoserici villosam esse, & hos villos, & haec foraminula plus, minusve sanguine tincta esse in illis, quae tempore menstrui fluoris perierunt; tandem

(g) Académ. des scienc. 1702. mém. pag. 281. 282.

(h) *Anat. rarior.* Anatom. I. pag. 45. 46.

(i) *Ibidem* Tab. 3.

(k) *De Morbis ex colluv. strosa sect. 2. part. 2. Cap. VII. pag. 131.*

(l) *Medicin. Chirurg. Anat. Wahnheim.* pag. 142.

(m) *Exposit. Anatom. de la Struct. du Corps humain.* pag. 174.

dem, si is addatur, quod aqua, vel ceracea materies, arteriis injecta, ex ultimis oculis apertis in cavum uteri exeat (n), videtur ex omnibus his concludi posse, quod locus, unde naturaliter menstrua fluunt, sit uteri cavum interius, & praecipue fundus uteri. Cum autem vagina, & totum in foeminis pudendum assidue fudent ex apertis, ultimis, rectis arterioliis humorem tenue, blandum, aquosum, serosum (o), & similes, ac uterus ipse, arterias accipiant (p), videtur admodum credibile, & per horum vasorum extrema dilatata sanguinem exire quandoque: & forte in gravidis, quibus consuetum est graviditatis tempore fluorem menstruum pati absque noxa, sed minori quantitate, ex vasis vaginae ille sanguis prodit. Si enim ex uteri cavo veniret, abortus sequeretur periculum. Plures vidi gravidas, quibus id contigit, & maturum, sanum, robustum foetum debito tempore pepererunt.

Sequitur jam, ut considerentur illa, quae clarissimi Medici statuerunt de causis menstrui fluxus, & ratione, quare stata periodo idem fluxus redire soleat in sanis virginibus.

Dum viderent Medici, purum sanguinem hoc modo exire de sano corpore, absque sanitatis detrimento, imo potius cum euphoria, & simul observarent, citius ad debitam staturam pervenire puellas, quam mares adolescentem, menstruumque fluorem signum dare, quo noscitur, corpus foemini-
num jam aptum esse, ut concipiat, & conceptum nutriat foetum, donec novem mensium spatio, ex minima incipientis hominis molecula in notabilem adeo molem excrefcens, tandem naturali partu excludatur, totumque illud foetus incrementum maternis humoribus deberi; patuit, quod corpus foemini-
num aptum esse debeat, ut non tantum se ipsum, sed & alium hominem nutrire posset toto graviditatis tempore. Unde concluderunt, in non gravi-
dis plus confici sanguinis, quam corpus indigebat, & ideo requiri, ut evacuetur illud superabundans, ne accumulatum noceret sanitati: Dixerat jam *Aristoteles* (q); *Mulieribus superfluum* (απερσεμνον) in purgationem (menstruam) vertitur. Confirmabatur ulterius haec sententia; quod mater, si prolem propriis nutriat uberibus, lactationis tempore communiter careat fluxu menstruo, vel longo intervallo, & parca copia tantum eum experiatur, cum illud superfluum in alimentum prolis, lac nempe, cedat. Duro labore quoque corpus quotidie exercent, foeminae; parcius menstruari solent contra, quae molliter, & opipare in otio vivunt, singulis mensibus, & saepius quoque sanguine disfluunt. Hoc jam notavit *Moschione* (r), cuius saepius mentio fiet in sequentibus. Autor ille omnino diversus est a *Theodoro Moschione*, cuius *Plinius*, *Galenus*, *Aëtius*, *Alexander Trallianus* meminerunt: antiquo enim

(n) Kasu Perspirat. dicta Hippocr. pag. 68.

(o) Ibid. pag. 96. (p) Eustach. Tab. XIII.

(q) De hist. anim. Lib. VII. cap. 2. Tom. II. pag. 355.

(r) Spachii gynaecor. pag. 2. N. 16.

Tom. IV. Pars II.

enim hoc *Moscbione* longe junior auctor est, & librum de illis, quae ad partum pertinent, in gratiam obstetricum Graecarum ex latina verbum lingua, & triginta duobus capitibus auctum, dedit. Multa cum habeat bona, hinc in omnibus collectionibus gynaeiorum adest, quae nempe de mulierum, tum aliis, tum gravidarum, parientium, & puerperarum affectibus, & morbis agunt. Cum autem *Israël Spachius* suam collectionem ediderit anno 1597. post binas priores a *Casparo Vvolfo*, & a *Caspere Baubino* editas, & plura contineat, hinc illa collectione gynaeiorum uti malui (1).

Patet hinc, multas rationes adfuisse, cur Medici a plethora fluxum menstruum deduxerint. Si ergo nulla nasceretur plethora, ut in robustissimis, & duro labore exercitatis mulieribus, tunc naturaliter, & absque ullo damno carere possent fluore menstruo. Tales sunt illae, quas *Moscbio* (1), dum recenset causas retentorum menstruum, dixit, *absque ulla infirmitate naturaliter non purgari*. Testitur *Fernelius* (u) se vidisse mulierem, cui *nunquam, vel menses, vel aliud quidquam fluxit ab utero, ac nihilominus bene habitata prorsusque incolumis, annos vixit circiter sexaginta*. Quadragenariam mulierem, & lapsu graviter laesam, curavit *Hildanus* (v), quae sancte affirmabat, se nec virginitatis tempore, nec in matrimonio unquam menstrua habuisse. In puerperio lochia parce fluxerant: septem enim pepererat proles, quarum major pars superstes athleticè valebat. Robusta, valida; morbiisque parum obnoxia vixit, & cum paupere victu duros labores sustinere cogebatur; unde plethorae colligendae nulla dabatur occasio. Sic integram foemellarum regionem apud *Lapnyas* in *Brasilia* per totum vitae decursum Catamenii destitui, legitur (x). Alii itinerarii notaverunt, partissime tantum fluere menstrua, uti & de *Lapponibus* foeminis ante dictum fuit. Forte plura similia in nostris regionibus habentur exempla, quorum, uti *Pechlinus* (y) monet, conscientiam sexus ille sibi reservat, non facile *Melichii*, qui & ipsi plebeja non magnopere curant, in testimonium rei vocatis. Haec dum considerabat Celeberrimus *Asirius* (z), fere inducebatur, ut crederet, non ex primaeva naturae lege adeo copiosa menstrua prodire foeminis, cum in illis nationibus, in quibus frugalis vita constanter obtinet, parce fluant, & in quibusdam mulieribus nihil omnino; apud politiores vero nationes sexum foemininum lauto in otio mollior vivere, opipara frui mensa, hinc & majorem copiam sanguinis accumulari, & per uteri vasa statim periodicis exire.

Interim videtur fluor menstruus ex naturae instituto fieri certo aetatis tempore, non tantum, ut superabundans sanguinis copia tollatur de corpore; verum

(1) Vid. Fabric. biblioth. graec. Tom. XII. Lib. VI. cap. 7. pag. 696. & seq.

(2) Spach. gynaecc. pag. 11. N. 126. & Harmon. gynaecc. part. postea, cap. 2. pag. 20.

(u) Pathol. Lib. VI. cap. 16. part. 2. pag. 197.

(v) Oper. omni. observat. Cent. V. pag. 408.

(x) Gualt. Chastei de causis catamen. cap. 4. pag. 39.

(y) Observat. Phyl. Medic. N. 35. pag. 85.

(z) Traité des malades des femmes Tom. I. pag. 85.

verum etiam, ut uterus disponatur ad conceptum. An vero integrae nationes menstruis careant, & tamen foecundae sint mulieres, non adeo liquido constat. Itinerum scriptores saepe audita referunt, & plerumque illis deest occasio, aut voluntas, ut similia exacte inquirant. Parciorum mensurorum copiam apud *Lappones* invenit *Linæus*, uti ante dictum fuit; sed simul monuit, illas, quae menstruis omnino carebant, semper fuisse steriles. Quadragenariae illi viduae, quae, incolumis quamvis, & quadrata foret, nunquam menstruum fluorem passa fuerat (a), alteris statim nuptiis ad primum coitum menses prodierunt, & per integrum biennium stato tempore redierunt, antequam conceperit. Debito termino peperit feliciter sanam prolem, & in tertiam usque vicem foecunda fuit, antequam menstruus fluorem per aetatem cessaverit. Unde videtur concludi posse, quod apertis extremis vasorum uterinorum oculis, exeunte sanguine, plethora quidem leveretur, adeoque & pro varia sanguinis abundantia copia menstrui fluoris esse possit divertia; sed simul illa vasorum uterinorum dilatatio, & apertura ad foecunditatem facere videtur, de qua re dicitur postea.

Praeterea crediderunt Medici, ex ipsa fabrica, corporis muliebris parere rationem, quare illud superfluum per uterum potius, quam per alias corporis partes exiret. Si enim consideretur pelvis ossei fabrica in muliere, invenitur notabilis diversitas, & major amplitudo, quam in viro. Lumborum enim vertebrae magis retrorsum vergunt; distantia inter os sacrum & ossa pubis major est; uti & distantia inter ossa Ilii; Coccygis os rectius est, & magis mobile, quam in viris, in quibus antrosum magis incurvatur; ossa pubis obtusiori angulo uniuntur inter se; praeterea os ilium Ischii tubera magis a se invicem distant; unde foemorum cervices magis transversim ponuntur, & cum acetabulis faciunt angulos minus acutos. Hinc circa pelvim major latitudo in foemina, quam in viro, ut tutgens in gravidis abdomen firmius possit sustineri. Hanc diversitatem in corpore muliebri scite noverrunt exprimere pictores, & statuarii (b).

In ampla sic pelvi locatur uterus, inter intestinum rectum & vesicam, totus vasculosus, fere liber, nec multum pressus: totus enim fundus uteri in gravidis libere ascendit, in prolapsu autem uteri descendit saepe, ut extra pudendum promineat; praeterea uterus antrorsum, retrorsum, & ad latera delabi potest, uti postea dicitur, quando de partu difficili agendum erit. Quamvis autem uterus in junioribus puellis, & in adultis virginibus ad tactum firmus & solidus deprehendatur, tamen graviditas docet, haec vasa facile cedere posse, & in magnam amplitudinem dilatare, cum ultimo graviditatis tempore uterus instat spongiae sanguine plenae appareat, dum vasa, ante vix conspicua in utero non gravido, jam digiti minoris apicem quandoque capiant. Numerosas autem arterias accipit uterus a Spermaticis, Hypogastricis, Haemorrhoidalibus, Iliacis externis. Simili apparatu, & origine

(a) Vide Pechlin, in loco citato.

(b) Vide de his *Hern.* Boerh. Instit. medic. § 663.

gine venae ad uterum veniunt, valvulis carentes, omnes inter se communicantes; quod & in arteriis uteri observatur; unde copiosi sanguinis liberima circumductio sequitur. Simul interna uteri cavitas pertunditur exiguis hiatibus, qui humorem blandum, aquoso-mucosum sudant, ut lubrica, madida maneant semper interna uteri superficies, & impediatur cavitatis concretio (c).

Intellectis his, quae ad uteri situm, fabricam vasculosam, & facilem expansionem spectant, considerabatur, quod citius foeminae, quam mares, ad apicem sui incrementi perveniant, & hoc tempore viscera tamen pergant ex ingestis bonos humores conficere simili copia, ac ante, qui tamen non amplius augendae corporis staturae serviunt; cumque simul observaretur, muliebria corpora minus virilibus perspirare (d), hinc sequebatur, humorum sanorum copiam augeri in vasis, adeoque plethoram nasci, utilem quidem, si gravis facta mulier non tantum se ipsam, sed & foetum nutrire debeat; at contra in non gravidis nocituram, & quotidie augendam, nisi illud superfluum exiret de corpore, ubi copia jam nocere posset. Ut autem concipiendo, & alendo foetui apta foret semper mulier, illud abundans praesto semper esse debebat, simulque adesse debebant viae, per quas eliminari posset illud idem, dum non esset gravis mulier.

Cum autem uterus rotus vasculosus foret, in loco libero positus, facile dilatabilis, cavum haberet, in quod exire possent humores, & postea per os uteri expelli de corpore, hinc distenta sensim magis uteri vasa ob auctam copiam humoris sani, tandem sic dilatabantur, ut extrema orificia, quae antea rorem humidum trans mittebant tantum, auctis sensim diametris partem rubram sanguinis dimitterent in uteri cavum, sicque fluor menstruus, sequeretur, cujus secretioni, & excretioni favet etiam erectus foeminae humanae incessus.

Postquam autem per sanguinem de utero excretum minuta est plethora, tunc vasa minus distenta se contrahunt proprio robore in minorem diametrum, angustata non amplius dimittunt sanguinem, sed tenuiores tantum humores, sicque sensim ad solitam angustiam redeunt extrema vasorum oscula, quae in cavum uteri hiant, donec, ab iisdem causis renata plethora, denuo dilatentur simili temporis intervallo. Hoc modo explicabatur reditus periodicus floris menstrui, dum simul satis commode elucidabantur illa, quae fluorem menstruum praecedere, comitari, vel sequi solent. De his omnibus fuse egit *Celcherrimus Freind* (e); quin & calculo subdixit, quantum singulis diebus accumuletur in corpore muliebri, ut, nata sic plethora, menstruorum debita copia prodire possit, absque corporis damno; dum in non gravidis tantum sic eliminatur illud, quod superabundat, mensis spatio sensim congestum. Confirmabat autem hanc sententiam *Freind* (f), quod, men-

(c) Ibidem §. 664. (d) Ibidem §. 662.

(e) *Emmenolog.* pag. 21. & seq.

(f) Ibidem pag. 55.

menstruis deficientibus, per varias vias exitum moliretur sanguis, ut hoc modo & plethora tolli posset.

Adeo simplex, adeo respondens phaenomenis, visa fuit haec menstrui fluoris explicatio, solis communibus corporum legibus superextracta, ut a plurimis recepta fuerit, tanquam omnino evidens, & vera: interim tamen si omnia haec argumenta ponderentur adamussim, & comparentur cum observatis certis, & quotidianis, magnae adhuc superesse videntur difficultates.

Qui a plethora deducunt menstrui fluoris causam, dum nempe corpus muliebri ad incrementi sui apicem pervenit, non videntur attendisse, quod frequenter admodum contingat, ut puellae, jam ordinatam periodum fluoris menstrui habentes, insigniter postea crescant. Dum ante triginta, & amplius annos legeram *Celeberrimi Simpsoni tractatum pulcherrimum de Systemate uteri* (g), qui hoc monuerat, attentus fui ad hanc rem, & vidi, illum verissimam dixisse. Plerumque enim post prima menstrua notabile corporis incrementum observatur: vidi tamen aliquas, quibus decimo octavo anno, & adhuc serius, menstrua prodierant, neque postea sensibilibiter aucta fuit corporis statura. Credo etiam, me observasse, quod incrementum corporis humani non adeo regulariter semper procedat, ac quidem creditur. Citissime crescere humanum corpus, dum origini suae proximum est, docet foetus, qui ex minima molecula, novem mensium spatio, in notabilem adeo molem excrevit. Verum procedente aetate vidi magnam incrementi diversitatem. Circa pubertatis tempus saepe subitum incrementum observatur; in quibusdam etiam serius, ita ut paucorum mensium spatio plus augeatur statura corporis, quam antea factum fuerat integro biennio. Notum est, juniores morbis febrilibus, imprimis acutis, correptos, si evaserint, resurgere proceriores. Solet hoc explicari, quod velocius per febris impetum moti humores vasa elongaverint omnia, dum ossa nondum penitus dura cedere adhuc facile poterant. Sed, cessante morbo, cessat & haec subiti incrementi causa: & tamen vidi toties, praecipuum staturae augmentum non adeo tempore morbi, sed post morbum factum fuisse. Curavi adolescentem sedecim annorum, pusillae admodum staturae, a variolis, discretis quidem, sed numerosissimis. Morbi tempore longitudo corporis aucta fuit quidem, sed non adeo insigniter; perrexit tamen incrementum adeo, ut post tres annos, dum illum viderem, vix agnoscerem, cum sex pedes altitudine superaret, vigesimo anno nondum impleto. Antepaucos menses puellam variolis mitissimis, & numero paucis correptam curavi. Lenis aderat in statu contagii febricula, quae integre cessavit, erumpentibus variolis, & per reliquum morbi decursum rediit nunquam: increvit morbi tempore non tantum, sed illud incrementum, per quinque jam menses a morbo finito, satis notabile pergit, una cum optima sanitate, & aucto totius corporis robore. Hinc videntur & aliae esse incrementi causae, quae ex illis, quae de corpore humano novimus, non adeo facile explicari possunt.

Al-

(g) *System of the Womb* pag. 10.

Alterum argumentum, quod urget *Celeberrimus Simson* (b), ut probet, plethoram corporis non esse menstrui fluvii causam, est illud, quod *Freind* supponat, gradatim quotidie increfcere plethoram inter duas Periodos menstruas, imprimis confidens *Sanctorio*; afferenti, quod & in corpore virili mensis spatium pondus corporis ad unam, alteramve libram augetur. Tabulae autem *Keilianae* contrarium demonstrant; nempe, non fieri in corpore sano quotidianum tale, & aequabile incrementum humorum, sed e contra ingentes hic contingere variationes in minuto, vel aucto pondere; quod mirum non est, cum ingestorum, & egestorum quantitas tam varia observetur etiam in sanis hominibus.

Praeterea, si a plethora sensim accumulata menstruus fluvi penderet, deberet necessario retardari periodus, si quacunque evacuatione minueretur humorum quantitas, vel rerum penuria, aut strictiori diaeta impediretur haec accumulatio. Audacter provocat *Simson* (i) ad testimonium omnium Medicorum, qui in praxi versati sunt, an unquam observaverint retardari Periodum per sanguinis missionem intermedio tempore institutam. Certum est, quod venae sectiones, in morbis factae, vel & in sanis mulieribus, quae quotannis assueverant sanguinis missionibus, raro mutant solitam periodum, imo & aliquando accelerent eandem, quod aliquoties vidi. *Hoffmannus* (k), multiplici edoctus experientia, affirmat, etiam vulgo compertum esse, *scilicet ante tempus menstruum vena liberiores eorum fluxum fieri*.

His difficultatibus motus *Celeberrimus Simson* negavit, plethoram universalem esse menstruum causam, sed aliam proposuit. Credebat enim corporis incrementum non cessare, quia partes sensim virescentes reddita resisteant nimis suae elongationi, & extensioni, sed quia vis extendens, & elongans partes minuebatur. Dum enim major est resistentia circa extrema vasorum flexilia, tunc liquores, vi cordis per haec vasa pulsati, magis elongant, & distendunt vasa; & contra, ubi liberior sit transitus per eadem, minuitur distensio, & elongatio canalium. Unde putat, tunc corpus ad incrementum suum pervenisse, quando omnia corporis vasa libera, pervia, & aperta facillimum transitum liquidis impulsis concedunt. Unde conclusit, incrementum non cessare, quia partes cedere amplius nequeunt, sed quia virium distendentium efficacia deficit, vel plurimum minuitur.

Confirmabat suam sententiam ideo, quia si per obstructionem viscerum in adulto corpore nascatur liberae humorum circumductioni obstaculum, tunc mole denuo augeantur, & immaniter quandoque, uti in Hepate, Liene, Renibus &c., Observationes Medicae numerosissimae docent. Sic in scato-matosis tumoribus, quo magis accumulatur in folliculo secreta a sanguine mate-

(A) System. of the Womb pag. 6. & seq.

(i) Ibidem pag. 9.

(k) Med. Rai. & System. Tom. 2. pag. 464.

materies, mole sua comprimens vasa vicina, pari ratione & increfcunt hæc vafa, dum ob impeditam liberam circulationem a fanguine impulfo plus diftenduntur (1).

Ex his concludit, menftrum fluorem effe caufam, quare uterus incrementi fui apicem attingat, & crefcere definat. Dum enim aperta vaforum ofcula in uteri cavum mediate, vel immediate per finus in fubftantia uteri prius repletos, fanguinem in ejus cavum effundunt, tunc liberiffimus humorum motus eft per vafa uterina, adeoque vis diftendens, & elongans vafa ceffat. Ubi autem in utero imprægnato chorion, & placenta, uteri cavo accreta, liberum fanguinis exitum impediunt, de novo increfcit uterus, & infigne molis augmentum acquirit.

Gradatim autem factum uteri incrementum ftatuit effe caufam eruptionis menftruorum. Semper enim liquidum in cavum uteri pervenit, ut humectetur, & a concretionem impediatur latera. Verum hæc vafa exhalantia tenuiffima funt, & tandem, crefcente utero, magis magisque dilatata, fanguinem ipfum transmittunt, tuncque fluor menftruus incipit, & poteft apparere abique plethora totius corporis. Dum autem fanguis libere fluit per hæc orificia dilatata, minuitur refiftentia fanguini per vafa uterina propulfo, hinc caufa dilatans vafa ceffat, & propria contractione anguftantur, donec tandem non amplius fanguinem, fed tenuiores tantum humores transmittere poffint; adeoque tunc menftruus fluor ceffare debet fponte (m). Inde etiam explicat, quare in robuftis foeminis citius definant menftrua; quia nempe firmior vaforum compages in his, dum minuitur caufa urgens, facit, ut citius, & validius contrahantur vafa; dum e contra molles, & delicatulae foeminae faepe diuturnum, & copiofum fluorem menftrum patiuntur. Cum vero per ipfam evacuationem hanc debeant vafa contracta obicem ponere huic cruori, fponte ceffat ille fluxus; fed & tunc denuo adest caufa, refiftentia nempe major vaforum, quae certo tempore, fenfim dilatando canales, renovare debet fluorem menftrum, qui ergo periodice redibit. Fatetur tamen candide egregius auctor, quod inde non pateat evidens ratio, quare in plerisque foeminis periodi fluoris menftrui menfis lunaris intervallo plerumque a fe invicem difsent (n). Secundum hanc fententiam fluor menftruus non penderet a plethora totius corporis, fed a plethora potius uteri, dum numerofiffima vafa antea tantum tenuioribus fanguine humoribus pervia, fenfim dilatata, recipiunt fanguinem rubrum; quae dilatatio, ubi ufque ad extrema vaforum ofcula pervenerit, quae in finus uterinae fubftantiae primo, vel & directe in cavum uteri hiant, tunc fluor menftruus prodeat. Ergo patet, ante fluorem menftrum uteri vafa majori copia diftendi, & minus fanguinis redire per venas reducentes; adeoque particularis plethora in utero adefle poteft, licet in reliquis totius corporis vafis non abundet fanguinis copia.

Fa-

(1) Simon System. of the Womb. pag. 27. &c.

(m) Ibidem pag. 54.

(n) Ibidem pag. 60.

Fatendum videtur, plurima fluoris menstrui phaenomena feliciter ex hac sententia explicari posse, quam ubi plethora universalis statuitur menstruationis causa unica. Hinc illam plethoram particularem uteri plurimam, & summam in arte viris placuisse, mirum non est. Sic *Celeberrimus Astruc* (o), qui recentissime de hac re scripsit, eandem sententiam amplectitur, licet alio modo explicet (p), & credat, sanguinem menstruum ex utero venis prodire per quosdam appendices venosas, quas *ovales* vocat, quae in extremis suis corrugatae sanguini viam occludunt, tempore vero menstrui fluoris ab urgente sanguine accumulato in uterinis vasis aperiuntur, & sanguinem dimittunt. Quamvis valde ingeniosa & haec explicatio videatur, liceat mihi, pace tanti Viri (ex cujus eruditissimis scriptis me plurima didicisse, gratus recordeo) suspendere iudicium, cum aliqua saltem supponat in uteri fabrica, quae nondum videntur Anatomice satis demonstrata.

Lubens agnosco, artem nostram plurimum debere Mathematicae, & Physicae generalis disciplinae, per quam communia omnibus corporibus attributa explicantur; & dum data certa sunt, quibus superstruitur tale rationum, nullum adest erroris periculum. Hydraulicae leges corpori humano applicari possunt: constat enim canalibus, & liquidis per illos motus, habet sinus, receptacula &c. Sed non credo, omnia ex hydraulicis explicari posse. Canales nostri vivi sunt, dilatantur quidem vi cordis impellentis liquida, & nituntur redire ad pristinam diametrum elasticitate sua, sed praeter haec & aliae causae in nostra vasa agunt, quae per hydraulicas leges nec intelligi, nec explicari possunt. Conati fuerunt celebres viri proportionem truncorum ad ramos, ramorum ad se invicem, angulorum, secundum quos rami vasorum ex truncis exeunt, diversitatem determinare &c. Sed nec haec sufficiunt ad intelligenda illa, quae in nostro corpore fiunt. A sola cogitatione mutata canales nostri in momento temporis mutantur, sic ut subito dilatentur, subito contrahantur. Pacato homini, & sano subitus terror nascitur, mox pallor totus, & vasa sanguinea faciei nullum admittunt sanguinem, quem antea transmittabant liberrime. Coram pudica virgine lascivum quis dicat verbum, mox non tantum genae, sed tota facies, collum, cervix intense rubent. Dum stimulus irritans quicumque applicatur parti vel externae corporis, in illo loco statim arteriae & fortius pulsant, & celerius; de qua re §. 382. in historia inflammationis, & alibi, pluribus locis, dixi. Sed & in ipso menstruo fluore quoties non contingit, ut a subito metu, inopinave calamitate statim compressus fuerit, & vel omnino non, vel difficillime, postea in ordinem sedigi potuerit? Haec, & similia multa, quae hic memorare nimis longum foret, fecerunt, ut crederem, ex cognita partium fabrica per generales omnium corporum proprietates non facile explicari posse illa, quas

(o) *Traité des malad. des femmes* Tom. I. pag. 39. 48.

(p) *Ibidem* pag. 1. & seq.

in humano corpore contingunt ; solis observationibus cognoscenda nempe , dum fiunt , licet ignoremus quomodo fiant .

Quaecunque enim quis amplectatur sententiam de causa fluoris menstrui , five plethoram universalem , five uteri solius , vel certam hujus fabricam quandam , semper manebit difficultas , cur uteri vasa incipiant magis impleri , & distendi certo vitae tempore , tuncque aperta sanguinem effundant , non antea ; & cur certa satis periodo redeant . Sane uterus in virginibus , licet menstrua jam passis , densius , & solidus tactu percipitur , nec videtur adeo facile distendenda vasa habere . Verum , uti alia occasione monui ad §. 1265. , in corpore humano observantur plura talia , quae per annos manent absque notabili mutatione , & dein subito incipiunt crescere , & mutari . Dentes , qui septimo , vel octavo (imo & ferius) aetatis anno prodibunt , jam haerent in maxillis abortum , crescunt lente cum reliquis partibus corporis ; sed subitum incrementum sequitur , dum emergere sunt fuso tempore : bubilli pilorum sub cute haerent in pube diu , nec crescunt tamen , circa pubertatis tempus in utroque sexu emergunt , & incrementum subito .

Insignes autem mutationes in corpore fieri circa illud tempus , dum generationi aptum redditur , certum est , ita ut Medici quandoque difficillimorum morborum curam sperent pubertatis tempore , quam nullis remediis obtinere potuerant ; uti in *Historia Epilepsiae* , & aliis in locis monium fuit : noverunt tunc Medici mutari plura , sed nemo haec usque evidenter explicuit , quomodo haec mutatio fieret .

Ex comparata Anatome autem constat , in animalibus , dum generationis tempus adeit , & oestro Venereo turgent , genitalia organa miris mutari modis . *Reaumur* (*q*) descripsit , ex observatis *Sarrazini* , *glirent* , quem ab odore moschi , quem spirat , *moschatum* vocant : illo tempore anni , dum generationi operam dat hoc animal , partium genitalium fabricam exacte descripsit , prout nempe mensibus Aprili , & Majo observantur : mirum autem erat , pari passu , quo deservesceret oestrum , minui testiculos , epididymidem , vesiculas seminales , &c. , & tandem autumnio adulto , & hyemali tempore sere evanescere , figuram , colorem , situm mutare penitus . Sed & observatum fuit , uterum in animalibus , quae certo tantum tempore anni generationi dant operam , miro mutari modo , humidum dimittere per pudenda , saepe satis copiosum , & quandoque subcruentum ; tuncque haec animalia uno , alterove coitu implentur : & in his ergo vasa dilatata dimittunt humores , quos antea retinebant . An hoc a priori explicari poterit ? In oviparis animalibus vitellarium numerosissimos continet vitellos , qui , antequam gallina ova deponere incipit , aciculae caput vix aequant , postea subito crescunt , non omnes simul , sed successive , ita ut in gallina , ova pariente , diversissimae magnitudinis vitelli inveniantur : & tamen hi vitelli ab iisdem vasis humores accipiunt suos . In piscibus la-

etes

(*q*) Académ. des Scienc. 1725. Mém. pag. 486. &c.

Oes, & ovarum numerosissimorum congeries magnam abdominis partem implent certo anni tempore; alio integre quasi disparere, etiam in culinis notum est. Unde videtur generationis opus, & omnia, quae ad illud pertinent, hactenus nondum explicari liquido posse: per fideles magnorum virorum observationes multa novimus, quae facta sunt, sed nondum sufficere videntur haec cognita, ut intelligi possit, quomodo haec fiant.

Variae, ut apparuit, & ingeniosae rationes fluxus menstrui propositae fuerunt a viris Celeberrimis, & structurae corporis humani peritis, per quas quaedam phaenomena satis bene fuerunt explicata, sed non omnia. Utamur cognitis: cavendum tantum, ne regulae practicae superstruantur incertis.

In foemina humana fluorem menstruum foecunditatis signum esse, satis unanimis Medicorum sententia est: observatur prodire naturaliter illo vitae tempore, dum corpus aptum est concipiendo, servando, & nutriendo foetui; cessat idem, dum per aetatem corpus huic muneri ineptum redditur; unde tunc effloetae vocantur mulieres. Cum autem non certo anni tempore, ut in brutis, sed semper in utroque sexu generandi potestas adsit, hinc foeminae humanae uterus singulis mensibus fluore hoc irrigatur, cum in brutis uterus, & pudenda tantum diffuant humoribus illo anni tempore, quo oestro venereo stimulantur. Fluor ille in brutis sanguinolentus purus nunquam observatur, tantum aliquando quid subcruenti exire visum fuit, at non constanti lege. Sed in foemina humana, dum gravida est, uterus extenditur, nec tamen hac extensione tenuior redditur: hinc majorem sanguinis copiam continere debet in vasis suis, ita ut ultimo graviditatis tempore instar spongiae sanguine plenae appareat; adeoque debebat in foemina foecunda talis copia sanguinis praesto esse, quae uteri gravidam ampliora vasa replere posset, & ne in non gravidis aucta haec copia gravaret corpus, requirebantur viae, per quas sanguis ille exire posset commode.

Praeterea foetus, membranis suis inclusus, necitur toti superficiei cavi uteri quidem, sed imprimis placentae ope firmiter adhaeret uteri fundo, cui haec placenta solet adcrelescere. Per menstruum autem fluorem, qui imprimis ex fundo uteri prodire solet, ut dictum fuit, sic disponuntur sinus, & vasa uteri, ut placenta facilius his quasi irradicari possit. Unde & Galenus (1) statuit: *Id vero (conceptus) potissimum fit, quum menstrua novissime cessant, quo maximo tempore uteri semen concipiunt.* Rationem autem dat alibi (2): *Vasorum uteri, quae interiorem ipsius partem adeunt, quibus etiam menses purgantur, oscula, quum foemina conceptura est, aperiantur: hoc autem tempus est, vel incipientibus, vel cessantibus menstruis. Aperiantur etiam alio toto purificationis tempore vasa haec, non tamen tunc intra se concipia mulier; non enim semen in utero manere potest, quod ab*

(1) De femine Lib. I. cap. 9. in fine. Charter, Tom. III. pag. 186.

(2) De uteri dissectione Cap. X. Charter, Tom. IV. pag. 221.

influentis sanguinis copia abluatur. At cessantibus, vel incipientibus menstruis, vasorum ora aperta sunt, & menstruum neque multum, neque assatum, sed paucum, & paulatim effluit. Ita & apud Meschionem (1) legitur de fluore menstruo, quod paret utilem, & aptum locum, a quo semen imbibi possit.

Cum autem in brutis, dum oestro venereo stimulantur, ex pudendis depuant humores, quod alio tempore non fit, uti antea dictum fuit, hinc Veneris stimulum pro praecipua fluoris menstrui causa statuerunt alii (u). Volebant enim simile quid contingere, ac in pene virili, dum turget, ab extravasato sanguine in cellulis corporum cavernosorum, ita tamen, ut in uteri substantiam sic effusus sanguis stagnaret diutius, nec resorberi posset tam facile per venas, uti fit in pene virili, dum flaccescit; & tandem mole accumulata irritarentur fibrae musculares uterinae, quae tunc contractae expellerent sanguinem collectum per sinuum orificia in cavum uteri. Credebatur huic opinioni favere facilis illa distensibilitas vasorum, & finuum uteri, quae in gravidis observatur, & quod Graecus (v) testetur, in uteri vasis saepe reperiri Polypus, & quidem tantos, ut ipsa adimpleant, nec non quandoque in callosam quasi substantiam degenerent. Uterum propria vi se contrahere posse, docet & puerperium (de quo postea), & quod post partum uterus duarum, vel trium septimanarum spatio ad pristinam molem redeat, cum ultimo graviditatis tempore adeo distentus fuerit. Dixit Hippocrates (x); Mulieribus plerisque, quum menses apparituri sunt, uteri os sese magis, quam alias, contrahit. Hoc autem videretur docere, circa menstruorum tempus majorem adesse in utero contractionem, per quam nempe expelleretur illud, quod accumulatum erat. Accedit, quod saepius observatum fuerit a Medicis, virgines, quae difficulter menstruabantur, post matrimonium levamen habuisse.

Non tamen ex his patere videtur, quod menstrui fluoris causa a Venereo pendeat appetitu. Matura virgo Veneris stimulos sentit, non tantum dum menstrua instant, sed & postquam fluxerunt; dum cessant, lascivientes toties videmus jam effoetas mulieres, quae menstruis carent sanae. Novi plures, rite menstruantes, quae in venerem segnes maritorum evitabant complexus morosae. Uti penis virilis, tumidus, & rigens, post coitum flaccescit, sic & clitoris, nymphae, vagina, simili modo turgidae, pariter finito veneris certamine collabuntur. Constat ex Rayssii, & aliorum observatis, tubas Fallopianas in actu Venereo turgidas erigi, & postea demum flaccescere. Unde nulla ratio videtur, quare uterus, si a fervida Venere turgeret totus, non collaberetur denuo, effuso sanguine resorpto per venas, uti in reliquis generationis organis utriusque sexus observatur fieri.

Cum

(1) Israel Spach, gynaec. pag. 2.

(u) Emmet. theor. nouvelle du flux. menstruel pag. 77. &c.

(v) De Mulier. Organ. pag. 113.

(x) De superiuatione cap. 7. Charter. Tom. VII. pag. 864.

Cum autem sequenti paragrapho dicetur de illis malis, quae sequuntur diminutionem, vel & integram suppressionem fluxus menstrui, operae pretium erit considerare, an determinari possit quantitas sanguinis, quae per menstruum hanc evacuationem exire solet de corpore sanae mulieris. Monuerat enim Hippocrates (y) sequentia: *Menstruis copiosioribus profusius morbi laboriunt: at non prodeuntibus, accidunt ab utero morbi*. Optime Galenus, dum commentatur hunc Aphorismum, notat, quod a copiosioribus menstruis totius corporis morbos praefagiverit Hippocrates, dum a nimia iactura sanguinis cachecticum corpus redditur: ubi autem non prodeunt menstrua, tunc in ipso utero morbi nascuntur vel a vasis nimis rigidis, vel a sanguine in substantia uteri accumulato, vel ab utrisque his simul concurrentibus: atque inde affectum inflammatorium, erysipelatofum, scirrhosum, carcinomatofum metuendum esse, docet (z); quae mala toties observantur illo vitae tempore, quando menstrua per aetatem cessare solent; imprimis in illis mulieribus, quibus copiosi fluebant menses, & deia subito supprimuntur.

Nihil ergo hic certi statui poterit, nisi habeatur cognita illa quantitas sanguinis, quae menstrua hac periodo exire solet in sanis.

Interim ex illis, quae ante dicta fuerunt, jam patuit, magnam diversitatem hic obtinere pro diversis regionibus, pro diversa corporis temperie, pro vario vitae genere. Lapponibus mulieribus parca, in calidis regionibus copiosiora prodeunt menstrua: in laxa temperie copia major, in stricto, & robusto corpore minor. Quae lautis epulis, & inerti otio fruuntur, diffusiunt copioso sanguine menstruo, dum rustica mulier quotidianis firma laboribus pauculum tantum stillat sanguinis, sana tamen: dum, apud Barabos, mulieres tepidis aquosis potibus per totam fere vitam abutuntur, & hybernis mensibus, hypocaustulis suppositis, inferiores corporis partes perpetuo calore fovent, nimio menstruorum fluxu exhaustae languent, & totae redduntur cachecticae. Non mirum ergo est, tantam diversitatem occurrere apud auctores circa quantitatem fluxus menstrui debitam. Praeterea difficulter in singulis mulieribus quantitas exeuntis sanguinis determinari poterit, dum lintamina, & vestes sanguine menstruo madescunt, & calore corporis denuo exsiccantur.

Hippocrates (a) quantitatem sic definiit: *At omni mulieri, si sana sit, prodeuntes menses moderati sunt, qui ad duarum Atticarum beminarum mensuram, aut paullo plus, vel minus, idque ad bidduum, vel triduum manant. Longius autem tempus, aut brevius, morbosum, aut sterile est. Atticam autem mensuram aequivalere Heminæ Romanae plerique auctores statuerunt; vocabantur autem cotylae etiam librae, quae duodecim uncias: mensurales continebant, quae aequabantur decem uncias ponderalibus, totidem scilicet,*

(y) Aphorism. 97. Sect. V. Charter. Tom. IX. pag. 229.

(z) Ibidem pag. 240.

(a) De Mulier. Morb. Lib. I. cap. 9. Charter. Tom. VII. pag. 734.

cer, quot Hemina Romana pendebat (b). Disputaverunt quidem auctores de his mensuris, attamen haec opinio admodum verosimilis videtur, & licet aliqua diversitas fuerit inter Cotylam Atticam, & Heminam Romanam, non videtur hoc magni momenti esse posse in determinanda fluoris mensuram quantitate, quae abique hoc exquisitè definiti nequit. Videmus tamen, plerisque Medicis statuisse, viginti, vel viginti quatuor uncias singulis mensibus sic evacuari, prout nempe uncias mensurales, vel ponderales computabant. Sic *Celeberrimus Freind* (c) vulgarem catameniorum mensuram statuebat unciarum viginti, & dein computabat, quantum singulis diebus de sanguine accrescere deberet, ut menstrua illa plethora fieret.

Haec autem fluoris mensuram non fuit probata omnibus auctoribus Medicis; imo plures multum recesserunt inde: *Celeb. Astruc* (d), postquam monuerat, magnam varietatem occurrere in diversis mulieribus, imo & in eadem foemina quantitatē variare diversis periodis, communiter tamen statuit limites hujus varietatis ab octo uncias ad sedecim poni posse, quamvis & dentur foeminae, quibus, licet sanis, minor, & major copia singulis mensibus evacuetur. Sex, vel octo uncias pro communi mensura fluoris mensuram statuit, *Hallerus* (e): quatuor uncias raro excedere, vult *Brudenell Exton* (f). Alia arte usus fuit *Celeberrimus de Haen* (g), ut exactius scire posset copiam fluoris mensuram: sanguini recens misso, & adhuc calenti, cujus copiam noverrat praecise, immisit linteamina, deinde magnitudinem oriundarum inde macularum examinavit, notavit. Saepius haec tentando, didicit sanguinis linteaminibus excepti quantitatem, quovis deposito pretio, exacte calculare; sicque juste determinare potuit, quantum sanguinis ex menstruantē utero exiret.

Invenit autem, nonnullas foeminas menstruo tempore tres uncias sanguinis dimittere, alias quatuor, quinque, pauciores esse, quae semilibram, raras admodum, quae uncias decem evacuant, nisi uterū quopiam defectu laborarent.

Per haec ergo experimenta apparet, quod copia menstruum longe minor sit illa, quam *Hippocrates* statuerat; imo & ex ipso *Hippocrate* videtur hoc probari posse: dixit enim (b), *Præcursus autem lochia sanæ mulieri satis abunde, primum Atticae heminae, & dimidia mensura, aut paullo copiosiora; deinde ad hujus rationem pauciora, donec desinant*. Nemo autem, qui vidit lochia, quae in puerperio, separata placenta, exeunt, dubitare poterit, menstruum suorem ad hanc quantitatem nullo modo accedere. Verum, quidem est, quod Graecae mulieres vivebant reclusae, in calida regione, & hinc forte copiosius menstruantur. Cum autem scire tantum ex conspectu linteaminum sanguine maculatorum de hac copia judicent Medici, & saepe muliercularum relationi confidant unice, facile potuit hic error subrepre, cum & mulierum custodes saepius turpiter in tali casu hallucinentur.

Tom. IV. pars II.

b.

mentur.

(b) Jo. Casp. Eisen Schmid de ponder. & mensuris &c. pag. 74. & seq.

(c) Eimenolog pag. 38. & pag. 6. (d) Traité des malad. de femmes Tom. I.

pag. 22. (e) Prima. lin. Phytolog. §. 817. pag. 539. (f) pag. 108.

(g) Rat. Medend. part. IV. Cap. VI. pag. 204. (h) De mulier. impbris Lib. I. cap. 71. Charter. Tom. VII. pag. 771.

nentur. Vidit idem ille egregius autor (i), *casus fuisse abortuum, in quibus jurabant obstetrices, plus octo, vel decem libris evacuatum fuisse, cum tamen totum fordidarum mapparum acervum examinans, vix se quilibet rursus evacuatum esse, existimare debuerit.*

Videtur ergo ex his omnibus, quae modo dicta sunt; concludi posse, per fluxum menstruum disponi sic uterum foeminae humanae, ut concipere possit, conceptum retinere, retentum alere. Dum enim vasa & sinus uterinae substantiae sic aperiuntur singulis mensibus, ut crassissimam sanguinis partem, rubram nempe, admittere & transmittere possint, aptiora redduntur, ut ovi humani tota superficies, cavo uteri applicata, emissis propagininibus vasculosis, huic uniri, & quasi irradicari possit. Periodum autem illam menstruum non posse facile explicari per plethoram universalem totius corporis, neque etiam per plethoram uteri solius. Donec ergo certiora noverimus de his, quae forte serior aetas docebit, contenti sumus, uti certo cognitis; *obscuris omnibus, non a cogitatione artificis, sed ab ipsa arte rejectis (k).* Per triginta, & ultra annos foemina humana generationi apta manet, & incipientis foecunditatis signum dant menstrua, finitae vero illorum cessatio. Cum autem in humano genere nullum certum anni tempus generationi destinatum sit, hinc fluore menstruo omni mense disponitur uterus, ut facilius concipere possit. In brutis, licet nil sanguinolenti prodire soleat, tamen circa consuetum generationis tempus de utero humores fluere incipiunt, ita ut putreda madescant. Legitur & simiarum quandam speciem, humanae formae familiorem, inveniri, in qua foemellae menstruantur (l); cujus rei oculatum testem se asserit Kolbe (m); simulque notat, haec animalia binas mammas in pectoris anteriore parte gerere.

Ex ante dictis patuit, non ad plethoram tollendam, vel minuendam, institutum proprie esse menstruum fluxum, cum & in non plethoricis observetur, illum debito tempore contingere. Ubi autem extrema vasorum uterinorum, dilatata jam & aperta, sanguinem dimittunt, si aucta ejus copia in toto corpore plethoram fecerit, per vias has apertas jam major sanguinis quantitas exibat, sicque plethora solvetur. Unde etiam ratio intelligitur, cur in otiosis, & opipare viventibus major copia menstruum prodeat, quam in illis mulieribus, quae duro labore parcum victum sibi, & suis quaerere coguntur. Simul etiam inde constat, parcum admodum fluorem sufficere, ut foecunda sit mulier, modo caeterum sana sit: si enim apta maneat uteri superficies interna, ut ovum humanum, tenellum embryonem continens, illi necesse & adcrecere possit, foecunda poterit esse mulier. Huic aptitudini conducere videtur fluor menstruus, licet etiam parcius fuerit; & in raris casibus observatum, quasdam mulieres, licet nunquam menstruatae fuerint, foecundas fuisse; quarum exempla leguntur apud Schenkium (*);

(i) De Haen Rat. Medend. part. IV. Cap. VI. pag. 205.

(k) Cels. de Med.

Lib. I. in Praefat. pag. 20.

(l) Gassend. in vita Petreific. Lib. V. pag. 169.

(m) Beschryving van de Caep de goede Hoop pag. 166.

(n), & alios: interim ex ante dictis constat, mulieres, nunquam menstrua passas, fere semper fuisse steriles: in raris illis casibus credibile videtur, uteri vasa sic disposita fuisse, ut pervia quidem fuerint, & nexui cum ovo humano apta, sed tamen non adeo patula, ut sanguinem transmittere potuerint. Saepe enim observatur, mulieribus, quae menstruis carent, stata periodo non sanguinem, sed tenuioris humoris aliquam copiam effluxisse. Forte & talis uteri conditio adest in foeminis lactantibus; quas aliquoties concepisse novi, licet menstrua non rediissent post puerperium. Novimus per observata quotidiana, inter uterum & mammas notabile commercium esse; sic maturae virgini tumere incipiunt mammae, dum in utero ad prima menstrua dispositio nascitur: in puerperio, dum tertia die lochia minuuntur, imo quandoque integre cessant, mammae subito tumere incipiunt, & si lactet mulier, lochia redeunt, dum lac libere per papillas exit: si autem alienis uberibus nutriendum tradat infantem, detumescentibus mammis, alba exeunt per uterum, & deinde sanguinolenta denuo, ita ut, cacteris paribus, in non lactantibus locia & diutius & copiosius fluant. In nutricibus aliquoties observatur, menstruorum loco aliquid serosi, albicantis, de utero fluere; quandoque & paullo post sanguis sequitur, magis dilatatis vasis; in aliis vero non. Videntur autem hoc tempore ad conceptum dispositae esse, si viro jungantur. Uti enim paullo ante dictum fuit ex *Galeno*; conceptus potissimum fit, quum menstrua novissime cesserunt; tunc enim aperta adhuc sunt illa vasa in uteri superficie interna, ita ut, non sanguinem, sed tenuiores humores, dimittant: idem contingere dicit incipientibus menstruis. Unde videtur in lactantibus, quae absque menstruorum reditu concipiunt, uterus sic dispositus esse in vasis suis, uti se habet, dum menstrua brevi prodibunt, vel dum cessare incipiunt; nempe, quod non penitus contracta vasa sint, sed sic tamen angustata, ut non sanguinem, sed tenuiores humores transmittere possint. An similis dispositio adfuit in raris illis casibus, quando mulieres, nunquam menstruatae, conceperunt?

Menstrui fluoris prodituri signa satis bene descriptis *Moschis* (o): Mammae tument; pondus circa pubem cum quadam prurigne sentiunt; pigrae fiunt; gravedinem in renibus percipiunt, aliquando & dolorem; frequentius oscitant, & totum corpus extendunt; ruborem in genis habent, non perseverantem; aliquando & fastidium patiuntur, & nauseam. Haec sunt symptomata maxime communia, quae praecedere solent, vel comitari, fluorem menstruum incipientem: pluribus tensi rigent in cervice tendines musculorum, saepe non sine molestia; aliis caput dolet.

Durat ille fluor menstruus plus minusve in diversis mulieribus, ita tamen, ut pluribus trium, vel quatuor dierum tempore absolvatur (p). Landatur etiam, si sensim stillet, & absque interruptione fluere pergat, donec cesset penitus. Quandoque tamen contingit, ut per biddum vel triduum menstrua fluant, dein cessent per unum alterumve diem, & tunc redeant denuo; quod

b 2

in

(n) Lib. IV. de conceptione observat. I. pag. 556.

(o) Spach. gynaecc. pag. 2. N. 21. & pag. 30. Harmon. gynaecc.

(p) Ibid. N. 18.

in sanis, foecundisque feminis observavi aliquoties; & etiam notatum fuit a Cels. *Astruc.* (q). Hoc tamen molestiae percipiunt tales mulieres, ut denuo redeant illa symptomata, quae praecedere solent menstruorum eruptionem, praecipue capitis dolor, & molesta tensio circa nucham, donec de novo sanguis de utero prodeat.

Qualis autem sit ille sanguis, qui per menstruum fluorem exit, *Hippocras* (r) auctoritate stabilitur, dum dicit: *Prodis autem sanguis, qualis e vi-
sima, citoque concrevis, si mulier sana est.* Notum autem est, quod sanis-
sima animalia pro sacrificiis eligerentur, & sanguinis sani, imprimis arte-
riosis, proprietates haec sit, ut statim concreseat.

Hanc sententiam confirmarunt & reliqui autores plurimi, qui optime scripse-
runt de mulierum sanitate, & morbis (s). Ubi vero humores per morbum
degeneraverunt, tunc mirum non est, & sanguinem morbosum per menst-
rua evacuari; uti etiam, si ulcerosi quid in utero, vel in vagina fuerit. Pari-
ter, si constricto uteri orificio, sanguis menstruus in cavo collectus reti-
neatur, vel & vaginae rugis adhaerit semiconcretus, calore loci, & aeris
accessu, poterit putrescere satis cito, & tunc postea loco boni sanguinis
liquamen putridum defluet. Similia & poterunt fieri, si munditiae minus
studiosae mulieres nec indusia, nec lintea mutant, imprimis in calidiori-
bus regionibus. Verum sponte patet, sanum, & purum sanguinem exivisse
de vasis uterinis; sed postea corruptum esse.

Hinc simul facile apparet, quid sentiendum sit de omnibus illis noxis,
quae sanguini menst-
ruo, & menstruant foeminae adscribuntur, uti & de
philitis, aliisque superstitiosis remediis inde paratis. Scripserat *Columella*
(t), ultimum remedium esse, aliis incassum tentatis, ad necandas erucas,
hortis adeo noxias, si menstruas foemina, nudis pedibus, aperto sinu, &
resolutis capillis, ter circumiret areolas, & sepe hortorum. Tunc enim;

— — — — — *mirabile visu!*
Non aliter quam decussa pluit arbore nimbis
Aut teretis mali, vel testae cortice glandis.
Volebitur ad terram distorto corpore Campe.

Plurima alia similia apud autores hinc inde sparsim inveniuntur, & collecta
legi possunt apud *Ludovicum Bonacium* (v), si operae pretium videatur.
Melius superstitiosae hae nugae, quibus tamen mulierculae fidem habere so-
lent, oblivioni tradentur perpetuae.

(q) Traité des malad. des femm. Tom. I. pag. 23.

(r) De mulier. morb. Lib. I. cap. 9. *Charter.* Tom. VII. pag. 735.

(s) Mauriceau des malad. des femm. grosses Tom. I. pag. 54. De Graef de mulieb. organ. 134. &c. *Astruc* traité des malad. des femm. Tom. I. pag. 27. (t) Rei hist. autor. Tom. I. pag. 732. Lib. X. vers. 357. & seq. (v) Ennead. mulieb. Caps. III. Spach. gynaece. pag. 115.

§. 1285. **S**I, posito corpore in conditione (1284.), hic sanguis retinetur, oritur plethora; tarditas; gravitas; pallor; dolor lumborum, inguinum; depravatae functiones omnes fere naturales, vitales, animales; quae facile deducuntur a vasis nimis pressis, liquido copiosiore, stagnante, suffocato.

Licet ad praecedentem paragraphum fuerit dictum, menstruum fluorem non produci a plethora universalis, ut causa, tamen cum naturali lege in sanis mulieribus certa quantitas sanguinis sic exeat de corpore singulis mensibus, sponte patet, a retentis menstribus debere augeri sanguinis copiam in vasis; eo citius, vel serius, prout majori, minorive copia menstrua fluere solebant. Verum etiam probatum fuit, quod, licet purgatio menstrua vocari soleat, sanguis purus exeat de vasis uterinis, non vero aliquid noxium. Ubi ergo sanguinis boni copia per menstruorum retentionem eo usque increvit, ut major jam sit, quam quae ferre possit illas mutationes, quae vitae inevitabiles accidunt, nisi inducantur morbi, tunc plethora adesse dicitur, uti pluribus ad §. 106. * dictum fuit.

Tarditas, gravitas. Haec enim sunt plethorae effectus, uti §. 106. monitum fuit. *Gravitatis sensum in toto corpore* inter signa suppressionis menstruorum recensuit Galenus (v); & Hippocrates (x) dixit; *mollis carnis praeditae mulieri, ubi sanguine corpus impletum fuerit, nisi ab ipso decesserit, carnibus impletis, & calefactis, dolor oboritur.* Sentiant enim in omnibus musculis corporis mollem, plenum, distendentem tumorem, una cum immobilitate quadam, sic ut manuum digitos vix claudere possint, uti antea in *Plethorae* diagnosi dictum fuit.

Pallor. Inter signa plethorae recensitus fuit color ruber in facie, oculis, labiis; imo & in valde plethoricis quandoque cutis totius corporis impense rubet; adeoque mirum videtur, quod pallor sequatur menstruorum suppressionem. Verum circa hanc rem notandum est, quod quandoque in pallidis virginibus supprimantur menses, in quibus non adest fere sanguis ruber; uti manifeste apparet, si ad deplenda vasa ipsis vena aperiatur: parva enim placenta rubra innatat copioso admodum sero. Prudentes autem Medici in suppressione mensium curanda admodum solliciti sunt, ut rite distinguant, an laborent morbo, quia menstrua supprimuntur, an vero ob morbum praecessum, vel praesentem careant fluore menstuo. In priori enim casu plethora sequitur, & rubent, in posteriori autem languent, totae pallidae, & cacoehymicae.

Magna hinc etiam requiritur in curatione diversitas: plethora enim sanguinis missionem indicat; cacoehymia saepe longa aliis remediis opus habet.

Sed & alia ratio est, cur pallor post menstruorum suppressionem sequatur,

Tom. IV. pars II

b 3

licet

(*) De locis affectis Lib. VI. cap. 5. Charter. Tom. VII. pag. 524.

(x) De mulier. morb. Lib. I. cap. 2. Ibid. pag. 729.

licet plethora adfuerit. Notum est, sanguinem sanum de vena educum, sibi relictum in vase puro, secedere in duas partes, in serum nempe fluidum, & partem rubram concretam. Si omne serum effundatur, post paucas horas nova feri copia adest, deliquescente sensim parte rubra, quae sic fere integre in serum flavescens, vel ex flavo viridescens, solvi poterit. Vasa autem, per plethoram nimis distenta, perdunt partem virium suarum, per quas agunt in fluida contenta; hinc minus compinguntur, & densantur humores, & poterit vel in ipsis vasis pars rubra sensim in serum deliquescere, unde color ruber corporis sensim minuitur, & in pallorem mutatur. Accedit, quod si plethora adsit, naturaliter per uteri vasa dilatata exitum quaerens, nec exiens tamen, vasa uteri, & sinus dilatantur magis, & magis; unde dolor in utero & partibus vicinis, uti statim dicitur. Verum tunc idem continget, quod in gravidis metuebat Hippocrates (y); uti alia occasione ad §. 69. notavi. Cum in utero gerat mulier, cito fit cum virore pallida (xαρμή), quod purus ipsius sanguis quotidie destillet, & ad foetum feratur, illique incrementum fiat, & pauciori in corpore sanguine existente, eam ex viridi pallidam esse, necesse est.

Dolor lumborum, inguinum. Dum sinus uteri numerosi, & per totam ejus substantiam dispersi, turgent accumulato sanguine, vasa inter hos decurrentia necessario comprimuntur; unde vasa sanguinea vicinarum partium magis implentur, & impleta distrahuntur; hinc primo ponderis, & dein molesti doloris sensus, qui tam saepe menstruum fluorem praecedere solet. Si jam non exeat de utero sanguis, omnia haec mala augentur (z). Pulcra habetur observatio, quae modo dicta confirmat. Violenta morte peribat mulier quinquagenaria, quae novendecim annis in conjugio vixerat sterilis. Menstrua prodibant, sed parca tantum copia, & illo tempore tumebat mellea, & magnos in abdomine dolores patiebatur: post aliquot annos a prima menstruorum eruptione, naribus emungebat sanguinem, vel & expuebat. In cadavere invenum fuit, quod membrana, interiori vaginæ superficiem tegens, occluserat orificium uteri, aequè firmiter ibi accreta, quam vaginæ. Haec membrana pertusa erat duobus parvis foraminolis, quorum diameter quartam partem lineae geometricae aequabat tantum. Collum vero uteri duplo longius erat solito, a distensione collecti sanguinis expansum, & tenuè (a). Talem autem distractionem absque dolore, & molestia insigni non potuisse fieri, facile patet. Unde Hippocrates (b) dixit: Quum menses latuerint, dolor destinet immo veniorem, illique pondus incumbere videtur, lumbi, & illa dolent. Similia habet alio in loco (c); sed ibi dicit, quod lumbi, & illa immaniter dolent; dein addit: si vero menses omnino non fluant, pro morbo crassius, lenius, & glutinosius redduntur; adeoque apti, ut in vasis, & sinibus uteri stagnent, & corruptantur; quae omnia mala pejora fiunt temporis mora. Unde, postquam duo, aut tres menses prodierunt, interdum ei per pudendum menstrua con-

(y) De Mulier. morb. Lib. I. cap. 32. Character. Tom. VII. pag. 748.

(z) Simson the System. of the VVomb. pag. 40.

(a) Acad. des Scienc. l'an 1704. hist. pag. 33.

(b) De Natur. mulieb. cap. 18. Character. Tom. VII. pag. 689.

(c) De Mulier. morb. Lib. I. cap. 6. Ibid. pag. 732.

conferriam erumpunt, & quae prodeunt, ut carunculae esse videntur, velut ex corruptione, & nigra sunt (d). Quod autem hoc factum fuerit ab accumulato sanguine vel in uteri cavo, vel in vasis, patet inde, quod talis mulier praegnant esse videatur, & in viri congressu doleat, ut putet quid incumhere; & ponat aliquod in ventre inest (e). Si vero diutius maneat suppressa menstrua, tunc suppuracionem metuendam esse, monet (f). Id vero maxime accidit, si a febre exusti fuerint. Signa vero sunt, si purulenta fuerint; dolores enim ad inum ventrem irruunt, & pulsationes vehementes; neque contactum sustinet. Quod si melius habitura sit, menses ei per pudenda erumpunt, pusque, & sanguis fertur. Deinde addit, uteri ulcus metuendum esse; quod si magnum fuerit, infocunda manebit mulier, licet sanetur. Sin autem ex utero non exiverit illud corruptum, & purulentum, tunc circa laseris mollitudinem pus colligitur (g).

Haec sunt praecipua mala, quae contingunt ipsi utero, dum menstrua suppressuntur. Verum cum arteriae hypogastricae non tantum utero, sed & vicinis partibus dent ramos, hinc, impedito libero transitu per vasa uterina, vasa vicinarum partium magis urgentur, & distenduntur; unde nova nascuntur symptomata. Haec omnia pulcre habentur apud Hippocratem (h) qui sic dicit de menstruorum suppressione: Quum autem agitatus, & secretus sanguis non exeat foras, sed in uteros, uterique non biarint, tum sane, diutius immorante sanguine, uteri incalentes calore reliquo corpori praebent. Quandoque etiam sanguinem in venas corporis transfundunt, ut & venae impletae doleant, & oedemata existant. Nonnumquam vero ex eo claudicationis periculum impendit. Quin etiam interdum Vesicam obsident, premuntque, & claudunt, stranguriamque adferunt. Quandoque vero uteri, sanguine pleni existentes, aut ad coxendicem, aut ad lumbos procidunt, doloreque exhibent. Aliquando vero, ubi sanguis quinque, aut sex menses in utero immoratus est, putrescent, pus fit, & quibusdam pus per pudendum exit. Nonnullis etiam in inguine velut tuberculum oritur, ibique pus factum foras prodit. Similia his recenset alio in loco (i) Galenus.

Verum a suppressis menstruis non tantum uterus, & vicinae utero partes male afficiuntur, quod facile deducitur a vasis nimis pressis, liquido copiosiori, stagnante, suffocato; sed & totum corpus inde turbatur, ita ut ab hac sola causa observentur.

Depravatas functiones omnes fere naturales, vitales animales. Alia occasione ad §. 1214. ex observatis Egregii Anatomi Tabarrani constitit, liberrimum esse commercium inter venas, & uteri cavum: inflatis enim venis, observavit, uteri, & vaginae cavum aëre repleti, & vicissim, per orificium vaginae insufflando, vidit, venas, utero, vaginae, atque ovarii dicatas, aëre turgentes attolli. Facillima ergo erit resorptio per venas

b 4

ut-

(d) De Mulier. morb. Lib. I. cap. 6. Ibid. pag. 732. (e) Ibidem. (f) Ibid. cap. 4. pag. 731. (g) Ibid. cap. 5. pag. 732. (h) De Natura pueri cap. 4. Charier, Tom. V. pag. 313. (i) Comment. tert. in librum Hippoc. de alimento, Charier, Tom. VI. pag. 230.

uterinas, si uterus sanus sit. Ideo videtur Hippocrates (k) testimonium fecunditatis a facili uteri resorptione fuisse, dum dicit: *mulier si utero non concipiat, siue autem velis, an conceptura sis, vestibus obvolutam subter sufficit: atqui si odor quidem ad naves, & os usque per corpus tibi pervadere videatur, ipsam nosse per se infocundam non esse.* Hinc facile patet, si purulenti, vel stagnatione corrupti humores hic stabulentur, ab horum resorptione cacochymiam pessimam induci posse, adeoque omnes functiones turbari: uti etiam per metastasin similium resorptorum ad varia corporis loca. Videtur & Hippocrates (l) hoc indicasse, dum agit de illis, quae contingunt, si menses mulieri quidem prodeant; verum pauciores, quam conveniat, ferantur. Monet enim sequentia: *Dolet alias, atque alias corpus, maximeque lumbos, & spinam, & inguina, manuumque, & pedum articulos. Neque haec simul dolent, sed vicissim, quocumque secretus sanguis, qui uteris inesse nequit, impetum fecerit, & quacumque parte decubuerit, tumor existit.*

Verum & alia ratio est, quae ab utero male affecto naturales, vitales, animales functiones turbari possint in corpore. Alia occasione, dum ad §. 701. de *Delirio Febrili* agebatur, probatum fuit, quod ab aliis partibus corporis affectis sic possit affici sensorium commune, ac si causa physica in ipso cerebro praecessisset, cum tamen longe aliis in locis haereat origo mali. Hoc erat illud, quod Helmontius vocabat *actionem regiminis, qua una pars corporis pares alteri.* Patuit tunc simul, jam apud Hippocratem manifesta hujus actionis vestigia occurrere; & plurimis observatis tunc demonstratum fuit, quod revera partes quaedam corporis male affectae agant efficaciter in alias partes, licet distitas; non, uti videtur, communicatione, sive propagatione materiae mrisbosae per vapores emissos ex parte prius affecta, uti in scholis explicari solebat, sed miro imperio quarundam partium corporis in alias. Simul tunc monitum fuit, sufficere Medicis, ut sciant, talia contingere in corpore humano, licet fateri debeant, se non intelligere modum, quo haec fiant. Magnum certe in arte usum habebit discere per fideles observationes, quatenam partes corporis in alias agant tali modo, vel patiantur. Quod & Hippocrates agnovit (m), uti ante dictum fuit. *Corpus autem ipsum sibi: si idem est, & ex eisdem constat. Est non eodem modo se habent ejus partes magnae, & parvae, itemque superiores, & inferiores. Si quis tamen interceptam corporis partem minimam male afficere velit, eam affectionem, qualiscumque tandem fuerit, totum corpus sentiet; propterea quod minima corporis pars eadem habet omnia, quaecumque & maxima. Eoque minima pars, quidquid tandem pertulerit, ad cognationem, & gentilitatem refert (πρὸς τὴν τοιοῦτον), unaquaque ad suam, sive bonum, sive malum id fuerit, ac propterea corpus ob minimae partis cognationem totum dolet, tum oblectatur, quod in minima parte omnes insunt, & quae ad ea, quae sui sunt generis, singula transferunt, & omnia denunciant.*

Si jam consideretur, totum corpus adeo mutari circa pubertatis tempus, dum

(K) Aphor. 59. Sect. V. Charter. Tom. IX. pag. 231.

(l) De Muller. morb. Lib. I. cap. 7. Charter. Tom. VII. pag. 733.

(m) De locis in homine cap. 1. Charter. Tom. VII. pag. 358.

dum uterus mutari incipit; multos morbos minui, imo & integre cessare, dum prima prodeunt menstrua; totum cerebrum turbari miris modis in *furere uterino*, dum optime morata virgo, omni abjecto pudore, in venerem furibunda ruit, donec lassata viris, nondum fatiata, recedat; his certe & plura alia addi possunt, ut demonstretur illud imperium, quo uterus male affectus omnes corporis functiones mutare, & turbare possit. Unde *Helmomius* (n), dum observaverat, Asthma, & tussim produci ab utero, *affione regiminis*, modoque pene insensibili, ad nutum irae, tristitiae, pavoris &c.; dein addit sequentia; *Nec enim uterus vaporibus tenus, sed vero regiminis imperio totam regit mulierem. Cum sit peregrini hospitis instar, a corpore non nisi alimentaliter dependens, prout viscus ab arbore, cui innascitur. Cacterum uterus quadra vivit propria, nullumque sibi, praeter animi patibemata, hostem novit. Quapropter non servit animae, sed in importunum perturbationibus animum, non scius atque in corpus, furiendo sacvit &c.*

Omnia autem haec, utero male affecto, ob fluorem menstruum suppressum contingere posse, docent *Hippocratis* observata. Dixit enim (o); *Menses non supprimi, utile: ex talibus comitiales morbi sunt, ut arbitror: quibusdam ventris subdulationes diuturnae; quibusdam autem haemorrhoides. Quia imo alibi (p), de morbis muliebribus agens, dicit; Morborum omnium uteri causae sunt. Et paulo post subiungit; quod, suppressis menstruis, pleni uteri coenodices contingunt, & ad coenodices, & inguina dolorem adferunt, ac tanquam pilae in ventre discurrunt, caputque dolore afficiunt, modo quidem altera parte, modo vero totum. Similia his apud *Galenam* (q) leguntur de menibus suppressis: Signa sunt, gravitatis sensus in corpore, salsiduum, dejecta cibi appetentia, horror inaequalis, alienorum quorundam cupiditas &c.; ac terram, aut extinctos carbones, ut quaedam huiusmodi edunt &c.; praeterea lumborum, & colli, & synipitis dolor, & oculorum vaseos, item febres ardentes, & urinae nigricantes, &c., quibusdam urina suppressitur omnino, aut difficulter redditur &c. Unde & *Celsus* (r) concludit: Quibus foeminis menstrua non proveniunt, necesse est, capitis acerbissimi dolores sint, vel quaelibet alia pars morbo infestetur. Sic frequentissimum menses obstructiones comitans symptoma, dolorem capitis nempe, memorat, & uteri affecti in omnes corporis partes imperium agnoscit. Optime autem notavit *Celeberrimus Astruc* (s), non requiri gravem adeo laesionem in utero, ut turbentur omnia in hysterica puella; sed levem tantum mutationem uteri sufficere, a repletis v. g. vasis, vel & subito depletis, aliisque similibus minoribus causis; dum e contra cancerosum ulcus, depascens uterum, praeter dolorem, non adeo turbat reliquas corporis partes, modo virosa talis ulceris sanies libere depluat, nec reforescat a venis.*

Quam

(n) In Capitulo *Asthma, & Tussis* N. 13. 14. pag. 289., & in Capitulo *de conceptis* pag. 484. N. 18.

(o) *Coac. Praenot.* N. 322. Charter. Tom. VIII. pag. 252.

(p) *De Natura pueri* cap. 18. Charter. Tom. VII. pag. 376.

(q) *De locis affect.* Lib. VI. cap. 5. Charter. Tom. VII. pag. 524.

(r) *Lib. II.* cap. 7. pag. 59.

(s) *Traité des maladies des femmes.* Tom. IV. pag. 62. 66.

Quam mira autem mala sequantur quandoque menstruum suppressionem, sequens casus docet. Sedecim annorum puella post decimum quintum aetatis annum regulariter menstruata fuerat; subito perterrita, ob mortem inopinatam optimi patris, menstrui fluoris tempore, copiosum sanguinis fluxum cum animi deliquio, & tremoribus passa fuit. Postea se satis bene habuit usque ad proxime sequentem menstruum periodum, quae viæ apparuerunt; sequenti periodo nihil omnino prodit; & tunc hysterici paroxysmus frequentius, validius, & manifeste convulsivus, accessit. Postea sanguis missus fuit, dein exhibitum vomitorium, quod & repetebatur post paucos dies; sed innox sequebatur deglutitio difficilis, & tandem omnino impossibilis; quae si tentaretur, mox convellebatur cum tremore miro, & reciprocis diltensionibus thoracis, & abdominis; quae tandem finiebantur in tetanum universalem. Per integrum mensem vixit absque ullo cibo, & potu. Medicus vocatus cochlear Julapii antihysterici offerebat, quod deglutitum descendit ad duorum pollicum distantiam in oesophagum, ibi loci spasmodice contractum; mox sequebatur tetanus. Aliis remediis externis frustra adhibitis, tentavit, spongia ossi balaenae affixa aperire viam; quo bis facto, superatus fuit spasmus, & deglutire potuit aegra, absque molestia, solida aequae, ac fluida, quae offerebantur. Deglutitionis libertas mansit per tres circiter septimanas; verum omnia ingesta evomebat, exceptis cerasis, fragis, & mixtura quadam antihysterica, quae retinebantur a ventriculo. Quandoque una cum ingestis evomebat viridia. Alvus manebat stricta; hinc clysmata laxantia injiciebantur; secuta fuit copiosa evacuatio sanguinis per anum, ita ut bidui spatii binæ exirent librae. Injecto clysmate vulnerario adstringente, sistebatur haec sanguinis evacuatio; sed brevi post redibat spasmus Oesophagi, subito inereiciens adeo, ut nihil omnino deglutire posset; unde per quinquaginta, & quatuor dies cibo, & potu caruit omnino. Sepe toto hoc tempore afficiebatur tetano, validiore, quam antea, & cum sensuum abolitione, donec cessaret paroxysmus. Dum tentabatur, immissa spongia, uti antea feliciter successerat, aperire viam deglutendis, violentus adeo sequebatur tetanus, ut mox moritura crederetur. Post abstinentiam per tres, quatuorve septimanas ab omni cibo, & potu, sequebatur coecitas, & paullo post furditas: tactu tamen distinguebat amicos, & proprio nomine compellabat. Post mensem rediit visus; dein & auditus, & perfecte quidem. Rediit & deglutitio, cerevisiam, & lactis serum potabat; sed sequebatur delirium, per unam, alteramve horam durans tantum: poma, & pyra cocta, & cruda manducare poterat, minime autem panem, vel alios cibos solidos. Si quid mandaret, & negaretur, vel aliqua tantum mora fieret, sequebatur semper tetanus. Postea perpetuo decumbere in lecto cogebatur; octavo quoque, vel decimo die tantum, ut lectus sterni posset, removebatur, sed simul ac moveretur corpus, tetani paroxysmus aderat, qui non cessabat, antequam in lectum reponeretur. Sequebantur dein duri circa aures tumores. Post aliquot menses eo usque profecerat, ut erecta in sedili manere poterit per aliquot horas, & omnis generis vegetabilia comedere; sed fastidiebat omnino carnes, & jussula.

Mlo

Illo tempore, dum ab omni cibo, & potu abstinere, clysmata nutriencia fuerunt adhibita, semel de die, raro bis, sed & integros viginti quatuor dies ab his abstinendum fuit, cum levissimum etiam corporis motum validus teranus sequeretur. Pulsus, abstinentiae tempore, erat plenus, fortis, aequalis, parum tardior naturali tamen, respiratio libera, urina sana. Tandem, postquam per biennium fere omnia haec mala tulerat, inter confabulandum cum amicis subito periit placida morte (1).

Plures alii, huic satis affines, casus in Historia Medica leguntur (2); aliquos similes ipse vidi; sed hunc casum imprimis elegi, ut constaret, omnes functiones naturales, vitales, animales viciari posse ob menstrui fluxus suppressionem.

§. 1286. **A**B eodem autem sic accumulato mirae saepe parantur viae, raris secretionibus menstruis notae; dum per oculos, aures, nares, gingivas, vias salivae, oesophagum; alvum; vesicam, mammas, cutim, vulnere, ulcera exire viderint Medici.

Certum est per observationes fideles, & numerosas, quod sanguis, ob suppressionem menstruorum retentus, adeoque accumulatus in corpore, miras saepe inveniat vias, per quas exeat. Solet quidem plerumque hoc explicari, quod per plethoram distenta vasa rumpantur quandoque, vel & nimis dilatata, absque ruptura, per anastomosis sanguinem emittant. Sed tamen inde non patet evidenter, quare in plethora a suppressis mensibus nata hoc contingat frequentius, quam si ab aliis causis nimia copia sanguinis accumuletur in corpore. Ad §. 1284. dictum fuit, a sola plethora menstrui fluxus causam deduci non posse, cum sanguinis milliones non impedianr, quo minus solito tempore menstrua prodeant. Eadem illa causa, quae aperit vasa uterina (quam me ignorare lubens fateor) si applicetur aliis corporis vasibus, idem facere poterit. Illam autem causam, quaecumque fuerit, in vasibus ipsis esse, & non pendere a cordis impellentis vi, facile demonstratur. Licet enim cor regulariter agere pergat, in quibusdam arteriis observatur tamen quandoque motus perturbatio, quae saepe haemorrhagias praecedit, de qua re in morborum acutorum historia saepius dictum fuit. Sic pulsatio in ulcere percepta designat haemorrhagiam brevi secuturam, pulsatio in hypochondrio sinistro praecedit toties largam haemorrhagiam narium in sanis caeteroquin hominibus. Observaverat Solano de Lucue, dicorum pulsum designare criticam narium haemorrhagiam in morbis. Hoc exemplo incitati Medici omni attentione observaverunt pulsantium artieriarum mutationem, ut inde eruerent signa Prognostica tam in sanitate, quam morbis. Sic pulsus uterinus dictus, qui menstruum eruptionem praecedere solet, describitur (3). Pulsus ille plerum-

(1) Medical Essays and observat. Vol. V. part. 2. pag. 471. & seq.

(2) Act. Erudit. Ann. 1726. pag. 525. & seq.

(3) Recherch. sur le pouls par rapport aux crises pag. 95.

que est magis elevatus, & expansus, quam ansea; simul est inaequalis, & dicrotus; licet illud dicrotum nec adeo frequenter, nec adeo distimile percipiatur, quam in pulsu nasalī (qui narium haemorrhagiam praefagit), tamen est satis sensibile. Monet Anonymus auctor, illum pulsum uterinum facilius percipi, dum prima instant menstrua: uti etiam in annosis, dum deficere incipiunt. Hisce diebus nobilis virginis pulsum tangens, quae jam quadragesimum quintum aetatis annum superaverat, credebam, me percipere pulsum illum uterinum; unde rogavi, an menstruum adesset tempus; respondit, se jam per tres menses illis caruisse. Vix domum redieram, quin literas miserit mihi, ut moneret, menstruum fluorem jam adesse, qui sequentibus diebus satis magna copia fluere pergebat, uti saepius hoc aetatis tempore solet contingere. Monet simul idem auctor, illum pulsum post primas menstruum periodos non semper percipi, licet menstrua instant, cum in multis facillime prodeant, absque ullo fere signo.

Illum pulsum uterinum pariter se percepisse, testatur egregius Camus (x). Sed illud dicrotum in pulsu alio modo describit; credit enim, arteriam, tempore diafoles, non bis ferire digitum in eodem loco arteriae, sed succellive in duobus punctis diversis.

Dictum fuit praecedenti paragrapho de miro illo regiminis imperio, quo uterua in alias partes corporis agit, etiam distitas. Si ergo vasa uteri irritata non promoveant sanguinem menstruum usque in cavum uteri, ob maiorem resistantiam circa fines, an communicare possunt per regiminis imperium similem motum vasis aliarum partium corporis? Hippocrates (y) monuit, turbari sanguinem (ἀναρροφώσθαι), dum singulis mensibus cumulatum exire solet, & ideo dolorem fieri, si menses non prodeant. Quum autem agitur, & secretus sanguis minime foras, sed in uteros feratur, utrique non biarins, tum sane, diutius immorante sanguine, uteri incallescens calorem reliquo corpori excitans. Dein alibi (z), ubi de incommodis agit, quae parciorem menstruationem sequuntur, notat, varias corporis partes inde affici; additque sequentia: Neque haec simul dolens, sed vicissim, quocumque secretus sanguis, qui uteris inesse nequit, impetum feceris, & qua parte corporis decubueris, tumor existit. Vidi puellam, cui circa menstruationis tempus tumor in nucha oriebatur ovi magnitudine, ruber, & dolens; si menstrua fluere, intra paucas horas evanescere totus. Celeb. Hoffmannus (a), antequam de haemorrhagiis agere incipit, monet, omnem haemorrhagiam, paullo graviorem, praecedere constrictionem spasticam vasorum per habitum corporis, cum albo plerumque strilla, urina tenui, & parviori perspiratione: postea celerior, & vehementior arteriarum motus, & ad certam partem directus impetus consequitur. Verum, uti antea ad §. 1284. ex Hippocrate notatum fuit, mulieribus plerisque, quum menses apparituri sunt, uteri os sese magis, quam antea, contrahit. Ast, uti postea dicetur,

(x) Mémoire sur divers sujets de Médecine pag. 258.

(y) De Natura Pueri Cap. 2. Charter. Tom. V. pag. 312. 313.

(z) De Malier. morb. Lib. I. Cap. VII. Charter. Tom. VII. pag. 733.

(a) Medicin. Ration. System. Tom. IV. part. 2. in Praefat.

cetur, ubi de *Partu difficili* agendum erit, dum os uteri incipit contrahi, & totus uterus successively similiter contrahitur; unde, si sanguis menstruus hoc motu non exprimitur in cavum uteri, tunc fit directio impetus ad aliam partem, & mirae quandoque sequuntur haemorrhagiae, per actionem sic dictam regiminis, qua uterum affectum in alias corporis partes agere posse, dictum fuit antea.

Neque Ars Medica caret exemplis, quae docent, actionem talem in distant, ut loquuntur scholae, revera obtinere: alia occasione, dum de sanguis sputo coërcendo agebatur, ad §. 1100. notavi, quod validissima narium haemorrhagia cessaverit illico, dum lintheum quadruplicatum, postea frigidissima madidum, toti obvolveretur sororo. Simile remedium in libro, qui *Galeno* adscribitur, legimus (§) ubi jubet, testes in aceto forti tenendos, ad sedandum nimium per nares sanguinis fluxum.

Supereft, ut videatur, per quas partes corporis sanguis, suppresso fluore menstruo retentus, viam sibi quandoque paraverit. Verum quidem est, quod a plethora simplici in viris aliquando, sed raro tamen, periodica sanguinis evacuatio per cutim externam illaefam observata fuerit. Sic legitur apud *Marcellum Donatum* (c) mirus casus, ex *Benivenio* excerptus, de homine admodum robusto, triginta sex annorum, cui singulis mensibus ex ilius dextris libra circiter sanguinis exibat; dumque digitum apprimeret huic loco, & postea amoveret, summi impetu exibat sanguis, ac si ex secta vena efflueret; cessante hoc fluxu, nullus in cute integerrima distinguere poterat locum, unde sanguis manaverat. Singulis mensibus vena secta fuit, & dimidii anni spatio integre convalevit. Sed antea dictum fuit, licet plethora per sanguinis missionem tolleretur, tamen fluorem menstruum solitam fervare periodum; unde sanguineae tales excretiones, per insolitas vias factae, ob suppressa menstrua, vix obediunt venae sectionibus, sed tunc curantur, si stato tempore per uterum denuo excernatur sanguis.

Frequentius contingit, superiores corporis partes urgeri a sanguine, dum solito tempore non exit per uteri vasa, uti alia occasione §. 1017., ubi de *Apoplexia* agebatur; dictum fuit; monente *Hippocrate*, capitis concussionem, & aurium sonitus praecedere menstruum eruptionem, illaque prodire, si juxta spinam aegrorum consequatur, qui designat, aortae descendentes ramos a sanguine magis incipere distendi. Sed & tunc per varias vias exire sanguinem, fuit observatum.

Per oculos. In virgine carnosa, calidae temperiei, & sanguine plena, dum sedecim annos natae nondum prodissent menstrua, ex oculis inceperunt stillare frequenter sanguineae guttae, lacrymarum instar. Profuit sanguinis missio ex talo, quam menstrua purgatio paullo post secuta fuit (d).

An-

(b) De Dynamidibus Lib. 2. Cap. 14. Charter. Tom. X. pag. 680.

(c) De Medic. Histor. mirab. Lib. 1. Cap. 2. pag. 11.

(d) Medic. observat. Exempl. Rat. Dodon. Cap. XV. pag. 27.

Aures. Per aures, & oculos, singulis menſibus exiſſe ſanguinis copiam in virgine religioſa, menſtruis carente, legitur (c).

Nares. Quotidianae obſervationes docent, & in ſanitate, & in morbis, vaſa narium ſic diſpoſita eſſe; ut facile dilatentur, & dimittant ſanguinem, ſicque corpus liberent a copia nimia gravante, vel & ſimul cum ſanguine noxium morboſum educant. Nulla autem haemorrhagia, & frequentior, & tutior occurrit in menſtruis ſuppreſſis, illa quae per nares fit: unde *Hippocratis* (f) ex iſdem ſignis ſperabat narium haemorrhagiam, & menſtruorum eruptionem. Ideo alio in loco (g) dixit: *Mulier, menſtruis deficientibus, ſanguinem ex naribus fluere, bonum.*

Gingivae, vias ſalivae. Et hoc obſervatum fuit; imo, dente molari evulſo, poſtea ſingulis menſibus illa ſanguinis copia, quae ex utero prodire ſolebat, per hunc locum evacuabatur (h); ubi & plura alia circa inſolitas menſtruorum vias habentur. Sanguis autem ille tunc per os evacuatur; ſed etiam ore expſpuit, dum a pulmone, vitali viſcere, venit. Majus autem inde periculum imminere, alia occaſione ad §. 1198. 2. 1., monitum fuit, & teſtimonio confirmatum *Hippocratis* (i), dicentis: *Quibusdam mulieribus, quum bi-meſtres menſes copioſi in utero exiſterint, ubi intercepti fuerint, ad pulmones feruntur: his omnia contingunt, quae in ſabe diſta ſunt, nec ſuperſeſſe poſſunt.* Sed patuit ex dictis ad hunc locum, illud imprimis tunc metuendum eſſe, ſi in pulmone congeſtio fiat: ubi vero haemoptoe per anaſtomotum evacuabat hunc ſanguinem, tunc per plures annos, abſque ſanitatis detrimento, ſanguinis illa per pulmonem evacuatio tolerari potuit. Imo *Benedictus* (K) adeo verſatus in his morbis, ſequens axioma ſtatuit: *ſi critice, & per tranſumptionem, Haemoptica pulmone ſupervenerit aſſectio, tuto non raro, & cum totius adjumento, res ſuccedit.*

Oeſophagus; & inde in ventriculum; imo, & ex ventriculo ipſo; cum conſter, numeroſa, & ſatis facile dilatabilia eſſe ventriculi vaſa; ſanguis autem ibi collectus, vel per vomitum expelletur, vel per alvum. De ſuppreſſione menſium agens *Hippocrates* (l), dixit: *Vertuntur etiam ad vomitum, & quibusdam ad ſedem &c.* Hanc autem viam minus mulieribus, quam virginibus, menſtrua effluunt. E contra monet (m); *Mulier, ſanguinem vomens, menſtrua crumpentibus, ſolutio fit.* Vidit talem periodicum ſanguinis vomitum *Stalpar van der VVielen* (n) in puella, quae parentibus ejus olim famulabatur, & cuſuſvis purgationis menſtruae tempore magnam copiam ſanguinis rejecit. *Puella autem nihil inde detrimenti ſenſit; ſana namque permanebat, & alacris.*
Plu.

(c) Schenck. Obſervat. Medicin. Lib. IV. pag. 635.

(f) Praediſt. Lib. I. N. 134. Charier. Tom. VIII. pag. 796.

(g) Aphor. 33. Sect. V. Charier. Tom. IX. pag. 214.

(h) Schenck. Obſervat. Medic. Lib. IV. pag. 635.

(i) De Morb. mulier. Lib. I. Cap. IV. Charier. Tom. VII. pag. 731.

(k) Tabid. theal. pag. 107.

(l) De Mulier. morb. Lib. I. Cap. V. Charier. Tom. VII. pag. 732.

(m) Sect. V. Aphorism. 32. Charier. Tom. IX. pag. 233.

(n) Obſervat. rar. medic. Anat. chirurg. Tom. II. obſerv. 37. pag. 196.

Plures deinde citat auctores, qui similia observata memoriae reliquerunt: inter haec notabilis recensetur casus quadragenariae Matronae, cui talis vomitus Periodicus, loco fluoris menstrui per biennium suppressi, familiaris erat; dum autem a Chirurgo stiptica propinarentur, pessime inde se habuit. *Tramaeus*, celebris Medicus, quaevis tentavit, ut suppressa revocaret menstrua, sed absque ullo fructu. Cum ergo facile ferret haec aegra cruentum vomitum, soli naturae rem commisit. *Duraverunt autem hi vomitus usque ad quadragesimum octavum annum, quo sponte desierunt, valetudine corporis deinde variis morbis tentata subinde, ut plerumque deficientibus per actatem mensibus fieri solet.* Optime simul monet, tuto quidem tentari posse vasorum uterinorum resectionem, sed antequam hoc factum fuerit, periculosum esse talem cruentum vomitum compescere, cum mala symptomata, & mors ipsa, secuta fuerint perverfam talem curandi methodum, uti pluribus probat exemplis.

Alvum. Ex ipso oesophago, & ventriculo, sanguinem in intestina venire, & dein per alvum exire posse, satis patet. Verum & ex vasis mesentericis in intestina derivari posse periodico tempore sanguinem, dum menstrua supprimuntur, dubium non est. Alia occasione, ad §. 719., ubi de diarrhoea febrili agebatur, citatus fuit ex *Galeno* (o) sequens textus: *At visa est quaeque mulieribus, suppressis mensibus, huiusmodi per sedem sanguinis evacuatio fieri; ut & nonnullis per vomitum ob eandem causam. Verum & his quidem sincerus sanguis exernitur, similis ei, qui a mactata vitulina profunditur, modo per alvum inferiorem, modo per superiorem.*

Huc etiam refertur illa sanguinis evacuatio, quae per vasa haemorrhoidalia fit. Vicinia partium, & vasa similia, multum faciunt, ut per haemorrhoides sanguinis evacuatio fiat, dum menstrua supprimuntur; unde & *Hippocrates* (p), alioque in loco (q), dum recenset morbos, qui variis aetatibus contingunt, ante pubertatis tempus haemorrhoides non apparere monet, uti etiam non post annum quadragesimum secundum. Verum iisdem fere temporis limitibus fluor menstruus definitur. Testantur celebres Medici, in curanda mensium suppressione se mirum, & promptum effectum habuisse, ab Hirudinibus ad Haemorrhoides admotis (r). Plures novi mulieres, quibus singulis mensibus, & per haemorrhoides, & ex utero, sanguis fluit, uniusque copia alterius defectum pulcre supplet. Quia imo quidam voluerunt, Haemorrhoides non tantum in intestino recto, sed & circa uterum, deprehendi. Sic enim legitur: *Haemorrhoides quidem raro in mulieris sinu inveniuntur, sed frequentius in collo matricis, & ejus orificio, nasci solent* (s).

Vesicam. Dum *Galenus* (t) recenset symptomata, quae suppressionem menstruorum sequi solent, sic habet: *Ac praeterea lumborum, & colli, ac sin-*
cipitis,

(o) De loc. affect. Lib. V. Cap. ultimo. Charier. Tom. VII. pag. 503.

(p) Coac. Praenot. N. 521. Charier. Tom. VIII. pag. 883.

N. 512. pag. 882.

(r) Freind. Emmenolog. pag. 103.

(s) Harmon. gynae. part. post. Spach. pag. 33.

(t) De locis affect. Lib. VI. Cap. 5. Charier. Tom. VII. pag. 524.

(q) Ibidem

capitis dolor, & oculorum lachryosus, item febres ardentes, & urinae nigricantes cum rubra quadam sanie, perinde ac si carniem recens maceratum loturis fuliginis, miscueris &c. Notum est, sanguinem, sive ex renibus, ureteribusque, sive, ex vesica effluxerit, profunde fuscum colorem, sere instar potus caesae, acquirere, dum urinae miscetur. Talis sanguinis evacuatio, menstruum defectum supplens, observata legitur apud *Hollerium* (u); *Est quidam menses sanguineus, criticus, & intervallis quibusdam motus, qualis suis in Meniali muliere, cujus meminit Misa, quae singulis mensibus, suppressis mensibus, multum sanguinem emingebat.*

Mammæ. Cum tam manifestum commercium sit inter mammæ, & uterum, uti antea jam sæpius monitum fuit, minus mirum videbitur, si suppressis mensibus sanguis in mammæ derivetur, & per papillas exeat. Dixerat *Hippocrates* (v); *At conclusi uteri menses ad mammæ remittunt, & ad pedes ascendere cogunt.* Noverat *Paracelsus* (x); foeminam, cui singulis mensibus per mammæ exhibat sanguis menstruus, sic ut tribus, quatuorve mensibus opus fuerit ad hunc sanguinem excipiendum. Dum quadragenaria mulier subita exarsceret ira, fluentibus mensibus, mox e papillis prorupit sanguis, & quidem adeo copiosus, ut reliquum corpus prolueret (y). Aliquot similes casus me vidisse, memini.

Per cutem. Quamvis enim vasa cutanea tenuiores, tantum humores transmittant, tamen sic dilatari poterunt, ut & sanguinem fundant. Sæpe observatum fuit, æstivis caloribus, per validos labores, sudorem expressum rubro colore maculasse indusia, omnium maxime circa axillas: *Mercatus* (z) testatur, quod jam ter viderit, per minimum manus digitum, & per annularem sinistree manus singulis mensibus sanguinem profundi, non copiosum, in religiosa, quadam foemina, cui natura menstruum purgationem per uterum denegaverat. Mirabile aliud exemplum propriis oculis vidit *Zacutus Lusitanus* (a) in virgine rustica, triginta & quatuor annorum, ad quam a binis medicinae studiosis adductus fuit, dum patiebatur periodicam sanguinis evacuationem, quæ menstrui floris vices supplebat: vidit enim, e pedis sinistri pollicis parte interna, pulposa, juxta unguem, emanare rivulum sanguinis meri morose, & lente super phialam aqua calida plenam. Per triduum, aut sæpe quatrimum pergebat hæc evacuatio, dein occluso foramine, rusticæ labores exercebat absque molestia. Septies intra decennium affirmabat contigisse, ut minori solito copia sanguis per hunc locum efflueret, tuncque dolor capitis, aut febris supervenerant: tunc autem venæ sectio, in altero pede, dextro nempe, instituta, remedio erat. Dum enim in sinistro pede, Medico sic jubente, vena secabatur, in pollice, & genu vehementer dolor excitabatur, & per annum minus feliciter continebat solita hæc sanguinis evacuatio.

Vul-

(u) Oper. Practic. Lib. I. cap. 52. pag. 436.

(v) De mulier. morb. Lib. 2.

Cap. 20. Charter. Tom. VII. pag. 807.

(x) Oeuvres d'Ambr. Paré Liv.

24. Chap. 62. pag. 631.

(y) Stalpart van der VViel Observat. rar. part. I.

pag. 342. Observat. 79.

(t) De Mulier. affect. Lib. I. Cap. 7. pag. 469.

(a) Oper. Tom. 2. pag. 494.

Vulnera. Testatur *Paracelsus* (b), quod *viderit eandem vulneratæ sanguinem menstruum non per consueta loca, sed per vulneris sinum effluxisse.* Verum hoc raro contingit: frequentius vero

Per ulcera. Satis notabilis casus legitur (c), quo hoc demonstratur. *Sænæ, robustæ, puellæ rusticæ pes dexter distorquetur quinto decimo ætatis anno: simile infortunium contingit iterum, dum novemdecim annos habet; & tunc sordidum ulcus in loco affecto sequitur, quod trium septimanarum spatio sanatur: paullo post tota languere incipit; vigesimo anno prima prodeunt menstrua, sed parca valde copia. Cum pergeret languere, vena saphæna fecatur in dextro pede: paullo post ulcus in malleolo nascitur, quod per quinque annos duravit, & notabilis pars ossis calcis exivit de ulcere. Per hoc ulcus, singulis mensibus, binorum, triumve dierum spatio, exibat sanguinis illa copia, quæ per menstrua evacuari solet, & itata periodo ulcus fundebat sanguinem, intermedio autem tempore nihil omnino. Aliquot diebus ante hanc evacuationem validum patiebatur in pede dolorem, qui minuebatur, dum hæmorrhagia rediret ex ulcere. Tandem separatis ossibus corruptis, ulcus consolidari incepit, totum corpus torosum magis, & validum reddebatur, tuncque naturali vi fluor menstruus produci, simili copia, & eisdem diebus, ac antea ex ulcere solebat exire. Postea sana vixit, regularem fluxum menstruum per solita loca habens, & nihil sanguinis amplius effluxit per ulcus, nondum integre clausum.*

Sic patuit satis, sanguinem menstruum, dum per solita loca exitum non habet, per diversas corporis partes viam sibi facere. Creditur *Celeberrimus Ruyschius* (d), se habere rationem dubitandi, annon quandoque sanguis menstruus in cava corporis delapsus colligeretur. In cadavere enim menstruatae coagulatus sanguis leviter adhaerens cavi uteri lateribus inveniebatur, *quod tuba ejusdem lateris non solum erat conspersa, verum etiam ovarium, in cujus superficie coagulatus copiose, firmiterque adhaerebat.* Servavit hunc uterum in thesauris suis, cum ovario annexo, & sanguine coagulato, balsamo conditum, ut omnibus demonstrari posset. In reliquis casibus antea recensitis sanguis exibat de corpore, licet per vias alienas; hic in cavum corporis effusus corrumperetur, quod adhuc longe periculosius foret.

Plures certe alii casus possent colligi: multos & mihi videre contigit, omnium maxime in juvenculis, dum circa primam eruptionem menstruum valido terrore, vel alio gravi animi affectu turbantur. Talis casus legitur (e) de puella, quæ tertia menstruum periodo gravi lapsu sanguinem vomuit, dein suppressis mensibus vel integre, vel saltem parvissima copia se monstrantibus tantum, per viginti novem integros annos miseram vitam duxit, fre-

(b) Chirurg. Magn. part. 1. Tractat. I. cap. ix. pag. 8.

(c) Medic. Essais and

observat. Tom. III. N. 29. pag. 389.

(d) Observat. Anatom. Chirurg.

centur. N. 83. pag. 80.

(e) Med. Essais and observat. Tom. II. N. 29.

pag. 306.

frequentissimis haemorrhagiis obnoxia, per es, nares, aures, oculos, alvum, mammas, digitos manuum, & pedum circa unguium radices.

Unicum adhuc addam casum, quem propria Celeberrimi Boerhaevii maru scriptum, in scriniis post mortem repertum mihi concesserunt haeredes. Puellae decem annorum, ob luis suspensionem, datae fuerant pilulae Mercuriales, una cum decocto lignorum, satis felici cum successu. Post novem menses sensit dolorem tensivum in brachio dextro; eruperunt pustulae non paucae, in quibus pungentem dolorem percepit, & paulo post vivus sanguis profiliit ex pustulis; quo facto, omnes pustulae evanuerunt, nullo relicto vestigio; simul omnis dolor cessabat in brachio. Post mensem, post duodecimum ingrediebatur annum, omnia eadem redierunt, sed excipiebat haec primus fluor menstruus, qui & rediit sequente mense post praegressam per pustulas brachii haemorrhagiam.

Ut in debitum ordinem redigerentur menstrua, adhibita fuerunt Emmenagoga, venae sectio in pede instituta, hoc cum effectu, ut absque brachii haemorrhagia praegressa, redirent menstrua loco, ordine, quantitate debitis. Cum autem rigida hyems foret, si digiti manus dextrae frigerent, mox ex illorum apicibus stillabat astatim sanguis absque ullo fissurae, vel pustulae vestigio. Calore foci, manicis, dein tepore verno cessit malum, & per quatuor menses fluor menstruus copia, & periodo solitis prodiiit.

Deinde, posthabita circuitus menstrui lege, quotidie, vel & alternis diebus, quandoque omni octiduo per cutem digitorum brachii dextri guttatim stillabat sanguis, nec oculus detegere poterat in cute absterfa aperturam ullam, per quam sanguis exiverat. Contigit postea, ut dum mane ex digitis stillaverat sanguis, post meridiem vertigine corriperetur cum rubore faciei; mox larynx in tumorem extus conspicuum attollebatur cum suffocatione quasi hysterica: paulo post de colli parte anteriori plures fonticuli sanguinei promanarunt, & mox vertigo, rubor faciei, laryngis tumor una cum suffocationis sensu aberant.

Alio tempore inflabatur hypocondrium dextrum cum acerbo dolore, qui cessit, emplastro aromatico applicato. Venae sectione in pede instituta, antihystericis, emmenagogis, balneis adhibitis, remiserunt quidem haec mala; sed suppressio manente menstruo fluxu, quamvis fore corporis partem aggressa fuerunt.

De repente erubuit facies, mox larga aderat narium haemorrhagia, quae nonnum cessante, intumuit larynx, & sanguine per colli anteriora exsudente detumuit denuo; una & eadem die ex brachio dextro, & sura pedis dexteri sanguis stillabat; sub vespere spasmi per totum dextrum corporis latus aderant; mente tamen constante. Post oculi, labia, collum, manus, genua convellebantur alternatim, & ventriculus admodum intumescerebat: hora decima omnes illae turbae compositae erant: supererant tantum brachii dextri laxa immobilitas, & extensio impossibilis genu dextri. Manebat cardialgica Epigastrici inflatio, & sequebatur oculi sinistri (quae sola pars huius lateris afflictebatur) amaurosis.

Ten-

Tentatis variis remediis, restituta fuit brachio dextro mobilitas; sed ventri non detumuit, nec crus extendi potuit, nec rediit oculo sinistro visus.

Post mensem circiter oculus sinister subito intumuit, paulo post lacrymas sanguineae assatim fluxerunt, nec tamen emendabatur amaurosis. Sequebatur dein sudor sanguinis ex cute nasi, quae saccum lacrymalem sinistram tegit, post haemorrhagia narium, quam mox exceperunt sputa sanguinea, & sanguinis rivuli ex unguitibus digitorum manus dextrae profuscentes, & ex brachii latere, quod digitum minorem respicit. Sura dextra simul intumuit; verum ille tumor absque sudore cutis sanguineo evanuit. Post biduum, terrore, percussae, sanguis ex oculo sinistro stillavit, uti etiam ex brachio, & manu dextris juxta decursum majorum venarum, sed non copiosus.

Emplastrum hystericum abdomini applicatum fuit, Emmenagoga, balnea, hystERICA anodynis mista adhibita: menstrua, per bimestre spatium suppressa, prodierunt, sed pauca copia, & detumuit abdomen.

Hic definit miri morbi historia in manuscripto. Patet inde, quam varia, & mirabilia mala sequi possint suppressionem mēstruorum, & simul confirmantur illa, quae ante dicta fuerunt de variis, & mirabilibus viis, per quas sanguis ille, naturaliter per uteri vasa evacuandus, exitum quaerit.

§. 1287. **V**el & saepe labefactantur inde omnia viscera, oriturque partim a putredine concepta, partim a vasis lac-
tis infinitum morborum genus (106).

Antea ad §. 1287. dictum fuit, omnes fere functiones, naturales, vitales, animales laedi a mēstruorum suppressione, partim a retento sanguine, qui naturali lege evacuari debebat, partim ab utero irritato, qui regiminis actione variis visceribus nocere potest, vel saltem illorum actionem turbare. Ex illis, quae praecedenti paragrapho dicta sunt, consistit, quam varios, & mirabiles morbos producere possit sanguis mēstruus, dum non exit per consueta loca, sed per insolitas vias erumpit de corpore.

Verum tunc purus, & bonus sanguis exire observatur, qualis de victima fuit, ut Hippocrates dixit. Si autem vel in uteri substantia, vel in aliis visceribus congestus, mora corrumpi incipit, & acris fieri, longe pejora mala metuenda erunt. Postea ad §. 1290. patebit, stagnantem in uteri cavo sanguinem, si aet libere accedere non possit, diu incorruptum manere; tamen tandem longiori mora omnino degenerat, & pessima mala producere potest. Observatur toties, sanitatem languere in foeminis illo vitae tempore, quando suor mēstruus naturaliter cessare solet, quanto magis id continget, ubi mēstrua praeternaturaliter supprimuntur. *Manningham* in utilissimo, quod scripsit, artis obstetricariae compendio (f) notat, quod plures mulieres inter annum quadragesimum quintum, & quinquagesimum moriantur, quam in quovis alio vitae statio. Antea in Capitulo de Scirrho monitum fuit, illo tempore

Scir-

Scirrhus, & Cancros frequentissime observari. Corrupti autem per moram retentum sanguinem menstruum, Hippocrates (g) monuit: *Es postquam duo, aut tres menses praeterierint, interdum ei per pudendum menstrua conferim erumpant, & quae prodeunt, velut carunculae esse videntur, velut ex corruptione, & nigra sunt.* Notat simul a corrupto tali, & acri sanguine ulcera in utero fieri cum vitae periculo, uti antea ad §. 1285. notatum fuit. Imo ex sola muliebrium mensuum multitudine, si nempe non rite prodeant, multa mala alio in loco praefagit (b); *Lumborum distensio ex muliebrium mensuum multitudine ad suppurationem tendit: & varie prodeuntes, viscosi, graveolentes, stragulatorii, menses ex praedictis ad suppurationem tendunt. Arbitror autem tales etiam aliquantum delirare.* Unde non inepte dixit Helmentius (i), de menstruo agens: *Primo peccat abundantia bona, dein superfluitas onerosa, mox privatur vita, & virus evadit.*

Quaenam mala metuenda sint a sola abundantia nimia sanguinis boni, & quomodo inde vasa nimis distracta rumpantur, antea ad §. 106. pluribus dictum fuit. Ubi autem stagnantibus humoribus per moram accedit major acrimonia, tunc & magis laedentur vasa, & difficiliore morbi sequentur sive in utero ipso, sive in aliis visceribus, per quae fluor menstruus retentus viam invenit, quandoque manente vasorum integritate, dilatatis tantum extremis, quandoque iisdem erosio, uti ante dictum fuit, quod multo pejus est. Unde etiam apparet ratio, quare Hippocrates (k) dixerit: *Morborum omnium uteri causae sunt.*

§. 1288. **C**ognoscitur hic morbus: 1. Ab aetate. 2. Incremento corporis jam perfecto. 3. Plethora. 4. Signis deinde morbi subsequenter.

1. Ad §. 1284. notatum fuit aetatis tempus, quo prima menstrua prodeunt, varium esse in diversis regionibus; imo vidi aliquoties in eadem familia magnam diversitatem adfuisse, dum quaedam biennio citius, quam sorores, menstruantur, licet omnes optima fruarentur sanitate.

2. Quid de hac re sentiendum sit dictum fuit §. 1284.; tuncque patuit, fluorem menstruum non semper sequi perfectum jam corporis incrementum, sed saepius praecedere.

3. Quid de plethora tanquam sola, & unica menstrui floris causa sentiendum sit, pariter ad §. 1284. dictum fuit. Verum quidem est, quod circa menstruum eruptionem saepe magis rubescant in facie, major appareat in oculis vivacitas. Frequentissimum indicium dant mammae turgentes, dum uterus se parat ad primam menstruum eruptionem. Caeterum de

(g) De Mulier. morbis lib. I. cap. 6. Charier. Tom. VII. pag. 732. 733. (h) Coscar. Praenot. N. 324. Charier. Tom. VIII. pag. 870. (i) In capitulo Lunare mihum pag. 384. (k) De locis in homine cap. 18. Charier. Tom. VII. pag. 376.

de plethorae signis dictum fuit ad §. 106., quae si non adfunt, de plethora non est cogitandum. Quandoque enim contingit, menstrua non apparere solito tempore, vel si jam fluxerint, denuo cessare ob Cacochymiam lentam, pituitosam, frigidam: in talibus deficit sanguis ruber; genae, labia, gingivae pallent; vena secta, pauculum sanguinis rubelli concreti innatat copioso sero, quod quandoque mucosam visciditatem habet. In talibus puellis, si cura plethorae tentetur, omnia in pejus ruunt; emendanda enim est haec cacochymia. Uti enim ad §. 1287. monitum fuit, tales aegrae menstruis carent, quia morbo laborant, qui causa fuit, cur defierint menstrua, non vero effectus menstruorum deficientium.

4. Hic iterum magna attentione opus est, ut noxii errores in praxi videntur. Circa illud tempus aetatis enim, quo menstrua prodire solent, virgo corripitur poterit aliis morbis, qui non pendent ab instante menstruatione, sed a longe aliis causis, & tamen omnia, quae contingunt hoc tempore, huic unicae causae tribui solent, non tantum a mulierculis, sed & quandoque a Medicis, minus saepe attentis ad singula, dum numerosa praxi obruuntur potius, quam occupantur. Novi, cogitatum fuisse de Emmenagogis validis exhibendis, dum susceptum variolarum contagium, una cum horrore, & levi febre, dolorem dorsi cum rubore faciei produxerat. Urgente matre aegrae, prudentior Medicus in consilium vocatus vix potuit obtinere viginis quatuor horarum moram, ut certior morbi Diagnosin haberi posset, antequam Emmenagoga adhiberentur.

Praeterea nimis saepe sollicitae matres, dum certum tempus aetatis adest, cogunt fere Medicos, ut omnia artis molimina adhibeant, a quibus menstruum eruptio sperari potest.

Naturae tamen opus est sensim sic disponere uterum, ut menstruum sanguinem dimittat, dilatatis lente vasorum extremis: patuit autem ex ante dictis, hoc vario aetatis tempore fieri in variis. Nunquam me poenituit, quod spectatorem egerim in simili casu, & astu medico, sed licito, utens talia dederim tantum, quae minime turbare poterant corpus, nec augere humorum motum, ut videres aliquid agere, dum nihil agerem, sicque importunis me liberarem querelis.

Contigit enim saepius, ut dum per plures menses calidis stimulantibus remediis tentaverant menstrua educere, alios morbos produxerint, vel & frequentibus balneis sic debilitaverint uterina vasa, ut prodierint menstrua quidem, sed postea fluxerint nimia copia, & singulis fere septimanis redierint, non sine sanitatis detrimento, & sterilitatis metu.

Idem verum est de copia fluoris menstrui, quae non tanta est, ut multi crediderunt, prout antea monitum fuit; & diversa est in diversis mulieribus, sanis tamen, & foecundis, pro varia temperie, & vivendi genere.

Ubi ergo solitum aetatis tempus adest, mammae fororari incipiunt, subitum corporis incrementum observatur, facies magis florida est: si tunc dolor lumborum, & spinæ dorsi, tensio circa cervicem, & inguina, cum obtusi doloris sensu, percipiuntur, novimus, corpus muliebre disponi ad menstruum eruptionem. Molli balneo, frictionibus crurum, & femorum,

lenioribus emmenagogis, incepta naturae molimina juvare tunc licet. In quibusdam, licet rarius, absque ulla molestia fluunt prima menstrua, & pleniusque semel sic apertis uteri vasis sequentes periodi sine modo enarratis symptomatibus pergunt, vel saltem eadem leviora sunt, & minus frequentia.

§. 1289. **P**RO solutione requirit varia remedia respectu variae causae.

Curatio requirit, ut justo tempore, & debita copia fluor menstruus prodeat. Cum autem variae possint esse causae, diversa etiam medendi methodus postulatur. Adeoque nihil generale hic statui poterit, sed requiritur sedula indagatio causae, ob quam suppressio menstruorum fit, ut possit felix curatio fieri. Si enim decantatissima etiam darentur Emmenagoga, dum viae, per quas exire debet sanguis, clausae sunt (de qua re mox agetur), nocerent haec pessime, proderent nunquam. Si in pallida, Leucophlegmatica virgine omnes functiones langueant ob boni sanguinis defectum, frustra tentatur menstrui fluoriseductio, antequam prius sic roboretur flaccidum, & debile corpus, ut ex ingentis bonus sanguis vi viscerum, & vasorum confici possit. Si e contra vasa uterina nimis contracta difficulter sic dilatari possint in extremis suis, ut sanguinem transmittant, opposita requiritur medela; mollissimis enim remediis, externo, & interno usu adhibitis, vasorum resistentia minui debet: sic etiam de reliquis, de quibus ergo singulatum agendum erit.

§. 1290. **Q**UAS inter naturalis, vel superveniens pudendorum concretio manum Chirurgi requirit, debito instrumento, debito vulnere viam facientis.

Licet debita sanguinis boni copia adsit, & vasa uterina debito tempore illum transmittant in cavum uteri, nisi exitus pateat per os uteri in vaginam, & ex hac extra corpus, menstrua supprimentur. Numerosa enim observata docuerunt, sic aliquando concrevisse pudenda, vel transversim posita in cavo vaginae membrana ita impeditum fuisse exitum, ut omnino nihil sanguinis effluere posset.

Haec autem concretio pudendorum quandoque *naturalis* est; si nempe a prima nativitate adfuerit; unde obstetrici monentur, ut in recens natis caute inquirent, an circa pudenda aliquod visum observetur. Facile autem patet, tunc tantum posse detegi illam concretionem, quae in pudendi labiis obtinet, minime vero aliquod impedimentum, quod altiori loco in vagina, vel in ipso uteri ore adesset, cuius noxae vix observantur, antequam menstrui fluoris debitum tempus adsit.

Frequentius tamen talis concretio post morbos harum partium, excoriationes, inflammationes, ulcera &c. sequitur; & tunc *superveniens* vocatur.

Potest autem tale impedimentum adesse vel in orificio uteri, vel in vagina,

gina, vel & in utrifque, quod tamen raro contingit. Sub vaginae nomine etiam comprehenduntur pudenda, externa dicta.

Primo dicitur de impedimentis, quae uteri orificium claudunt, sic, ut menstrui floris sequatur suppressio.

Antiqui Medici has suppressorum menstruum causas observaverunt. Sic enim apud Hippocratem (1) legitur: *Si uteri indurati (schistosi) fuerint, os asperum redditur, & menses delitescunt.* Paullo post addit: *Et eorum osculum clauduntur, neque concipiunt. Quum sic habuerit, si digito consigeris, os operum deprehendes, neque digitum inromittit.* Similia repetit in sequentibus (m). Praeterea alio in loco (n) discrete mentionem facit membranae, orificium uteri obturantis. Sic autem habet: *Si genituram non recipiat, mensibus secundum naturam proceduntibus, membrana ori uteri praetenditur, quod etiam aliis ex causis contingit. Id autem cognoscet, si digito ad attrahendum immisso, obicem attigeris.* Verum quidem est, quod hoc loco dicat, in sterili tali muliere menstruum fluorem naturaliter prodire; sed non facile concipitur, quomodo menstrua exire possint, dum membrana uteri orificio praetenditur, quae impedit, ne genitura ab utero recipi possit. Hinc verosimile videtur in textu omissam fuisse particulam negativam *non*.

Alio enim in loco (o) eadem repetit omnino, & in variis lectionibus (p) ad hunc textum notatur, ex Calvo, quosdam codices loco *exquirunt* habere *ut inquirunt*. Tunc autem textus satis facilis foret totius illius capituli, quod ita incipit: *Quod si diu non concipiat, non apparentibus mensibus &c.*

Deinde sequitur textus modo citatus, qui tunc sic legendus foret: *si mulier genituram non recipiat, mensibus non secundum naturam proceduntibus &c.* In primo textu menstrua deficiebant omnino; in secundo non fluebant secundum naturam, forte parca tantum copia ex solis vaginae vasis, per quae quandoque etiam in gravidis sanguinem exire, antea monitum fuit. Quidquid sit de hujus textus emendatione, saltem hoc constat, Hippocratem mentionem fecisse membranae, quae praeternaturaliter orificium uteri occludebat.

Anatome confirmavit evidenter, quod tale floris menstrui impedimentum adfuerit, sicut videri poterit (q) in Academia Parisina, ubi ad §. 1285. dictum fuit.

Celebris Chirurgiae Professor, Antonius Benevoli (r), insignem casum narrat, ubi felici errore catheterem tentans in vesicam introducere, ut ischuriam levaret, eundem in vaginam, & os uteri immisit, sicque puellam octodecim annorum, a suppressis mensibus tumidissimam, ex ipsis orci faucibus eripuit. Cum enim haec urinae suppressio oriretetur inde, quod distensus admodum uterus comprimeret vesicae collum, non potuit, nisi diffi-

cul.

(1) De Natur. mulieb. cap. 37. Charter. Tom. VII. pag. 707.

(m) Ibid. cap. 39.

pag. 708.

(n) Cap. 68. ibid. pag. 715.

(o) De Mulier. morb. lib. I.

cap. 20. Charter. Tom. VII. pag. 743.

(p) Ibid. pag. 743. N. 129.

(q) Académ. des Scienc. l'an 1704. hist. pag. 33.

(r) Dissertationi &c.

e Osservazioni pag. 79. & seq.

ficulter, in vesicam introducere catheterem; quod, dum sequenti mane denuo tentaret, per integram horam non successit; unde mutato aegrae situ, conatus fuit illud perficere, licet minus distinguere posset in illo situ, annon catheter aberraret a via. Credebat tamen, se immisisse catheterem ad sphincterem vesicae usque: cumque & diuturnae morae impatiens, & aegram levare cupiens, parum fortius adigeret instrumentum, per catheterem exivit obscuri coloris liquor, faecum vini instar, quem habebat pro urina sanguinolenta. Noverat enim, paucas sanguinis guttas tingere posse simili colore urinam in vesica contentam. Cum autem magna copia talis colluviei (ad quantitatem triginta duarum librarum) evacuaretur per catheterem, vidit magno cum impetu exire urinam limpidam, sed non per catheterem, & inde novit, quod instrumentum hoc non pervenerit in cavum vesicae, sed penetraverit in cavum uteri: nullam enim in vagina invenerat resistentiam. Mox aegra ingens levamen sensit, & laeta narravit totam morbi sui historiam: nempe, quod nunquam menstrua ipsi prodierant, jamque a triennio sensim inceperat tumere abdomen; & quod singulis mensibus, certis quibusdam diebus, cum levis doloris sensu, auctus esset tumor abdominis, donec ad eorum magnitudinem pervenisset.

Sequenti mane, digito in vaginam immisso, invenit verum esse, quod crediderat, osque uteri dilatavit, ut libere effluere posset spissior materies, quae adhuc uteri cavo continebatur, hoc effectu, ut mensis spatio crassa prodirent cum membranis corruptis: hanc autem evacuationem promovit, dum uteri internam superficiem deterfit, injecto decocto herbarum vulnerariarum cum melle rosato. Postquam autem insigniter jam minuta erat illius materiae evacuatio, atque illa jam esset boni coloris, injectit vinum myrrhatum, sicque post binos menses sana haec puella in patriam abiit. Post octo tamen, vel decem annos rediit, quaedam hysterica symptomata patiens, quae inde credebantur ortum ducere, quod omni Medicorum diligentia non potuerit restitui menstruus fluxus. Mirabatur hoc Egregius *Benevoli*, cum in tribus aliis puellis, quae menstruorum suppressione laborabant, quia membrana claudens orificium vaginae exitum impendebat, dum dissecta hac membrana viam paraffet collecto sanguini, rediret ordinata menstruuorum periodus. Optime autem notat, quod in priori casu, per integrum triennium morante in utero sanguine, sic mutata fuerit uteri interna superficies, ut vasorum uterinorum extrema aperiri non poterint ita, ut menstruum sanguinem dimitterent.

Sponte patet, in tali casu nihil aliud superesse remedii, nisi ut prudentis Chirurgi manu pertundatur membrana, os uteri claudens, & dein sensim dilatetur, uti in hoc casu factum fuit. Dum os uteri connivebat, iussit *Hippocrates* (1) sequentia: *Copiosa calida lavato; & quae os emolliunt, apponito; immissoque specillo aperito; quod per digitum eodem modo facito.* Et alio in lo-

co

(1) De Natura Mallebr cap. 39. Charter, Tom. VII. pag. 708.

co (s) dicit: *Quum vero lota, & sota fueris, os uteri specilla flammeo, aut plumbeo dilatato, simulque, si opus fuerit, dirigit, a tenui auspiciatus; deinde crassiore, si admiseris, donec probe habere videatur. Specillum autem emolliente, quodcumque conducere videbitur, dissoluto, & liquido reddito, intringito. Specilla lata posteriore parte conficito &c.* Alibi (u) notat sequentia: *Quum malier genituram excipere non possit, membranam uterorum osculo adnatam esse, omnino necesse est. Hanc autem videtur consumere voluisse per aeris foramen, sel tauri &c.* Tutius certe pertunderetur talis membrana, cum ab acrioribus remediis laedi posset os uteri, adeo sensibile. Imo paullo post (v) ipse Hippocrates monet: *Nihil acre adhibendum. Si enim os uterorum exulceratum fuerit, quum inflammatum fueris, periculum est, ne prorsus sterilis fiat.*

Omnium autem facillime prodibunt menstrua, si vasis uterinis debito tempore dilatatis, & apertis, sanguis libere per uteri os molle, & facile cedens exstillet. Ad hoc autem requiritur, ut uteri os e directo vaginae sit positum, uti naturaliter fieri solet. Observatur quandoque, uti postea in partu difficili dicitur, os uteri a recto hoc situ declinare versus anteriora, posteriora, vel & laterales pelvis partes. A perverso hoc situ poterit nasci difficilior effluxus sanguinis menstrui, imo & integre supprimi, prout vel partim, vel integre os uteri partibus vicinis adpressum conniveat, vel obtureretur omnino. Unde ab utero averso fluxum menstruum impediri, monuit Hippocrates. (x). Et alibi (y), *Si uteri ad coxendicem decurreris, tum menses non prodeunt, tum dolor ad imum ventrem, & ilia pervenis; ac si digito conigeris, os in coxendicem deprehendes.* Monet etiam, quandoque uteros ad med. s. lumbos se convolvere (z). Et paullo post (a) subjungit; *As quibus osculum alio inclinas, & in coxendicem incumbis (haec enim etiam fiunt, utrumque purgari, & genituram suscipere, liberosque procreari prohibens) hanc odoratis fovere oportet, & post fomentum digito revellere, & a coxendice abducere, posteaque tardulis, & plumbea fistula dirigere; neque enim celeriter coegetur, ut distum est.* Similia his pluribus in locis apud Hippocratem habentur. Fomenta mollia commendabat prae reliquis, & post horum usum suadebat, ut digito immisso ad naturalem situm redigeretur os uteri. Videtur etiam quandoque post emollientia adhibita usus fuisse acrioribus, ut horum vapore irritatus uterus contraheretur, sicque situm mutaret. Ita suadet (b); *Copiosa calida lavandum, & uteri fovendi, urinaque vetus insundenda, & servesciendae, & supra pelvis cavitatem mulier, vestibus coniectae, collocandae. Ubi autem urina refrigeris, massae ignitae in urinam injiciendae, & fomentum adhibendum, quoad se obuse cernere, & animo desicere dicas.* Patet ergo, os uteri clausum, distortum, induratum posse esse causam suppressionis menstruum; uti etiam, si perverso situ orificii uteri impediatur liber exitus sanguinis men-

(s) De Infecundis cap. 8. Charter. Tom. VII. pag. 847.

(u) Ibid. cap. XI.

pag. 851. (v) Ibidem cap. XIII. pag. 853.

(x) De locis in homine cap. 18.

Charter. Tom. VII. pag. 376.

(y) De Natura Mulieris cap. 8. Charter.

Tom. VII. pag. c85.

(z) De morbis Mulierum lib. 2. cap. 19. Ibid. p. 807.

(a) Ibid. cap. 20.

(b) Ibid. cap. 23. pag. 813.

menstrui in cavo uteri contenti. Simul etiam constat, has causas saepe satis difficulter indagari posse.

Frequentius occurrit concretio pudendorum, exitum impediens, vel & membrana, vaginae cavum dividens in duas partes, sic, ut sanguis ex utero delabens retineatur. Talis membrana praeternaturalis, licet etiam altiori loco haereat, a sanguine collecto incumbente distracta, descendit ad pudendi orificium usque, & oculis apparet. Sed & hymen, de quo inter Anatomicos multum disputatum fuit, angustat vaginae introitum; naturaliter tamen perforatus est, quod imprimis diductis partibus genitalibus apparet: tunc enim rima oblonga cernitur; si magis diducantur, foramen rotundum conspicitur; si sibi relinquantur sensim remissae hae partes, hymen concidit, osculum angustatur in formam oblongam, clauditur in rimae speciem; quae omni diductione partium cessante dilapset. Hymenem talem in maturo Embryone invenit, & in infantibus junioribus, proVectioribus, in nubilibus, & in virginibus viginti quinque circiter annorum *Celeberrimus Albinus* (c); & ut solet semper, accuratissime descripsit, & figuris illustravit. Naturaliter ergo hymen patulam satis viam relinquit sanguini menstruo exituro: verum quandoque observatum fuit degenerasse in membranam densam, quae nullam aperturam habet. Sic *Diemerbroëk* (d) testatur, *se in publico ibeairo secuisse juvenculam viginti trium annorum, in qua illam membranam omnino continuam, nec usquam pertusam, adeoque firmam invenit, ut cuiuslibet fortissime arietantis viri impetum sine disruptione sustinere potuisset.* Hae *Aretae*, sive imperforatae dicuntur; quales casus plures in Historia Medica leguntur. Verum non tantum circa orificium vaginae, sed & altiori in loco membrana talis praeternaturalis inventa fuit; qualis casus mirabilis apud *Ruyfchium* (e) legitur. Gravida mulier intensissimos partus dolores patiebatur, ita ut clamoribus totam impleat viciniam, neque validissimis conatibus partum promovere poterat. Vocatus *Ruyfchius* invenit *membranam Hymenem, integram, valde crassam, & a foetus capite, exitum quaerente, foras extensam.* Discindebatur haec membrana forfice, & stylo excavato, ne caput infantis laederetur. Frustra tamen expectabatur partus. Altera enim praeternaturalis membrana aderat, vulvam profundius claudens; qua pariter incisa, illico in lucem edebatur foetus, vivus, & robustus, superstitie matre, quae post aliquot septimanas optime convaleuit, & una cum prole pancreatico vivebat, dum mirum hunc casum publico communicabat *Ruyfchius*. Mirum est, duplici tali obstaculo non impeditam fuisse foecunditatem in hac muliere; de qua re dicendum erit in sequenti capitulo.

Facile patet, menstruum suppressionem, a tali causa natam, non posse curari, nisi tollatur illud impedimentum Chirurgi manu. Tale impedimentum adesse cognoscitur, si debito aetatis tempore symptomata adfint fluoris menstrui instantis, nec tamen prodeat: si singulis mensibus eadem sympto-

mata

(c) *Academ. Annot. Lib. IV. cap. X. pag. 49. & seq. cap. 26. pag. 147.*

(d) *Obſervat. Anat. Chirurg. Centur. Obſerv. 22.*

pag. 21.

(e) *Anat. Lib. I.*

cap. 26. pag. 147.

mata redeant, simulque uterus turgens magis magisque tumere abdomen faciat; si tumor ille inferiorem abdominis locum occupet, ^(f)phæricus, mollis, aequalis; nec illum premendo ullus sentiat motus infantis ^(f); si diu duraverit hoc malum, abdominis tumor adeo augetur, ut superet multum ventris molem, quæ in gravida muliere adest paullo ante partum. Simul membrana talis a sanguine incumbente tensa in vagina protuberat, quandoque & extra vulvam prominet.

Virginem viginti annorum ob suppressa menstrua jam a multis mensibus valetudinariam, de hypogastrii ponderositate, & dolore intolerabili frequentee conquestam, curavit *Kayfichius* (g) sola incisione cuiusdam membranae pone membranam Hymenem sitae, & totam vulvam perfecte claudentis. Mirabatur autem, sanguinem, qui illico a sectione ad libras circiter quatuor maximo impetu erumpebat, nequiquam coagulatum, multo minus putrefactum, sed nigricantem fuisse. Alius casus legitur (h) de virgine viginti sex annorum circiter, cui nunquam menstruus fluor prodierat, sed acerbos dolores tumidi abdominis passa fuerat, auctos singulis tribus, quatuorve septimanis; tandem & tumor in vulva apparuit, quem quidam pro hernia, alii pro uteri prolapsu habuerunt. Dum dextrerrimus, & peritissimus Chirurgus *Sammie* omnia sollicitè examinat, invenit tactu liquidum haerere pone hanc membranam, quam lanceola discidit, & mox magna sanguinis copia impetuose prorupit. Membrana illa pergamini habebat crassitiem, nec dolebat, dum discinderetur: evacuato sanguine, os uteri exploravit, quod altiori loco situm invenit, quam solet esse in illis, quæ nunquam pepererunt, sed in reliquis naturaliter se habebat. Perfectè curata fuit hæc virgo, & post aliquod tempus menstrua debito tempore, & copia fluxerunt: postea viro nuptæ foecunda fuit, & sana vixit. Sanguis autem, incisa membrana hac, erumpens, boni coloris erat, admodum fluidus, & nullum spirabat foetorem: dum in vase exceptus reponeretur, incepit rarefcere, & fermentari, ita ut transcederet margines vasis, quamvis illi tribus digitis transversis eminenter supra contentum in vase sanguinem. Plures in simili morbo tractaverat, idem ille Chirurgus; sed in nulla invenerat membranam adeo densam, nec vaginam adeo exacte clausam.

Coningere etiam potest talis angustia vaginae, ut sanguis menstruus vel omnino non exire possit, vel saltem difficulter admodum; unde in hoc transitu grumescens viam arctam adhuc magis obturat. Dilatari tunc per artem vaginæ debet; cuius satis mirum exemplum legitur (i) de muliere, cuius vagina per totam suam longitudinem adeo arcta erat, ut magna cum difficultate calamus scriptorium mediocris magnitudinis capere potuisset: unde matrimonium ante triennium jam contractum, cum consummari non potuisset, irritum secundum leges declarandum erat; jamque in procinctu erat

ter-

(f) *Astroc Traité des maladies des femmes* Tom. I. pag. 258.

(g) *Observat.*

Anatom. Chirurg. Centur. observ. 32. pag. 21.

(h) *Holl. Maatschapp. te Haar-*

lem Tom. V. pag. 424. & seq. (i) *Benevoli dissertazioni* &c. c. osserva. un.

pag. 86. & seq.

termini statuti finis. Causa hujus angustiae in vagina cognita nulla erat. Simul vagina dura adeo erat, ut callosa videretur. Egregius *Benevoli* per aliquot dies fomenta emollientissima applicuit, deinde per totam longitudinem vaginae induxit pessarium ex radice *gentianae* paratum (qua solet Chirurgi uti ad dilatanda fistularum officina); sensim autem adhibebat crassiora, donec sic dilataretur vagina, ut introduci posset medulla interior, quae in trunco frumenti Turcici continetur; pessarium inde factum, ab affluentibus humoribus turgens, majorem faciebat dilatationem; augebatur successive talis pessarii crassities; ultimo spongia, rite praeparata, in eisdem adhibebatur usus, quae potenter dilatare valet, injecto simul vino myrrhato ad sanandas leves excoriationes, quae forte a pessariis illis dilatantibus oriri potuissent. Redeunt aegrae in patriam fuasit, ut subinde repeteret spongiae applicationem, ut stabilis servaretur vaginae dilatatio. Post longum tempus spongiae usum intermisit, literisque datis ad *Benevoli* mandavit, se obtinuisse, quod speraverat.

Similis casus in *Academia Parisina* (4) legitur; sed qui absque artis auxilio sanatus fuit. Foeminae, quae decimo sexto aetatis anno nupserat, vagina erat adeo angusta, ut vix calamus admitteret. Dolorem sensivum in utero sentiebat menstruum tempore, quae libere non fluebant; unde credebatur vaginam adhuc angustiorum esse prope uterum, quam circa exterius officium. Frustra tentaverat juvenis, & validus maritus viam parare: nihil tentari posse, crederet Chirurgus. Post undecim annos gravida invenitur, licet vagina aequae arcta foret, ac ante. Omnes de partu futuro desperabant. Verum circa quintum graviditatis mensem sponte vagina incepit dilatari, atque circa finem, instante partu, debitam amplitudinem acquisivit, & mulier felicissime peperit.

Docent bini hi casus, magna prudentia opus esse, antequam statuatur, matrimonii consummationem impossibilem esse ob nimiam angustiam partium genitalium in muliere.

§. 1291. **C**Aeterum, ubi a stagnante liquido, huic conciliabitur fluor. 1. Fotu, & frictu pedum. 2. Apertura venae in pede, & sanguine misso. 3. Purgantibus Uterinis datis. 4. Emmenagogis. 5. Emplastis, fotibus, linimentis, vaporibus, calore. 6. Ipsa vasa a plethora debilitata roborando per Chalybeata, & Adstringentia.

Agendum nunc erit de illis remediis, per quae effici possit, ut menstruus fluor, morbose suppressus, denuo solita periodo prodeat. Cam autem antea patuerit, in variis regionibus, vario aetatis tempore, prodire non tantum, sed etiam in eadem regione observari saepe notabilem diversitatem, imo & in eadem familia; hinc prudentia opus est, ne tota sanitas turbetur importunis auxiliis, dum nondum uterus paratus est, ut menstruum sanguinem

(4) L'an 1712. hist. pag. 48.

dimittat: hoc autem naturae, non artis opus esse, antea pluribus demonstratum fuit. Si vel minimum de hac re dubium superfit, mollissimis tantum remediis locus erit; quae nempe sanguinem reddunt meabilem, & vasa ad facilem dilatationem disponunt. Urgere enim, & motum augere per calida, & acria remedia, quae in classe Emmenagogorum recensentur, dum nondum dispositae sunt viae, non caret periculo. Vidi aliquoties haemoptoën, validasque varium haemorrhagias secutas fuisse; imo & per alia corporis loca exivisse sanguinem, dum ad prima pubertatis signa a mulierculis dabantur acria Emmenagoga virginibus: saepe tunc contingit, ut difficulter, & longo tempore possit obtineri debita menstruum per solita loca excretio.

Alterum, quod hic notandum est, menstruum fluorem esse evacuationem sanguineam, adeoque supponere talem in corpore sanguinis copiam, ut absque sanitatis detrimento possit minui. Saepius autem menstrua deficiunt in illis, quae chlorosi, sive pallido dicto virginum morbo, laborant, in quo sanguis ruber deficit. Si talibus aegris per venae sectionem dematur pauculum sanguinis, quod adhuc adest, tanto magis languent, & tanto difficilius curantur. Prius ergo in his viscerum, & valorum robur restituendum est, ut ex ingestis bonus sanguis conficiatur, antequam sperari possit, ut debito ordine menstrua prodeant. Quomodo autem, & per quae remedia hoc obtineri possit, dictum fuit antea ad §. 28. & 47., & adhuc quaedam dicenda erunt ad numerum sextum hujus paragraphi.

Ubi ergo pallent labia, gingivae, oculi, loca sub oculis laxa, inflata tumant, totum corpus molle, frigidum, tumidulum est, ad minimum corporis motum anhelant, hebetes, & adiphorae quasi ad omnia, languent, & frigent virgines, de Emmenagogis cogitandum non est, antequam per bonam medendi methodum restituta fuerit sanitas. Si vero floridus adsit in vultu color, calor aequabilis sit ad extrema usque, & signa aote recensita adsint, quae docent, urgeri vasa uterina, nec aperiri tamen, tunc locum habent illa auxilia, quae in hoc paragrapho commendantur.

Stagnat autem, vel stagnare incipit in vasis distentis uteri liquidum, vel quia illud minus meabile est, vel quia vasa nimis resistunt dilatationi requisitae, vel & quandoque utrumque vitium concurrat. Tunc Medici prudenter tentant sequentia.

1. De his omnibus dictum fuit in *Capitulo de obstructione*, ubi simul etiam de derivantibus, attrahentibus, & propellentibus actum fuit. Cum autem pedes, & crura ab iliaceis arteriis externis sua vasa accipiant, uterus ab hypogastricis non tantum, sed ab iliaceis externis etiam, & variis inter se anastomosibus communicet (uti *tabulis in Eustachianis* (1) videri potest), facile patet, quare per balnea laxatis pedum vasis, & dein per frictiones accelerato motu in iisdem, major copia sanguinis derivetur versus aortam, ubi in Iliacas dividitur, adeoque & magis tunc urgeantur uteri vasa; sicque sperari possit, illorum extrema ita dilatari posse, ut menstruum fluorem dimittant.

¶

(1) Tab. XIII.

Simul notandum est, practicis observatis, constare calorem pedum prodesse menstruantibus, frigus autem nocere; imo quandoque subito menstrua, supprimi, si admodum frigescent pedes; quod saepius observavi; praecipue si pavimento marmoreo frigido pedibus insistant diu. Solent enim ab hac causa sola, contractis spasmodice intestinis, dolores colici oriri molestissimi, in quibus magnum levamen sentitur, si pedes incaluerint, imprimis per frictiones. Omnia enim abdominis viscera male afficiuntur, dum pedes intense frigent; adeoque mirum non est, & uteri vasa stringi, sicque supprimi fluxum menstruum.

Balnea ergo haec, & frictiones pedum profunt, frigus impediendo, & calorem revocando, ac augendo in extremi corporis inferioribus; dum simul motum sanguinis accelerant, & copiam humorum augent in pedibus, cruribusque. Cum autem extrema inferiora accipiant sanguinem ab Iliacis externis arteriis, uterus vero praecipue ab arteriis hypogastricis; hinc videtur sequi tanto minus urgeri vasa uterina, quanto plus tument, & implentur vasa pedum, ac crurum. Adeoque, si post balnea pedum, ac somenta adhibita, & per friciones aucto motu per arterias Ilicas, posset impediri, vel minui trajectio sanguinis per arteriam cruralem, augetur subito impetus, & copia sanguinis per uterina vasa moti, sicque possent removeri obstacula, quae aliis resisterent remediis.

Pulcrum talis methodi exemplum legitur (m). Egregius apud Edinburgenses Medicus, *Arthibal Hamilton*, vocatur ad curandam virginem, cui circa vigesimum aetatis annum suppressa erant menstrua per septem fere menses: causa fuerat, quod fluxus menstrui tempore se exposuisset imprudenter frigori. Antea satis commoda sanitas fruebatur. Nullo Medici consilio usa fuerat; pauca tantum muliercularum suavis remedia adhibuerat absque ulla levamine. Color incipiebat pallidior fieri; appetitus, & digestio depravabatur; languor, nausea, & vomitatio aderant; pulsus erat tardus, & languidus; lassitudo magna impendebat solitum corporis exercitium. Caeterum nullo unquam pectoris morbo laboraverat, neque dolabant, aut tumebant pudenta.

Duodecim diebus ante solitam menstruum periodum exponebantur vespere pudenda vaporis aquae tepidae quotidie: post decem dies dabatur purgans aloeticum, a quo alvus quater evacuata fuit. Sequenti die, hora septima vespertina, splenium applicabatur cruralibus arteriis illo in loco, cui solet applicari premons. cochlea (*towniquet*) in exstirpatione femoris: fascia circumducta premebatur arteria: cruralis a splenio; sed non tam valide, ut mortificationis periculum foret, ob impeditum influxum sanguinis arteriosi in partes inferiores. Eodem tempore vaporis aquae tepidae exponebatur aegra.

Intentio Medici fuerat praesens manere, ut effectum observaret sedulo, sed subito vocatus ad alium aegrum, absuit per viginti horae minuta: dein rediens, invenit pulsum utrunque celeriorum: post mediam horam elapsam incepit sentire pondus, & plenitudinem in regione uteri, & languere. Cum vero,

(m) *Essais and observat. Physf. and liter. Tom. II. pag. 403. & seq.*

vero, nec in capite nec in pectore molestiam sentiret, relicta fuit ligatura, & cardiaci remediis cochlear datum fuit. Sefqui horae spatio post primam applicationem ligaturae comprimentis prodierunt menstrua. Cum autem pedes parum stupefcerent, relaxabatur ligatura; nec tamen removebatur scilicet, nisi sequenti mane, dum menstrua fluere pergebant absque molestia; & continuaverunt per integrum triduum. Postea autem solita periodo menstrua prodierunt, & integra rediit sanitas.

An simile quid indicare voluit *Argemeta* (a), dum jubet, ubi statum mensium tempus propinquum est, vinculis constringere inferiores partes per tres, vel quatuor dies? Verum, cum inflat purgationis tempus, tunc voluit ligaturas solvi, & *myrrham*, *castoreum*, aliaque Emmenagoga dari. In sequenti quidem capite (o) ligaturas commendat ad compescendam nimiam uteri haemorrhagiam, sed non in solis artubus inferioribus, verum & circa axillas, & circa inguina. Forte tunc molliorem tantum per vincula compressionem volebat, ut venis pressis sanguis non tanta copia rediret ad cor; quod magnum usum habet in haemorrhagiis sanandis, uti antea saepius dictum fuit. Ad menstrua autem provocanda solas partes inferiores ligandas suavit, neque tamen valida constrictio potuit fuisse, cum per tres, vel quatuor dies manere deberet ligatura. Verum minuta venarum amplitudine per fascias in extremis inferioribus, arteriae iliacaе externae minus facile depleri poterant in venas turgidas, & plenas; adeoque plus urgeri debebant vasa uterina toto illo tempore, quo ligaturae manebant applicatae.

2. Cum in suppressione mensium retineatur ille sanguis, qui singulis periodis evacuari solebat, augebitur ejus copia, & quidem eo plus, quo major sanguinis quantitas per uterina vasa exire solebat: antea enim dictum fuit, magnam varietatem hic observari in variis foeminis. Ad minuendam ergo plethoram, a retentis mensibus natam, conducet sanguinis missio. Unde etiam, quando proveciore aetate cessant menses naturaliter, venae sectionem, & frequentius repetitam quidem, consulunt multi. Tamen hoc non universaliter verum esse videtur: si enim sensum minuat fluxor menstruus copia, & periodorum intervalla prolongentur, neque plethorae signa adsint, tunc sanguinis missione opus non erit. Non enim adest menstruorum suppressio, sed cessatio naturalis, quae turbari non debet. Si autem circa quadragesimum quintum annum subito supprimantur menstrua, quae hactenus solitam periodum servaverant, a valido v. g. animi affectu; si tensio, & obtusus dolor circa lumbos, inguina, pubem adsint, tunc venae sectio proderit.

Ut autem certo indicetur venae sectio in mensium suppressione, debent adesse signa plethorae; si enim menstrua defecerint ob boni sanguinis inopiam, in exhaustis per morbos praegressos corporibus repleto indicatur, non evacuatio. Ubi autem ipsa plethora degeneraverit in cacochymiam, neque tunc venae sectio requiritur semper, sed aliae potius evacuationes, quae non minuunt boni sanguinis copiam, sed vitiosos humores a corpore educunt, vel

(a) Lib. III. cap. 61. pag. 52. Versa.

(o) Ibidem.

vel illos sic mutant, ut denuo sanorum humorum indolem aquirant; de qua re ad sextum numerum in hoc paragrapho agetur. Monuerat *Manningham* (p) sequentia: *Hydrops in ventre a mensuris, magna ex parte, vel omnino deficientibus, plerumque oritur*. Si ergo *Hydrops* jam natus esset ab hac causa, sanguinis evacuatio non conducere: licet quandoque prodesse pot. et in ipsa mensium suppressione, quae secuti *hydrops* causa fuit. Satis bene hoc notavit *Helmonius* in loco antea citato (q), ubi de hac re agit, dicens, *Nam primo peccat abundantia bona, dein superfluitate onerosa, mox privatur vita, & virus evadit*. Unde concludit sequentia; *Peccatur ergo a febribus, per venae sectiones, dum virgines ex parte mensurui palpitationem sentientes, succurrere satagunt sine distinctione. Nam quamquam menstruum primi gradus, per phlebotomiam revulsam, palpitationes sedet: in tertio tamen mensurui gradu exitiale remedium praedixi archiatriis nostris*. Imo addit, quod virgines repente extinctas viderit, propter phlebotomiam, se invito institutam.

In initio ergo ad solvendam plethoram sanguinis missio utilis erit; serius autem, ubi plethorae successit *cachochymia*, nonnisi magna cum cautela. Poteritque hic locum habere monitum illud *Celsi* (x) de venae sectione (cujus alia occasione ad §. 890. 1. mentionem feci); quod nempe inutiles sit, cum jam spatio ipso materia vel exhausta est, vel corpus corruptis, ut distractio inbecillum id facere possit, non possit integrum.

Ad minuendam vero sanguinis boni copiam, pertusio cujusvis in corpore venae sufficeret: tamen videmus, omnes fere Medicos suadere, ut venae sectio in pede instituitur. *Galenus* (f) hoc absolute iussit: *Nam plenitudines a suppressis mensibus oris omnino per crura evacuabis, siue venam secare oportet, siue scarificare*. Scilicet enim in cubito venae mulierum revellere purgationem assolent. Simul monet, non esse protogandam in his evacuationem; & si angustas venas haberent, praeferebat scarificationes, quas & menses provocare monuit. Idem affirmavit *Oribasius* (z), scarificationes laudans in suppressione menstruorum: *Statutum autem purgationis tempus expectare oportet, tuncque, quum nihil, vel parum sponte fluxerit, catenus detrahente hoc auxilio uti debemus, quatenus usus postularit*. Videtur autem per haec indicare tantum voluisse, scarificationibus talem copiam sanguinis demendam esse, qualis post suppressa, vel multum imminuta menstrua maneret in corpore superabundans. Verum & ad promovendum menstruum fluorem prodesse scarificationes, docent illa, quae mox sequuntur: *Quibusdam etiam mulieribus, ut de more menstruas purgationes iterum redirent, hoc auxilium maxime consultis; nam continua in inferiores partes sanguinis editio, inclinationem, viamque ipsi praebet*.

Post circulationem sanguinis cognitam, clarius intelligitur utilitas venae sectionis.

(p) Artis Obsteir. Compendi pag. 50.

(q) Lib. II. cap. 10. pag. 80.

(f) De curandi ratione per venae sectionem cap. 11. Charter. Tom. X. pag. 440.

Hirund. &c. Cap. xx. Ibid. pag. 458.

(z) In capitulo Lunari tributus pag. 584.

(f) De curandi ratione per venae sectionem cap. 11. Charter. Tom. X. pag. 440.

(z) De Cucurb. scarific.

sectionis in pede, ad menstrua provocanda, non quidem in omni suppressione menstruorum, sed saepe tamen. Si tensio, & ponderis sensus circa pubem, & inguina adsint, & lumborum dolor, circa tempus periodi menstruae, novimus, vasa uteri repleti, distendi, nec tamen ultima extrema arteriarum, in cavum uteri hiantium, satis aperiri, ut distendentem sanguinem transmittant. Si ergo post balnea, imprimis vaporis, laxentur haec vasa, & simul tunc angeatur motus per vasa impleta, spes est, resistentiam circa fines vasorum superari posse ita, ut menstrua prodeant cum levamine omnium molestiarum. Ad numerum primum hujus paragraphi dictum fuit de compressione arteriarum cruralium facta, & quidem hac spe, ut sanguis per arterias iliacas motus, non potens libere per arterias crurales transire, urgeret fortius vasa uterina, sicque resistentiam circa fines illorum superare posset. Per venae sectionem autem in pede acceleratur motus sanguinis, & liberius redditur per arteriam cruralem illius lateris, in quo vena aperta fuit; adeoque minus urgentur vasa uterina; & inde a quibusdam concludum fuit, sanguinis missionem in pede minuire quidem sanguinis copiam, sed caeterum potius nocere, quam prodesse, in provocandis menstruis. suppressis.

Considerandum autem est (vide §. 106. 8.), per ipsam plethoram majora vasa distendi, secretiones per minora vasa mutari, venas comprimari, extrema vasorum arteriosorum orificia a turgentibus majoribus ramis arteriosis claudi, hinc liberam circulationem suffocari. Dum ergo vasa uterina sic distenta sunt, se contrahere non possunt, nec promovere contentum sanguinem; unde omnia hic ad stagnationem disponuntur. Simul ac aperta vena in pede sanguis celerius, & majori copia, pellitur in cruralem arteriam, uterina vasa minus urgentur, minus distenduntur; hinc arteriae se contrahere incipient, sanguinemque promovebunt in venas, quae liberrime se evacuare poterunt in venas iliacas, jam minus plenas. Libera redibit hinc circulatio per uteri substantiam, arteriarum ultima extrema facile dilatabuntur, & restituetur menstruus fluxus, antea suppressus, sive a plethora totius corporis, sive a plethora solius uteri; uti antea ad §. 1284. dictum fuit.

Notum est, in valde plethoricis motum sanguinis fere suppressi; unde, vasis sanguineis turgidis, hebetes, obliviosi, torpidi, apparent. Simul ac larga sanguinis missione solvitur haec plenitudo, motus redit per vasa; pulsus, antea suppressus, evadit validus, & acceleratur; vires corporis, torpore excusso, crescunt subito; circulatio humorum per omnia vasa redditur liberrima. Si haec applicentur utero, in suis vasis distento a sanguine accumulato, qui per extrema promoveri nequit, patebit ratio utilitatis, quam in tali casu a venae sectione in pede instituta exspectare licet.

3. Si a plethora totius corporis suppressi fuerint menses, tunc post sanguinis missionem purgantia, antiphlogistica dicta, quae solvunt, & evacuant humores, absque augmento motus circulatorii, conducerent; qualia ex *amarindis*, *solis semine*, *cremore*, & *crystallo tartari &c.*, parantur; de quorum usu in cura morborum acutorum saepius dictum fuit.

Verum purgantia uterina solent plerumque vocari illa, quae una cum vi cathartica omne lentum mucosum fundunt, attenuant, & simul calefaciunt,

ciunt, ac amarore bilis defectum suppleant, aut ejus inertiam cotrigunt. Haec autem imprimis locum habent, dum post mensem suppressionem virgines in mucosam frigidam lentam cacochymiam vergunt, vel etiam, ubi menstruis carent, quia cacochymicae sunt. Simul solent tunc primae viae viscosa fa-
burra gravari, quae solvi prius, dein expelli de corpore debet; & solent plerumque praemitti uui remediorum, quae ad sextum numerum hujus paragraphi laudantur. Monuerat Hippocrates (u); Si vero menses omnino non
prodeant, pro morbo crassi, lentis, & glutinosi redduntur. Imprimis igitur
ventrem sursum, ac deorsum purgare oportet. Per ipsos enim concussus, qui
ab his remediis excitantur in corpore, spes est, menstruum florem promovi
posse, dum simul omne lentum, & glutinosum funditur. Etiam alibi
(v) post vaporis balneum utero applicatum suadet, alvum subducere medi-
camentis deorsum purgantibus; cum hac tamen cautela, ne fiat superpurga-
tio, quae nimia evacuatione debilitaret.

Ob hanc causam inter purgantia uterina ad hunc numerum in *Materia Medica* recensentur *myrrba*, *gummi ammoniacum*, *bdellium* &c.: quae levi-
ter tantum alvum movent, & non nisi in majori dosi hunc effectum prae-
stant, dum simul fragrantia aromatica, nervis adeo amica, totum tractum
primarum viarum replent, status, saepe in tali casu adeo molestos, discuti-
unt, & languentem horum viscerum actionem grato, non nimis calefaci-
ente, stimulo excitant.

Primum locum fere inter purgantia uterina occupat *Aloë*, quam ventri-
culum roborare omnes affirmaverunt Medici, dum tamen simul alvum sub-
ducit. Unde *Celsus* (x), dum purgantia remedia recenset, dicit: *Sed medica-
menta stomachum fere laedunt. Ideoque omnibus cathartici aloë miscenda est.*
Hoc remedium datum refracta dosi, & saepius ad grana tria, vel quatuor,
vel & mistum cum modo laudatis gummi aromaticis, egregium in suppres-
sis mensibus usum praestat, uti & in retenta per haemorrhoides consueta
sanguinis evacuatione. *Aloë* omnia Elixiria, proprietatis dicta, ingreditur,
quae additis *croco*, & *myrrba*, quantoque & aliis remediis, in officinis pro-
fistare solent. His similis compositio, *massa pilularum Russi* dicta, ubique in
usu est, quae ex *aloë*, *croco*, *myrrba* conficitur; unde & Elixirium pro-
prietatis ficeum a quibusdam vocatur. Omnia haec solent tali exhiberi dosi,
ut leniter tantum alvum subducant absque virium debilitatione.

Mirum forte videri posset, quod inter purgantia uterina recenscantur
Bryonia, & *Colecyntidis*; quae merito acerrimis purgantibus adnumerantur. Sed
& haec minuta dosi adduntur tantum lenioribus remediis uterinis, vel exhi-
bentur sic praeparata, ut nocere non possint. Sic in succo *Bryoniae* subsi-
dens faecula alba laudatur a quibusdam Medicis, quam aliquando in aliis
morbis dodi ad grana triginta, (sequeunte unica tantum alvi subductione.
Aguas, dictas hytericas in quibusdam Dispensatoriis, ingreditur *Bryoniae*
radix;

(u) De mulier. morb. Lib. I. cap. 6. Charter. Tom. VII. pag. 712.

(v) De locis in homine cap. 18. ibid. 377. (x) Lib. II. cap. 12. pag. 84.

radix; verum hae vel destillatione parantur, & tunc amarities, ac vis purgans in extracto manent, & tuto usurpari potest aqua spirituosae, quae alembicum transcendit; vel si sola infusione conficiantur haec remedia, tunc guttatim solent praescribi, ut vis solvens hujus plantae, adeo laudata ab omnibus, efficaciam praestare possit absque catharsi; quae adeo valida est in majori quantitate, ut dura mensorum ilia haec ferre possent tantum. Sic & in *Dispensatorio Viennensi* ex succo radicum *Bryoniae*, *artemisia*, *ruta*, *sabina*, aliisque uterinis remediis dictis, addito vino generoso, destillatur aqua *Bryoniae composita*; quae tuto adhiberi potest, & alvum non movet.

Idem verum est de amarissima *Colocynthide*, quae, dum in pulverem teritur in officinis, quandoque adstantes purgat, si diutius in aëre his pulvisculis pleno morati fuerint. Solet & unguentis admisceri, quae abdomini illinuntur, ut alvus moveatur. Arabes Medici frequenter utebantur *Colocynthide*; sed ex ejus pulvere, addita mucilagine *gummi arabici*, parabant massam, unde formabantur rotulae, quae *Trochisci Albandal* vocantur in officinis: sic molli hac mucilagine conabantur minuere metuendam *Colocynthidis* acrimoniam. Quandoque jusserunt, ut trochisci illi denuo in pulverem comminuerentur; qui mucilagine gummi arabici iterum impastabatur; imo hoc repetebant intertiam vicem usque.

Raro hodie sola *Colocynthis* adhibetur, ut purgetur alvus; sed solet aliis purgantibus unum, alterumve granum addi, ut efficacius agant; imprimis in talibus hominibus, quorum alvus segnius movetur a catharticiis remediis. Ob hanc rationem ingreditur plures compositiones purgantes officinarum, *Confectionem Hamesb*, *Extractum Catholicum*, *Pilulas Cochiae* &c.

Cum autem in teneris virginibus ab acrioribus purgantibus remediis abstinendum esse, prudentia suadeat, patet satis, *Colocynthidem* inter purgantia uterina vix locum habere posse.

Sed alium insignem usum habet hoc remedium, si aempe octavae granum pars detur omni trihorio, vel quadrihorio; tunc enim non purgat, sed in corporibus languidis, & pituitosis mira satis praestat, dum leniori stimulo calorem, & motum auget. Commode exhiberi poterit, si *myrrhina*, *galliano*, & similibus hic laudatis, addatur *Colocynthidis* pulvisculus. Olim remedium arcanum circumferebatur, quod nunc erat, nisi *tinctura Colocynthidis*, spiritu vini parata, additis *Caryophyllis aromaticis*, ut minus cognosci posset, ex quibus constaret *tinctura aurea* (sic enim vocabatur); quae multis profuit, ubi nempe frigida, lenta cachymia menstrui fluxus suppressionem fecerat.

4. Generale admodum Emmenagogorum nomen est, & non omnia remedia, hoc nomine donata, conveniunt omnibus; unde magna hic prudentia, & defectu opus est. Pleraque remedia, quae laudari solent ad hunc usum, calida, & aromatica sunt; imo quaedam ex his non nisi cum cautela adhiberi possunt. *Marum* fragrantissimum aroma spirat, sed summopere calidum, ita ut ignis fere instar nares feriat; hinc plethoricis, calidae temperiei virginibus nocere posset; in frigidioribus quidem toleratur, sed cum aqua infundi hujus plantae folia debent, ut acre illud aroma diluatur. *Sabina* inter omnes fere herbas cognitae maximam copiam olei essentialis largitur, satis

acris, aromatici; ita ut *Celeb. Hoffmannus* (y), hac herba, per vesicam, (ur vocant) cum aqua destillata, potuerit ex singulis libris uncias fere tres olei stillatitii elicere, saltem ex duabus libris, destillatione rite peracta, quinque uncias talis olei obtinuit. Simul aliis observatis constitit, *Sabinae* insulum, vel decoctum, si sanguini recens misso effundatur, magnam ipsi fluiditatem conciliare, & rubedinem intensam (z). Cum autem plantarum aroma in oleis stillatitiis haereat concentratum, facile patet, quantum stimulum *Sabina* corpori applicare possit, dum simul vi sanguinem solvendi pollet. Cum scelestae mulieres quandoque hac planta, & ejus oleo stillatitio abusae fuerint, ut abortum facerent, hinc in quibusdam locis lege cautum est, ne petentibus detur haec herba, vel aqua ejus stillatitia, aut oleum, nisi ex praescripto Medici. Huic plantae, odore, sapore, & viribus medicatis, satis similis est *Thuya*, semper virens pariter arbutula. *Artemisia*, *Cardiaca*, longe leniorem efficaciam habent: imo *Sambuci* flores gratam spirant fragrantiam quidem, sed refrigerant potius; unde in calidis morbis, tam interno, quam externo, usu, toties adhibentur. Reliqua medicamenta, in *Materia Medica* ad hunc numerum recensita, aromatica quidem sunt, non tamen comparanda cum calidissimis illis, de quibus statim dictum fuit.

Unde patet, laudata Emmenagoga non posse indiscriminatim adhiberi, sed prudentem Medicum in singulis aegris pendere debere, quaeenam ex his tuto dari possint; & si indicatio Medica doceat, urgentia remedia in suppressione mensium exhibenda esse, a lenioribus incipere, sensimque ad acriora pergere, suadet prudentia; optimum videtur, si una cum his calidioribus remediis, humectantia, emollientia, lenientia, dentur; qualis methodus laudata fuit ad §. 75., ubi agebatur de cura morborum, qui glutinoso spontaneo originem debent. Illud autem videtur & voluisse *Celeberrimus borum Aphorismorum auctor*, dum in *Materia Medica* commendat stimulantia, quae ad §. 75. n. 5. laudantur; sed simul his addit, quae ad §. 54. n. 4. recensentur; ubi ad curam morborum viscerum sortium, & rigidorum laudantur, & recensentur, humectantia, lenientia, & demulcentia, remedia.

Hujus methodi vestigia etiam apud *Hippocratem* habentur; acria enim remedia commendavit, sed simul addidit mollia (a). *In mensibus autem, si quidem sanguis crumpat.* (latine est); *sin minus, cantharides quatuor, resedibus pedibus, alis, & capite, bibas, poroniacque nigrae grana quinque, & sepiac ova, li-nique semen, ex vino. Quod si dolor, sique stranguria, detinueris, in aqua calida desidas, & aquam mulsam aquosam bibas*: Imo si non prodeant menses, haec repetenda voluit, iussitque, ut *purgatione mercurialem edas, & polypus collos, iisque mollihus utatur*: similia alio in loco (b) habet; ubi & medicamentum, ex cantharide confectum, apponi iussit ad uteros; postero vero die adipem anserinum; & paullo post bis de die calida lavari praecipit.

Ex

(y) Observat. physico-chemic. pag. 8. (z) Schvvencke Haematol. pag. 187.

(a) De Natura Mulier. Cap. 8. Character. Tom. VII. pag. 685.

(b) Ibid. Cap. 18. pag. 689.

Ex his, & pluribus *Galen*i, aliorumque Veterum Medicorum locis-fatis constat, novum adhuc esse; si acria remedia ad curationem suppressionis menstruum adhibeantur, sed & simul patet, quod & in victu, & in curatione mollia, diluentia, demulcentia simul propinaverint.

Postquam vis electrica morbis curandis adhiberi coepit, observatum fuit, mensium fluorem ab hac auctiorem fieri, quam antea unquam fuerat; imo & antequam menstrua prodirent, & dum cessarent, fluorem album experta fuit mulier, a quo tota vita fuerat libera (c). Verum vis electrica, fulminis instar, uno momento penetrat per omnia; hinc & vasa aperiuntur, & humorum celeritas augetur.

Cum autem & a majori lentore stagnare possint liquida in vasis, hinc clari Medici magnam spem posuerunt in talibus remediis, quae una cum stimulo vim solventem haberent. Celeberrimus *Mead* (d) ad hunc scopum commendavit inter alia mercurium sexies sublimatum. Prae reliquis omnibus autem laudavit *Helleborum nigrum*; quem vix unquam spem sefellisse, meminerat. Dabat autem tincturam *Hellebori nigri cochleare minimum*, ex aquae tepidissimae haustulo, bis de die. Et illud quidem notabile observavit, quod quiescuntque aut propter malam conformationem partium, aut alia quacunque de causa sine effectu datum esset hoc medicamentum, sanguis per alias vias propulsus fuerit. Unde clarissime constat, quanta vi sanguinem propellendi polleat ista medicina.

Alii laudaverunt alia, sed fere semper talia, quae vel aucto humorum motu, vel solvendi virtute, vel utrique simul suum praestarent effectum. Si autem vires expellentes excitantur stimulantibus remediis, antequam fluxile reddatur illud, quod exire debet, & emissaria, per quae eliminari debet, aperta fuerint, a calidis Emmenagogis exasperantur omnia mala, & quandoque periculosa haemorrhagia per alias corporis partes sequuntur, pertinaciter contractis manentibus uteri vasis. Unde hic locum habet salutare illud *Hippocratis* (e) monitum, cujus alia occasione memini ad numerum 13. §. 605.; Corpora, si quis purgare voluerit, meabilia (iuxta) facere oportet. In hac re diligentes fuerunt Veteres Medici, & conabantur vasa faciliorem dilatabilitatem conciliare, antequam darent stimulantia Emmenagoga, vel saltem his addebant emollientia, uti patebit sequenti numero.

5. Quantum boni expectaverit *Hippocrates*, in promovendo fluore menstruo, a faciliiori dilatabilitate vasorum uteri, patet inde, quod conjugium suaserit virginibus, & integram sanitatem promiserit, si conciperent. Notum est, vasa uterina graviditatis tempore adeo dilatari sensim, ut calami amplitudinem, imo majorem etiam, acquirant illa, quae in utero non gravido nequidem oculis apparebant. Unde etiam toties contingit, ut post puerperium redeant menstrua longe copiosiora; cum vasa, graviditatis tempore adeo dilatata, nondum pristinum robur acquisiverint. Recenset *Hippocrates*

(c) De Haen Rat. Medend. part. 3. pag. 241. (d) Monit. & praecept. Medic. pag. 245. 247. (e) Aphor. 22. Sect. 1. Charier. Tom. IX. pag. 38.

(f) De virginum affectibus, Charier. Tom. VII. pag. 679. 680.
Tom. IV. pars II. d 3

pueriles (f) molesta Symptomata, quibus viro maturae virgines afficiuntur, cum sanguis in uteros confluit, velut effluxurus, & tamen effluxum non habet: deinde dicit; Ego vero impero, virgines, his pathematis affectas, quam citissime viro jungi. Si enim conceperint, sanae evadunt. Observatum fuit, uti postea in graviditatis morbis dicitur, uterum in animalibus, post coitum dissectis, leviter quasi inflammatum apparuisse, dum rubeant loca, quae antea pallida fuerant reperta; adeoque magis dilatata erant vasa, cum sanguinem rubrum admitterent. In alio loco (g), postquam varia fusaerat ad tollendam mensum suppressionem, addit ultimo; Morbo autem liberabitur, ubi conceperit. Majorem adhuc effectum speravit, si peperit mulier (h); De mulierum morbis sic enuncio; mulierem, quae non peperit, gravius, & celerius a mensibus, quam partum expertam, aegrotare. Quum enim pepererit, ei venulae ad menstrua sunt meabiliores (supponit uti diximus.) Meabiles autem ipsas faciunt lochia; quae purgatio quaedam est &c. His ita constitutis, quum mulier puerperii purgamenta experta fuerit, minus laboriose menstruis purgatur. Imo, cum vasa illa, jam tantam dilatationem passa graviditatis tempore, facilius distendi possint, minus dolebit mulier, partum experta, a menstruis retentia. Quod si mulieri, quae jam peperit, affectio aliqua oboritur, ita ut procedentes menses rite repurgari nequeant, ea facilius, quam si haud peperisset, laborem feret. Affecti namque sunt uteri, & corpus, ut implicatur, idoneum, nimirum utero gerenti, simulque magna est in corpore amplitudo.

Cum autem non omnibus virginibus possit dari consilium de matrimonio ineundo, hinc omnia molimina artis adhibentur, ut vasa uterina cedant facilius, & sanguinem, quo distenduntur, dimittant per extrema orificia. In his operosus admodum fuit Hippocrates, ut calore blando, humectante foveret haec loca. Sic (i) aquam calidam ad uteros, & ambientia loca affundere, eosque, ac crura excalefacere, iussit (k). Totum corpus, ac praesertim uteros, leniter foveri, & bis de die calida lavari, praecepit. Alibi (l), calida lavare, crebroque toto corpore insidere, interdumque ad umbilicum usque fovere, intermissione vero facta, ea, a quibus repurgeretur, neque mordeatur, in subditio apponere, mandavit. Dum autem reliquum corpus non indigeret medela, sed uteri per se morbum habens, solos uteros fovebat balneo vaporis, sic directo per arundinem, ut calentes aquae, non nimium fervidae tamen, ascendens vapor in uteri cavum venire posset (m); simulque methodum, & cautelas necessarias describit. Addit tamen & huic vaporis alii fragrantiam, ut emollit uteri internam superficiem leniter stimulare tantum: monet enim, non debere conteri alia, dum aquae infunduntur; ex contritis enim, uti notum est, penetrabilis halitus quaquaversum diffunditur, ita ut adstantium oculi lacrymentur illico. Alio in loco suadet (n), ut ventri applicentur pelles agninae calidae, lana sua adhuc

(g) De Nator. Mulieb. Cap. VIII. Ibid. pag. 685. (h) De Mulier. Morb. Lib. I. Cap. I. Ibidem pag. 728. 729. (i) De Mulier. Morb. Lib. 2. Cap. 27. Ibid. pag. 816.
(k) Ibid. Cap. 24. (l) Ibid. Cap. 37. pag. 820. (m) Ibid. Cap. 20. pag. 808.
(n) De Superfoetatione Cap. XVII. Ibidem pag. 869.

adhuc tectae; & similia plura hinc inde passim laudat. Plura artis molimina, ut emolliantur vasa uterina, ad promovendum fluorem menstruum, collectae legi possunt (o) apud *Moschionem*, ubi balneis, fotibus, inunctionibus, pessariis, irictionibus, cucurbitulis curam aggreditur retentionis menstruorum, vel quando cum dolore, & stranguria purgantur. Pessaria autem in virginibus vix locum habent, ne vis aliqua pudoris claustro inferatur. In Materia Medica ad hunc numerum *Emplastra*, *fomenta*, *unguenta*, *linimenta*, *vapores* recensentur, quae emolliendo, lubricando, solvendo, stimulando, calefaciendo infervire poterunt, prout diversa indicatio Medica postulat.

6. Antea, ubi ad §. 25. de causis nimiae debilitatis fibrarum solidarum corporis agebatur, dictum fuit, nimiam distractionem fibrarum, & vasorum salem laxationem producere. Sed & ad §. 106. inter effecta plethorae nimia dilatatio vasorum fuit recensita. Adeoque, si vasa, nata ob mensium suppressionem plethora, nimis distenta fuerint, & diu, merito talis debilitas praevideatur, sive in vasis uterinis, sive & in reliquis corporis vasis; unde chalybeata, & adstringentia remedia tunc usum habent, uti dictum fuit ad numerum quartum §. 28. Accedit, quod corporis habitus in mulieribus laxior solet esse naturaliter; unde roborantia remedia optime ferunt. Movit illud *Hippocrates* (p), dum dicit; *Mulieres autem sciore viilus ratione sic uti oportet. Siccæ namque cibaria ad muliebrium carniū molliorem magis sunt idonea, & meriores potus ad uteros, & foetus nutritionem meliores existunt.* Veritatem moniti hujus *Hippocratici* quotidie vident Medici in illis locis, ubi, pessimo more, tepidis aquosis potibus indulgent mulieres, imprimis, si simul sedentariam vitam degunt. Molles, flaccidae, inertes vivunt, vix foecundae, & si conceperint, frequenter abortum patiuntur. Sapiens *Lycurgus* (q) *Corpora virginum cursu, lussa, discorum, & telorum jactu, exercuit, ut & foetus radix, validum in valentibus exordium sumens, germinaret melius, atque illae, strenuae partus excipientes, bene, & facile adversus puerperii decertarent labores.* Sapienter sic futurae progeniei curam gerebat *Legislator*, cum molles, & delicatulae, licet robustis, & validis jungantur viris, debilem, & morbosam prolem in lucem edant.

Verum & chalybeata, & roborantia locum habent in pallido virginum morbo; in quo totum corpus tumet leucophlegmaticum, & loco boni sanguinis mucosus iners humor per vasa fluit; in illis deficiunt menstrua, quia deest sanguis, & omnia languent in corpore. Tunc ferri limatura, una cum aromaticis, & roborantibus, in vino infusa, si ter de die talis vini medicati uncia detur, pulcherrime prodest. Usui hujus remedii solet praemitti lenis purgans, ut primae viae liberentur ab omni sorde glutinosa; dum, v. g. per triduum sumunt mane jejuna quindecim, aut viginti grana *massae pilularum Ruffi*, vel similis officinalis compositi. Mirus, & saluberrimus tunc sequitur effectus: intra paucos dies enim tumor albus corporis incipit

(o) N. 125. Apud Spach. pag. 17. & Ibid. Harmon. Gynaec. part. post. Cap. 2. p. 20.

(p) De Salub. victus ratione textu 24. Charter. Tom. VI. pag. 233.

(q) Plutarch. Tom. I. pag. 47.

incipit subsidere, labia, & gingivae, quae antea pallecebant, incipiunt fœrubescere, color roseus genis redit; dumque antea ad minimum corporis motum anhelae torperent desides, sensim redit pristina alacritas, & intra tres, quatuorve septimanas omnes corporis functiones restituntur. Adest tunc bonus sanguis, & menstrua brevi post prodeunt sponte, & debita periodo redeunt; modo velint, renatis per talis remedii usum viribus, corpus movere. Si enim sanatae jam denuo tepidis aquis potibus indulgeant, sedentariamque vitam ducant, in pristinum morbum recident quam certissime. Saepius mihi contigit, ut ter, imo quater, eandem curationem repetere debuerim biennii spatio, antequam resipiscences monitis obedirent: quod nisi fiat, tandem iners ille languor nullis cedit amplius auxiliis, & postquam hebetes, obliviosae, torpentes per plures menses morbosam traxerunt vitam, pereunt lethargo.

In tali casu profunt haec remedia, & nocet venae sectio; dum pauculum illud rubri sanguinis, quod adhuc per vasa fluit, demit de corpore. Ubi autem color ruber in labiis, gingivis, oculorum canthis apparet, una cum calore totius corporis, & venis turgentibus, simulque fluoris menstrui suppressio adest, tunc nocerent talia vina medicata certissime, uti & omnia Emmenagoga calida, & motum augentia. Adest enim tunc copia sanguinis, & quidem nimia: hinc venae sectio in pede, balnea, fomenta &c., quae uteri vasa, nimis resistentia, laxant, locum habent. Videri possunt & illa, quae §. 1083. de cura *Epilepsiae*, natae ab interceptione illorum, quae olim excerni solebant, dicta fuerunt.

Ex quibus omnibus apparet, prudentem delectum remediorum Emmenagorum requiri quam maxime.

Caeterum talis vini medicati formula in *Materia Medica* ad §. 1250 habetur. Interim hoc monendum credo, nimis parvam copiam vini adscriptam fuisse. Librae sex vini Rhenani loco librarum duarum fumantur, ne nimis meracum fiat remedium, &, hoc facto, sufficiet adhuc unciam hujus vini medicati fumere ter de die. Tutius enim haec dantur minoris dosi, longiori tempore continuanda.

§. 1292. **S**ublata his morbi scaturigine, solent omnia fere mala (1285. 1286. 1287.) sponte evanescere. Vel curantur ex natura, & cura ejus morbi, cujus imaginem referunt quam proxime: quod facile ex antedictis fit.

Antea, ad numeros in textu citatos, recensita fuerunt plura mala, quae a sola suppressione menstruum nasci, observatum fuit. Pleraque ex his solent sponte evanescere, dum fluor menstruus, copia debita, & solita periodo, redit. Sed & simul notatum fuit, depravari ab hac causa posse fere omnes functiones naturales, vitales, animales: si ergo diuturna fuerit obstructio mensium, possunt superesse postea mala, quae peculiarem medelam requirunt, licet menstrua debito ordine redierint. Sic pariter, dum sanguis men-

menstruus per insolitas vias exit de corpore, potest superesse debilitas vasorum in illis locis, per quae exivit, postquam naturali lege per vasa uterina inceperit excerni. Verum ex illis, quae ad §. 1287. dicta fuerunt, constar, saepe labefactari ab hac causa omnia viscera; unde & a vasorum laesione, aut humorum degeneratione varia infinitum morborum genus nasci poterit; qui, restituto jam fluore menstruo, superiunt, & curationem poscunt, quae saepe facilis non est. Omnium talium malorum curationem hic tradere supervacaneum foret, cum de plerisque antea jam actum fuerit. Commode autem reduci poterunt ad naturam, & curam illorum morborum, quorum imaginem quam proxime referunt.

Sic v. g. ad §. 1286. dictum fuit, interceptos menses quandoque ad pulmonem ferri, & haemoptoën inde nasci. Si quid mali inde contraxerit pulmo, facile patet, illam tunc conducere medelam, quae in *Capitulo de Pbris* laudata fuit. Monitum fuit pariter eodem paragrapho, a suppressis menibus dura tubercula in mammis gigni, quae curam scirrhi requirunt. Monuerat *Hippocrates* (r), si menses prodeant quidem, sed pauciores, quam convenient, ferantur, inter alia mala etiam contingere, quod sequitur; *Dolent alias atque, alias corpus, maximeque lumbos, & spinam, & inguina, manuumque, & pedum articulos. Neque haec simul dolent, sed vicissim, quocumque secretus sanguis, qui uteris inesse nequit, impetus fecerit, & qua parte corporis decubuerit, tumor exiit.* &c. paullo post addit, quod quandoque claudam reddiderit, aut aliquas partes impotentes effecerit, si sanguis, praeter ritum, & tibi fastidio, quemcumque in locum irruerit, circa nervum concretionem habuerit. Facile patet, curam talium malorum vel ad Paralyfis, vel ad Morborum Articularium medelam spectare. Idem & de reliquis verum est.

(r) De Mulier. Morb. Lib. I. cap. 7. Charter. Tom. VII. pag. 733. 734.



MOR-



MORBI GRAVIDARUM.

§. 1293. **P**ostquam gravida est foemina, plurimis afficitur malis ex sola graviditate oriundis.

Facile patet, hic tantum agi de illis morbis, qui a graviditate, tanquam causa, pendent; non autem de illis, qui graviditatis tempore contingunt quidem, verum aliis causis originem debent. Gravidæ enim quibuscvis aliis morbis sunt obnoxiae.

Patet ex Physiologicis, insignem, & subitam mutationem fieri in utero, tubis uteri, & ovariis, illo tempore, dum veneris oestro percita mulier foecundo maris semine impletur, & concipit (1). Plura etiam observata docent, solito majorem in coitu voluptatem percipere mulieres, dum imprægnantur. Unde & hæc mutatio in organis muliebribus, generationi dicatis, conceptionis tempore major creditur merito, quam si coitus absque imprægnatione sequente peragatur.

Antea autem ad §. 1285. dictum fuit de mirabili illo imperio regiminis (sic dicto ab *Helmonsto*.) quo uterus affectus, a leviori etiam causa, functiones vitales, animales naturales, turbare possit, & variis quidem, ac miris modis. *Hippocrates* jam notaverat, similia conceptus tempore contingere (2). Sic enim habet: *Liquido autem constat harum rerum peritis, quod mulier, ubi concipit, statim inborrescit, & incalcescit, ac densibus stridet, & articulum, reliquumque corpus convulso prehendit, & uterum torpor, idque iis, quæ puræ sunt, accidit. Videtur autem per puras hic intelligere sanas, alacres, & Venerem appetentes foeminas, quarum uterus purus est, nec mucosis humoribus, aut fluore, albo dicto, madefcit. Statim enim addit sequentia: Quæ vero crassæ, & mucosæ, patiuntur, pleraque harum mulierum illud non sentiunt. Deinde prudenter subiungit: At sane quantum illæ mihi ita indicantur, tantum etiam me scire profiteor. Medicus enim de his nihil novisse potest, nisi ex sola mulierum relatione. Certum autem est, dari tales mulieres, quæ mucosæ, frigida, ad Venerem torpida, fluore albo laborantes, vix ullum in coitu oblectamentum percipiunt, & tamen quandoque imprægnantur, licet nihil perceperint illorum, quæ modo dicta sunt. Interim plerumque contingit, ut miram mutationem sentiant foeminae illo tempore, dum imprægnantur; pluresque novi honestas matronas, quæ aliquoties pepererant, & accurate conceptionis, ac partus futuri tempus ex his signis notaverant.*

Con-

(1) Vide Boerhav. Instit. Medic. §. 668. & seq.

(2) De Carnibus Cap. VIII. Charter. Tom. V. pag. 3094

Confirmat hoc Hippocrates (u), dum testatur, quod meretrices publicae, quae saepius haec expertae sunt, ubi cum viro congressae sunt, nesciant, quando conceperint, moxque conceptum perdant, quo postea jam perdit, velut caro excidit &c. Ex similibus signis fere statuit de foecunditate mulieris, dum pessariis genitalia leviter irritarentur, uti alio in loco (v) habet; Si cui mulieri a pessariis non admodum vehementibus dolores ad articulos pervenerint, & dentium stridor detinuerit, tenebrosa vertigine laboraverit, & oscitaverit, huius concipiendi major spes adest, quam cui nihil horum contingat.

Neque haec signa, quae ipso conceptu tempore a mulieribus percipiuntur, sola graviditatis indicia sunt; plura enim alia observantur, quae diutius persistere solent. Sic enim Hippocrates (x) habet: Praegnantem mulierem, si non alio, hocce cognosces: oculi ei contracti, & magis cavi cernuntur, & oculorum candidum albedinis naturam non habet, sed lividius apparet. Quae utero gerunt, in facie epibetidem habent, & ubi concipere coeperunt, vinum odio habent, cibos aversantur, cardiodiagno vexantur, ac salivant. Plura quandoque alia signa apparent in gravidis mulieribus, & in variis diversa: frequentissime tamen occurrit ciborum fastidium cum nausea. Et videtur Hippocrates (y) praecipuum graviditatis signum inde deduxisse, dum dicit; Si mulieris purgationes non prodeant, neque horrore, neque febre succedente, ciborum fastidia (nausae) ipsi accidant, hanc gravidam esse, ratione dico. Cum enim a pravis humoribus, in ventriculo, aut vicinis visceribus haerentibus, fastidium tale nasci posset in non gravidis mulieribus, hinc addidit prudenter Hippocrates, si nec horror, nec febris succedat; quae natam nauseam a tali causa sequi solent, nisi per vomitum, vel alvi evacuationem haec saburra expellatur.

In quibusdam gravidis illud fastidium universale est, ita ut ad quaevis oblata edulia nauseent; in pluribus contingit, ut ab hoc, illove cibo tantum abhorreant, dum reliquos facile ferunt, vicissimque quosdam cibos, vel potus impense desiderant, quos antea vix curabant. Multas matronas vidi, quae ex hoc solo signo se gravidas noverant, licet nullum aliud adhuc adesset graviditatis indicium. Quandoque, statim ac impraegnatae sunt foeminae, dolore molesto dentium cruciantur: in aliis vidi dolentissimam otalgiam, & hemigraniam frequentem, cui vix erant obnoxiae, dum non erant gravidae. Ingens talium symptomatum, quae vel in ipso graviditatis initio contingunt, est diversitas: haec videri possunt apud illos, qui de graviditate, & arte obstetricia scripserunt, Mauriceau (z), & alios passim: singula enim haec enumerare operosum foret potius, quam utile. Sufficit notasse, per ipsam graviditatem plures functiones laedi, & turbari, in corpore muliebri.

Verum eadem illae functionum laesiones pro graviditatis signis habentur: notandum tamen est, magna hic prudentia opus esse Medico, ne facile graviditatem vel affirmet, vel neget, nisi ex certissimis, & omni exceptione majoribus indiciis; v. g. si motus infantis in utero, manu abdomini imposi-

(u) De Carnibus Cap. VIII. Charter. Tom. V. pag. 308. (v) De infocundis Cap. VI. Charter. Tom. VII. pag. 846. (x) Ibidem. (y) Aphor. 61. Sect. V. Charter. Tom. IX. pag. 232. (z) Traité des Malad. des Femm. grosses Tom. 1. pag. 67. & seq.

ta, distinctissime sentiatur: pericissimi enim decepti fuerunt toties; nunquam forte magis periclitatur fama Medici, quam ubi agitur de graviditate determinanda: undique fraudes, undique saepe invidiae struuntur incautis. Dum ultimum supplicium ob crimina meruunt, in carceribus detentae, scelestae mulieres, graviditatem simulant saepius, & iudices a Medicis petunt, ut renuncient, an vera, an ficta sit graviditas. Si vel minimum dubium super sit, prudens Medicus differendum supplicium suadebit, donec certius de graviditate constet, ne forte insons foetus una cum scelestâ matre pereat. Hoc autem aliquoties contigisse, licet & Chirurgi, & Obstetrices, post examen institutum, renuntiassent iudicibus, fictam esse graviditatem, Historia Medica docet, & apud *Mauriceau* (a) tristes tales casus leguntur.

Quandoque & hydropicae mulieres, praeter omnem opinionem, gravidae inventae fuerunt; nec sine abortus periculo valida Emetica, & Cathartica, quae toties profunt in hoc morbo curando, potuerunt adhiberi. Antea, ubi de hydropse agebatur, plures tales casus memorati fuerunt. *Mauriceau* (b) viderat Chirurgi uxorem, quae per novem annos laboraverat ascite tantae molis, ut ultra triginta pintas aquae tumidum abdomen continere judicaret; tamen morbi tempore peperit quatuor infantes vivos, & sanos: testatur autem, dum in ultimo partu obstetriciam illi adhibuerat manum, ventrem edita prole non plus detumuisse visum, quam si ovum *Gallinae* ex abdomine prodiiisset; unde facile intelligitur, quantus fuerit ventris tumor.

Contigit mihi, ut cutarem in caelibatu viventem, quae, pietatem astute simulans, ab omnibus intacta virgo credebatur. Ascitide laborabat satis valido per septem jam menses, dum meum petebat consilium; neque ullam poteram habere graviditatis suspicionem. Purgantibus hydragogis feliciter curata fuit quidem; verum ipsa me monuit, aliquid excidisse ex pudendis, dum latrinae insideret, alvum exoneratura. In rem statim inquirens, inveni abortum, qui trimestris videbatur. Fornicationis crimen fatebatur illico; sed non difficulter mihi persuasit, se graviditatem ignorasse, cum per tres, vel quatuor menses jam intumuisse abdomen, antequam concepisset.

Saepius autem contingit, ut furtiva Venere gravidae tentent imponere Medicis, dum hydropem simulant, hac spe, ut validis remediis datis perdant conceptum foetum. Quandoque & Emmenagoga validiora anxie petunt, morbosam mensium obstructionem culpantes. In his magna cautela opus est. Examen obstetricis, an os uteri clausum sit, anterior abdominis pars supra pubem tumeat, mammae magis turgere incipiant, eludunt facile, dum illibatae virginitatem per omnia sacra affirmant; imo probos Medicos pessime exceptos a potentibus familiis novi, dum simile quid suspicari fuisent. Soleo in tali casu, magno apparatu, innocua dare remedia, nullo modo indicando, quid suspicer. Hoc modo impedio, ne alios Medicos sorte decipiant, &, dum me deceptum credunt, tempus labitur, iustaeque suspicionis causae magis, & magis augentur. Omnes enim, qui de graviditatis signis

(a) Traité des Malad. de Femm. grosses Tom. I. pag. 72.

(b) Ibid. 73.

signis scripserunt, quamvis longo artis obstetriciae usu celebres fuerint, unanimi ore fatentur, primis praecipue mensibus, signa graviditatis satis incerta esse. *Avenzoar*, celebris inter Arabes Medicus, in propria uxore se deceptum, fatetur (c).

Quandoque & contingit, ut provectioris aetatis mulieres, & jam accedentes ad illud vitae stadium, quo menstruus fluor cessare solet, bona fide credant, se gravidas esse; cum & similes molestias sentiant, ac in gravidis obtinere solent, & potent, solito tempore se motum foetus sentire; unde omnia ad futurum partum parant. *Sydenhamus* (d) hoc aliquoties observavit, & monet Medicos, ut caute tales tumores abdominis distinguant ab hydropse; neque temere graviditatem affirmant, licet & mammae turgeant, & lac exstillent, & obstetricum testimonia confirmant, gravidam esse mulierem, & motum foetus sentiant. Observavit enim, quod *sandem venter*, pari, quo introverat, *gradum*, sensum detumescent, *spem vanam eluserit*. Flatibus hunc ventris tumorem tribuit, & monet, quod talis tumor viduus ut plurimum exerceat, vel etiam mulieres, quae non nisi provectiores aetate nupserunt.

Novi hoc contigisse nobili matronae, quae, quatuordecim jam prolium mater, per octennium parere cessaverat, & firmiter credebat, se gravidam esse, cum omnes illas molestias, quas toties experta fuerat, sentiret denovo: imo succensebat omnibus, quae aliquod dubium movere audebant: sensim per quinque menses increvit abdomen, postea sensim detumuit, & per plures annos sana vixit. Adeo autem aegre ferebat, se deceptam fuisse, ut per integrum annum domi pertinaciter latuerit, metuens, ne rideretur ab omnibus.

Vidi & aliam, quae vigesimo quinto aetatis anno filium pepererat, sterilis dein per integros viginti annos, quadagesimo sexto anno peperit secundum filium, licet plurimi vana spe prolis deceptam crederent. Hinc apparet, magna prudentia opus esse, in determinanda graviditate; nam non tantum in provectioris aetatis mulieribus, sed & in junioribus, similia contigerunt. *Deusfingius*, circa medium elapsi saeculi celebris apud *Groningenses* Medicus, acris in controversiis Medicis autor, in literis ad *Thomam Bartholinum* datis (e) agens de similibus casibus, testatur sequentia: *Similem juveniculam ante biennium his ipse sub cura mea habui, quae omnia iad partum jam iam imminuentem, ut putabas ipsa, paratas; at cuius spes omnis in status evanuit.*

Plura his similia apud probatos auctores inveniuntur passim.

(c) Traité des Malad. des Femm. grosses Tom. I. pag. 73.

(d) Traict. de hydropse pag. 611.

(e) Thom. Barthol. Epistol. Med. Censur. IV. pag. 132. 133.

§. 1294.

QUorum nonnulla oriuntur ex sanguine menstruo secerni impedito ob clausum uterum, & foetu tamen non potente hactenus in sui incrementum eum absorbere.

In muliere non gravida sanguis menstruus stata periodo excernitur, uti praecedenti capitulo dictum fuit: ubi vero impraegnata est mulier, menstrua cessant, & praecipuum graviditatis signum inde deducitur. Cum autem, postquam menstrua cessarunt, sensim denuo distendantur, & impleantur vasa uterina, pro futura nempe fluoris menstrui periodo, hinc credidit Hippocrates (f), vasis illis jam plenis difficulter concipere posse mulierem. Quare si eo sanguine (menstruo nempe) vacuetur mulier, in ventre concipit; si vero eo plena fuerit, minime. Uteris enim, & venis sanguine vacuis, mulieres in se foetus concipiunt. Hac namque mulieres post menstruam purgationem utero concipiunt. Quamvis autem naturaliter in gravidis cessent menstrua, tamen & quibusdam contingit, ut primis mensibus graviditatis adhuc prodeant, superfluo foetu; sed plerumque parviori copia tantum. Antea monitum fuit, in quibusdam mulieribus sanguinem menstruum non tantum ex uteri cavo, sed & ex vaginae vasis prodire. Imo satis multas vidi, quae, dum menstrua solito quidem tempore, sed minuta copia, prodirent, se per mensem jam gravidas esse assererent; & tempus partus satis exacte huic computo responderebat.

Neque penitus impossibile videtur, antequam embryo, suis membranis inclusus, undique cavo uteri nexus fuit, menstruum sanguinem exire posse; imprimis si os uteri clausum non fuerit exacte: sed & tunc simul apparet, conceptum jam embryonem facile cum sanguine exeunte abtapi posse, sicque spem graviditatis tolli. Hinc, nisi vasa, in superficiem internam uteri hiantia, impraegnata jam muliere, sic resistant, ut non amplius sanguinem dimittant dilatata, parvulus embryo, nondum mole sua implens uteri cavum, elueretur inde, si os uteri cederet, vel undique illum alluens sanguis extravasatus, mora corrumpendus, impediret necessariam utero accretionem, & acrior redditus, tenerum illud nascentis hominis rudimentum destrueret brevi.

Docuerunt observationes certae, in ovariis, & in tubis Fallopianis conceptos Embryones crevisse in justam magnitudinem, uti postea dicitur. An tunc, cavo uteri manente libero per totum infelicia graviditatis tempus, menstrua fluere pergerent?

Videntur saltem omnia phaenomena docere, constringi uterum conceptus tempore: uteri os clauditur, & menstrua non redeunt. Inde conceptus facti signum Hippocrates (g) statuit: Quod si mulier se genituram concepisse novit, primo tempore ne virum adeat, sed quiescat. Noscet autem, si vir emisisse se dixerit, mulier vero propter fecunditatem ignoret. Retentionem enim immixti in uteri cavum feminis, saltem pro aliquo tempore, ad conceptum necessarium esse, credidit; unde mox addit sequentia, quod si rursus eodem die uterus

(f) De Natur. Pueri Cap. 3. Charter. Tom. V. pag. 313.

(g) De Infecundis Cap. 9. Charter. Tom. VII. pag. 849.

uterus genituram reddiderit, humidus erit, & si humidus fuerit, rursus cum viro misceatur, quoad concipiat. Postquam autem concepit mulier, os uteri clauditur, uti Hippocrates (b) monuit: *Qui utero gerunt, his os uteri connivet.* In commentario ad hunc Aphorismum Galenus (i) pro maximo graviditatis indicio habet clausuram oris uteri, si digito immisso obsterix illud poruerit attingere; quandoque enim in graviditatis initio altius haeret. In illis autem mulieribus, quae nunquam pepererunt, os uteri exactius clauditur, minus in illis, quae jam pepererunt. Neque solam oris uteri clausuram notat Galenus (k); sed sic habet, *nam ubi primum uterus intra se semen concepit, universam capacitatem suam contrahit, osque claudit.* Cum autem morbosum os uteri tumere posset, inflammatum nempe, vel scirrhum, hinc requiritur, ut os uteri clausum sit non tantum, sed & molle, si graviditatis signum inde colligatur. Unde Hippocrates alio in Aphorismo (l) dixit; *Quibus os uteri durum est, his os uteri connivere necesse est.* Unde Galenus maluisset, hunc Aphorismum immediate sequi priorem.

Cum autem considerarent Medici, in gravidis retineri illum sanguinem, qui singulis mensibus exibat de utero, neque primo graviditatis tempore tantam esse molem tenelli Embryonis, ut illum retentum in suos absumere usus posset, hinc non sine ratione cogitabant, plethoram metuendam esse primis mensibus, & huic adscribebant illas molestias, quae in gravidis mulieribus observabantur, de quibus paullo post dicitur. In praecedenti Capitulo pluribus demonstratum fuit, minorem longe copiam sanguinis excerni in sanis, & robustis mulieribus per menstrua, ac quidem credi solet.

Verum & aliud notari meretur, retentum illum in gravidis sanguinem non servire adeo ipsi Embryoni, quam utero; & ab hoc sanguine uterino fecerunt quidem tenuiores humores, usibus Embryonis destinatos, sed nihil rubri sanguinis ad Embryonem venire primo graviditatis tempore. Examinaui plures tales Embryones minimos, una cum membranis, & placenta excussos, nec potui aliquid rubri deregere in ipso Embryonis corpusculo, nec in membranis, nec in placenta, quae in principio, uti notum est, totam Chorii superficiem fere tegit. Uterus autem, totus vasculosus, sensim distenditur, ita ut parva ejus cavitas in non gravidis sic dilatetur sensim, ut foetum cum secundinis, & aquam intra membranas collectam continere possit. Cum autem in non gravidis uteri substantia compacta, & carnosae cavum contineat exiguum, crediderunt multi, uterum extenuari, dum distenditur, & quidem eadem proportionem, qua cavum uteri augetur, minui substantiae crassitiem. Haec erat sententia Galeni (m), ubi de uteri diversitate ex aetate agit: *Rursus igitur in principio conceptus crassus; cum prope tempus pariendi accedit, magnus quidem, sed tenuis; crassitudo enim in longitudinem extensa absumitur; in reliquo vero intercedente tempore, pro ratione magnitudinis, crassitiem habet.* Pluribus demonstrari posset, si operae pretium foret,

(h) Sect. V. Aphor. 51. Charter. Tom. IX. pag. 224.

(i) Ibidem pag. 225.

(k) Ibidem. (l) Ibidem Aphor. 51. pag. 226.

(m) De uteri diffect. Cap. 8. Charter. Tom. IV. pag. 280.

foret, veteres Medicos uterum majorum animalium potius vidisse, quam uterum humanum, & applicuisse illa, quae in brutis viderant, humanis mulieribus. Sic illa diviso cavitatis uteri in dextram, & sinistram, quae in bicorni brutorum utero locum habet, male tribuitur utero humano. Unde sponte cadunt omnes illae praedictiones de sexu foetus, dum mares in dextris, foeminas in sinistris, locari putabant. Sed & brutorum uteri membranacei, & tenues sunt, ita ut foetus utero contenti, membranis integris manentibus, & utero illaeso, videri possint, uterus humanus longe alterius indolis est.

Mauriceau (n) pertinaciter Veterum sententiam *Galen*i imprimis, de tenuitate uteri gravidi tueretur, & ploribus nititur firmare auctoritatibus; indignatur, celebres Anatomicos, & plures alios, statuisse, uterum gravidum, naturae miraculo quodam, incrassari tanto plus, quanto magis distenditur. Imo provocat ad ocularem inspectionem illos, qui falsam hanc opinionem tuerentur. Voluit idem obtinere in utero; quod observatur in vesica urinaria, quae, vacua dum est, crassa apparet, dum autem urina collecta distenditur, membranacea est, & tenuis. Fatetur quidem, in cadaveribus mulierum, subito post partum mortuarum, uterum crassitie sua duos digitos transversos circiter aequavisse, sed hoc tribuit contractioni uteri jam evacuati. Nec negat, in cadaveribus gravidarum, absque exclusione foetus mortuorum, uteri substantiam crassam inventam fuisse; sed hoc praeternaturale esse voluit, & ab inflammatione, ac affluxione humorum ad uterum, factum fuisse, post dolores partus diuturnos, & frustraneos.

Unde conclusit, non posse demonstrari uteri crassitiam, tanquam naturalem, nisi in cadavere mulieris, quae partui proxima, utero pleno, nulla causa alterato, mortua fuit. Cum autem raro talis casus contingat, suadet, ut interea inspicatur uterus ovillus impraegnatus, qui manifeste tenuis, & membranaceus apparet.

Triste sic videmus exemplum, optimos viros, dum praeconceptam opinionem mordicus tueri volunt, nequidem propriis oculis quandoque fidem habere. Caeterum hanc opinionem solide refutavit celebris in arte obstetricia autor (o). Quod autem *Mauriceau* volebat videre, ut conviceretur de crassitie uteri gravidi, obtigit (p) Celebrerrimo *Lierre*, ut spectaret substantiam nempe uteri, octo circiter lineas crassam, in cadavere mulieris, quae, octavo graviditatis mense, ex lapsu, subito perierat. Similem crassitiam uteri in muliere, quatuor horis post partum mortua, vidit *Mery* (q). Ex quibus patet, uterum vacuum non apparere crassum, quia contractus jam est, ut *Mauriceau* voluit; uterus enim plenus similem substantiae crassitiam demonstravit. Pulcre autem notat *Deventer* (r), crassitiam uteri in causa esse, ne post partum fundus inverteretur tam facile, & per patulum uteri orificium exiens prolapsum faceret, imprimis dum placenta educitur. Si enim uterus

tc-

(n) *Traité des maladi de Femm. gross.* Tom. I. pag. 20. & seq.

(o) *Deventer Novum lumen &c.* Cap. VIII. pag. 29. & seq.

(p) *Acad. des Sciences.* 1701. Mem. pag. 345.

(q) *Ibid.* 1706. Hist. pag. 27.

(r) *Novum lumen &c.* Cap. 23. pag. 30.

tenuis, & membranaceus foret, talis prolapsus uteri vix caveri posset. Testatur autem *Deventer*, adeo longaevo usu artis obstetricandi clarus, illud rarissime contingere, & tantum, si *si licet insigniter fuerit tenuis, tunc quidem circa manum complicatur instar lintei madidi, neque tam cito tum, facilitique contractio est; quod mihi non arridet; quin potius malle, cum constetam servare formam, & statim a partu rite contrahi, & circa manum nondum retrahit claudi, quod multo pauciora symptomata tunc extimescenda sint.* De illa autem flacciditate uteri, & quidnam inde metuendum sit, postea dicetur, ubi de *Morbis Puerperii* agetur.

Uti saepius contingere solet, dum in oppositas sententias acri studio ruunt eruditi homines, quidam dixerunt, uterum gravidum attenuari, dum distenditur; alii, multo crassiores reddi, quam ante erat. Certe uterus in virginibus, & mulieribus nunquam gravidis solidam, firmam substantiam habet, digitum auricularem crassitie aequantem, quandoque & superantem: hinc si talis uterus impraegnatus, & prope partum adeo distensus, pristinam crassitiem retineat, multum corporeae molis ipsi accessisse debuit, ut absque attenuatione laterum cavum ejus adeo potuerit distendi. Omnia haec dum considerabat, amicitia, affinitate, & communj studio mihi conjunctissimus auctor (1), statuit, quod, si non plerumque, crebro eequidem pristina fere ipsi crassities maneat. Uterus gravidus, cujus historiam adeo accurate descripsit, & pulcherrima Icone (2), ad uterum in liquore suspensum a perito chalcographo facta, demonstravit, videtur naturalem uteri non gravidi crassitiem non multum excedere; unde merito statuit, in gravidis uteri substantiam nonnunquam augeri, nonnunquam manere eandem, & inter rarissima computandum esse, si quandoque extenuari contigerit. Cum autem indubitatum sit, & in pulcherrima Icone tam bene exprimat, vasa uterina non in eodem plano, sed per varias contignationes inter lamellatam uteri substantiam decurrere, simulque graviditatis tempore eadem haec vasa insigniter dilatari, sanguine repleta, patet facile, attenuationem uteri graviditatis tempore secundum naturam locum habere non posse; sed morbosam fuisse, si observata fuerit. Simul apparet, quo majori copia sanguinis distenta fuerint vasa uterina, adeoque magis dilatata, eo crassiores reddi uteri gravidi substantiam; unde ratio diversae crassitiei in variis subjectis, intelligitur. Quantae autem capacitatit vasa hic reperiuntur, quam ampli sint sinus uterini, sanguine pleni, & cum chorio, ac placenta communicantes, apud eundem auctorem (u) videri potest, qui omnia, quae uterum gravidum spectant, optima fide scripsit, nihilque affirmavit, quod non mihi, & aliis exactissime demonstraverit. Si videantur pulcherrimae Icones uteri gravidi, quas deinde edidit *Celeberrimus Albinus*, cui ars nostra tantum debet, patebit similiter, quam ampla vasa uteri substantiam occupent graviditatis tempore; unde & uterum spongiae, sanguine plenae, in gravidis comparavit *De Graaf* (v), & miratus est, quod post

(1) Noortwyk uteri human. gravid. Anat. & Hist. pag. 111:

(2) Ibidem pag. 205. (u) Ibid. pag. 10.

(v) De Mulierum organis Cap. VIII. pag. 104. 105.

Tom. IV. Pars II.

post partum uterus sic contrahatur, ut sedecim dierum spatio ad-pristinam redeat magnitudinem, per lochiorum fluxum evacuato sanguine, qui uteri vasa distendebat in gravidis.

In puerperis defunctis tamen invenit adhuc satis patula haec vasa, dum per spongem liquorem in Arterias Hypogastricas, aut Spermaticas infunderet, qui non minus, quam flatus, in uteri capacitatem erumpet.

Ex omnibus his patet, sanguinem menstruum, qui in gravidis naturali lege retinetur, non absumi in foetus incrementum tantum, sed etiam distendendis, ac replendis simul uteri vasis impendi. Non levis momenti est haec observatio in tractandis gravidarum morbis, uti postea patebit.

Quam pulcre haec quadrant Hippocratis (x) doctrinae! Ubi enim mulier ultro gerit, paulatim a toto corpore sanguis in uteros desertur, & in orbem id, quod in utero est, circumfluit, ipsum auget. Alio autem in loco (y), dum explicat, quare mulier non labore, deficientibus mensuris dum utero gerit, dicit: quod sanguis, singulis mensibus exire solitus cumulate, non agitur, sed sensim paulatim quotidie in uteros sine dolore secedat; ex quo augetur, quod intro in uteris continetur. Singulis autem diebus, & non semel per mensem, idcirco deservit, quod genitura, quae in uteris continetur, semper aliquid e corpore, pro vitium ratione, trahit, ad eundemque modum etiam spiratio habet. Ac primo quidem parva est spiratio, & paucus sanguis ex matre fertur; quum vero amplior sit spiratio, plus quoque sanguinis attrahit, & majore copia in uteros descendit.

Ovum ergo humanum, uteri concavae superficiei undique contiguum non tantum, sed & accretum, fovetur perpetuo calore sanguinis rubri copiosi, in uteri ambientis substantia contenti; sicque incubatus in proprio mulieris corpore fit, quem ovipara animalia extra corpus suum perficiunt tantum. Unde apparet, quam pulcrum usum habeat sanguis, antea singulis mensibus exire solitus, nunc retentus in vasis uterinis, illaque sensim magis dilatata replens. Harvaeus (z) praecipuum nascentis embryonis opus sanguini rubro tribuit; imo & existere prius, quam cor & vasa, atque in ipso nascentibus vitam primo incipere, & morientibus ultimo terminari, voluit. Inde spiritus vitalis, calorque nativus caeteris omnibus advenit; in quo Medicorum calidum innatum, sive implantatum primo emicat, & lar familiaris, sive focus perennis hospitatur; unde perpetuo in universum corpus, singulaeque ejus partes vita promanat, nutritio, incrementum, auxilium, & solamen, proveniens &c. In quo calor primo (sanguis in fonte) & praecipue abundat, vigetque, & a quo reliquae omnes totius corporis partes calore influente foveantur, & vitam obtinent. Quippe calor, sanguinem comitatus, totum corpus irrigat, fovet, & conservat.

Notum est, puli primordium, in ovo foecundato latens, per longum tempus manere posse absque ullo vitae, aut incrementi indicio. Debitus adhibeatur caloris gradus sive per gallinae incubatum, sive alio quocumque modo,

mo-

(x) De Mulier. Morb. Lib. I. Cap. 23. Charter. Tom. VII. pag. 744.

(y) De Natura Pueri Cap. 3. Charter. Tom. VI. pag. 312.

(z) De generat. animal. Exercit. 51. pag. 199. & 104.

motus, vita, incrementum sequuntur statim, & quidem adeo celere, ut videnti, dierum spatio omnes ante sensus fugiens minutissima molecula pulum jam exhibeat perfectum, qui propria vi fracto putaminis carcere exit. Videtur calidi sanguinis copiosi, per uterina vasa moti, circumfusio non leve emolumentum praestare nascenti Embryoni humano.

§. 1295. **A**Lia ex ipsa mole, motuque foetus, atque secundinarum, & aquarum, vim exercentium in partes hasce sensiles admodum.

Uterus gravidus suo fundo ascendit in abdomen, reliqua viscera premit, & ex situ suo naturali removel tanto plus, quo majus spatium in abdomine occupat: primis duobus, vel tribus mensibus graviditatis parum adhuc molestiae uterus, sua mole auctus, facere poterit, sed sequentibus mensibus ad partum usque multa quandoque parat incommoda. In cadavere mulieris, sexto graviditatis mense in aquam delapsae, & suffocatae inventum fuit: fundum uteri ventriculum tangere (a); sed inter uteri tumentis partem anteriorem, & peritoneum nihil de intestinis, nec de omento inveniebatur; omnia enim haec viscera, ad latera utrimque remota conspiciebantur; unde uteri superficies peritoneaeo antierus erat contigua. Hinc intelligitur ratio, quare motus foetus in utero, manu abdomini imposita, facile sentiantur. Verum etiam uteri pars postica incumbbat ossi sacro, & vertebis lumborum, absque ullo viscere interposito (b). Uteri fundo ventriculus, & in aliis cadaveribus gravidarum inventus fuit incumbere, omentum, & pars magna intestinorum sursum, ac retrorsum versus diaphragma haerebant compressa. Similia de mirabili mutatione situs viscerum in gravidis etiam apud alios auctores leguntur (c). Patet ergo, vim quandoque inferri visceribus, dum a tumente utero ad latera removentur, ita ut hinc inde comprimantur intestina, sique difficilior ingestorum transitus per tenuia, accumulatio saecum in crassis sequantur: ab eadem causa bilis in duodenum exitus redditur difficilior, unde toties leves icteri in gravidis observantur, qui post partum plerumque cessant, nisi retenta bilis in vesica fellea jam majorem spissitudinem acquisiverit, vel in calculosas concreciones concreverit, quae non facile per angustias ductus transire possunt. Rarius tamen hoc contingit, nisi in illis, quae jam ante graviditatem in hos morbos vergebant: plerumque enim gravidarum icteri faciles sunt. A diversa hac compressione viscerum plura certe symptomata oriri poterunt tempore graviditatis. An ideo Hippocrates (d) dixit: *Si nosse velis, an mulier conceperit, dormitur ac aquam mulsam potui dato. Quod si tormina habuerit circa ventrem, concepit, sin minus, non concepit?* In commentario ad hunc locum Galenus (e) notat, quod crudam aquam mulsam

e 2

de-

(a) Deens over het ampt der vroedmeesters &c. pag. 54.

(c) Levret L'art des accouchem. &c. pag. 57.

Charter. Tom. IX. pag. 219.

(b) Ibidem pag. 56-57.

(d) Boët. V. Aphorism. XII.

(e) Ibid. pag. 220.

dederit *Hippocrates*, quia flatulentia ejus ad hanc Diagnosin opus habebat. Videtur autem tentasse hanc Diagnosin primis graviditatis mensibus, cum circa quartum mensem, quandoque citius, aut serius, foetus motum gravida mulier sentire soleat (f); quod certius habetur impraegnationis signum, quam tormina ventris post mulsam epotam. Diserte autem addit *Galenus* (g), tormina illa fieri in mulieribus, quae conceperunt (*Sed ait deus de purpurae virginitate*) propter angustiam loci, quae a matrice (tumente) fit.

Ab hac causa alvum adstrictam gravidarum deduxit *Mauriceau* (h), uti & alii plures. Sed & intelligitur inde, quare vomitu molesto laborent quaedam mulieres circa finem graviditatis, illae nempe quibus uterus ascendit altius, & ventriculū premit, sicque irritat, vel saltem ejus distensionem ab ingestis impedit. Si, uti paullo ante dictum fuit, uterus in abdomen assurgens sexto graviditatis mense jam tangebatur ventriculū, ultimo graviditatis mense compressisse, & arctasse illum, facile creditur. Talis autem vomitus cura sperari non potest, nisi a depletionē uteri per partum. Unicum solamen est, si parum simul comedant, & bibant, sed frequenter, ut sic nutriantur, absque eo quod ventriculus distendatur (i). Si jam a sola mole uteri distenti tot incommoda oriri possint, facile patet, haec multum augeri, dum foetus valide se movet in utero, & vicinis impingit visceribus.

Spes tamen est, mutatum viscerum situm, depleto utero, restituendum brevi in naturalem: hoc autem plerumque contingere solet, nec semper tamen. Notaverat jam *Cassparus Baubinus* (k), de omento agens, sequentia: *Nonnullis post partum circa ventris medium collatum remanet, ita ut non leves saepe dolores perferant.* Omentum, satis magnae molis in hominibus, intestinis superincumbit liberum, illa sovet, humectat, oblinat, dumque binis lamellis, supra se invicem mobilibus, constat, facile cedit, & situm mutat: nam in animalibus, post partum dissectis, omentum sub ventriculo collectum quasi apparet; sed vacuo ventriculo profundius descendit versus inferiora. Dum autem uteri gravidi fundus supra ossa pubis prominere incipit, elevat intestina, ac omentum, & ad latera haec sensim detrudat. Videtur autem quandoque omentum ab utero assurgente convolvi, & complicari: si jam vel ab uteri compressione, vel ab alia quacumque causa siccescat omentum, concretio lamellarum omenti metuenda erit, nec depleto per partum utero poterit evolvi, ut pristinum locum occupet. Viderat aliquoties *Raysibius* (l) tumores duros, & oblongos, post partum in abdomine remanentes, & fatetur, diu se accipitem haesisse, quid de his statueret, donec in dissectione cadaveris rem detegeret. Vidit enim omentum duas fere digitos crassum, tres digitos latum, spiritibam cum dimidia longum, & in substantiam adipocarnosam degeneratum, atque insuper scirrhosum. Massa autem illa, uti figura expressit, adhaerebat superius fundo ventriculi, inferius uteri fundo: admodum videtur cre-

(f) Mauriceau Traité des maladies des femmes grosses Tom. I pag. 92.

statim citato.

(h) Tom. I. 124.

(i) Ibidem 130.

Anatom. Lib. I. pag. 79. Cap. 12.

(l) Observ. Anatom. chirurg. Cent.

observat. 63. pag. 39.

(g) In loco

(k) Theat.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

(l) Ibidem 130.

credibile, fundum uteri elevatum ad ventriculum usque pressisse omentum, & cum illo concrevisse; post partum vero uterum contractum accretum omentum secum detraxisse, sicque tumorem talem oblongum in abdomine produxisse. Viderat, & contractaverat in viventibus plures tales tumores *Ruysschius*, quorum nonnulli transversim positi erant, alii situm obliquum obtinebant. Notat pariter, *mulieres eos tumores, sine magno, imo aliquando sine ullo dolore, licet non sine aliquo incommodo, per plures annos gessasse.*

Antea, ubi de hydropse agebatur, pluribus observatis consistit, quam miro modo quandoque omentum degenerare possit, & difficillimos morbos producere.

Quando sensim, & directe ascendit uterus, mutatur quidem viscerum abdominalium situs, sed lente, & minori vi. Ubi autem fundus uteri gravidus in dextrum, aut sinistrum latus inclinatur, inaequalior fit compressio, & multa possunt sequi mala. Mirus talis casus, a Clarissimo *Littre* observatus, legitur (m), ubi uterus gravidus, vitio ligamentorum in dextrum latus semper declinans, hepar sursum contra diaphragma presserat, ejus situm, & figuram mutaverat, pectoris cavum minuerat, palpitaciones cordis produserat, &c. Primus infans adeo magnae molis fuit, ut non potuerit excludi, sed mortuus frustulatum debuerit extrahi. Postea adhuc binos infantes feliciter peperit, sed semper uterus in latus dextrum inclinabat graviditatis toto tempore.

Cum autem observatis, uti dictum fuit, constet, inter uterum gravidum, ac tumentem, & vertebrae dorsii nihil interponi, poterit & sic premi ab incumbente utero descendens secundum vertebrae corpora aortae truncus, ut sanguis, corde pulsus, difficiliter versus inferiora tendere possit, & hinc superiora magis impleantur. Verum antea, ubi de apoplexia agebatur, ad §. 1010. 3. 7. monitum fuit, quod ab utero gravido, comprimente vicina, impetus, & copia sanguinis versus caput augeri possit, & quidem non sine periculo; quod & tunc confirmabatur *Hippocratis* textu ibi citato, dicentis: *Uterum gerentibus capitis dolores cum sopore, & gravitate oborientes, mali fortassis autem & his convulsivum quid pati contingit.* Simul notabatur ibidem, *autem* non simpliciter gravidas, sed partui vicinas vocari; tunc enim a tumente quam maxime utero majus discrimen compressionis vasorum adest.

§. 1296. **A** Priori (1294.) videtur pendere Nausea, Vomitus, prostratus appetitus, vel idem depravatus plane, animi deliquia, vertigines, dolores summi stomachi, pectinis, inguinum, renum, mammarum, torpor, gravitas, dyspnoea, abortus.

Recententur hoc paragrapho praecipua symptomata, quae graviditatem comitari solent; non quidem, quod cunctis in omnibus gravidis adsint, sed plura; vel pauciora ex his occurrant in diversis mulieribus gravidis: omnia autem haec mala solent tribui eidem causae, nempe sanguinis copiae nimiae, a

(m) Académ. des Sciences l'an. 1709. pag. 32.
Tom. IV. Pars II.

retentis menstruis natae, dum foetus hunc sanguinem nondum potest in sui incrementum absorbere, uti ad §. 1294. dictum fuit.

Verum tunc monitum fuit, non tantam sanguinis copiam per menstrua excerni, ac quidem vulgo creditur, & notabilem ejusdem partem infumi, ut uterina vasa, mole aucta, impleta maneant. Unde merito dubium nascitur, an soli plethorae in gravidis haec symptomata tribui possint.

Certe plethora habet sua signa, quibus distinguitur, de quibus dictum fuit ad §. 106. An illa inveniuntur in omnibus gravidis, quae aliqua saltem ex symptomatibus hic recensitis patiuntur? Ad §. 1293. inter signa graviditatis recenscebatur, si oculi magis contracti, & cavi cernerentur, & oculorum album lividum appareret. Sed haec non sunt plethorae signa; in hac enim oculi potius prominent, & vasa rubra in albo oculorum apparent. In multis gravidis faciem magis pallidam, & contractam inveni, attamen graviditatis molesta satis symptomata aderant.

Praeterea pleraeque mulieres impraegnantur post menstruum fluorem finitum: unde peritae matronae tempus futuri partus computare solent, dum initium graviditatis ponunt decimo quarto die post initium ultimi floris menstrui, & eventus toties confirmavit, iustum satis fuisse hunc calculum. Verum hoc tempore nondum potest adesse plethora a retentis menstruis. Interim saepius vidi, nauseam, & vomitum in ipso graviditatis initio adfuisse. Probe memini, formosam virginem, vegeto nuptam juveni, sequenti post nuptias die vomuisse, nauseasse, & postea insolita quaedam appetiisse. Indignabatur omnino, dum festivo in convivio ab omnibus salutaretur gravis: Post novem menses, exacto computo absolutos, sanum, robustum infantem peperit. In alia muliere, satis robusta, mox a conceptu dolebat ventriculus, & dorsum immaniter; fiebat meticulosissima, & cogebatur perpetuo decumbere; ructus, & status fere perpetui; lassitudo corporis summa; sensus omnes erant torpidi, facies pallida, mortuae fere similis. In miserrimo hoc statu manebat usque in quintum graviditatis mensem: tunc incepit vomere, vires redierunt, surgebat de lecto, & reliquum graviditatis tempore satis commode abolvebatur. Saepius peperit misera haec mulier, sed semper easdem molestias ferre debuit, licet plures, & periti Medici omnem adhiberent operam, ut illi succurrerent. Testata fuit Venae sectio, & alia plurima; sed incassum.

Scio quidem, opponi posse, quod raro tales casus observentur, sed saltem hoc iade concludi potest, symptomata tempore graviditatis observata non semper habere plethorae pro causa. Praeterea satis obvium est, mulieres nauseare quoadque, cibos quosdam sistidire, quibus antea delectabantur, insolitos appetere, atque, dum antea similia expertae fuerant, dubitare de graviditate, anxie expectantes solitam menstrui floris periodum, quae si non sequatur, tunc certo credere se gravidas esse, & ab illo tempore, quo haec symptomata observaverant, impraegnationis initium computare. Certe & in his casibus, qui rari non sunt, plethora non potest dici causa horum symptomatum, eum nondum adfuit, & axioma illud in scholis omnibus admittatur, quod nullus effectus possit prior esse sua causa. Uteri, & vicinarum
uteri

uteri partium, quae ad generationem spectant, insignis mutatio ipso impraegnationis tempore, & postea, videtur potius causa esse illorum symptomatum, quae graviditatem comitantur, imprimis, cum ex ante dictis constiterit illud regiminis imperium, quo uterus in alias corporis partes agit.

Nausea, vomitus, prostratus appetitus. Adeo familiare hoc malum gravidis est, ut plurimae hoc patienter ferant, & vix medelam possant; praecipue, cum saepius idem jam expertae noverint, procedente graviditate has molestias sensim minui, & tandem penitus cessare. Raro enim durant ultra tertium mensem. Quibusdam quidem circa finem graviditatis vomitus, & nausea adsunt ob uterum assurgentem, & ventriculum jam sexto graviditatis mense tangentem, uti dictum fuit: verum hic imprimis agitur de illa nausea, & vomitu, quae primis diebus graviditatis jam incipiunt (*n*). Simul monet Auctor idem, non produci haec per colluviem pravorum humorum in ventriculo, adeoque nec requiri evacuantia, quae in primo hoc graviditatis stadio vix tuto possunt adhiberi, praecipue si validiora fuerint. Videri possunt & illa, quae in *Capitulo de nausea* ad §. 642. N. 5. de hac re habentur. Tamen negari nequit, quod si diu durent haec, vel continuo urgeant, laedantur functiones viscerum chylopoieticorum sic, ut horreant mileriae ab omni cibo, & poru, & in ventriculo, ac primis viis quandoque colligatur saburra vitiosorum humorum, quae expelli debet, imprimis si ructus nidorosi, os amarefces, lingua fordida talis mali indicium dederint. Lene purgans, imprimis ex *rhabarbaro*, solet tunc insigniter prodesse (*o*); validiora enim semper caute vitantur. Hanc methodum omnes optimi auctores, qui de gravidarum morbis scripserunt, commendaverunt; Hippocrate etiam consentiente (*p*), qui sic habet; *Praegnantes medicamentis purgandas sunt, si humor surgeat, quadrimestres, & ad septimum usque mensem; sed haec minus. Minoribus autem, aut grandioribus foetibus cavendae sunt purgationes.* Patet ergo, quod Hippocrates non commendaverit purgationem ad nauseas, & vomitus, quae primo graviditatis stadio contingunt, tertioque mense cessare solent, & quandoque citius; sed tantum in illo casu, ubi copia pravorum humorum adefset. Prioribus autem mensibus, quia majus tunc abortus periculum est, his abstinendum fuisse; uti etiam ultimis mensibus, ne per tormina, quae saepius a purgantibus fiunt, excitarentur partus dolores, & ante tempus excluderetur foetus, nondum omnino maturus. Cum autem alio in loco (*q*) monuerit sequentia; *Mulier utero gerenti, si alvus multoties fluat, abortionis periculum est;* concludi potest, quod leniora tantum purgantia adhibuerit.

Semel vidi, verso jam foetu, & utero ad inferiora descendente, nauseam, & vomitum rediisse, quae vix jam poterant attribui uteri ascendentis fundo, ventriculum prementi. Vini Hispanici pauculum cum pane biscocto datum profuit statim fere; quod & a *Mauriceau* (*r*) laudatur; qui parvam quoque

e 4

co.

(*n*) Mauriceau Traité des malad. des femm. grosses. Tom. I. pag. 328. 329.

(*o*) Ibid. pag. 131. (*p*) Sect. IV. Aphor. I. Charter. Tom. IX. pag. 130.

(*q*) Sect. V. Aphorism. 34. Ibid. pag. 214.

(*r*) In loco modo citato.

copiam spiritus vini dedit in similem usum. Si calidae temperiei, & plethorica foret gravida, tutum non foret calidioribus his uti, nisi prius per sanguinis missionem plenitudo haec imminuta foret. Catterum vina illa oleosa, meraca, si dentur parca copia, multum levaminis adferunt. *Hippocrates* (1) statuit, quod *meraciores potus ad usuros, & foetus nutritionem meliores existunt.*

Ubi autem nausea perpetua, & vix tolerabilis amplius, affligebat gravidas, quibus genus nervorum admodum mobile erat, tunc aliquot guttulis laudani liquidi datis illam saepius feliciter sedavi: Vide illa, quae ad §. 644. §. habentur.

Depravatus plane. Cum adeo varius sit ille appetitus depravatus, Graecis *χίμα* vel & *χίμα* (1) dicitur, eo quod pica avis & alas diversi coloris, & variatam admodum vocem habeat. Malacia etiam vocatur illud symptoma, quod non tantum in gravidis, sed & in virginibus aliquoties observatur. Appetitus ille depravatus quandoque absurda quaevis desiderat. Sic *Hippocrates* (2) notavit, praegnantem quandoque terram aut carbonem concupiscere, & comedere, & in foetus capite signum tunc apparere, ubi editus fuit. Numerosa in Historia Medica habentur depravati gravidarum appetitus exempla, dum murorum calcem, lateres, lanam, aliaque multa clam devorarent. Contingit etiam saepius, ut in quosdam cibos acerrimo appetitu ferantur, & stupendam horum manducant copiam. Vidit *Tulpius* (3) mulierem, quae *imprægnata delectabatur tam impense halesibus salitis, ut ante partum comederit mille, & quadringentos; astamen sine ventriculi offensa, nullove sanitatis dispendio.* Computo subducto, patet, quod quotidie quinque comederit halesces, qui gratum quidem dant ferculum, verum a robusto homine vix ferri possent tanta copia. Sed & infans eodem delectabatur appetitu, *ut cum necdum posset verbis, expetierit tamen ejulatu halesces.* Ubique satis in more est, ut gravidis concedantur illa, quae petunt, nisi omnino fuerint absoma, & certo nocitura; quocumque etiam redimi debeant pretio. Unde sequens axioma practicum statuit *Manningham* (4): Si *alimena, quae apud primæ appetunt gravidæ, optima, & ad nutritionem maxime idonea non sint, omnino tamen anteponenda sunt illis alimentis, quae fugiunt, & oderunt.* Neque semper illa ciborum, vel potuum desideria per totum graviditatis tempus durant, ut in muliere illa, quae tot devoraverat halesces; sed saepius videntur, quod satis cito evanuerint, & denuo redierint quandoque. Sic optimam matronam novi, quae sobria semper, per unum, alterumve diem incepit vinum appetere quam maxime; pudibunda tamen cum esset, noluit vinum petere majori copia, quam solebat: maritus, rem subolsaciens, callide subministravit occasionem facilem, ut clam omnibus huic desiderio satisfacere posset: falsa est postea, nunquam aliquid gratius sibi contingere potuisse, & licet satis largam copiam vini hausisset, optime se habuit.

Animi

(1) De salobr. vict. rat. textu 24. Charter. Tom. VI. pag. 233.

Spach. pag. 3. M. 28.

(2) De superfetatione Cap. VI. Charter. Tom. VII.

pag. 864. (3) Observat. Medic. Lib. 2. Cap. 24. pag. 132.

(4) Art. Ob-

stetric. Compend. pag. 65.

Animi deliquia; quae saepius tempore graviditatis contingunt; imprimis in tenerioribus, & delicatioribus foeminis: quandoque & validam nauseam haec sequi solent, sed brevi evanida, si fragrans acetum, odorum vinum, vel spiritus leniter aromatici naribus supponantur, additis quandoque & blandis antihystericis remediis, de quibus postea ad §. 1300. dicitur. A motu foetus in utero validiori, uti etiam dum genubus incumbunt diutius, quandoque leviter animo linquntur. Praeterea, utero tum auctis mole, magna copia sanguinis in utero instantia continetur, & in placenta vasis; verum & turgens uterus quandoque premit venas iliacas, arterias minus, cum firmiores sint; unde magna copia sanguinis in pelvi, & sub pelvi continetur, quae ad cor non redit, vel saltem non omnis; unde cordis vires minuuntur. Si vero mutetur uteri situs, decumbendo in lecto, vel alio quocumque modo, liberantur quandoque venae compressae, & copia sanguinis ad cor venit, illudque per aliquot momenta sese obruit; unde & cordis palpitatio, & instans quasi jamjam animi deliquium sequitur; donec sanguis ille denuo aequabiliter per omnia vasa distributus fuerit; tunc enim omnia haec cessant.

Vertigines. A vertigine, quamvis levissimus cerebri morbus sit, omnes etiam graviore capitis morbi incipere, & dum curantur, pro ultimo symptomate vertiginem relinquere solent; frequenter animi deliquia praecedit, vel comitatur, & frequentissime nauseam, etiam in sanissimis paulo ante hominibus, si subito in gyrum corpus agant, mari vehantur, ex alto loco deorsum spectent, &c.: Hinc a levibus satis causis vertigo nasci poterit. A plethora, si nimis turgeant encephali vasa, vertigo sequitur, vasorum depletionem sananda; & vulgo solet in gravidis haec causa accusari, quae quandoque, sed non semper, locum habet; cum & eadem causae, quae animi deliquia, nauseam, vomitum producat, etiam vertiginem faciant, adeoque & simili medela indigeant.

Dolores summi stomachi. Cum acrimonia acida morsum ventriculi, & faecos intestinorum dolores toties producat (vide §. 63.), ab eadem causa & in gravidis mulieribus hoc poterit contingere, si cibis, & potibus acidis, aut cito acescentibus delectentur; imprimis, cum ob frequentem nauseam debilitata coctione prima haec difficiliter subigantur, adeoque suam sequantur indolem; unde *Manningham* (y) monet sequentia; *Mulieres gravidae*, quibus acescere, sive ardorem solet pati stomachus, ab acidis fructibus immaturis, saccharoque abstinere; vel etiam vinum fugiant; nam vinum, ut alimenta in stomacho acescant, efficit, ipsumque est acidum. Acidi absorbentia terrea, ut lapis cancrorum, & similia, satis feliciter hoc malum tollunt: *Vina Hispanica*, & alia oleosa, ut *Toscanense*, &c., non adeo facile acescunt; quae ergo praes aliis usurpari poterunt. Omnium autem maxime sensilis pars videtur esse orificium superius ventriculi, quod ab acidis, vel aliis acerbis irritatum quam maxime dolet.

No-

(y) Art. Obstetric. Compend. pag. 66.

excurrunt, & in ea prope Clitoridem in multas partes divisa terminantur, ac evanescent (*e*). Sic impeditur nimia quidem illorum distractio, attamen, magis magisque ascendente uteri fundo, videntur plus elongari; & in quibusdam gravidis dolor molestus excitatur praecise illo in loco, ubi supra pubem haec ligamenta desinunt; cum autem vasculosa fiat, & haec vasa in gravidis magis repleta observentur, forte & inde dolor nascitur (*d*). Adest autem ille dolor plerumque in uno latere tantum, & creditur celebris ille in arte obstetricia auctor, vasa ligamentorum tertium ideo infarciri, quia placenta, utero accreta, locum, unde nascitur ligamentum teres, occupat. Unde creditur, hoc in utroque loco fieri non posse, nisi in gemellis, si singuli suam placentam habeant.

Saepe hos dolores in gravidis observavi hisce locis, plerumque post aliquod tempus, absque noxa relicta, evanidos. Verum & similes dolores in cruribus, ac femoribus quandoque patiuntur gravidae, quae ab hac causa non videntur pendere. Illos dolores autem potius in prima graviditate contingere, observavit *Mauriceau* (*e*); quibus, quiete in lecto, & venae sectione, si opus foret, medelam facere solebat. Sponte autem patet, omnia haec mala multum augeri posse, dum foetus valide movetur in utero. *Hippocrates* dixit (*f*) de muliere, gravida partui proxima; *Tum maxime lumbis dolent; nam & lumbi a foetu percussantur.*

Mammarum. Antea, ubi de virginum morbis agebatur, dictum fuit de manifesto illo commercio, quod inter mammam, & uterum intercedit: etiam inter signa graviditatis mammarum tumor numerabatur, qui, si mollis sit, & potius tensionis utrumque molestiae sensum faciat, quam dolorem, nullam medelam poscit: pro bono enim signo habetur & *Hippocrates*, uti postea dicitur, abortum praefagebat, si subito flaccescerent mammae in gravidis; & e contra optimam spem fovebat, si denuo turgidae redderentur. Cum autem, uterum humanum binis constare cavis, crederet, quorum dextrum mares, sinistrum puellas foveret; hinc abortus futuri sexum cognosci posse, credebat, prout dextra, vel sinistra mamma flaccesceret. Mollis frictio foetum ex hydrogala, in qua sapo Venetus dissolvitur, satis feliciter has molestias tollere solent; praecipue, si serosi quid subacti ex papillis effluat. *Mauriceau* (*g*) pariter monuit, naturae hoc committendum esse; damnavit omnia reperiocutientia, & cavendum iussit, ne vestibus arctius adstrictis turgentes mammae premerentur; inde enim merito pessima metuebat mala.

Torpor, gravitas, dyspnoea. Molestum, quamvis carum, onus gravat totum corpus, & quandoque adeo debiles reddit; ut vix artus movere possint ultimo graviditatis tempore, praecipue si molliter educatae fuerint, & toto graviditatis tempore inerti torpuerint otio. Rusticae mulieri gravidae minor molestia, quae

In-

(*c*) De Graaf de Mulier. organ. pag. 147. 148.

(*d*) Levret l'art des accouch. pag. 33.

(*e*) Traité des malad. des femm. gross. Tom. I. pag. 134.

(*f*) De Mulier. morb. Lib. I. cap. 32. Charter. Tom. VII. pag. 747.

(*g*) Traité de malad. des femm. gross. Tom. I. pag. 137.

*Infanti cum plena sumens quoque viscera partu,
Aequas humum vasis, segetem nascentibus herbis.
Liberat, in longos religat sarmenta maniplos.
Et duri patiens ita ruris, amansque laborum est,
Inter ut agrestes operas enixa, marito
Progeniem referat, quam non peperisse, sed agris
Invenisse putet (b).*

Totam quandoque familiam vidi desolatam, dum metuebant, ne ob torporem, & debilitatem matris unquam felix succederet partus. Ubi tamen veri partus dolores urgere ceperunt, omnis torpor cedebat, vires, antea superestellae, redibant illico, & faustum sequebatur puerperium. Licet omnes calida cardiaca stimulantia poscerent, ut vires scilicet erigerentur, nihil tale dedi, cum nocitura praeviderem.

Dyspnoea autem imprimis circa finem graviditatis observatur, cum repleto adeo abdomine & diaphragma libere descendere nequeat, & musculi abdominales adeo distracti minus valide agant.

Abortus, sic dictus, quod non sit tempestive ortus, vocatur foetus ante terminum ex utero exclusio: adeoque, stricte loquendo, potest abortus in primo impraegnationis exordio contingere, hinc & *quartalio* alii dixerunt, immaturum partum: Attici, *Galeno* (i) teste, vocabant *σπασμους*: Hippocrates autem *εργασμους*, deperditionem vocare solebat; quia intempestivi tales foetus vel prodeunt jam mortui, vel si adhuc vixerint, brevi pereunt. Cum autem ante septimum mensem expulsi foetus raro, vel nunquam superstes maneat, hinc tales sub abortus nomine comprehendere solent Medici: cum vero plurima exempla habeantur foetuum septimestrium, qui diu non tantum supervixerunt, sed & ad bonam senectutem pervenerunt, hinc tales partus non vocantur amplius abortus, sed simpliciter tantum praematuri. Cum autem primo impraegnationis tempore ovum humanum nondum uteri superficiei nexum sit, si tunc elabatur de utero, vix ullo indicio cognosci poterit talis embryonis deperditio; unde & a multis abortus nomen tunc vix mereri creditur. Hinc plerumque a primi mensis fine usque ad septimum mensem absolutum mulier abortiri dicitur, si foetum perdat. Cumque toto hoc temporis intervallo embryo utero nexus sit, illa separatio ab utero, cujus vasa jam aucta mole, & sanguine plena sunt, fieri aequit fero, nisi ante abortum, vel & ipso abortus tempore sanguis majori, minorive copia de utero exeat.

Fortè hinc vocari posset abortus *sanguinolentus foetus immaturus expulsio*.

Possunt enim satis commodè in abortu tria temporis stadia distingui. *Primum* est, quando nexus placenta cum utero incipit solvi. Notum est, ovum humanum adhaerere omnium firmissime utero in illo loco, ubi placenta est, & magna uteri vasa cum placenta communicare, quae nexu hoc soluto sangui-

nem

(i) Vanier Praed. Rust. Lib. 2. pag. 47.
rex. 2. pag. 336.

(i) Comment. I. in Lib. VI. Epidemic.

nem fundunt, qui copia auctus chorii nexum, longe debiliorem, cum utero tollit magis magisque, donec per os uteri exire incipiat: & hoc vocatur *secundum* stadium abortus. *Tertium* stadium dicitur, ubi foetus immaturus ex utero prodit.

Si jam in memoriam revocentur illa symptomata, quae primis graviditatis mensibus adesse solent, patebit facile, saepe metuendum esse, ne tener ille nexus foetus cum utero destruat. Soli per vomitum abdominis concussus producere possunt hoc malum; imprimis, si non tantum nausea, & vomitum; sed validus, & frequens vomitus adsit; qui, uti dictum fuit ad §. 652. agnoscit pro causa non tantum fibrarum muscularium, faucium, oesophagi, stomachi, intestinorum convulsionem, sed etiam diaphragmatis, & musculorum abdominalium; unde tunc omnia contenta abdomine visceri apremuntur, & concutuntur. Augetur hoc discrimen, si vasa corporis multo sanguine turgant eodem tempore.

Inde, etiam patet ratio, quare circa tertium mensem abortus frequentius contingat; quia nempe debiliior adhuc est nexus foetus cum utero, & in sanguineae temperii foeminis, quibus antea copiosa solebant fluere menstrua, vasa uterina multo sanguine turgent.

Sequitur jam, ut consideremus, qua methodo, & per quae remedia haec symptomata, si non omnino tolli, saltem minui, & leniri possint. Patebit autem statim, ad hunc scopum obtinendum prudentia opus esse.

§. 1297. **Q**uae proinde pendentia ab una causa eodem remedio, sanguinis missione, tolli solent.

Cum inter praecipua graviditatis signa menstruorum cessatio habeatur, hinc solebant incipientis graviditatis molestiae retento huic sanguini adscribi a plurimis; adeoque concludebant, nullum praesentius remedium haberi posse, quam si per venae sectionem tolleretur sanguis, a cuius nimia copia nasci omnia haec mala, credebant. Verum ex antedictis paruit, non in omnibus mulieribus tantam evacuari menstrui sanguinis copiam, ut ab huius retentione, statim in graviditatis initio, mali quid metuendum sit. Praeterea paruit, multa ex illis symptomatibus, quae inter signa graviditatis solent haberi, jam adesse, antequam a retentis menstruis copia sanguinis aucta fuerit; solent enim saepe mulieres concipere primis diebus, postquam cessaverint menstrua, & in pluribus statim nausea, vomitum, & appetitus rerum infolitarum observatur. Neque facile deduci posse videntur haec gravidarum symptomata a sola copia sanguinis aucta, cum in plethoricis eadem non observentur. Verum etiam demonstratum fuit, sanguinem hunc retentum impendi replendis uteri mole crescentis vasis; atque ob hanc causam non statim abundare, licet a tenello Embryone non possit absorberi totus.

Quam maxime autem hic videtur considerandum naturae institutum, cui ministrare Medicum oportet, non imperare. In sana, & vegeta muliere debito tempore fluunt menstrua; cessant, si impraegnatur. Si semper cum periculo.

riculo retineretur in corpore gravidæ ille sanguis, adorandus Creator alias substituisset vias, per quas exire posset, & illæ gravidæ, quæ sanguinis missionem non admitterent, graviores paterentur molestias. Nunquam tota vita sanguis missus fuit uxori meæ propriæ; nunquam tamen abortivit, & sex proles sanas peperit felicissime, atque a puerperis cito restituta fuit semper. In plurimis aliis idem observavi; & hinc merito concludere possum, sanguinis illam missionem in omnibus gravidis necessariam non esse; imo nec semper utilem, & quandoque noxiam.

Longe tamen absum ab illa sententia, nunquam venam secandam esse in gravidis: vidi plures, quæ sanguinis missione opus habebant sive ob nimiam plenitudinem, sive ob subitam rarefactionem sanguinis. Illæ, quæ singulis mensibus copioso sanguine distillant, dum non sunt gravidæ, opiparo utuntur victu, & corpus parum movent, sæpe nimio sanguine turgent, plethoricæ primo, vel secundo graviditatis mense; nec unquam dubitavi, talibus venæ sectionem suadere, simul ac signa plethoræ observarem; probe gnarus, caeteroquin abortus periculum imminere. In aliis, per iracundiam validam vidi omnia vasa illico turgere repleta, faciem rubram testam, oculos rubro sanguine suffusos, & his venæ sectio profuit. Hoc tantum monitum volo, ne pro generali regula habeatur, sanguinem tempore graviditatis mittendum esse, & omnes molestias, omnia mala, quæ sequuntur, merito attribui hujus remedii neglectui. In quibusdam locis hæc opinio inolevit, imprimis in nobilibus familiis, ter venam secandam esse tempore graviditatis; in initio nempe, circa medium, & prope finem, nulla habita ratione temperiei, & habitus corporis. Vidi, hoc factum fuisse in tenellis pallidis foeminis, & licet languerent inde pessime toto graviditatis tempore, debiles, languidos, infirmos parerent foetus, & per integros menses affigerentur lecto, antequam post puerperium prodire possent in publicum, vix tamen, & apud paucas tantum impetrare potui, ut impofterum idem non tentaretur. Medici ipsi, famæ suæ nimis consulentes, huic torrenti vix se audebant opponere: probe gnari enim erant, si quid sinistri contingeret postea, illud unice attribuendum fore omissæ venæ sectioni; e contra, si more solito sanguis mitteretur, liberos ab omni culpa pronuntiandos, quidquid etiam postea fieret.

Interim optimorum Medicorum gravis auctoritas suadet, caute hic procedendum esse. Dixerat Hippocrates (k): *Mulier utero gerens vena secta abortit, eoque magis, si foetus grandior fuerit.* Ex Galenus assentitur Hippocrati, præcipue, ubi jam adultior foetus majori copia nutrimenti indiget. Præterea, dum in partu placenta educitur, magna sanguinis copia exire solet, & lochia per plures dies pergunt deplere vasa uterina. An ergo conducet paullo ante partum per venæ sectionem minuere adhuc sanguinis copiam? Novi quidem, quod dicatur, sic impediri, ne copia tanta sanguinis ex utero fluat, dum placenta educitur: sed ne quidem verosimilis est hæc sententia. Magna enim adeo vasa ex utero ad placentam veniunt, ut necessario, post nexum hunc solum, undatim sanguis effluere debeat; quem uterus se contrahens, dum

VACU-

(k) Aphor. 31. Sect. V. Charter. Tom. IX. pag. 213.

vacuus est, urget. Imo nisi hoc fieret, pessima sequerentur mala, uti postea demonstrabitur in capitulo de morbis puerperii.

Fatendum est, non omnino, & absolute verum esse hunc Hippocratis aphorismum: nam quotidiana observata docent, abortum non semper sequi, si gravidæ mulieri vena secetur. Unde Celsus (1) prudenter limitavit Hippocratis sententiam. Dum enim de venae sectione agit, monet, in pueris, & senibus, & gravidis vetustatem Medicam hac abstinuisse: Siquidem antiqui, primam ultimamque acacem sustinere non posse hoc auxilii genus, iudicabant, persuaserantque sibi, mulierem gravidam, quæ ita curata esset, abortum esse salutarem. Postea vero usus ostendit, nihil ex his esse perpetuum, aliasque potius observationes adhibendas esse, ad quas dirigi curantis consilium debes. Interest enim, non quæ ætas sis, neque quid in corpore intus geratur, sed quæ vires sint. Haec ergo docebunt Medicum, quid agendum sit in gravidis; neque facile tunc errare poterit. Si enim langueat pallida mulier gravida, a sanguinis missione abstinere omnino; contra si rubescat, caleat, venæ turgeant, caput doleat, narium stillicidium adsit, tensionem circa lumbos, pelvim, inguina, sentiat venam secabit, ut abortum a nimia vasorum plenitudine metuendum caveat; semper tamen & tunc memor erit illorum, quæ Celsus (m) prudentissime monuit: Mulieri prægnanti post curationem quoque viribus opus est, non tantum ad se, sed etiam ad partum sustinendum. Non quidquid aut intentionem animi, aut prudentiam exigit, protinus ejiciendum est: cum præcipua in hoc ars sit, quæ non annos numeret, neque conceptionem solam videat, sed vires aestimet, & ex eo colligat, possit nec ne superesse, quod vel puerum, vel senem, vel in una muliere duo corpora sustineat.

Videtur tamen ex toto contextu Celsi patere, quod tantum disputaverit, an liceat in morbis sanguinem mittere gravidis mulieribus; non an in gravidis & sanis illud fieri debeat. Cum autem Hippocrates abortum expectaverit in gravidis a sanguinis missione, quæ tamen sæpe adeo necessaria est in morbis acutis, hinc forte statuit in Aphorismo precedenti (n); Mulierem utero gerentem morbo quodam acuto corripit, lethale. Periculosius decumbere gravidas talibus morbis, nemo dubitat, præcipue cum & foetus tanto habenda sit in curatione, uti optime Galenus (o) in Commentario ad hunc textum notat. Dum enim minori copia, & longiori intervallo cibaria exhibentur ægrotanti matri, periculum est, ne alimenti penuria pereat foetus. Si autem plus ciborum, & crebro magis exhibeatur, metus est, ne intempestivo cibo aucta febre, gravida occidatur. Tamen non semper perire gravidas, dum morbo acuto corripiuntur, vel ex ipso Hippocrate (p) demonstrari potest. Mulier enim illa, quæ in litore, trimestri, foetu gravida decumbebat febre acuta, cum obmutescencia, delirio, convulsione, insomniis, urinis tenuibus non bene coloratis, aliisque malis symptomatibus, tamen a morbo evasit, decimo quarto

(1) Lib. 2. Cap. X. pag. 77. (m) Ibidem pag. 78. (n) Aphor. 3. Sect. V. Charter. Tom. IX. pag. 213. (o) Ibidem. (p) Epidemic. Lib. I. ægrot. XIII. Charter. Tom. IX. pag. 115.

quarto die judicata. Unde & *Celsus* (q) hanc Prognosin limitavit, dicens: *Mulier quoque gravida acuto morbo facile consumitur.*

Vidi quandoque Medicos meticulosos fuisse ob hos Aphorismos *Hippocratis* in curandis gravidarum morbis acutis, & sanguinis missione abstinuisse; vel saltem illam nec satis larga copia, nec repetitis vicibus tentare ausos fuisse, licet morbus hoc remedium posceret. Tuto tamen, & cum optimo eventu hoc factum fuisse, propriis experimentis novi. In muliere sex menses gravida acutam pleuritidem tribus venae sectionibus, intra acutissimi spatium institutis, curavi feliciter, quae postea debito tempore sanam prolem peperit quam felicissime. In alia, circa ultimum graviditatis terminum acuta febre cum dolore intenso lateris sinistri decumbente, bis venam secui: viginti quatuor horis post secundam venae sectionem sanam puellam enixa est, & feliciter a morbo, atque a puerperio convaleuit. Similes casus, ubi gravidis, morbo acuto laborantibus, feliciter vena secta fuit, apud *Forestum* (r) habentur, & alios.

Ex his, ut puto, satis constat, quid de *Hippocratis* Aphorismo, prohibente venae sectionem in gravidis, sentiendum sit. In morbis acutis gravidarum illam quandoque requiri, & cum successu fuisse administratam, certis, & numerosis observatis confirmatur. Verum inde concludi nequit, in gravidis & sanis mulieribus sanguinis missionem semper esse utilem.

Ubi signa plethorae adsunt, & largo menstruum fluxui assuetae sunt mulieres, omnes conveniunt, sanguinis missionem non solum utilem esse, sed & necessariam; sin minus, *Mauriceau* (s) ne quidem illam laudat, dum sanguis ex vagina, menstruum more, fluit in gravidis. *La Mothe* (t), qui candide adeo narrat illa, quae observavit, admittit venae sectionem tantum in gravidis, si *admodum plethoricae* fuerint: adhibet tamen etiam, si absurda appetant, bona alimenta fastidiant omnino, nauseant, vomant, debilitatem sentiant, aliquid sanguinis de vulva fluat. Verum ex antedictis constitit, haec symptomata non posse semper adscribi nimiae copiae sanguinis, adeoque non semper requirere venae sectionem.

Concludit autem, si gravida bene valeat, sanguinis missionem non tantum inutilem, sed & noxiam esse.

§. 1298. **I**N qua tamen instituenda locus, tempus, copiaque maxime advertenda.

Locus. Cum venae sectio instituatur primis graviditatis mensibus tantum hoc scopo, ut minuatur nimia sanguinis quantitas, illud semper obtineri poterit, quocumque in loco aperiatur vena. Cum autem, uti ad §. 1291. dictum

(q) Lib. VI. Cap. 6. pag. 55. (r) Lib. 2. Tom. I. pag. 59. & seq. *Scalp. van der Wielen* observat. rar. Cent. prim. num. 33. part. I. pag. 132. & observ. 65. pag. 277. & seq. (s) *Traité des malad. des femm. gross. livr. I. chap. XX. pag. 156. 157.* (t) *Traité des accouchem. livr. I. chap. XV. pag. 64. & seq.*

tum fuit, ad promovendum fluxum menstruum venae sectio in pede instituta usum habeat, & ideo ab omnibus commendetur, sponte patet, quare damnetur in gravidis, cum abortus periculum foret, si vasa uterina sanguinem dimittere inciperent. Hinc omnium autorum consensu sanguinis missio in brachio fit graviditatis tempore. Quamvis autem impetus, & copia humorum derivent versus inferiores corporis partes per venae sectionem in pede institutam, tamen videtur sanguis facilius tunc transire per arteriam iliacam externam, quae non dat utero adeo copiosos ramos, & minus urgeri iliacam internam, quae utero prospicit. Frequentes observationes docuerunt, scelestas mulieres, dum menstruum suppressionem simulabant, tentasse frustra venae sectionem in pede, ut clandestini amoris fructum perderent. Interim tutissima semper incedendum via est, & merito ex brachio facta sanguinis missio praefertur, dum nimia sanguinis congestio circa vasa uteri metuitur. *Danda est autem opera, ut quam maxime procul a locis, in quibus dolores fieri, & sanguis colligi solet, sectiones faciamus. Sic enim minime magna mutatio repente continget, & translata consuetudine efficiet, ut ne amplius in eundem locum colligatur (u).*

Tempus. Si morbus acutus inflammatorius sanguinis missionem postulet, quovis graviditatis tempore vena secatur, uti praecedenti paragrapho dictum fuit. Verum, cum hic agatur de illa sanguinis evacuatione, per quam abortus periculum a nimia plenitudine cavetur, & emendantur molestae symptomata, graviditatis initium comitari solita, facile patet, primis mensibus praecipue venae sectionem locum habere. Post tertium enim mensem nausea, vomitus, & reliqua graviditatis symptomata minuuntur; imo integre cessant aliquando. Praeterea post hoc tempus uteri moles crevit, & vasa ejus copiosiori sanguine indigent, ut repleantur, simulque foetus mole auctus pluri indiget nutrimento. In plethoricis, & quae copiosa menstrua habere solent, quandoque post primam cessationem menstruum opus est venae sectione; frequentius tamen post secundam periodum in tali casu instituitur; si signa doceant, sanguinem abundare in corpore; & urgere vasa uterina, nona, vel decima septimana post impraegnationem: abortus enim hoc graviditatis tempore saepius contingunt, rarius quarto mense, & post illum finitum rarissime, nisi a morbo valido, vel vi externa, ut lapsu, percussione abdominis, aut & a validis animi affectibus, a quibus summo opere cavendum est. Si nimiae plenitudinis signa recurrant denuo, eadem ratio suadet, repetendam esse sanguinis missionem: neque tales casus mihi frequenter contigerunt in praxi, ubi pluribus venae sectionibus opus fuit. Quasdam tamen vidi, lautissime vivere solitas, sanguineae temperiei, & ob levissimam quamvis causam irascentes, quibus quatuor, imo quinque vicibus venam tundere opus erat, ut caveretur abortus. Prudens Medicus ex signis plethorae facile determinare poterit, quando depletionis opus erit.

Copia requiritur talis, quae minuendae plenitudini sufficit, nec tamen vires

(u) Hippocr. de Off. natura Cap. V. Charter. Tom. IV. pag. 3.
Tom. IV. Pars II.

res debilitat. Hoc dum fit, post sanguinis missionem alacriores se sentiunt; si larga nimis copia detrahatur, languent. Cautè hinc monuit *Manningham* (v), etiam in morbis gravidarum, qui venae sectionem requirunt, cavendum esse, ne copia sanguinis larga uno tempore mittatur; quoniam effectus idem, si interpositis intervalis fiat, plerumque sequatur, & iis incommodis, quae temere effuso sanguine oriuntur, difficile sit mederi. Felicior semper ars Medica est in tollendo, quod superest, quam in restituendo, quod deest. Parum enim valent potiones cardiacae ad vires, insepelitive effuso sanguine, rescindendas (x). Unde egregius ille vir hanc cautelam commendavit: Quodcumque sanguinem mitti jusseris (in rebus praesertim dubiis) digito agrotantis venae continui ab incisa vena admoto observandum, fortiores, an languidiores (effluente sanguine) fiant illius, (idque ex sola uncia permixta sedula observatione dignoscatur). Si fortiores fiant illius, tuto potes pergere; sin minus, vel si languidiores fiant, incommode afficietur maximis agrotans, nisi statim desinatur. Non ab simile monuit dederat *Celsus* (y), dicens: Vis corporis melius ex venis, quam ex ipsa specie aestimatur.

§. 1299. **T**UM victus tenuis, motus ordinatus, potus levis admodum profunt.

Vitus tenuis. Omnia viscera abdominalia, quae ingestos cibos retinere, & mutare in chylum debent, a tumente utero moventur loco, & quandoque comprimuntur, dum procedente graviditate augetur uteri moles. In initio graviditatis molesta saepe adest nausea, quae ventriculi actionem turbat omnino. Hinc patet facile, victum tenuem tunc requiri ex eupeptis; jusculis nempe, teneris animalium juniorum carnibus, piscibus fluviatilibus, ovīs recentibus, oleribus mollibus, pane bene fermentato. Praestat & saepius repetitis vicibus nutrimenta exhibere, quam ciborum copia gravare ventriculum. Opima pinguis, & illa cibaria, quae ex farinosis non fermentatis parantur vitanda; consuetudinis tamen semper ratio habenda est in gravidarum victu, cum consuetos cibos facilius ferant; neque semper pertinaciter oblitandum est, si quaedam admodum desiderant edulia, licet minus salubria viderentur. Videantur & illa, quae §. 599. & 602. dicta sunt. Contra hanc dietae regulam saepe peccatur, dum meracissimis jusculis, aliisque ferculis, quae parva sub mole multum nutrimenti continent, conantur gravidas implere, etiam invitae, nimis saepe sollicitae matres. Credunt enim, omnem curam adhibendam esse, ut non tantum gravis, verum & foetus alatur. Sed a similium copia ingesta gravatur ventriculus, non nutritur corpus.

In condimentis autem aromata calefacientia, & acris omnia vitanda sunt, vel saltem, si his diu assueta fuerit mulier, parca manu tantum adhibenda.

(v) Artis obstetric. Compend. pag. 91.

(x) Ibid. pag. 92.

(y) Lib. 2. Cap. X. pag. 78.

da. Blanda enim humorum maternorum indoles maxime conducit tenere foetui.

Motus ordinatur. Antea dictum fuit, quam feliciter rusticae mulieres parere soleant, quae vix solitos intermittunt labores, antequam partus dolores sentiant. Verum hoc in molliter educatis minime conducere. Optime prodest ambulatio, praecipue in aëre puro, sereno, rusticano, absque delassatione tamen. Vestio in rheda, nisi sic loris suspensa fuerit, ut nullum valida, & subitae concussionis periculum adsit, minus tuta est. Hinc itinera gravidis non conducunt, partim ob viarum asperitatem, partim ob subitum metum, quo percelli solent, si quid sinistri contingerit. Ascensus autem per acclivia, cum nimis delasset, & descensus per declivia, cum vix sine lapsu periculo a gravidis perfici possit, vitandi sunt. Imprimis damnantur saltationes validae, aut diuturnae, a quibus toties periculosa haemorrhagiae, & abortus contigerunt. Pariter caveri debent omnes nixus validi, elevando pondera, removendo obstacula, & alia his similia. Vidi optimam matronam abortivisse, dum gravida biennem filium, in terram delapsam, levare subito conabatur.

Potus levis. Aqua pura illis, quae assuetae sunt, optimus potus est. Nec unquam observare potui, cerevisiam nocuisse illis, quae hanc potare solebant. Pauculum vini tuto miscetur aquae pro potu communi. In fine prandii aliquid vini generosi molli, cum pane tosto, vel biscocto, soles facile concedi; praecipue, si ventriculus langueat, uti saepius in initio graviditatis contingit. In temperie calida sanguinea majori sub cautela haec concedi solent.

Frigidi autem valde potus, imprimis per glaciem gelidissimi redditi, si bibantur a gravidis, exinde colicam passionem saepe patiuntur, & abortivum faciunt (x).

§. 1300. **I**nterim Cardiacae aromatica, una cum lenissimis antihystericis, vel & blandis subacidis, summi usus sunt, & efficaciae.

Languent plus, minusve plurimae gravidae, praecipue primis graviditatis mensibus: illae vero, quae mobile admodum genus nervosum habent, saepius & passionibus hystericis corripuntur. Unde Medici vix de aliis remediis cogitaverunt, nisi de talibus, quae hunc languorem grata sua fragrantia tollere possent, & debiles nimis fibras solidas roborarent, simulque inordinatos generis nervosi motus compescerent. *Cinamomum*, quod inter aromata principem locum obtinet, hinc adeo laudatur: habet enim amabilem fragrantiam, simulque vim roborantem satis manifestam. Sed & ideo Cinamomi pulvis, insusum cum vino paratur, & tinctura, praefertuntur reliquis ex hoc aromate

mate. prae paratis, quae aromatica fragrante vi pollent quidem, sed roborante efficacia carent; qualia sunt *oleum essentielle Cinnamomi*, *aqua stillatitia*, vel *& spiritus Cinnamomi*, quae omnia sunt fragrantissima quidem, sed tota vis roborans in residuo post distillationem Cinnamomo manet, nec una cum volatili fragrantia per alembicum transcendit. Magnum & hic usum habent *Cortices Arantiorum*, & *Citrorum*, qui mire reficiunt fragranti halitu, & gratum simul amaroem, ventriculo amicum, possident; quod imprimis in corticibus arantiorum obipet. Sed & horum succi grato acido sapore oblectant, & deletum appetitum feliciter restaurant, dum cibi his succis condiuntur; simulque omni resistunt putredini. Ob eandem rationem *Ribesiorum* succus, cum saccharo in *Sapam*, sive *Rob* coctus, roborans *Cydoniorum* pulpa, succus *Berberissae* acidus, & subaulterus commendantur gravidis. Variæ in *Materia Medica* ad hunc numerum reperiuntur formulae, ad quarum normam plures similes concinnari poterunt, magis, minusve aromaticae, pro diversa nempe mulieris gravidæ temperie.

Affectibus autem hysteriis coercendis *Castorei* virosus odor, *Succinum*, horum tinduræ, & alia plura similia commendantur; sed parca doxi tantum, cum eadem hæc & inter medicamenta Emmenagoga numerentur.

§. 1301. **A**B incremento foetus oriri videntur eadem fere, quae enumerata (1296.), tum Difficultas urinæ, & alvi; Haemorrhoides, Varices, Inflatio pedum, Uterinorumque labiorum, lapsus proclivis.

Antea notatum fuit, non omnia graviditatis symptomata liquido intelligi, aut explicari posse ex menstruorum retentione; nec a mole foetus, secundinarum, & aquarum, quae saltem in graviditatis initio satis parva est. Unde etiam observatur, plura symptomata, quae incipientem graviditatem comitantur, minui multum, imo integre cessare quandoque post tertium; vel quartum mensem. Illae autem molestiae, quae a mole aucta uteri, foetum continentis, fiunt, potius augentur ad finem graviditatis usque. Si enim, uti ad §. 1295. dictum fuit, in muliere, sexto mense graviditatis mortua, uteri fundus inventus foetie tangere fundum ventriculi, & intestina sursum, ac ad latera removisse, ita ut inter uterum, & spinam dorsi nihil locaretur; anteriorque uteri tumentis superficies nudum peritonaeum tangeret; patet facile, & reliquis tribus ultimis graviditatis mensibus hanc viucrum pressioem augeri adhuc debere una cum uteri extensione. Diaphragmatis motus sic minus facilis redditur, & quandoque illud irritatum tetano riget, sicque verum arthrum spasmodicum fit, quod per vices redit, imprimis si ventriculus simul vel ab ingestis, vel a flatibus turgeat. Vidi hoc in gravida, quae post partum statim liberabatur molesto hoc malo.

Multum tamen levantur hae molestiae, dum sensim crescit uteri gravidi moles; sicque leote, & aequaliter mutatur viucrum situs. At contingit aliquando, uteri fundum non assurgere recta, sed ad unum, alterumve latus decedere, uti in sequenti Capitulo demonstrabitur; tunc minus aequalis erit

illa pressio tumentis uteri, & possunt augeri molestiae. An tale quid indicare voluit *Hippocrates* (a), dum dixit: *Praegnantibus hypochondrii dolor malum*. Saepius alia occasione monitum fuit, *Hippocratem*, ubi in singulari numero ponit hoc verbum, semper intellexisse hypochondrium dextrum. Si jam uteri fundus in dextram partem obliquatus assurgat, intestinorum molem premet versus hepatis concavam partem, in qua vesicula fellis, ductus biliaris, venae portae truncus &c. haerent; unde patet facile, plurima mala fieri posse, quae indicantur metuenda ob dolorem dextri hypochondrii in gravidis.

Difficultas urinae. Agitur hic de illa urinae difficultate, quae ab incremento foetus, & uteri mole aucta producitur, ac praecipue ultimis graviditatis mensibus observari solet. Potest enim graviditatis tempore ab aliis causis, quae ad graviditatem non spectant, urinae difficultas nasci. Vidi sic in muliere triginta annorum, tertio graviditatis mense, subito molestissimam dysuriam absque ulla causa praegressa: post aliquot horas incepit dolere, & tumere pudendi pars superior circa meatum urinarium: vena secta fuit, mollissima remedia externo, & interno usu adhibita; unde levamen quidem sensit, sed dolor ille, qui circa meatum urinarium fuerat, per abdomen dispergebatur; sexto die vix poterat decumbere; sed perpetuo erecta sedere cogebatur. Simul dolorem validum sensit circa renem sinistram; urina nunc facilius, nunc difficilior profuebat; dolor manebat circa renem, nunc mitior, nunc magis acer; & sex septimanis elapsis, purum aequale album pus eminxit, cum levamine subito doloris circa renem; perrexit diu urinam purulentam emitte; finito quinto mense graviditatis foetum mortuum excludibat. Postea renuit sumere illa, quae renali ulceri curando idonea consulebantur: pus in urina minuebatur copia quidem, sed incepit emaciari, tussive purulenta exspuere, & tabe pulmonari sensum confecta periit.

His similes morbi possunt gravidis contingere; sed etiam ab ipsa mole uteri gravidi potest impediiri libera urinae excretio. Vesica enim utero incumbit (b). Hinc mole auctus potest vesicam comprimere ita, ut non satis distendi possit; adeoque frequenter cogetur urinam dimittere grvida: si autem colum vesicae comprimatur, impeditur liber urinae exitus, & pars utinae, diu manens in vesica, mora acrior reddita, irritat perpetuo, sicque molestiam stranguriam facit, quod praecipue ultimis graviditatis mensibus contingere solet; dum quandoque vesica sic deprimitur, ut angulum faciat cum suo collo. Observavit hoc *Mauriceau* (c) in grvida, quae tribus ultimis mensibus frequenter, & tanto cum dolore urinam exprimebat, ac si calculo, vel ulcere colli vesicae laboraret; post partum autem omnia haec mala cessabant statim.

Idem contingere quandoque quarto, & quinto graviditatis mense, notavit egre-

(a) Coac. Praenot. N. 523. Charter. Tom. VIII. pag. 883.

(b) *Mauric. traité des malad. des femm. gross. liv. I. chap. XV. pag. 138.*

(c) *Ibid. pag. 139.*

Tom. IV. Pars II.

egregius de arte obstetricia auctor *Brudenell Exton* (d), dum uterus gravidus totum pelvis cavum implet, nec adhuc multum supra pubis ossa eminet fundo suo. Imprimis autem hoc fiet in illis mulieribus, quibus uteri collum profundius in vaginam descendit; uti fieri solet in his, quae uteri prolapsum habuerunt sive integrum, sive incipientem tantum: licet enim uterus non promineat extra vulvam, sed vaginam repleat, tamen sic comprimit collum vesicae, ut urina excerni nequeat. Talis casus legitur (e), ubi nec catheter poterat in vesicam deduci, sed, reducto utero prolapso, sponte exercebatur ingens quantitas urinae, qua vesica distendebatur.

Omnium maxime haec urinae difficultas videtur fieri in gravidis, quarum uterus, propendulo maxime abdomine, supra ossa pubis antroorsum delapsus, efficit, ut vesica cum suo collo angulum faciat, sicque impediatur libera urinae excretio, & simul difficilis admodum reddatur catheteris in vesicam introductio. Observatum fuit, vesicam in gravidis, a tali suppressione urinae distentam, tumores produxisse in inguinibus, & in peritonaeo, veram nempe vesicae herniam, de qua videri potest *Academia Chirurgica Parisina* (f), ubi tales casus habentur, in gravidis mulieribus observati. An simile quid indicat sequens *Hippocratis* locus (g)? *Interdum etiam, ubi mulier vasorum vacuationem passa fuit, ac praeterea laboravit, uteri conversi ad vesicae ostium procumbunt, & stranguriam inducunt. Nullum autem aliud habet malum, & curata brevi sanalescit, nonnunquam etiam sponte.*

Est Alvi. Ab assurgente utero gravido intestina omnia sursum, & ad latera recedunt, ac plus, minusve comprimuntur; cum minuatur cavum abdominis. Cum autem in intestinis tenuibus contenta sint molliora, & magis liquida, non tam facile transitus horum per cavum intestinorum impeditur. In crassius vero intestinis exsucca magis materia haeret, & reorpro per vasa absorbentia liquidiori, magis magisque redditur arida, donec expellatur per anum. Coli jam intestini finis, uti notum est, antequam desinit in rectum, elevatur sursum, incurvatur, dein iterum recta descendit in pelvim, & vocatur tunc intestinum rectum. Verum uteri turgentis moles hunc imprimis locum premit, ubi sponte sua, etiam in non gravidis, sit remora faecibus alvinis; adeoque patet, quare toties stricta fiat alvus graviditatis tempore. Cavendum tamen est, ne nimis diu moretur alvus, quia faeces alvinae magis magisque exsiccantur, mole augentur, & indurantur; unde non possunt ano expelli posse, nisi summa vi; quod quandoque abortui causam dedit. Si autem pars tantum induratarum faecum alvo exprimatur, sensim reliqua accumulatur, omnia crassa intestina implentur faecibus, & intestinum imprimis rectum dilaturatur quandoque in saccum ingentem, uti inventum fuit in cadavere juvenis quindecim annorum (h), qui diu laboraverat alvo stricta, ita ut intra viginti dies semel tantum alvum deponeret. Simul notatur in eodem loco, pluribus

con-

• (d) *Systeme of midwifery* pag. 144.
(f) *Tom. 2. pag. 23. & seq.*
Tom. VII. pag. 735.
• pag. 48.

(e) *Levret sur les polypes* pag. 112. 113.
(g) *De Mulier. morb. Lib. I. Cap. X. Charter.*
(h) *Académie des sciences. 1750. in 4. Histor.*

contigisse, ut digitis, vel & instrumentis educi debuerint siccissimae, & induratae faeces, si per longum tempus alvus stricta fuisset.

Neque tantum intestinum rectum sic dilatatur a faecibus retentis, sed & secundum totam longitudinem coli talis dilatio contingere poterit. Vocatus fui ad mulierem Anglam olim, quae sanissima felici, & satis facili partu excluserat prolem sanam, nec quid mali primis diebus puerperii passa fuerat. Nono autem post partum die, licet alvum quater deposuisset hoc intervallo, incepit conqueri de obtuso dolore, & pondere circa os sacrum, una cum tenesmo, sed irritito, deponendi alvum; clysmata injecta fuerunt, sed redibant illico; olei copia data fuit; emollientissima decocta cum melle, linimenta ano, & vicinis partibus adhibita fuerunt, tandem sensim descendit massa indurata, & anus incepit parum aperiri, ut instrumentis scalpendo quasi minui potuerit moles utcunque, tandemque post summas angustias, & dolores, per integrum biduum toleratos, expressa moles faecum induratarum fuit, quae foetus maturi caput aequabat, si non superabat. Absque dilaceratione ani tanta moles transire non poterat, tamen ope peritissimi Chirurgi a tanto malo perfecte convaleuit.

Pater facile, hanc faecum congeriem graviditatis tempore collectam fuisse, nec haesisse in intestino recto, vel coli fine, quia partum impedivisset; sed algius, & post puerperium, sensim dilatato colo, descendisse. Simul notandum est, talem faecum congeriem posse distendere intestinum crassum, & tamen non ita exacte implere ejus cavum, quin subducere se possit liquidior, & mollior saex stercoracea, quae postea in reliquo tractu intestini in scibala figurata mutatur, & absque molestia per alvum exit.

Unde auctores (i), qui de cura gravidarum scripserunt, sollicitè monent, cavendum summopere esse, ne stricta nimis alvus sit graviditatis tempore. Cum autem purgantium frequens usus non conveniat gravidis, hinc clysmata emollientia, & lubricantia commendantur; praecipue si syringae ope injiciantur: tunc enim altius penetrant, quam si vesica adhibeatur ad hunc usum. Suppositoria pariter laudantur, quae suo stimulo non tantum intestinum rectum, sed & colon incitant ad contractionem, per quam retentae faeces loco moventur; imprimis, si per clyisma emolliens, & oleosum intestinum lubricatum fuerit, & durae faeces emolliatae sint, tunc enim facilius descendunt; & minori molimine per anum exprimentur. Aden autem magni momenti hanc rem esse credidit egregius ille auctor, ut noluerit Medicum fidere gravidae, vel illius custodis relationi, sed ut ipse inspiciat faecum copiam, nec cesset ab his remediis, donec molliora alvi excrementa prodierint.

Haemorrhoides. Tumentem uterum venas Iliacas premere, sique difficiliorem facere reditum sanguinis venosi a partibus inferioribus, antea jam monitum fuit; hinc sequitur, venas magis tumere, imo etiam arterias, cum difficilior sanguinem suum in venas nimis plenas evacuent. Haec ratio est, quare toties occurrant haemorrhoides tempore graviditatis; omnium maximo in illis, quae antea solebant haemorrhoides pati: semel enim dilatata haec vasa

(i) Brudenell Exton pag. 146. 147.

vafa a leviori etiam sanguinis praepondio magis tument. Augetur autem haec caufa a faecibus durioribus, circa finem intestini coli collectis, vafa comprimentibus, uti etiam a mole uteri tumentis, prementis eadem haec intestini loca. Imo & in collo matricis, & circa ejus orificium observatum fuit, vafa inflar haemorrhoidum tumere, uti alia occasione ad §. 1286. dictum fuit.

Varices. Ab eadem caufa tumores varicosi in tibiis, & femoribus oriuntur, tumentibus admodum venis, & nodosis circa loca, ubi valvulae haerent. Tumores illi varicosi post somnum solent minui, cum in horizontali corporis postura uteri gravidi moles minus premat venas iliacas: ob hanc rem etiam consulitur gravidis, ut de die aliquoties lecticae incumbant, cruribus in situ horizontali positis, ut sic facilius sanguis venosus ad cor redire possit. Interim hoc cavendum est, ne mutato situ corporis, subito sanguis venosus, in venis tumentibus collectus, ad cor redeat; quod inde opprimeretur; unde animi deliquium metuendum foret, uti ad §. 1296. dictum fuit. A varicibus hoc imprimis metuendum est, ne diu distractae venae omne perdant robur (vide §. 25. 3.), & tandem ruptae periculofam producant Haemorrhagiam: stagnans autem sanguis in varicibus mora acrior reddi posset, & venarum tunicas erodere; quod si non fiat graviditatis tempore, contingit quandoque diu post in mulieribus, quae saepius pepererunt, in quibus aliquoties vidi tumores varicosos; pollicem amplitudine superantes, qui tandem improvise rumpebantur, cum profusa haemorrhagia, & dein in ulcera, molestae satis curae, degenerabant. Post partum, depleto utero, & contracto, caufa distensionis venarum cessat; hinc brevi ad pristinam magnitudinem redeunt; nisi adeo distentae fuerint, ut vim contractilem omnino amiserint. Ut hoc caveatur, decubitus juvat, ac matutino tempore mollis frictio, & postea, ut splenis impositis tumentibus venis fascia circumducatur, quae non comprimat fortiter, sed firmet tantum laxas venas, & fulciat, ne nimis distendi possint. Ab inferioribus autem incipiendo fascia circumducitur debet versus superiorem partem; & simul sit satis lata, ut pressio fiat aequabilior.

Inflatio pedum, uterinorumque labiorum. Antea ad §. 1228. & 1229. ubi de caufa hydropis agebatur, probatum fuit, compressionem venarum majorum producere hydropem; unde mirum non est, si, compressis venis iliacis, anasarca occupet pedes, crura, femora, imo & labia uterina. Si talis uteri gravidi, vel & venarum iliacarum situs fuerit, ut una magis comprimat, quam altera, tumor talis hydropicus in alterutro latere tantum observatur.

Tumores autem illi oedematosi artuum inferiorum non adeo infausti omnis sunt, & post partum, sublata caufa, feliciter evanescere solent; praecipue, si blanda frictione stagnans lymphæ in motum reducat. Saepius aucto urinae profluvio, quandoque & diarrhoea aquosa, aut sudoribus dissipantur hi tumores; quo facto, flaccidae partes fascia circumducta firmantur; sicque intra paucos dies totum hoc superari solet.

Testa

Testatur *La Motte* (†), quod nunquam viderit perire gravidam, nec puerperam, licet ingentes tales tumores oedematosi adfuissent, nisi hi pro causa habuissent ingentem sanguinis iacturam, vel simul convulsiones, aut alia symptomata extraordinaria adessent.

Cum enim talis tumor a compressione venarum oriatur, post decubitus, & somnum minui soleat, & praecipue ultimis graviditatis mensibus contingat, sublata post partum hac causa, facilis cura sperari potest. Longe aliter obtinet, si post evacuationes nimias sanguinis nascatur hydrops (vide §. 1219.) Post partum enim, dum secedit placenta, & per lochia postea exit sanguis, augetur tunc causa hydropsis, non vero minuitur.

Plus metuendum videtur, si labia pudendi tumeant oedematosa, ne exitum foetus impediant: verum cedunt satis facile tumores tales oedematosi & vidi, foeminam, cui hae partes tuebant immaniter, nec ullam admittere volebat medelam, peperisse feliciter, licet obstetrix, magnitudine tumoris territa, desperaret omnino.

Neque tamen adeo difficilis huic malo medela foret; leviter enim scarificando tumentia vulvae labia, effluit lympa, & tumor brevi minuitur. Felici cum successu applicatur & vesicatorium, sic, ut partim tumenti vulvae labio, partim vicinae femoris parti haereat (†).

Anceps autem discrimen imminet, si una cum febre inflammatorius tumor occupet vulvae labia, praecipue instante jam partu. Plerumque enim interiora vulvae simul tunc inflammata sunt, & post partum omnes sic affectas perire observatum fuit a peritissimis in arte obstetricia magistris.

Notum est, inflammatas partes, si premantur, vel ruditer tractentur, cito fieri gangraenosas: hoc ergo jure metuendum erit, dum caput infantis, parvus tempore, partes has inflammatas premit, imo & quandoque dilacerat tumidas.

Lapsus prostris. Naturaliter in gravidis abdomen antrorsum prominere, & quidem tanto magis, quo partui propiores sunt: ideo coguntur, trunco corporis retrorsum inclinato, incedere, ut centrum gravitatis totius corporis sustineatur. Carnosae magis, caeteris paribus, in foeminis nates, & os sacrum magis retrorsum vergens favent aequilibrio corporis servando in gravidis: interim, si vel levissime pedem impingant obstaculo, cadunt prona: oprandum hinc foret, ut scipione uterentur inter ambulandum; sic facilius caveretur lapsus. Simul monendae sunt, ut calceis latis, & humilibus utantur, & quantum fieri poterit, scararum adscensum, & descensum vitent, vel saltem tunc lente, & caute incedant. A lapsu enim gravidarum periculum profusae uteri haemorrhagiae, & abortus metuendum est.

Cum autem omnes modo enumeratae molestiae fiant ab augmento foetus, & uteri mole aucta, patet satis, graviores has esse debere, si uterus geminis foetus contineat, vel & plures, quod rarius contingit. Unde etiam

Mau-

(†) Traité des accouchemens livre I. observ. XLII. pag. 79 - 82.

(†) Levret l'art des accouchem. pag. 202.

Mauriceau (m) monet, omnes illas, quae gemellos utero gerunt, habere crura admodum tumida ultimis graviditatis mensibus: imo alibi (n), femora simul tumere, asserit, & vulvae labia. Statuit autem, hoc cognosci posse, si gravidæ abdomen ab utroque latere tumeat, & in medio lineam magis depressam monstret; simul, & eodem momento motus diversos in utroque abdominis latere percipiat; qui etiam frequentiores esse solent, dum, uno ex gemellis moto, alter incitatur: quamvis enim peculiaribus membranis inclusi fuerint, vicini tamen sunt sibi invicem. His signis si simul accederet tumor magnus artuum inferiorum, & labiorum vulvae, tunc egregius ille auctor credebat, certissime constare, quod talis mulier binos, aut plures foetus utero gestaret.

Merito quidem suspicari licet, gemellos adesse, si omnia haec signa adsint, sed certo illud affirmare, tutum non videtur. Vidi enim toties sefessisse eventum, licet & obstetrices, & gravidæ firmissime persuasae fuerint de futuro gemellorum partu. *Bartholinus* (o) observavit sequentia: Tumor enim saepe major in simplici foetu, quam gemellis; quod saepe observavi, siue quod copia humiditatum ibi major sit, siue quod foetus simplex nonnunquam gemellos vel aquae, vel superet. Duplicem in abdomine lineam aliqui pro indicio habent, gestari gemellos utero; sed in uxore mea id non successisse, animadverti &c. sane non paucas gravidas novi, quae in hoc signo falsae fuerunt, uniusque foetus diversum, & validum motum sentientes. Singulare experimentum adserui, ultimis nempe mensibus sibilis, & pedes inflari. Quod veram deprehendimus in omni gestatione, etiam simplicis foetus. Magni huius Viri monitis assentior omnino, cum & propriis observatis edoctus fuero, illum verissima dixisse.

Qualis autem sexus futurus sit foetus, nullum habetur certum indicium. Praecipua collegit *Moschion* (p) a veteribus tradita. Marem in utero latere credebant, si foetus cito, & fortiter *perparatus* se moveret, si gravida bene colorata esset, si dextra mamma major foret: foeminam gestari & contra putabant, si tardius, & legnius moveretur foetus, ipsa gravida decolor foret, & infirma, sinistra mamma turgeret. Quid de his *Moschion* senserit, non patet evidenter, cum in fine huius textus lacuna sit; quam in margine conati fuerunt supplere, *quasi in aut autem autem*; sicque testatus fuisset, haec non semper vera esse.

Notum est, uti antea jam monitum fuit, veteres Medicos credidisse, utrum habere binas cavitates distinctas, quarum dextra maribus, sinistra foeminis recipiendis dicata foret. Ex hac autem falsa opinione ortum duxerunt plurima de sexu foetus praefagia. Si nempe dextra, vel sinistra mamma major foret, si gravida genubus incumbens dextrum, vel sinistrum pedem prius attolleret, dum furgit, & plura his similia. Quidam ex *Lunae Phasibus* hoc determinare voluerunt. Omnia haec collecta legi poterunt apud *Mauriceau*

(m) *Traité sur les malad. des femm. gross. liv. I. chap. XVII. Tom. I. pag. 145.*

(n) *Ibid. chap. VIII. pag. 104.*

(o) *Epistol. Med. Centur. IV. Tom. 4. pag. 142.*

(p) *Spacul. gynae. pag. 3. N. 26. & pag. 22. in fine.*

riscan (q), qui omnia haec praefagia erronea esse probat, & statuit, impossibile esse, ut quid certi de sexu foetus in utero statuatur. Unicum hoc excipit, quod nempe quaedam foeminae, saepius partum expertae, observaverint, se quaedam appetere, dum mares gestant, quae fastidiunt potius, si foemini sexus fuerit foetus; vel aliud quid diversi observaverint graviditatis tempore in vario sexu. Novi matronam, quae potum caffee appetebat, dum marem gestaret, fastidiebat, si puellam utero gereret, & ex hoc solo signo praefagium dabat, nec fallebatur.

Callidum consilium dedit *Mauriscan* (r), ut nempe obstetrix expiscaretur, quem sexum avide desideraret familia, & hoc cognito, semper contrarium praediceret. Si vera dixit, scientiam mirabuntur parentes, dum omnium votis oppositam sententiam tueri ausa fuerit. Sin minus, voti compotes facti facile condonabunt falsum praefagium.

§. 1302. **Q**uibus quidem auxilium ferri potest aliquando remedio V. S. (1297.), vel & situ corporis pro tempore mutato, tum etiam fasciis, similibusque, atque tandem linimentis lenibus.

Agitur jam, quomodo illae molestiae, praecedenti paragrapho enumeratae, minui possint, si omnino tolli nequeant. Debet enim foetus crescere, debet uteri moles augeri, & vasa ejus, longe ampliora reddita, debent manere sanguine plena, atque idem de placentae, utero accretae, vasis verum est. Venae sectio laudatur tanquam proficua in hoc statu, si non semper, saltem *aliquando*. Verum, uti antea ex *Hippocrate* monitum fuit, in gravidis magna pars sanguinis circa uterum colligitur, hinc & saepe decolores fiunt, dum reliqua vasa corporis minori sanguinis copia implentur. An ergo proderit tunc minuere copiam? vix certe videtur. Non enim hic agitur de plethoricis, nec de gravidis morbo acuto inflammatorio laborantibus, qui sanguinis missionem poscit. In tali enim casu, uti antea dictum fuit, quovis graviditatis tempore venae sectio locum habet. Vidi aliquoties gravidas, adeo plethoricas, ut licet uterus, & foetus jam multum aucti fuissent mole, tamen tota facies torgeret, & ruberet, venae tumidae essent, & pulsus rangeretur plenus. Nemo prudens dubitare poterit, talibus conducere sanguinis missionem, & praecipue, si hoc contingat, instante jam partus tempore: merito enim tunc metuitur, ne validis in partu nixibus sic impleantur vasa encephali, ut omnes functiones supprimerentur, vel & ruptis vasis lethalis apoplexia, & convulsiones sequerentur, vel & periculosa, ruptis pulmonum vasis, haemoptoe. Vidi talia infortunia, dum Medicorum monita flocci faciebant sciolae mulierculae. Hoc tantum credo, in sana muliere ipsam graviditatem non poscere sanguinis missionem, & male statui, partum inde reddi faciliorem, ac caveri plu-

(q) Traité des malad. des femm. groff. liv. I. chap. VIII. Tom. I. pag. 98. & seq.

(r) Ibid. pag. 102.

plures puerperii morbos. Conceptus, foetus, & uteri incrementum, partus ipse naturae solius opus sunt, quod temere nunquam turbare debet Medicus.

Peritissimi in arte obstetricia magistri eadem monuerunt. Sic *Mauriceau* (r), dum agit de minuendis graviditatis molestiis a varicibus, dolore, & tumore crurum, & femorum, haemorrhoidibus &c., laudat venae sectionem in brachio, *si in reliquo corpore signa plenitudinis, & abundantiae sanguinis adfuerint*. Alio in loco (s) damnat illam consuetudinem mittendi sanguinem, instante partus tempore, nisi alia necessitas illud postulet, & post septimum mensem a venae sectione abstinendum, suadet. *La Motte* (u) pro regula generali statuit: *si gravida se bene habeat, venae sectio non tantum est inutilis, sed noxia*. Plethoricis se venam secuisse, monet, & in graviditatis initio illis, quae nausea, vomitu, lassitudine, animi deliquio molestabantur; imprimis vero, si levem quandam uteri haemorrhagiam paterentur. Recenset autem casum, ubi mulieri sanguineae temperiei, & satis repletae, noluit venam secare, licet illud enixe peteret, quia sanissima erat, nec ulla graviditatis incommoda ferebat. Frustra monebat, quod primam graviditatem, & felicem secutum partum sustinuerat, absque ulla venae sectione; coactus fuit, ut venam aperiret. Cum autem post iter longinquum, reduce marito, statim concepisset, satis exacte potuit computari terminus graviditatis, per duodecim dies ad minimum adhuc remotus: nocte autem sequente post venae sectionem peperit infantem, qui non credebatur adhuc penitus maturus, & fere desperabatur, illum superstitem esse posse. Tamen evasit, & ad adultam pervenit aetatem: Similem casum in eodem loco memorat, & inde concludit, se magis magisque confirmari in hac sententia, *quod nunquam suadenda sit venae sectio gravidis, nisi evidens adfit necessitas*. Simul statuit, consuetudinem venam secandi gravidis circa medium graviditatis tempus esse ridiculam, & perniciosam.

Situ corporis pro tempore mutato. Ut minuatur pressio tumentis uteri in venas iliacas, & facilius reditus concilietur sanguini in venis varicosis re-
rento. Hoc autem fit decubitu vario in lecto, lectica &c., uti praecedenti paragrapho dictum fuit. Sic & difficili urinae excretioni ut succurratur, suadet *Mauriceau* (v), ut gravida propriis manibus tumens abdomen elevet, dum urinam emittet, vel fascia lata, ad hunc usum adaptata, sustineat ventris pondus, ne vesica comprimatur. Aliis profuit, si prono potius corpore vesicam evacuare tentarent: sic enim efficitur, ut pondus viscerum abdominalium minus premat uteri fundum. Octavo mense gravem ventris molem fasciis diligenter sustinere, jubet & *Mosehion* (x), qui hoc mense imprimis gravidas se molestius habere monet. Si variis his situs mutationibus tentatis, non sequatur urinae secretio, tunc cathetere in vesicam immisso educenda est. Cum autem in mulieribus urethra brevior sit, & rectior, hinc & simi-

(r) Lib. I. Cap. XVII. & XVIII. pag. 144. & seq. (s) Lib. I. Cap. XXVII. pag. 198.

(u) Traité des accouch. liv. I. chap. XV. pag. 64. & seq.

(v) Liv. I. chap. XV. pag. 139. (x) Spach. gynaeç. pag. 3. n. 34.

simili cathetere solent uti Chirurgi, qualem *Mauriceau* (y) delinēavit. Verum considerandum hic est, per ipsam uteri tumentis pressione mutari vesicae situm, ita ut ejus collum cum urethra angulum faciat; quod imprimis fit, quando in abdomine propendulo totus uteri fundus antrorsum supra ossa pubis prominet, uti praecedenti paragrapho dictum fuit. In tali casu dexterimus apud Batavos olim artis obstetriciae magister (z) prudenter incurvo cathetere opus esse monet, qualis in virili sexu solet adhiberi, si nempe turgido situ corporis urina non prodeat. Tunc jussit, ut genubus divaricatis incumbere gravida, capite dimisso, quantum fieri potest: binisque digitis a retro vaginae immissis, conabatur uterum ab ossibus pubis remove, & curvum cathetere urethrae immittebat hoc modo, ut curvaturae convexitas respiceret intestinum rectum, cavitas vero ossa pubis: si sentiret adhuc resistantiam, pergebat digitis remove uterum ab ossibus pubis, & tunc catheter penetrabat in cavum vesicae: simul ac vero incipiebat effluere urina, circumvertebat gravidae corpus, ut supina decumberet, sed capite demissiori. Ultimis enim graviditatis mensibus priorem illum molestum situm diu ferre nequeunt absque animi deliquio. Simul tunc curabat, propendulum abdominem parum elevari, donec omnis urina efflueret. Relinquebat autem cathetere in vesica per biduum, ut vesica ultra modum distenta sensim contrahi, & vires suas recuperare posset. Hoc enim nisi fiat, sequenti die saepe deberet repeti eadem haec operatio, quod nimis molestum foret. Omnium maximas molestias se expertum, fatetur (a), dum partus tempore sic ab infantis capite premebatur collum vesicae, ut nec gutta urinae exiret, nec catheter ullo modo introduci posset. Tunc nihil superest, nisi ut tam cito, quam fieri poterit, rumpantur aquae; sic enim detumescit uteri moles, & vesica se exonerat. Mirum satis casum ibi recenset, ubi ruptis membranis octo librae aquae effluerunt, & mox sequebatur urinae copiosae effluxus.

Quomodo alvo nimis strictae succurrendum sit, & varices fasciis firmandi, dictum fuit praecedenti paragrapho.

Haemorrhoides autem mollissimis soteri debent remediis, si doleant. Pelvim, cui insident alvum exoneraturae, replere solent calido emollienti decocto, addito lacte: mollissimis inunguntur linimentis, qualis formula in *Methodo Medica* ad hunc numerum habetur. Cum autem in partu caput infantis premat, & complanet intestinum rectum, ad crepaturam usque quandoque tument haemorrhoides, & partus dolores plurimum augendo faciunt, ut puerpera ultimos nixus prae doloris metu supprimat, sicque foetus exclusio retardetur.

Si ergo circa finem graviditatis multum tumeant, per sanguifugas applicatas evacuari possunt. Cum autem saepe contingat, ut sanguis in his tumoribus diu retentus grumescat, tunc potius lancea sunt aperiendae. Cum autem post partum sponte soleant detumescere haemorrhoides, apertura non

ten-

(y) Livr. 2. Cap. XXXIII. pag. 365.
&c. Cap. IV. pag. 128. & seq.

(z) Denys over het Ampt der Vroetmesters
(*) Ibid. pag. 338.

ventatur, nisi iustus metus sit, partum ruinentibus hæmorrhoidibus retardari posse.

§. 1303. **I**nter periculosissimos vero gravidarum morbos habetur fluor uterini sanguinis.

Semper suspectus in gravidis est fluxus sanguinis de utero, licet non semper æquale periculum habeat, uti postea dicitur. Si autem subito, & undatim effluat, merito pro periculosissimo gravidarum morbo habetur, nec minus discrimen foetui in utero contento adfert. Antea dictum fuit, uterum gravidum distendi sensim magis magisque, ut cavo suo continere possit foetum cum secundinis, & aquis, quibus foetus innatat: nec tamen uteri distenti crassities minuitur, sed vasa ejus successive plus distenta sanguine implentur; unde magna copia sanguinis in substantia uteri continetur. Sic autem connectitur ovum humanum uteri cavo, ut naturaliter nec gutta sanguinis exeat de utero. Verum simul, ac ille nexus solvitur a quacunque causa, & imprimis, si placenta separari incipit, ex vasis dilatatis sanguis exit, & quidem subito sæpe, ac ingenti copia; unde metuenda sunt animi deliquium, convulsiones ab inanitione vasorum, & mors. Simul tunc & foetui certa perniciēs imminet, cum nec a matre humores suscipere possit per venas umbilicales, nec tradere possit illi per arteriam umbilicalem suum sanguinem, perficiendum in corpore materno.

Erectus incessus foeminae humanæ, & consuetudo menstrua sanguinis ex vasis uterinis exeuntis videntur esse causæ, quare abortus in his frequentiores sint, quam in brutis (b); uti etiam, cum vasa uteri, & placenta sanguine copioso distendantur. Placenta autem citius necitur utero, fortius adhaeret, & mole major est, quam in brutis; cæteroquin adhuc frequentiores sprent abortus.

Patet simul, hæmorrhagiam uterinam tunc imprimis esse periculosissimam, quando omnia vasa uteri sunt maxime distenta, id est, ultimo graviditatis tempore. Unde pro axioma prædicto ponitur sequens regula: *Quo partus propior est mulieri, eo periculosior est hæmorrhagia uterina* (c). Hinc plurimae servantur ex illis, quibus secundo, tertio, vel quarto mense contingit hæmorrhagia uterina. Verum his mensibus præcipue observantur abortus, rarius sequentibus: celebris, & in arte obstetricia adeo versatus, *Puzos* (d) testatur, multiplici experientia sibi constituisse, raro ex uteri hæmorrhagia periisse gravidas, si quartum, vel quintum graviditatis mensem non superaverint, nisi alius morbus periculosus simul addit, vel necessarium artis auxilium desuerit. Longe pejorem metuebat eventum, si septimo, octavo, vel nono mense idem contingeret; licet enim plerumque minus valida foret hæmorrh-

(b) *Medic. Essais* Tom. 2. N. XI. pag. 233. 234.

(c) *Mauriceau traité des malades de femmes*. gross. livr. I. chap. 21. Tom. I. pag. 159. & 335.

(d) *Académ. de chirurg.* Tom. I. pag. 321.

rhagia ante partum, quam in aliis abortibus, tamen plurimae ex his non diu post partum moriebantur.

Non tamen credendum est, uteri haemorrhagias primis mensibus carere omni periculo. Quandoque enim post paucos dies redeunt, si vel secundinae, vel grumus sanguinis, excusso foetu, in utero manserit. Talis casus legitur (e) de muliere, quae tertio mense abortiverat, remanente placenta in utero; nullum primo sequebatur malum symptoma; octo diebus elapsis, tam valida sequebatur haemorrhagia, ut de vita metuerent, qui assistebant. Placentae portio ex uteri orificio eminebat: qua apprehensa, prudenti manu, & aegrae reviviscentis nixibus, integra sequebatur placenta: statim cessabat haemorrhagia; & aegra satis cito ex tanto periculo convaluit.

Abortuum placentae difficiliter educuntur, quam in foetu maturo, quia tener funiculus umbilicalis etiam a levi tractione rumpitur, & placenta major in minoribus foetibus largiori superficiei utero adhaeret (f).

Bis vidi, a grumo concreti sanguinis post trimestrem abortum in utero retento febrem acutam continuam putridam seoutam fuisse: una ex his decima quarta morbi die, altera die decima septima perit.

Ex abortu mulier prima die corripiebatur febre ardente, cum perpetuis alvi dejectionibus, & aliis malis symptomatibus; perit septima die (g). In hac aegra graviditatis tempus non expressit Hippocrates; sed in altera (h) notat, quod ad quintum mensem ex abortu febris prehenderit, cum pessimis pariter symptomatibus, inter quae & perpetuum alvi fluxum, & urinas paucas, tennes, subaigras recenset. Et haec perit septimo die phrenitica.

Notum autem est post haemorrhagiam uterinam abortum frequenter sequi. Quam funestus autem metuendus sit exitus, dum scelestae mulieres abortivis remediis sumtis foetum perdere conantur, alio in loco (i) legitur: *Cuiusdam, quae circa vigesimum aetatis annum pharvacum, abortum promovens, potavit, dolor accidit, biliosorum multorum, pallidorum, & portaceorum vomitus. Quum bibisset, eam convulsio invaderebat, & linguam mandebat. Quarto die ad eam accessu, ipsi lingua erat magna, nigra, oculorum alba rubescebant; insomnis erat. Quarto die sub noctem mortua est.* Eandem morbi historiam videtur postea adhuc repetisse Hippocrates (k); sed addidit, quod ultronee medicamentum abortivum sumserit trigesimo post impregnationem die; simul legitur, quod nigra vomuerit. Reliqua omnia conveniunt cum priori.

Acriter invehitur *Magister amorum* (l) in hoc scelus;

(e) *Académie de Chirurgie*. Tom. I. pag. 360.

pag. 239.

(f) *Ibid.* aegrot. XI. pag. 250.

(g) *Ibid.* pag. 345.

pag. 383.

(f) *Médec. Essais* Tom. 2. N. XI.

(g) Hippocr. *Epidem.* 3. aegrot. X. *Charter.* Tom. IX. pag. 218.

(h) *Ibid.* *Epidem.* V. textu XXXIII. *Charter.*

Tom. IX. pag. 345. (k) *Epidémia*. VII. aegrot. 82. *Charter.* Tom. IX.

(l) Ovid. *amor.* Lib. 2. *Elég.* XIV. pag. 329. 330.

— — — Sine crescere nata.
 Est pretium parvae non leve vita morae.
 Vestra quid effuditis subjeclis viscera sellis;
 Et nondum natis dira venena datis? &c.
 Hoc neque in Armeniis tigres fecere lasebris:
 Perdere nec foetus ausa laena suoi.
 At tenerae faciunt, sed non impune, puellae.
 Saepe, suis utero quae necat, ipsa perit.
 Ipsa perit, ferturque toro resoluta capillos:
 Et clamant, MERITO, qui modo tamque vident.

Propriae vitae periculum saltem horreant illae, quas homicidii crimen non tectet; optime enim Tertullianus dixit (m): Etiam conceptum in utero, dum adhuc sanguis in hominem delabitur, dissolvere non licet: Homicidii festinatio est, prohibere nasci: nec refert, natam quis eripiat animam, aut nascentem disturbet. Homo est & qui futurus est.

Ex his etiam patet ratio, quare Hippocrates (n) monuerit sequentia. Quae abortum, magis periclitantur. Abortiones enim graviores sunt, quam partus. Non enim citra violentiam embryo corrumpitur sive medicamento, sive potu, vel cibo, vel substitutis, vel re alia quapiam. Violentia autem malum est. Hoc enim casu periculum est, uteros ulcerari, aut inflammari. Hoc autem est periculosum.

Observavit Mauriceau (o), tunc imprimis periclitari gravidas, si decumbentes febre continua, quae ut plurimum de remittentium genere esse solet, abortum patiantur; omnium maxime, si pectus simul afficiatur. Plures vidit, & doluit sic periisse, non ita diu post abortum. Credidit optimus Vir, huc spectare Hippocratis (p) praefagium: Si mulier utero gerens morbum non cognatum (congenerum) habeat, in puerperii purgatione perit. Forte adhuc magis quadrat alter locus (q), ubi sequentia leguntur: Quae uteros gerentes a febris corripuntur, & vehementer citra manifestam causam extenuantur, parvi difficultes, & periculosi, aut abortientes periclitantur. Merito ergo periculum praefagitur; nec tamen certa perniciēs semper imminet. Gravidas acutis morbis decumbentes plures curavi, & ab aliis curatas novi; imo memini, me tractasse puellam quindecim annorum, ex furtivo concubitu jam in quartum mensem gravidam, quae medio variolarum, satis numerosarum, decursu abortum passa fuit, & tamen feliciter evasit.

Nec tantum ille metus, ne gravis per uteri haemorrhagiam pereat, sanguine exhausta; sed & si emerferit, poterit facile in morbos chronicos diffici.

(m) Mauriceau liv. I. chap. XXIV. pag. 192.

Cap. LXXI. Charter. Tom. VII. pag. 771.

(p) De Nat. Puer. Cap. V. Charter. Tom. V. pag. 315.

(q) Aphor. 35. sect. V. Charter. Tom. I. pag. 228.

(n) De Mulier. Morb. Lib. I.

(o) Loco modo citato pag. 196.

ficiles ex copiosa sanguinis, & subita jactura incidere in Cachexiam (§. 1168.), Hydropem, (1229.), aliave plura. Vidi mulierem, quae post validissimam uteri haemorrhagiam frequentia, & diuturna animi deliquia pariebatur: cum autem praeter omnem fere spem evasisset, & suo tempore peperisset infan-
rem, sed debilem, & paucis diebus tantum superstitem, non potuit de lo-
cho surgere, quin statim adesset valida cordis palpitatio cum summa anxie-
tate: misera per duodecim annos lecto affixa mansit, caeterum satis sana,
modo quiesceret. Credibile admodum videtur, in longis illis, & frequen-
tibus animi deliquiis stagnantem circa cor, & majora vasa sanguinem in
polypum concrevisse, qui accelerato per motum corporis venoso sanguini
obstaculum faceret statim.

Accedit etiam, quod post abortum, si secundinae manserint, aut sanguis
concretus retineatur, plurima, & molesta mala sequi possint. *Hippocrates*
(r) dixit: *Dolores ex illis ad intestinum tenue transcurrentes, in morbis longis,*
ex abortu, neque valde purgata muliere, perniciosi sunt. Videtur ibi uteri pur-
gationem a retentis, & per lochia post abortum intellexisse.

Apparet, ex dictis satis probari, quod fluor uterini sanguinis pro peri-
culosissimo gravidarum morbo merito habeatur.

§. 1304. **Q**ui fere ex eo, quod placenta ab utero soluta, &
arteriis plenis sanguine distendente, uteroque disten-
to, saepe pleno rivo arteriosus cruor emanet.

Naturaliter ovum humanum adhaeret rota sua superficie uteri cavo, sic-
que impedit, ne quid ex vasis uterinis exire possit, & partus tempore,
dum foetus exit, vix quid sanguinis, vel parum tantum prodit, licet cho-
rii nexus cum utero hinc inde forte solvatur, dum foetus excluditur. Ve-
rum simul ac nexus placenta cum utero solvitur, sanguis magna copia
exit, & non prius. Antea jam saepius dictum fuit, graviditatis tempore
uteri vasa augeri continuo, hinc admodum ampla esse, dum partus instat;
adeoque, dum placenta separatur ab utero, patula amplorum vasorum ori-
ficia sanguinem contentum liberrime effundere poterunt. Cum ergo in gra-
vidis pleno rivo exit sanguis, merito creditur, placentam ab utero sepa-
ratam esse vel in totum, vel pro parte saltem. Periculosior autem longe
talis haemorrhagia est, quia in gravidis uterus plenus manet, cum post par-
tum,educta placenta, uterus vacuus se contrahat, sicque vasorum capaci-
tatem minuat, adeoque & haemorrhagiam. Verum, cum & absque separa-
tione placenta sanguis de gravidarum vulva exire possit, hinc prudenter
in textu dicitur, quod fluor uterini sanguinis in gravidis fere pendeat a
placenta ab utero soluta: possunt enim esse & aliae causae, licet longe
rarior occurrant. Sic notat *Mauriceau* (r); si uterus gravidus a vi exte-
rna findatur, ingens uteri haemorrhagia sequetur, licet placenta cum utero

Tom. IV. pars II.

g

nexus

(r) Coac. Praenot. N. 515. Charter. Tom. VIII. pag. 882.

(s) Traité des malades des femmes. gross. liv. I. chap. XXXI. Tom. I. pag. 169.

hexus manserit integer. Tale malum suspicari licet ex cognitione violentae causae praegressae; sed certo non potest sciri, nisi post mortem in cadavere. Nullam autem tunc spem superesse credidit, licet vel sponte, vel per artem partus statim sequeretur, quia uterus adeo insigniter laesus non tam facile se contrahere posset; & semper tunc metuenda est uteri inflammatio, tam gravem offensam secutura, quae toties lethalis observatur.

Rarius longe est, & quod semel tantum vidit *La Motte* (1), quando haemorrhagia uterina fit a ruptura vasorum, quae in chorda umbilicali continentur. Adhisebat parturienti, in qua partum naturalem exspectabat. Aquae formabantur; at dum jamjam rumpendae erant, vidit manum suam paucò sanguine tingi, & ut solet saepe fieri, inde concludebat, partum brevi secuturum. Paulo post rumpebantur aquae, & caput infantis se offerebat, sed simul copia sanguinis prodibat, quae augebatur ad singulos parturientis dolores. Non dubitabat, hanc haemorrhagiam fieri ob placentae ab utero solutionem, nec poterat vertere infantem, ut partum acceleraret, extrahendo per pedes, quia caput in pelvi haerebat jam, & nixus parturientis validi nimis erant, ac continui. Animosa tamen puerpera, non ignara imminentis periculi, validis nixibus partum sic promovit, ut brevi in lucem prodiret puella, debilis admodum, cujus collo funis umbilicalis tribus vicibus circumvolutus fecerat partum tardiozem, & difficilem. Feliciter evasit puerpera, & postea adhuc septies peperit absque eo, quod aliquid infortunati contingeret.

Simul ac infans prodierat, cessabat omnis haemorrhagia, & examinando funem umbilicalem, apparuit, quod unus ex nodis varicosis, qui in vena umbilicali toties observantur, excoriatione quasi apertus, sanguinem profuderat; quod facile ab attritu circumvolutionum chordae umbilicalis circa collum ad se mutuo contingere potuit. Patet simul, veram hujus haemorrhagiae causam non potuisse cognosci ante partum absolutum, & ruptis jam membranis, vix suspicari illud potuit optimus ille Chirurgus, cum nunquam tale quid vidisset, & frequentissima haemorrhagiae uterinae causa sit solutio placentae ab utero; ad quam videtur spectare sequens *Hippocratis* (2) prognosis; *Si cui parturienti ante foetum multus sanguinolentus citra dolorem fluxus prodeat, periculum est, ne foetus mortuus exeat, aut minime vitalis edatur.* In casu modo enarrato augebatur fluxus sanguinis dolorum tempore; verum ubi placenta integre, vel pro parte separata est, tunc potius augebitur haemorrhagia in dolorum intervallis. Dicit enim *Hippocrates* edivus, dum partus dolores jam adsunt, & ante foetum, cujus exclusio jamjam expectatur, ac monet, citra dolorem hoc fieri. Dolorum enim tempore, dum partus inflat, caput infantis replet uteri orificium dilatatum; remittentibus doloribus illud minus urget, & hinc sanguini effusio liberior via conceditur. An inde diagnosi haberi posset, dubium videtur. Si enim doloris tempore caput infantis nondum eo usque descenderit,

(1) *Traité des accouchemens* liv. 3. Chap. VIII. observat. CCXI. pag. 296.

(2) *De superfecundatione* cap. V. Charter. Tom. VII. pag. 869.

rit, ut repleat uteri orificium, poterit & dolorum tempore augeri uteri haemorrhagia, quae separatae placentae effectus est. In utroque casu praecipua spes est in eo, ut per partum uteruscito evacuetur, seque contrahere possit, uti postea dicitur.

Cum autem, uti antea dictum fuit, ovum humanum tota sui superficie nectatur utero, poterit forte & sanguis exire, si in alio quovis loco nexus chorii cum utero solvatur. In illo quidem loco, ubi placenta accrescit, vasa magna sanguinea adhaerent, sed nec reliqua chorii pars vasis caret. Dum per ramum arteriae iliacae materiam ceraceam immisit in uterum gravidum toties laudatus Noorvegt (v), vidit illam in vasa placentae, & chorii profunde penetrasse. Dum integrum ovum humanum ab utero, cui nexum erat, suspensa manu separare conabatur, vidit chorion per veram cellulofam substantiam utero nexum esse, qui nexus tamen levissima vi solvebatur (x). Sed Eandem hanc cellulofam separanti vasa occurrerant numerosa per totum ambitum, ex iborio in uterum porrecta, impleta. Accuratius examen docuit, internam matricis superficiem poros habere mediocri magnitudinis multos, aliquantulum tamen ab invicem distantes (vasorum orificia); quibus proportionatae dimensionis canales extra iborion emergentes, per dictam cellulofam progressi, inosculabantur, sic, ut vas responderet vasi, & communis materiae cylindriculus utrumque impleteret. Vasa haec alia majora, alia minora erant, in universum talia, ut tenuiorem, crassoremve aciculam, quaedam etiam caput aculae maximae facile admisissent. Rursus nonnulla recto tramite uterum subibant, nonnulla postquam brevi prius spatio juxta uteri superficiem reflexa processerant: erantque ultima haec non rotunda, sed compressa quasi, & complanata. Omnium etiam memoratorum vasorum cum matrice unio levissima et solvebatur. Malui ipsis uti Auctoris verbis, quibus haec observata describit, quorum oculatum testem me fuisse, gaudeo.

Sic passim ovum utero haesisse vidit, sed circa placentam nexus ille erat utcumque validior, vasa erant numerosiora, quibus extra placentam emergentibus, atque in uterinos poros insertis, manifesta oculis communicatio patebat inter uteri, & placentae vasa: & haec iterum variam diametrum monstrabant, in genere non multum ampliora, quam quae circa iborion descripta, pariterque tenerrima (y).

Ex his sequi videretur, non esse metuendam profusorem haemorrhagiam, dum placenta ab utero solvitur, quam si alio in loco chorion ab utero secederet. Sed ad radicem placentae, ubi haec per orbem supra iborion terminatur, cellulosa illa in ligamentosas lacinias collecta nexum denno parum firmiorem exhibebat; hic vasa copiosissima, capacissima, adeo insignia, ut eorum quaedam digitum pueri potuissent recipere; veri venosi finis, mollissimis, tenuissimisque tunicis constati; breves, ex quibus max ramus intra placentam immergebatur, longe minores, magna parte admodum exiles: quod patuit, dum in sinus tales, exussa, quam continebant materie, introspicere posset. Rami ha

g 2

ex

(v) Uter. human. gravid. Auct. pag. 11.

(x) Ibid. pag. 9.

(y) Ibid. pag. 10.

ex fundo sinuum, quæ placentæ innascebantur, procedebant ea utcumque ratione, uti vena cava, hepatis innata, intra hujus substantiam ramos dimittit (e). Inde patet simul, quare profusa hæmorrhagia sequi possit, licet placenta pro maxima sui parte adhuc utero adhaereat, si tantum limbus orbicularis incipiat separari, ubi maxima illa vasa sunt, arachnoideae fere tenuitatis, & adeo mollia, ac tenera, ut vix tangi possint, quin diffuant; unde mirum non est, si in secundinis, quas obstetricis manus eduxit, aut evanuerint collapsa, aut contractando detrita fuerint (a).

Dubitari ergo nequit de immediata communicatione vasorum uterinorum cum ovi vasis, cum ovum per totum ambitum utero adnexum sit vasorum ope, ita ut directum commercium arteriarum uterinarum notabilem cum ovi vasis manifeste demonstraretur. Per hæc vasa directè sanguis matris ad chorion pervenit, & videtur ab hoc sanguine separari liquor amnii, qui foetum ambit undique. Observavit enim *Leuret* (b), dum gravidæ, lue venerea laboranti, frictiones mercuriales fuerant adhibitæ, ita ut foetus simul sanaretur a foedo hoc malo, tunc aquam amnii Mercurii contenti signa dare: plumbeum enim tunc colorem habet, & cupro rubro afficta illud dealbat, & quidem tanto plus, quanto major copia argenti vivi per frictiones corpori matris applicata fuerat.

Videtur etiam ex dictis intelligi, quare levis quantitas sanguinis observetur partus tempore, dum aquae formatae, ut obstetrices dicere solent, os uteri jam multum dilatarunt, & extra illud prominent. Solet autem hoc merito haberi pro partus brevi secutori omine. Non possunt enim membranae prominere, quin plura vasa, quæ chorion utero necdebant, rumpantur, & aliquid sanguinis effundant; quo lintea, & obstetricis manus tinguntur. Nec magna tunc copia sanguinis effundi potest, quia tenerissima hæc vasa rupta mox collabuntur, & aquae tumentes os uteri replent omnino; quibus ruptis, mox caput infantis sequitur, & orificium obturat. Solet quidem hoc adscribi violentæ dilatationi oris uteri, per quam illud plus minusve dilaceraretur; verum talis dilaceratio, ut vasa rumpantur, non semper fit, & si contingat, tunc imprimis deberet fieri, dum caput infantis transiit; & tamen constat, aliquid sanguinolenti jam observari saepius, antequam aquae rumpantur, quæ sensim magis tumentes, successive molles, & facile cedens uteri os dilatant. Unde videtur prior causa magis probabilis esse.

Illæ autem, quæ de nexu ovi cum utero per vasa fuerunt dictæ, confirmantur & aliis magnorum virorum observatis. Sic *Celeberrimus Simson* (c) testatur, se examinasse uterum mulieris, subito mortuæ septimo, graviditatis mense. Dum separabat placentam, protraheret ejus processum, longitudine mediis pollicis ad minimum; erant autem numero multi, ex tota placentæ superficie surgentes; quidam ex illis calamus aserinum æquabant crassitie; imo ex omni chorii ambitu surgebant filamenta fibrosa, capillares tenuitatis, quæ pe-

(a) Uter. human. gravid. pag. 10.

(b) Ibidem pag. 11.

(c) L'art des

accouchem. N. 265, 266 pag. 43, 44.
and animal actions &c. in Fracast. pag. 9.

(c) An Inquiry how far the vital

metrabant in poros uterinos. Dum autem extrabebat illos placenta^e processus, (frangebantur), statimque contrabebantur, & referebant granulata^m superficiem mori arboris fructus. Vidit & Celeberrimus Albinus (d) in illa parte uteri gravidi, cui placenta adjuncta est, arterias tortuosas, non ramolas, & creberrimas: ruptae autem videbantur, quia placenta abscesserat ab utero. Postea perquisivit in alio utero, cui placenta integre adhaerebat, tunc invenit easdem sanguine plenas, & placenta^e se inferentes: unde dubium non erat, quin ad placenta^m pertinerent, sanguinemque in eam impellerent. Notandum autem est, quod data opera nihil mutaverat neque premendo, neque inflando, neque replendo, aliove modo. Adeoque omnia in situ, & nexu naturali apparebant. Merentur videri accuratissimae Tabulae uteri gravidi, quas summus ille Anatomicus edidit.

Certum ergo est, uteri cum ovo commercium per vasa, & his ruptis quacumque de causa, sequi poterit haemorrhagia uterina, quae longe profusior erit, si placenta^e ambitus ab uteri nexu solvatur; vasa enim & magna, & numerosa ex utero in placenta^m veniunt in hoc loco. Verum & fieri potest, ut vasa rumpantur, quae ex utero in placenta^m derivantur, & nihil tamen sanguinis utero exeat. Notavit hoc Celeberrimus Albinus (e), & sic descripsit: *Parturienti illi, cujus uterum aliquot tabulis persectus sum, Placenta abscesserat, multo sanguine interjecto coagulato inter eam, & uterum. Tota autem marginis circumferentia nihil quidquam abscisserat, coque, ne sanguis profunderet, prohibebatur.* In tali casu tamen metus est, ne sanguis, inter placenta^m, & uterum ex vasis ruptis effluens, copia auctus tandem & separet limbi orbicularis placenta^e nexum cum utero, & inde sequatur profusa haemorrhagia, uti dictum fuit ad §. 1296. *Placenta enim utero non insinuat per ultimas capillares vasorum suorum extremitates (f).* Impedit hoc membrana vera, superextensa non tantum convexae superficiei placenta^e, quae uterum tangit, sed & sulcos placenta^e ingrediens, simili fere modo, uti pia mater sulcis cerebri se insinuat. Nec haec membrana sanguinis in superficie convexa placenta^e collecti progenies esse potest: nam in placenta recentissima, adhuc a matre calente, & fumante, eandem invenit (g).

§. 1305. **C**ognoscitur ex orificio uteri laxato, sanguinis fluxu magno, citato, admodum debilitante, vivo, vel grumoso, dolente.

Cum adeo periculosus sit hic gravidarum morbus, operae pretium erit novisse signa, non tantum, quando jam adest haemorrhagia, verum etiam, dum futura meruitur.

Notandum tamen est, non omnem uteri haemorrhagiam aequè periculosa^m esse, & quandoque de vulva sanguinem exire, qui non ex utero venit. Obser-

Tom. IV. pars II

83

(d) Académ. annor. Lib. I. Cap. IX. pag. 24. & seq.

(e) Ibid. pag. 36.

(f) Noortwyk de utero gravido pag. 14.

(g) Ibid. pag. 21.

Observaverunt omnes, qui de morbis gravidarum scripserunt, quibusdam mulieribus familiare esse, ut sanguinis aliqua copia prodeat primis graviditatis mensibus, & quidem simili periodo, qua menstrua iisdem, non gravidis, prodire solebant. Aliquibus ad quartum graviditatis mensem usque hoc contingit. *Mauriceau* (b) noverat mulierem, cui ad sextum mensem usque, dum grvida erat, fluor menstruus solita periodo redibat; sed minori tamen copia, & debito tempore sanos pariebat infantes; quorum quinque superflites erant. Nec metuebat quid mali, si paucus fluere sanguis, absque dolore, & certa periodo, ac simul os uteri foret clausum: tunc enim nescitur, non fluere sanguinem ex uteri cavo, sed ex vasis vaginae, vel externae superficiei colli uteri. De hac re dictum fuit capitulo praecedenti, ubi de fluore menstruus agebatur. Optime hoc monuit *Celeberrimus Hoffmannus* (1): *Saepe fit, ut, quae sanguine abundans foeminae, secundo, & tertio graviditatis mense sanguineum experiantur fluxum, citra dolores, & spasmos in regione lumbari, & abdomine; citra debilitatem, & praecedentem horrorem, aut rigorem partium extremarum. Hoc autem in casu sanguis non ex uteri cavitate, sed potius ex vasis vaginae uterinae cum euphoria profuit.*

Quamvis autem certis observatis, levem talem haemorrhagiam comigisse absque noxa, constet, & admodum verosimile videatur, tunc tantum evacuari illud, quod, repletis sufficienter uteri incrementis vasis, & foetu nutrito, superabundat; tamen tutius credidit *Mauriceau* (k), plethoram solvere in gravidis per sanguinis missionem, quam totam hanc rem naturae committere. Constat, *Hippocratem* (l) pronunciaisse sequentia: *Mulieri foetum bimensem, aut trimestrem utero gerenti, si menses quamprimum singulis mensibus prodant, eam tum tenuem, tum debilem reddi necesse esse. Interdum etiam his diebus, quam diu menses prodierint, febris corripit. Quamque sinunt, & ubi effluerint, pallescit, quantumvis porce suavit. Apparet hoc ex textu evidenter, quod non agatur hic de grvida plethorica, sed quae pallescebat, si vel parcam jacturam sanguinis pateretur; & certe in tali casu hoc noceret: quia sic non tollitur superfluum, sed diminuitur necessarium; adeoque & matri, & foetui damno est talis haemorrhagia. Praeterea manifeste patet ex illis, quae sequuntur, quod loquatur de sanguine, qui ex ipso utero venit. His uteri plus atquo debescunt, & incrementum foetus dimittunt. Ex paullo post: Si autem uteri plus atquo debescant, sanguinem singulis mensibus, sicut prodire consuevit, effluere sinunt, & quod in uteris continetur, tenue, & debile fit. Ex hoc sensu videtur intelligendus esse Hippocratis aphorismus, (m); Si mulieri utero gerenti purgationes prodant, improbabile, foetum sanum esse. Pulcre autem notat *Galenus* (n) in commentario ad hunc textum, cum purgationes plurali numero enuncientur, & verbum praecedunt adiungatur, non agi hic de paucis sanguine excreto, neque semel, sed saepe,*

(A) Traité des malad. de femm. gross. livr. I. chap. XX. pag. 355.

ration. & systen. Tom. IV. part. 3. Cap. 9. pag. 623.

curo pag. 157.

pag. 744.

(B) De mulier. morb. Lib. I. Cap. XXIII. Charter. Tom. VII.

(C) 60. Sect. V. Charter, Tom. IX. pag. 232.

(1) Medic.

(k) In loco modo

Charter. Tom. VII.

(n) Ibidem.

& multum erumpente. Qui namque semel, aut bis paucus excernitur (sanguis), in multis circa ullam foetus laesionem conspicitur. Deinde addit sequentia: At excretio, quae gravidis accidit, ex cervicis uteri venis fieri videtur. Nam interne in ipso cavo uteri suspenditur chorion, quare nihil per illa in multibrem sinum externi potest. Simul inde patet, nunquam melius intelligi posse Hippocratis Aphorismos, quam dum aliis locis parallelis ejusdem Auctoris illustrantur.

Diagnosin ergo periculosa Haemorrhagiae desumitur ex copia magna, doloribus lumborum, & abdominis, (qui tamen & in menstruantibus mulieribus saepe adsunt) & quandoque parca copia sanguinis prodit in initio; quam mox sequetur ingens uteri haemorrhagia; dum magis magisque placenta ab utero secedit, vel & plura vasa, chorion utero neccentia, solvantur. Praecipuum autem signum est, si uteri orificium laxatum fuerit, & dehiscat, quod naturaliter in gravidis sic conniveret, ut fere clausum sit, dum parvum hiatum opplet mucosa gelatinosa materies. Nullum dubium superesse poterit, si pleno rivo sanguis exeat, vel & grumi concreti cruoris, una cum dolore ventris, & lumborum, ac sequente magna debilitate: grumi autem illi sanguinis concreverunt vel in ipso utero, dum sanguis ruptis vasis effusus stagaat per aliquod tempus, ante quam cohaerens cum utero chorion separetur ad orificium uteri, usque, sicque sanguis libere exire possit, adhuc fluidus: vel etiam grumi illi in vagina ex coagulato sanguine fiunt, dum compressis ad se mutuo femoribus sanguinis effluxum minuire satagunt: concretus talis sanguis tunc a mulierculis adstantibus pro mola, aut falso conceptu toties haberi solet, cum magnam satis molem in vagina acquirere possint, non vero in uteri cavo, quod a foetu, & secundinis impletum est.

Verum, dum jam profusa talis uteri haemorrhagia adest, sero cognoscitur, & plerumque abortus sequitur; unde magnae utilitatis erit, noscere & illa signa, quae nondum praesentem, sed futuram uteri haemorrhagiam praesagiunt, ut nempe idonea medela praecaveri possit.

Sponte patet, tunc metuendum esse hoc malum, si causae praecefferint, a quibus illud produci saepius observatum fuit; de quibus dicitur sequenti paragrafo.

De commercio illo, quod mammas inter, & uterum intercedit, jam saepius dictum fuit; dum uteri vasa implentur magis circa primam menstruum eruptionem, turgent mammae; in gravidis, intumescendo utero, & mammae tument. Ideo Hippocrates (a) dixit: *Mulieris utero gestantis si mammae de repente extenuentur, ipsa abortit*. Metus enim est, ne tunc uteri vasa, soluta a neku cum placenta, & chorio, simili modo collabantur, quod absque illorum inanimatione vix fieri poterit; adeoque abortus timendus est, & cum illo uteri haemorrhagia. Experientia saepius confirmavit Hippocratis hanc Prognosin. In sequenti aphorismo idem testatur, si gemellos in utero

G 4

geat

(a) Aphor. XXXVII. Sect. V. Chætes. Tom. IX. pag. 227.

gerat mulier, & una ex mammis gracilis evadat, tunc unum ex gemellis abortiens perdit. Cum autem, uti antea dictum fuit, veteres Medici crederint, uterum humanum binas habere cavitates, quarum dextra mares, sinistra foeminas contineret, hinc & sexum futuri abortus determinari posse, credidit Hippocrates, prout vel dextra, vel sinistra mamma extenuaretur. Sed & alio in loco de statu foetus in utero ex mammis praefagium sumit (p); *Mulieri utero gerenti si las copiosum e mammis effluat, foetum imbecilem significat. Quod si solidae mammae fuerint, seniores foetum significat.*

Quamvis autem subitam mammarum extenuationem pro absoluto signo futuri abortus habuerit Hippocrates, tamen non omnem spem servandi foetus abieciisse videtur, dum mammae extenuantur. Dicit enim (q): *Quae foetus corrupturae sunt, iis mammae extenuantur. Quod si iterum durae coalescunt, dolor erit aut in mammis, aut in coxis, aut in oculis, aut in genibus, neque (foetum) corrumpunt.*

Videtur ergo, nisi subito concidant mammae, adhuc medelae locus esse, licet extenuentur.

Ventris, & lumborum dolorem pariter pro signo abortus futuri Hippocrates (r) habuit: *Si mulier utero gerens ventrem, & lumbos doleat, metumendum est; ne abortione foetum excludat, ruptis membranis cum continentibus.* Semper in gravidis lumborum dolores, nisi partus instet, suspecti sunt, si diutius durent; praecipue, si per intervalla redeant, & versus abdominis inferiora terminentur; tunc enim sunt veri parturientium dolores, per quos immaturus foetus excluditur, & saepe abortum periculosa uteri haemorrhagia praecedat.

Dein & hoc praecipue notandum est, quod facile redeat uteri haemorrhagia, licet omnino cessasse videatur: nam, uti optime notavit versatissimus in arte obstetricia Puzos (s), non videtur illa pars placentae, quae separata haemorrhagiam uteri fecerat, facile agglutinari utero, ut firmiter haereat denuo, sed haemorrhagia potius sistitur, dum sanguis concretus in vasis hiulcis, sic se accommodat illorum diametro, ut sanguini effluxuro obicem ponat: grumi illi si postea exciderint, redit haemorrhagia uteri, & plerumque profusior, ac copiosior. Unde patet, quare tanta cautela opus sit, & tam diuturna in gravidis mulieribus, quae hoc infortunium passae fuerunt.

§. 1306. **C**ausa hujus affectus animi vehementes, motus corporis nimii, hysterica, & emmenagoga male applicata, percussio inferioris partis abdominis.

Causae illae, a quibus uteri haemorrhagia fieri observatur, variae sunt; quaedam enim tales sunt, ut etiam in ianitis, & robustis mulieribus illam producere possint, qualis est v. g. valida abdominis percussio, & vehementi-

(p) Ibid. aphor. LII. Charter. ibid. pag. 225. (q) Ibid. aphor. LIII. pag. 226.

(r) De mulier morb. lib. I. Cap. XXV. Charter. Tom. VII. pag. 745.

(s) Académ. de chirurg. Tom. 1. pag. 362, 363.

tissimi animi motus: aliae, minus noxiae, tamen in quibusdam gravidis periculosaе sunt, utpote magis dispositis ad uteri haemorrhagiam, & abortum. Deinde & peculiaris ipsius uteri dispositio inter causas merito numeratur. Tandem & ipse foetus in causa esse potest. Quae omnia singulatim considerari merentur, ut pateat melius; quid atq; hic possit, & quanam medela conveniat. Causae autem, quae hoc numero recensentur, etiam in gravidis, caeterum optime se habentibus, noxiae semper sunt, & periculosaе; sed longe magis, si ad hunc morbum dispositae fuerint, in quibus & a levioribus causis idem metuendum est malum.

Affectus animi vehementes. Quam mirae, & quam subitae fiant mutationes in corpore humano per validos animi affectus, antea jam saepius dictum fuit (vide §. 104. 611. 629. 1062. 1093. 1181. 1200.): hinc illa non repetam. Sufficit hic notasse, quod omnia vasa corporis in subito metu contrahantur; per iracundiam omnes humores rarefiant, & plena vasa turgant; per summam moestitiam supremus belli dux concidit mortuus, dum paullo ante mille inter mortis pericula intrepidus versabatur: Spartana mater inter ipsos amplexus reducis filii, quem in acie caesum putabat, mortua corrui prae nimio, & subito gaudio. Si jam consideretur, tam subito motus, validas adeo concussionis &c., applicari teneris illis vasibus, quae chorion, & placentam nectunt utero, nemini mirum videri poterit, cur toties haemorrhagia uterina in gravidis post validos animi affectus sequatur. Foemina triginta annorum robusta, & procerae staturae versabatur fere quotidie in foro, ubi & rixis quotidianis, & iracundiae indulgentia solita erat satis. Cum jam termino graviditatis proxima esset, subita exandescit ira, dum vicina mulier puerum ejus quinquennem percuteret. Mox, aliquid insoliti sentiens in corpore, praedixit, se inde morituram. Post aliquot dies subito profusa uteri haemorrhagia sequitur; unde convulsa periit, antequam quid tentari posset, ut servaretur. In cadavere inveniebantur bini foetus masculi sanguine nigro coagulato testis undique, quo & uterus plenus erat, ob rupturam placentae, & vasorum ejus (1).

Plures alios casus egregius auctor recenset, qui docent, quantum validi animi affectus nocere possint gravidis. Multos & ipse vidi, nec credo, ullum Medicum esse, quin similia observaverit. Hunc autem casum ideo selegi, quia in sana, robusta muliere rixis quotidianis, & habituali iracundiae assueta, tantum mali brevis ille furor producere potuit. Idem a metu, gaudio inopinato &c., metuendum est; & plura exempla in Historia Medica habentur. Hinc discere possunt gravidae, quantum cavere debeant ab animi affectibus; uti & adstantes, quantam curam adhiberi oporteat, ne imprudentia sua praegnantem irriterent, inopinato nuncio, bono, vel malo, illas percellant. Novi gravidam, quae placidissime dormiverat, dum in vicinia periculoso erat incendium: sollicita mater, mane accurrens, gratulabatur filiae, quod blandus somnus omnem timorem arcuisset. Mox incipit tremere misera toto corpore, & angi, simulque totus lectus jam inundabatur sanguine,

(1) *Peu pratique des accouchemens* liv. 2. Chap. VIII, pag. 70.

guine, sequente animi deliquio, & convulsionibus: tamen a periculosa hac uteri hæmorrhagia convalluit: sed foetum quadrimestrem abortiens perdidit.

Motus corporis nimii. Frequens fatis uteri hæmorrhagiae, & abortus causa, quae tamen caveri posset a gravidis, modo vellent. Moderatus corporis motus prodest graviditatis tempore, praecipue ambulatorio; imo videmus, rusticas mulieres facile ferre solitos labores, dum gravidae sunt, modo non nimis fatigantur, nec valido corporis nixu illos perficiant.

Notum est, per motum muscularem accelerari motum sanguinis venosi versus cor, adeoque & augeri velocitatem circulationis per vasa corporis (vide §. 99.) Verum §. 100. inter effectus velocioris circulationis numerantur & sequentia. Major nempe vis pulsi sanguinis in vasa excipientia, vasorum, sanguisque attritus validus ad se mutuo, calor major, acrior indoles humorum. Si jam hi effectus conferantur cum tenera structura vasorum, quae chorion, & placentam utero neant, sponte patebit, a nimio corporis motu metuendam esse horum vasorum rupturam, quam sequetur uteri hæmorrhagia.

Paret hinc, quanto se exponant periculo gravidae, dum choreis ducendis indulgent, itinera suscipiunt, nixum validum edunt, pondera elevat &c. succussus solus carpenti, praesertim si celeriter vehantur in viis asperis, toties hæmorrhagiam uteri fecit, & abortum: illudque discrimen tanto majus est, quanto viciniore sunt partui. Unde patet, quam periculosum consilium sit suadere gravidis, ut rheda vehantur ultimo graviditatis mense, hac spe nempe, ut foetus descendat citius per hos concussus, & partus reddatur felicior. Vidi aliquas, quae ridebant prudens consilium, dum post validos motus nihil mali illis contigisset statim; sed quaedam ex his post aliquot horas, aliae post unum, alterumve diem, periculosam expertae fuerunt uteri hæmorrhagiam.

Doluit *Mauriceau* (u), hoc contigisse propriae sorori, quae ultimo graviditatis mense, in genua prolapsa, tumente abdomine humo impegerat, & cum non multum incommodi per unum, alterumve diem perciperet, neglexit quietem corporis adeo necessariam; at tertio die subito sensit validos abdominis dolores, mox sequente valida uteri hæmorrhagia, qua periit. Alioquibus enim vasis ruptis, quae chorion utero neant, sanguis effunditur sensim, qui collectus magis magisque chorion ab utero separatur; sic pluvibus vasis ruptis tandem undatim sanguis utero exit.

Notum nimis est, scelestas mulieres, ut foetum perdant, validos adhibere concussus corporis. Cantatrici, quae conceperat, iussit *Hippocrates* (vv) *ut in terram desiliret; quum jam septies exisset, genitura in terram destitit; & sibi somitus.* Deinde descripsit ovum humanum, in cujus membrana contentus humor pellucebat. In membrana autem fœtas albas, & tenues inesse videbantur, cum ichore crasso, & rubro obvolutas, & circa membranam exterius fugit.

(u) Traité des malades de femme, gross. liv. I. chap. 21. pag. 162.

(vv) De Natura Pueri Cap. 2. Charact. Tom. V. pag. 312.

sugillationes. In minoribus abortibus, una cum membranis integris exeuntibus, chorion totum filamentis hirtum apparet, quae placentae rudimentum sunt: sed cruenta illa, sugillatorum instar, vestigia, & ichor crassius, ac ruber, qui involvebat fibras illas albas, & tenues, docere videntur, ovum jam nexum fuisse utero. An autem tantum sex dierum conceptus fuerit, dubium videtur, cum illo graviditatis tempore ovum forte nondum utero nexum sit, neque vasa uteri adeo dilatata, ut sanguinem dimittant: Narrat autem Hippocrates (x), hanc cantatricem cum viris versatam fuisse, & audivisse ab aliis mulierculis, si quando mulier conceptura sit, genituram intus manere, neque foras egredi. Hinc facile potuit contingere, quod diutius jam gravis fuerit, praecipue cum genitura illa, post septimum saltum prodians, comparetur ovo crudo, cui undique externa testa ablata est.

Quomodo autem illud Hippocratis consilium possit conciliari cum ejus juramento, quod severe prohibet, ne Medici pectus abortivum mulieri exhibeant, non adeo facile patet. Quidam voluerunt, hunc de *natura pueri* librum non ab Hippocrate, sed a Polybo scriptum fuisse: alii contendunt, genituram sic excussam fuisse tantum, sed non embryonem formatum; de qua re videri poterit Meibomius (y). Certe optime Tertullianus in *Apologetico* dixit: Nobis, homicidio semel interdicto, etiam conceptum uteri, dum adhuc sanguis in hominem delabitur, dissolvere non licet.

In genere ergo statui potest, validos corporis in gravidis concussus semper metuendos esse, adeoque sollicite vitandos. Interim quandoque hi a talibus causis contingunt, quae non semper vitari possunt. Sic vidi a steruatione valida, & frequenti, in coryza incipiente, haemorrhagiam uterinam contingisse.

Unde, dum catharri regnant epidemice, monendae sunt gravidae, ut, si vel levissimam coryzam sentiant, nares frequenter foveant aqua, & lacte tepidis. Longe frequentius nocuit valida tussis, quae omnium molestissima est, ultimis graviditatis mensibus, dum tumidum abdomen impedit liberum diaphragmatis motum (z); Mollissimis remediis, & imprimis diacodiatis, occurrendum illico violentae tussi. Quamvis autem & concussus per vomitum factus periculo non careat, tamen abortus, & haemorrhagia uterina frequentius a valida tussi contingunt (a).

Hysterica, & Emmenagoga, male applicata. Lenissima antihysterica, & cardiaca moderata gravidis prodesse, antea ad §. 1300. dictum fuit. Noxia tantum hic damnantur illa remedia, quae ab effectu suo *Emmenagoga* dicuntur, de quibus §. 1291. actum est. Cauti semper in hac re debent esse Medici, ne decipiantur a scelestis mulieribus, quae foetum perdere tentant,

ut

(x) De natura pueri cap. 2. Charter. Tom. V. pag. 11.

(y) Hippoc. Jysjurand. cap. XV. pag. 144.

(z) Mauric. Traité des malad. des femm. gross. liv. I. chap. XVI. pag. 141.

(a) Levret l'art. des accouch. pag. 195.

ut tegant ignominiam, imprimis graviditatis initio, dum nondum aucta abdominis moles certam graviditatem monstrat. Semper imprimis suspectas tales habui, quae bene coloratae cum forent, de mensium suppressione conquirebantur, simulque valida remedia petebant, asserentes, firmum adeo corporis robur esse, ut a lenioribus nihil boni sperare liceret. In tali casu dedi innocua remedia, quae corpus nullo modo turbare poterant; quo astu Medico obtinui saepius, ut vana spe lactatae, tumente utero, tandem faterentur, se gravidas esse, neque amplius de perdendo foetu, sed de occultando partu cogitarent.

Omnia enim fere illa remedia, quae Emmenagogorum nomen metentur, acria sunt; sed Hippocrates (b) monuit; *Sunt autem, quae si acre quiddam, aut amarum praeter consuetudinem ederint, aut biberint, foetus perdunt, tenello adhuc puello intus existente. Si quid enim puero praeter consuetudinem acidas, atque si parvulus adhuc fuerit, moritur.* Sed mortuo foetu inevitabilis est abortus, quem haemorrhagia uteri comitari solet.

Omnia autem acria, quae vel uterum ipsum, vel vicinas utero partes afficiunt, & in contractionem validam stimulant, merito adnumerantur causis haemorrhagiae uterinae. Notum est, clysmata leniter stimulantia, uti & suppositoria adhiberi in parturientibus, non tantum, ut crassae faeces educantur, verum etiam hoc effectu, ut dolores excitentur, si segnes nimis fuerint: ideo purgantia acriora in gravidis vitantur semper, cum non tantum molesta abdominis tormina, sed & tenesmus circa intestinum rectum faciant; qui, teste Hippocrate (c) si mulieri utero gerenti oboriatur, abortum efficit. Rationem addit in Commentario Galenus (d); quod tali contentione, & molesta sollicitatione cum totum corpus, tum praesae caeteris uterus, recto intestino coalescens, laboret.

Idem a vehementi stranguria metuendum esse, ob eandem rationem patet.

Percussio inferioris partis abdominis. Uterus enim, contento foetu turgens, anteriorem abdominis partem occupat; unde motus foetus in utero, applicata manu, facile sentiri potest. Tali vi illata, non tantum nexus chorii, & placentae cum utero destrui potest, sed & ipse uterus findi; uti ex ante dictis patet. Haec est ratio, quare lapsus gravidis adeo periculosus sit; praecipue si pronus fuerit, cum fere semper tunc prominulum abdomen humo impingat. Unde etiam saeris legibus (e) severa statuitur poena illi, qui gravidae mulieris abdomen percusserit.

Verum, uti paulo ante dictum fuit, praeter causas modo enarratas, potest in utero ipso adesse talis dispositio, ut a levioribus etiam causis sequatur uteri haemorrhagia, & abortus; imo & quandoque, licet nulla notabilis causa praegressa fuerit. Talis autem dispositio quandoque utero communis est cum reliquo corpore, aliquando utero soli peculiaris. Sic in ci-

vita-

(b) De mulier. morb. Lib. I. Cap. XXIV. pag. 745. Charter, Tom. VII.

(c) Sect. VII. aphor. 27. Charter, Tom. IX. pag. 304.

(d) Ibidem pag. 305.

(e) Exod. cap. 21.

vitatibus Austro appositis Hippocrates monet (f); corpora ut plurimum imbecilliora esse, addit: Mulieres morbis, & fluxionibus obnoxiae sunt; deinde multae ex morbo, non natura, steriles sunt, & frequenter abortiunt. Ita & alibi dixit (g): Quae praeter naturam tenues utero gerunt, abortiunt bimestria, antequam crassiores evaserint.

Similia his alio in loco leguntur (h); ubi ab hac causa menstruum, & bimestrem foetum perdi monet: quidam etiam legerunt *ut oipa loco ut oipa* (i); ita ut sensus foret, in tali casu non incrassandum esse os uteri, sed totum corpus. Sic enim cum aphorismo modo citato textus ille convenit. Confirmatur hoc praeterea, quod mox subjungat sequentia (k); Quod si praeter naturam crassior evaserit, utero non concipit. Omentum enim crassius incumbens uteris comprimit, neque genituram suscipere finis. Ubi manifeste macilentiae nimiae opponitur obesitas, quam attenuandam jubet, cum aliter praegnantem effici nequeant (l).

Sed & peculiaris ipsius uteri dispositio, reliquo corpore se bene habente, potest esse hujus mali causa. Apud Hippocratem (m) sic legitur: Quae vero mediocriter torpulentiae foetus bimestres, & trimestres abortiunt sine manifesta causa, illis uteri acetabula mucore plena sunt, neque prae pondere foetum continere possunt, sed abrumuntur. Diagnosin autem talis morbi (n) habet: Hoc autem modo noveris. Humida sit, & mucosum, glutinosumque defluis, neque mordet: & ubi a fluxu purgari desierit, cum mensibus per duos, aut tres dies muci ex utero procedunt. Sic frigidam, & mucosam uteri dispositionem descripsit, sive fluorem album simplicem, ubi nulla adhuc adest acrimonia, quae mordere possit.

Alio in loco (o) monet, quasdam mulieres facile concipere, sed foetum perdere tertio, vel quarto mense, nulla causa accedente: Si uteri aut natura, aut ulceribus in his subortis, larvae fuerint. Si namque larvae fuerint, interdum foetum continentes membranae, minus, quam conveniat, aabarent.

Praeterea patuit ex ante dictis, crescente foetu, uteri magnitudinem augeri pariter, ut illum continere possit. Hippocrates (p) videtur observasse hanc abortus causam, si uterus non cresceret. Sic autem habet: Si vero concipias quidem, sed foetus bimestres eodem exaile tempore corrumpas; neque prius, neque posterius; idque ei bis, vel ter eodem constingat modo; aut etiam, si longioris temporis foetum eodem modo corrumpas, hujus uteri in majorem molem non crescunt, foetu in eis augefcente, & bimestre, vel trimestre spatium excedente. Sed hic quidem augefuit, uteri vero nihil increfcentum, propterea sa-

(f) De aëre, locis, & aquis text. 9. & 10. Charter. Tom. VI. pag. 190.

(g) Aphor. 44. Sect. V. Charter. Tom. IX. pag. 221.

(h) De natura muliebri Cap. 19. Charter. Tom. VII. pag. 690.

(i) Ibid. pag. 895.

(k) Ibid. pag. 690.

(l) Sect. V. aphor. 46. Charter. Tom. IX. cap. 222.

(m) Ibid. aphor. 45.

(n) De natur. mulieb. Cap. XVII. Charter. Tom. VII. pag. 689.

(o) De mulier. morb. Lib. I. Cap. XXI. Charter. Tom. VII. pag. 745.

(p) De infocundis. Cap. XVIII. ibid. pag. 857.

nae multae eodem tempore foetum corrumpunt. Vidi plures tales casus, & imprimis mirabar, sanissimam matronam, absque ulla causa manifesta, circa finem quinti mensis abortum pati saepius, nec unquam maturum parere foetum, licet a peritissimis Medicis omnis adhiberetur cura.

Unde non immerito, postquam varias causas, quibus foetus corrumpi potest, recensuit Hippocrates (g), addit sequentia: *Sed & ipsi uteri naturas habent, quibus abortionem faciunt, quum statulentis, densis, magni, parvi existunt, aliisque similibus afficiuntur.* Testatur celebris artis obstetriciae magister, se invenisse in quibusdam mulieribus uterum adeo calidum, ut foetus ab immodico hoc calore periret, & exsiccatus induresceret: praecipue hoc observavit in quadam muliere, cujus uteri interna superficies tangebatur sicca, & aspera, cum tanto simul calore, ut manui immisae molestus esset, neque diu tolerari posset: foetus mortuus erat, exsiccatus, & durus: placenta parva, arida, arctissime cohaerens, ita ut difficulter potuerit ab utero separari. Notae simul, eandem mulierem plures foetus perdidisse ob nimium hunc uteri calorem (r).

Certe satis apta videtur distributio causarum, quae abortum faciunt, in duas classes, uti apud Duretum (s) legitur: *Abortionis omnes causae sunt intra natae, quam extrinsecus incidentes, revocantur ad duplicem impotentiam; unam gerendi foetum, alteram nutriendi.*

Praeterea si foetus, antequam partui maturus est, a quacumque demum causa hos contigerit, moriatur, inde poterit haemorrhagia uteri cum expulsiōe foetus mortui sequi. Quamvis rari quidam casus contigerint, ut foetus mortuus per plures menses, imo per annos, in utero maneret, tamen ut plurimum inutile illud pondus brevi post expelli solet. Verum simul ac primum illud hominis rudimentum vita donatur, jam ad mortem aptum est: nec requiruntur adeo validae causae, ut tenellus embryo in utero matris pereat. Constans enim observatio est, quod major pars pereat hominum, dum origini suae propiores sunt. Plerumque enim, cum admodum sint exigui, imbecilles existunt. Quin & grandiusculi foetus etiam corrumpuntur. Quare mulieres mirari non oportet, quod nolentes, foetum corrumpant. Nam cautio, & scientia multa opus est, ut in utero foetus perseverans, & emittens, eoque in partu liberentur (t).

Adfunt praeterea causae haemorrhagiae uterinae, quae ad foetum spectant; sed quae nec certo cognosci, nec tolli, nec caveri possunt, licet cognitae forent. Observaverunt artis obstetriciae magistri (u), funiculum umbilicalem, si brevior fuerit solito, vel si, quamvis longior fuerit, collo, aut artubus circumvolvatur, quod tunc per motus foetus periculum sit, ne placenta ab utero separetur, & sequatur haemorrhagia uteri. Talis casus legi-

(g) De mulier. morb. lib. I. Cap. XXIV. Ibid. pag. 745.

(r) *Peu pratique des accouch.* liv. 2. chap. 17. pag. 535.

(s) In coac. Hippoc. pag. 442.

(t) Hippoc. de mulier. morb. lib. I. cap. 25. Charter. Tom. VII. pag. 745.

(u) Mauric. traité des malad. des femm. gross. Tom. I. pag. 159.

legitur (vv), & notum est, saepius contingere difficilem partum, uti postea dicitur, ab eadem hac causa, dum foetus proprio funiculo umbilicali illaqueatus, per validos etiam puerperae nixus expelli nequit. Placenta uteri plerumque fundo adhaerere solet, quandoque & lateribus; raro accrescit uteri collo: quod ubi contigerit, vitari nequit haemorrhagia uteri circa finem graviditatis (x). Vidi bis in eadem nobili matrona partum infans mortui, qui in omnibus bene constitutus erat, sed chorda umbilicalis in media longitudine nodo fortiter constrictus erat, sicque omne commercium inter matrem, & foetum interceptum fuerat. Videtur funis umbilicalis casu ansam fecisse, per quam totum corpus foetus transiit, & postea motu, ac pondere suo nodum inceptum sic constrinxit, ut vasa umbilicalia comprimerentur penitus; dum enim evolvebatur ille nodus, complanata apparuit tota pars funis umbilicalis, quae nodo intercepta fuerat. Vivos infantes pepererat ante bina haec infortunia, & post haec etiam.

Patet hinc, miras, & latentes causas haemorrhagias uterinae dari, quae nulla humana prudentia vitari possunt. Sequitur jam consideratio illorum, quae requiruntur, ut a tanto periculo eripiat gravida, dum sanguis ex utero fluit.

§. 1307. **R**emedia, quies animi, corporisque, aer frigidus modice, venae sectio, adstringentia, opiata.

Quies animi, corporisque. De hac re unanimis est apud omnes consensus. Cum enim, uti praecedenti paragrapho dictum fuit, corporis motus nimis, & validi animi affectus causae frequentes sint uterinae haemorrhagiae, sponte patet, quietem esse summopere necessariam, ne per patula uteri vasa exeat omnis omnino sanguis, & inevitabilis mors sequatur. Vestes hinc statim solvendae sunt, ne vasa externa ullo modo premantur, sicque augeatur copia sanguinis moti per vasa interiora. Postea curandum, ut horizontaliter decumbant; sic enim praecavetur, quantum fieri potest, animi deliquium.

Aer frigidus modice. Saepè ob ingentem sanguinis jacturam totae pallent, & frigent; tuncque minuitur, vel & cessat omnino quandoque haemorrhagia; simul ac vero stragulis obruuntur, vel calidis linteis soventur extrema corporis, mox de novo recrudescit. Tota enim spes in eo imprimis est, ut dum minima vita superest, tempus detur hiulcis vasibus, ut se contrahant, vel & grumoso sanguine obturentur. Unde laudatur, si non in molli lecto, sed in culcita, pilis equinis farta, decumbant. Ob eandem causam nullis cardiaca refocillandae sunt, licet summopere debiles animi deliquium metuant; vel si quaedam adhibeantur, debent lenissima esse tantum, nec spirituosae. *Cirri fragrantia, mellissae, florum thlae, rosarum sambuci, & similia.*

(vv) Acad. des scienc. 1701. Mém. 118.

(x) Levret l'art des accouchemens pag. 39.

lumi odor; ut & aquarum stillatitiarum, quae ex his parantur, sufficiunt. Quomodo autem aëris calor temperari possit, antea ad numerum secundum §. 605. dictum fuit. Toties observatum fuit, vulneratos milites, omni fere sanguine exhausto, dum inter cadavera sub dio relinquebantur, postea convalescere, qui officiosa magis cura periissent. Alia occasione ad §. 161. dictum fuit, evasisse rusticum, qui discissa arteria axillari, pro mortuo depositus fuerat. Quantum autem frigidae aquae usus ad compescendas haemorrhagias conducatur, antea ad §. 1200. N. 2. pluribus demonstratum fuit. Apud Hippocratem (y) ad haemorrhagiam uterinam leguntur sequentia: *Spongiam madefactam admoveo, & lineum larvae, molle, derafum, aqua frigida imbutum, ventri injicito, frigidaque aqua perfundito, lectumque a pedibus altiore fascio, ac ita sternito.* Similia & apud Moschionem (z) habentur: *Oportet autem eas, cum curari ceperint, jaceri in cubiculo parvo, & obscuro, & modiciter refrigerato, & sermo. Inferiores pedes aliores capite habeant cum omni silentio, & quiete corporis: omnis vero motus fluxum provocat: ita ut pedes contortos supra invicem habeant; & spongas magnas in aqua frigida, vel posita intinctas, partibus ipsis applicare, hoc est pectori (forte pectini, cum in graeco textu legatur *pectu*), renibus, & ad inguina, ita ut frequentius etiam mutantur, ne temperie corporis calefiant. Extrema etiam universa striculus tenere, & fasciis ligare oportet, aut aqua frigida submittere faciem, etiam de aqua recenti fomentare, omneque corpus ejus ventilare strobilis.* Imo & frigidum eodem in loco commendatur balneum ex decocto adstringentium plantarum. Cum autem requiratur illud corporis motum, satis patet, adhiberi vix potuisse, nisi haemorrhagia jam multum minuta foret, vel fere cessaret; unde potius roborando serviret cavendae recidivae, quam compescendae validae haemorrhagiae: saltem hoc inde patet, quod ab aëre modice frigido, & totius corporis refrigeratione emolumentum expectaverint jam olim Medici: unde & aqua frigida cum paucis succo Citri solet dari pro potu, & juscula, dum exhibentur, egelida tantum.

Venae sectio. Quae tamen vix usum habebit, dum soluto placentae nexu, undatim ex utero sanguis fluit. Minuta enim sanguinis copia non impedit, quo minus ille, qui superest, effluat per vasa magna, & patula, adeoque citius ex inanitione convulsio, & mors sequatur. Venae sectio in cavenda uteri haemorrhagia multum prodest, si post lapsum gravidae metuitur futura: merito etiam adhibetur, dum, paucis vasculis solutis, parvior copia sanguinis ex utero prodit: sic enim, una cum quiete corporis, & mentis, quandoque cavetur haemorrhagiae augmentum, & impeditur abortus. Dum carpebat Medicos *Helmontius* (a), quod in retentis, & in profluis mensibus venam tunderent, dixit; *Simile fortassis fuerit, si nimis petulantem equum tendimus laqueo claudicare fecerint.* Si enim ab hoc discrimine evaserint gravidae, semper metuendum, ne ob tantam sanguinis jacturam in cachexiam, & hydropem incendant.

Ad

(y) De mulier. morb. Lib. 2. Cap. 4. Charter. Tom. VII. pag. 797.

(z) Spach. gynaec. pag. 16. & Harmon. gynaec. part. post. Cap. 2. XX. pag. 3.

(a) In capitulo de conceptione N. 23. pag. 487.

Adstringentia. Quid sperari possit ad adstringentibus remediis, dum vasis hiantibus, quae sanguinem copiosum fundunt, immediate nequeunt applicari, dictum fuit ad numerum secundum §. 1200. ubi de haemoptoe agebatur. Verum ex uteri vasis fluit sanguis, quibus stiptica applicari nequeunt. Adeoque omnia, quae tunc dicta fuerunt, etiam haemorrhagiae uterinae attribui possunt.

Novi quidem, Pessaria, ex adstringentibus remediis parata, ab *Hippocrate*, & ab aliis postea Medicis laudari: verum in vagina haerent, nec per os uteri adigi possunt; hinc nec ab his certum sperari potest auxilium. Dum autem obturatur per haec vagina, sanguis non adeo libere effluens, grumescit non tantum in vagina, sed & quandoque in ipso uteri orificio; sicque potest nasci aliqua haemorrhagiae mora; sed & simul, dum vasa hiantia pergunt sanguinem fundere, ille, inter chorion, & uteri superficiem accumulatus, magis & magis chorion separabit, ab utero; adeoque plura vasa rumpet; hinc, dum paulo post grumus cruoris, in uteri orificio haerens, exprimitur, redit intensior uteri haemorrhagia, quae minuta credebatur, dum obturata per pessarium vagina, parum, vel nihil foras exit. Accedit, quod grumus in orificio haerens uterum irriteret, & nixum parturientium exciteret; unde mortis periculum sortui imminet, si nimis immaturus fuerit; de qua re adhuc in sequentibus paragraphis dicendum erit, ubi patebit, artis magistros in diversas abivisse sententias, dum quidam volebant, expulsionem foetus omni modo promovendam esse, ut a tanto discrimine eriperetur mater; alii vero majori circumspectione utendum jubebant. Certum est, quod si, uti ex *Mossione* modo dictum fuit, quiescat mulier, femoribus supra se mutuo positus, sic comprimi possit externum vulvae orificium, ut sanguis in vagina condescere in grunum possit, habeaturque illud, quod a pessariis fere sperari potest. Si tamen quis illa adhibere vellet, suadendum videtur, ut ab acrioribus stipticis abtineat, neque nimis profunde in vaginam immittatur, ne laedatur, irriteretur uteri orificium, quod satis sensibile est.

Opiata. Ab horum usu forte plus sperari poterit. Antea dictum fuit ad secundum numerum §. 1200., stipticorum actionem longe felicius succedere in brutis, quam in hominibus; cum nempe bruta periculum igoerent, homines vero inde perturbentur; si vero, opio dato, illa perturbatio tollatur, tunc & hominibus aequae prodesse. Omnes Medici noverunt, quantum perturbentur gravidae, dum pro se, & foetu metuant, simul ac percipiunt adesse uteri haemorrhagiam; adeoque ob hanc causam conducerent opiata.

Verum & experimenta, capta in ranis, videntur convincere, opium retardare motum sanguinis circulatorium. *Celeberrimus Alston* in pulcherrima dissertatione (b) de opio, in ranis hoc tentavit, ut detegeret, an ab opio mutaretur sanguis, vel ejus motus per vasa. Notum est; per microscopia sanguinis circulum optime videri posse in membrana pellucida, quae in hoc animali digitos pedum necit. Postquam per tubum exiguum vitreum aliquos

Tom. IV. pars II.

h

gut-

(b) Medic. Essays and observ. Tom. V. part. I. N. XIII. pag. 155.

guttulas solutionis opii in aqua factae instillaverat in ranae ventriculum, & postea microscopio adaptaverat, nemo praesentium observavit ullam mutationem in consistentia, aut colore sanguinis rubri, & seris; nulla apparebat mutatio in magnitudine, figura, aut colore globulorum rubrorum; sed velocitas motus sanguinis per vasa miro mutabatur modo, ita ut dimidio minor esset: nondum elapsa media hora; gradatim crescebat motus sanguinis per vasa, & solius redibat ranae vigor una cum solita sanguinis moti celeritate. Dimittitur rana per mediam horam in aquam puram, ut reficeretur. Deinde alia dosis opii in ventriculum infundebatur, & exponebatur microscopio: tardius longe movebatur sanguis per vasa, quam in priori experimento, & gradatim minuta celeritate, tandem omnino stagnavit, primo in vasis minoribus, deinde in majoribus: & intra horae quadrantem circiter rana exspiravit. Licet autem velocitas sanguinis minueretur, pulsus tamen frequentia sensibilibiter non decreverat. Imo, licet motus progressivus sanguinis cessaret, pulsus tamen percipiebatur ex motu quodam undulatorio, per quem tempore diastoles cordis tantum retrogrediebatur sanguis, quantum progressus fueras tempore systoles; donec tandem omnino mortua videretur rana. Caeterum in visceribus nullum observabatur vitium; ventriculus tantum plenus erat mucositate gelatinosa, patum tincto ab opii colore.

Haec autem experimenta frequenter fuerunt repetita, & semper cum simili successu. Una tamen ex ranis sic occisis revixit omnino, ubi in vase servabatur, tali modo, ut vel in sicco, vel in aqua posset esse, si revivisceret.

Haec etiam confirmantur plurimis experimentis a Celeberrimo *VVhytt* institutis (e); ubi & alia multa habentur pulcherrima, quae probant, opium & in cordis vim muscularem suam exercere efficaciam.

Cum autem in validis haemorrhagiis profuit, ut visa debilissima maneat, uti antea saepius monitum fuit, patet ratio, quare opiata etiam hoc respectu profint. In *Materia Medica* ad hunc numerum talis formula habetur, in qua tria grana opii in sex uncias aquae diluuntur, & cochleatim exhibetur omni quadrante horae, donec inceperit leniri malum: adduntur deinde haec: *Si medicamento huiusmodi superabile sit*. Simul admiscuntur *lapis haematites, bolus armena, sanguis draconis*; quae a virtute adstringente laudantur. Quantum ab his possit expectari, antea dictum fuit.

Proderunt etiam ligaturae artuum, sed tales, ut venae premantur, sicque retineatur sanguis in his; arteriae vero non debent comprimi, quae profundius plerumque locantur: hoc obtineri poterit, si moderata ligaturarum adstrictio fiat. Scopus enim est tantum, ut aliqua copia sanguinis retineatur collecta in artubus, ne omnis effluat per uteri vasa, & ideo arteriae debent liberae manere. De hac re ad §. 743. dictum fuit, ubi de compescenda nimia narium haemorrhagia agebatur. Praeterea notari debet, quod si comprimerentur arteriae artuum inferiorum, tunc auferetur impetus, & copia sanguinis per vasa uteri, adeoque & haemorrhagia. Ad §. 1291. enim dictum fuit, quandoque resti-

(e) *Essays and observat. Physic. and Liter. Tom. 2. pag. 280. & seq.*

restitutum fuisse suppressum sanguinis menstrui fluxum, dum comptimeretur magna in femore arteria, & simul eodem tempore per balnea laxabantur uteri vasa.

Ubi autem uteri haemorrhagia incipit minui sive collapsis vasis, sive thrombis sanguinis obturantibus vasorum hiantium officina, non simul, & semel laxandae sunt omnes ligaturae, sed una post alteram. Metuendum enim foret, ne sanguis in artubus collectus subito ad cor rediret, illudque obrueret, cum saepe magna debilitas adsit, vel etiam irritaret in validiorem, ac frequentiore contractionem; unde merito metuendum foret haemorrhagiae augmentum. Solo interim iusculo vitulinae carnis, & gelido tantum, saepius dato, sed parca copia simul, repleantur exhausta vasa. *Louvers (d)* a Medico fide dignissimo accepit, quod adolescenti sedecim annorum per biduum magna sanguinis copia continuo eruperit, neque ulla arte potuerit cohiberi; unde iusculis tentaverunt illum reficere, quae avido assumpsit; & tandem res eo devenit, ut, massa sanguinis fere tota effluxa, quidquid jam efflueret, dilatum & pallidum, sanguinis neque naturam, neque speciem prae se ferret, ipsi iusculo, quod toties hauserat, quam sanguini, similis, atque eadem forma per diem unum, & alterum duravit hic aquens fluxus, constanter interim cordi motu suo, donec, fluxu tandem conspiso, juvenis paulatim integrae sanitati restitutus est, & exinde in virum robustum, & quadratum excrevit. Cum ergo tale iusculum, in debili per tantam haemorrhagiam corpore, vix mutatum, per vasa fluere potuerit, & vitam sustinere, quamvis debilem, patet, in uteri haemorrhagia valida vitae periculum adesse quidem, & spem in angusto positam, non autem certam desperationem, modo caveatur a Cardiacis stimulantibus, quae amici, & adstantes urgere solent in tanta debilitate. Unica enim fere spes consistit in vita debili. Hac methodo servavi aliquot gravidas, quae nulla arte servari posse videbantur.

§. 1308. **S**I his nihil proficitur, Infans methodo optima, pro situ ejus mutata, illico educendus, uterisque ab foetu, placenta, grumoso cruore integre liberandus erit.

Cum in partu naturali observaretur, simulac placenta ab uteri cohaesione solvitur, sequi satis largam haemorrhagiam, quae tamen per uteri, jam vacui, contractionem sistitur, hinc mirum non est, omnes in voto habuisse, ut in periculosa uteri haemorrhagia cavum uteri evacuari posset: si enim abortus, uti toties primis graviditatis mensibus fit, sequitur, brevi solet minui haemorrhagia, & tandem cessare, contracto semper utero. *Hippocrates (e)* monuerat: *In flore muliebri, si convulsio, aut animi defectus superveniat, malum.* Ex alibi (f) pessima pariter praefagia habet, ac imprimis diras convul-

h 2

vul-

(d) De corde Cap. II. pag. 70.

(e) Aphor. 56. Sect. V. Charter. Tom. IX. pag. 229.

(f) De mulier. morb. Lib. II. Charter. Tom. VII. pag. 793.

vulSIONES metuit: Magni pedum digiti contrahuntur, & ad suras femora semper contendit, lumborum ingentes dolores, & manuum ad motum impotentia. His ita contingentibus, tum a claviculis ad jugula, ad malas, & linguam tetani fieri consueverunt. Et ex his paullo post in posteriora a tendinibus juxta spinam ad lumbos, &que per violentiam pereunt. Pessima talia cum ab uteri haemorrhagia metuenda forent, hinc optimi etiam in arte obstetricia magistri suaserunt, ut in tanto discrimine fieret uteri evacuatio; imo in hac sola unicum spem posuerunt salutis. *Mauriceau* (g), si valida adsit uteri haemorrhagia, festinato opus esse, dixit, & manu obstetricantis arreptum pedibus infantem educi, iussit; propriaeque sororis tristem casum refert, quae ultimo graviditatis mense periit, dum serius educeretur foetus, postquam jam omnem fere sanguinem perdidisset. Plures alios casus recentet gravidarum, quas una cum foetibus servaverat tempestiva eduotione. In eadem sententia est van *Deventer* (h), jubens, statim educendum esse foetum, si a placentae separatione periculosa adsit uteri haemorrhagia, & quidem quocumque tempore, siue ante, siue post septimum mensem. Inerim certum est, hoc non posse fieri, nisi dilatetur os uteri, quod quandoque difficulter, & nonnisi vi adhibita, fieri poterit: sequenti autem capitulo patebit, non sine periculo violentam oris uteri dilatationem perfici posse: solet enim sequi periculosa admodum uteri inflammatio. Fatetur *Mauriceau* (i), quod, si orificium uteri fuerit molle, tenue, & aequabile, tunc facilius evaderent, & contra, si idem durum, crassum, & inaequabile foret, perirent. Facile apparet ratio, quia nempe major vis debebat inferri uteri orificio, ut digitis Chirurghi dilatari posset, ad excludendum foetum.

Haec fuit ratio, quare alii statuerunt, non debere fieri eduotionem foetus, si illa fieri nequeat absque violenta dilatatione oris uteri (K); sed tunc tantum prodesse, dum os uteri apertum facile admittit digitos obstetricantis Chirurghi: refertur, & ibi infelix casus, ubi, educto foetu, non minuebatur haemorrhagia, sed augebatur, donec misera mulier, exhausto omni sanguine, expiraret. Postea adhuc alio in loco (l) idem inculcat, & certam mortem praedicat, si ad educendum foetum vis debeat inferri oris uteri. Quinimo magni in arte obstetricia nominis *Levee* (m) statuit, ne quidem tantu explorandam esse gravidam, si uteri haemorrhagia adsit, & nondum inceperint partus dolores, neque adsit terminus solitus graviditatis. Ubi autem ipso partus jam incepti tempore haemorrhagia uteri profusa se manifestat, tunc membranas aquam continentes cito rumpendas monet: aquis enim evacuatis uterus se contrahere in minus spatium poterit, & haemorrhagia minu-

Media hic via, & prudentissime quidem, inaccessit celeberrimus in arte obstetrici-

(g) De. malad. des femm. gross. Liv. I. chap. XXI. Tom. I. pag. 161. &c.

(h) Nov. Lum. obstetric. Cap. XXVIII. pag. 145.

(i) Livr. I. chap. 21.

pag. 170.

(K) Peu pratique des accouchem. Livr. II. chap. I. pag. 272.

& seq.

(l) Ibid. chap. XV. pag. 576.

(m) L'art des accouchem.

chap. VII. pag. 75.

tricia *Pneusi* (n). Cum enim videret, periculosam esse adeo educationem foetus, quae violenta dilatatione oris uteri fit, licet saepe brevi temporis spatio absolvetur, & festinandum hic esse credant omnes, ut uterus vacuus se contrahere possit; cum simul observasset, haemorrhagiam uteri, si partus tempore contingeret, minui, si dolores parturientis augerentur, conclusit, hos dolores augendos esse, vel excitandos, si nondum adessent. Conducere, imo & quandoque omnino necessariam esse foetus exclusionem, ut sistatur haemorrhagia, agnoscit; sed simul iudicat, hoc tentandum esse tali methodo, quae ad partum naturalem propius accedit.

In partu naturali, dum foetus ingreditur capite suo orificium uteri, in tantum uterus contrahitur, in quantum caput progreditur, & caput infantis, os uteri dilatatum replens, impedit liberum effluxum sanguinis, simulque uterus se contrahens apprimat valide totam suam superficiem internam contentis in cavo suo; unde vasa hiantia comprimuntur; dum vero, ruptis membranis, effluunt aquae, magis contrahitur uterus, adeoque vasa sua angustantur, & propria vi, una cum puerperae conatibus, valide apprimuntur superficies cava uteri foetui; unde & haemorrhagia minuitur.

Verum lento modo procedere solet partus naturalis, & posset perire per validam haemorrhagiam gravida, antequam caput infantis orificium uteri dilataret, sic, ut per conatus parturientis, illud ingredi posset, & rumpebantur aquae. Haec fuit causa, quare subitam foetus exclusionem suascerunt multi.

At constitit observatis, posse accelerari partum naturalem, dum digitis leniter, & sensim diducitur os uteri, simili fere modo, ac in partu naturali per nixus parturientis dilatatur. In haemorrhagia uteri ejus orificium plus, minusve hiat, sanguine calido effluente madescit, thrombis cruoris quandoque transpressis magis parulum redditur; unde plerumque & lenes dolores adsunt, sed nimis inertes ob debilitatem ab haemorrhagia natam, & ideo augeri debent; quod fit, si unus, vel plures digiti immittantur uteri orificio; quibus gradatim, & leniter dilatatur, subinde & interposito quodam intervallo: tunc augentur dolores, membranae aquam continentes turgent, quae statim rumpendae, ut detur major facilitas contractioni uteri, jam parte contentorum liberati, minuitur haemorrhagia, & partus brevi sequitur, matre, & foeto plerumque salvis: dum ambo periissent lentore partus simpliciter naturalis, vel in summo fuissent periculo, si subita dilatatione oris uteri foetus educus fuisset manu Chirurgi.

Hac methodo dilatatur digitis uteri orificium, sed leniter, & per intervalla; excitantur dolores partus, vel augentur, si jam adsint; datur tempus, & occasio, ut uterus se gradatim contrahat. Ubi vero subito, & majori vi dilatatur os uteri, ut foetus educio fiat, periculum sequentis inflammationis imminet, & vix sperari potest, ut educito foeto uterus habeat adhuc vim se subito contrahendi; cum, ob vires per praegressam haemorrhagiam multum

Tom. IV. pars II.

h 3

im-

(n) Académ. de chirurg. Tom. I. pag. 358. & 379.

imminutas, omnia flaccida collabantur; & hæc videtur esse ratio, quare plures pereant post educationem foetus, pergente hæmorrhagia, vel, si hoc discrimen superaverint, ob vim adhibitam inflammato utero, acutissima febre, diris symptomatibus stipata, corripuntur, & paucissimæ evadunt.

Pulcherrimis observatis *Celeberrimus Puzos* utilitatem hujus methodi probat, quam merito præferri educationi foetus; quæ tamen quandoque necessaria est, si caput infantis non respondeat uteri orificio, sed situs præternaturalis sit. Verum notat simul, sensum tentatam oris uteri dilatationem facere, ut minori cum molestia per pedes educi possit infans, si necessitas id postulet.

Simul optime manet, hæmorrhagias uteri, post sextum, vel septimum mensem si contingerint, fere semper redire, licet optima medela, & debitas cautela adhibeantur. Credit enim, si placenta ab utero pro parte separata fuerit, hæmorrhagiam cessare, non quod nova unio separatæ placenta cum utero facta sit, sed quia thrombi sanguinis coagulati vasa patula obturant, qui levi de causa elabi possunt, unde hæmorrhagiæ recidiva metuitur. Tamen uteri Gravidæ indagator (*) putat, se invenisse in propria uxore, quod placenta, pro parte soluta ab utero, denuo illi firmissime accreverit. Sanissima enim hæc, quarto mense gravis, dum per gradus descenderet, cespitante pede perterrita, non lapsa, fuit; nec unquam ante a majoribus etiam terroribus minimum passa fuit incommodum: post aliquot dies nocte urinam emittit, & mox se ad somnum, componit. Mane invenit urinam admisto sanguine profunde tinctam, & in lecto maculam subflavescentem, pedalis fere magnitudinis, nonnihil glutinosam, atque in ambitu zona angusta sanguinea cinctam. Abortus metuebatur; sed idoneis remediis, & quiete factum fuit, ut reliquos graviditatis menses sana peregerit; & ipso, quem signaverat, die puellam peperit sanissimam, torosam, ad oculum ante genitis omnibus robustiorem. Verum placenta, cujus majori, minorive secessui ab utero illa sanguinis fluidi profusio verosimiliter imputari poterat, jam adeo arcte accreta erat, ut non nisi iterato obstetricantis manus conamine solvi potuerit: prodiiit autem in uno latere multum lacerata: postea accurato examine apparuit membrana tenuis, subpellucida, omnino homogenea, placentam tegens, exceptis solummodo locis vulperatis, ad quorum limbos facile distinguendo termino definebat.

Ex quibus videtur constare, placentam pro parte separatam, posse denuo firmiter utero uniri, neque tunc adeo metuendum esse, ne uteri hæmorrhagia redeat.

(*) Noortvvyk de utero gravido pag. 97. 28.

§. 1309. **N**equè refert, quoniam gestationis tempore id acciderit, cum melius sit perire; vel aliter periturum foetum, salva matre, quam perire certo utrosque.

Haec erat olim sententia *Mauriceau* (p), in haemorrhagia uteri educendum esse foetum quantocumque, licet per tres tantum menses, imò & minori adhuc tempore gravis foret. Verum hoc graviditatis tempore os uteri magis connivet, saepe & altius locatur, ut non adeo commode tangi possit digito, & multo minus aperiri sic, ut foetus educi possit, qui etiam cum mole minor sit, difficilius prehendi, nec ob corpusculi molliem digitis firmite teneri poterit. Fatetur tamen *Mauriceau* (q), si orificium uteri non satis apertum fuerit, melius committi totum opus naturae; sed hoc graviditatis tempore raro, si unquam, contingit, ut patulum sit ita os uteri, ut absque vi plures digiti introduci possent. Alia difficultas est, quod certus nemo esse possit de mole foetus circa tertium mensem: ingens diversitas in abortibus, quoad magnitudinem, animadvertitur, licet graviditatis menses tres tantum numerentur gravidæ, & circa hoc tempus frequentius contingant abortus. Nec mirum hoc apparebit, si consideretur, embryonem, qui vivere incepit tantum, esse jam mortalem. Verum non statim expellitur de corpore materno embryo, licet mortuus fuerit; unde poterit tertio mense, vel citius haemorrhagia uteri nasci, licet parvulus, mollis, & post mortem fere diffusus, embryo in utero contineatur, qui digitis obstetricantis prehendi non possit. Caudice fatetur *Mauriceau* (r), se observasse in mulieribus, quæ tertium graviditatis mensem numerabant, abortum apud magnitudinem tantum, quandoque maximi digiti longitudinem habuisse, & numerosis observatis hoc quotidie confirmatur. Verum quidem est, male computari potuisse graviditatis initium; sed illum calculi errorem adeo frequentem fuisse etiam in mulieribus, saepius graviditatem expertis, vix verosimile videtur.

Hinc in haemorrhagiis uteri, quæ primis graviditatis mensibus contingunt, ob rationes dictas non videtur commendari posse foetus educio. Omnes enim fatentur, rarius perire ex abortu mulieres hoc graviditatis tempore. Plures servatas vidi illis auxiliis, quæ §. 1307. laudata fuerunt, quamvis, ob profusam haemorrhagiam convulsæ, jamjam morituras ab instantibus crederentur.

Longe magis periculosam esse uteri haemorrhagiam sequentibus graviditatis mensibus, apud omnes in confesso est, cum uteri vasa magis magisque dilatentur: neque tamen tunc & matris, & foetus servandi certa desperatio. Foemina sana, quinque menses gravis, de scalis delabatur in pavementum lapideum; mox sequitur ingens haemorrhagia uteri, & quidem tanta, ut statim advolans, cum in vicinia habitarem, invenerim totum pavementum san-

h 4

guine

(p) Liv. I. chap. XXI. pag. 171.
IV. pag. 80.

(q) Ibid. pag. 172.

(r) Ibid. chap.

guine inundatum. Mox in lectum reposita in animi deliquium labitur. Peritus in arte obstetricia Chirurgus vocatus nil tentare audebat, cum mox expiraturam crederet. Diligenter usus sui laudata §. 1307. methodo, & cum adstantes adamussim exsequerentur omnia, quae suadeham, a tanto periculo evasit non tantum, sed & debito tempore peperit infantem sanum.

Similem haemorrhagiam in alia muliere, quae sexto graviditatis mense lectum ingredi volens, divaricatis cruribus in durum obstaculum impegerrat, eodem cum successu, & eadem methodo curavi.

Neque etiam immaturos foetus certo perire debere, constat exemplo *Fortunii Liceti* (1), cujus mater gravida, succussibus in molesto itinere, & gravis tempestatis terrore, abortum passa fuit, credens, se non multum a septimo graviditatis mense abesse: recens natus non superabat palmarum magnitudinem. Pater Medicus tamen non desperabat de conservando filio, & tenerum corpusculum fovit in furno tepido, simili fere artificio, ac Aegyptii ova tractare solent, ut absque incubatu gallinae pulli excludantur; nutricem instruxit, quomodo alere deberet tenellum, & sollicitudinis suae praemium hoc nactus fuit, ut non tantum adolesceret, sed multis operibus eruditus clarus octogesimo fere aetatis annum attingeret, dum moretur.

Ex quibus omnibus concludere licet, non desperandum esse in gravissimis etiam casibus, neque semper adhibendam esse educationem foetus ad salvandam matrem, sed praefarendam esse methodum, quam *Celeberrimus Puzos* monstravit, quae minus periculosa est, & felicibus successibus commendata.

(1) Baillet jugem. des sçavans Tom. V. part. I. pag. 239.



PARTUS DIFFICILIS.

§. 1310. **P**artus difficilis fit vitio Matris, Infantisve.

Proprie loquendo, nullus partus absolute facilis dici potest, postquam peccati poenam statuit *Hevae* Deus: *Multiplicabo acrumnas tuas, & conceptus tuos: in dolore paries filios* (1). Dolores ergo semper adsunt, graviores, & diuturniores quidem in his, leviores, & breviores in aliis; tamen naturalis partus sine dolore nunquam est. Contingere potest, ut, licet valida doloris addit causa, tamen non sentiat; sed tunc monuit *Hippocrates* (uti ad §. 1. dictum fuit; *Qui aliqua parte corporis dolentes ut plurimum dolorem non sentiunt, illis mens laborat* (2). Quandoque enim accidit, ut convulsae, vel apoplecticae jam, foetum emittantur parturientes mulieres, dum doloris sensu carent; sed non ideo partus tunc facilis dici poterit, cum pessima quaeque metuenda sint. Unde merito damnavit *Hippocrates* (3) partum citra dolorem, tantum periculosum.

Dum haec considerantur, patet, non adeo facile esse adaequatam definitionem dare partus difficilis, cum naturaliter nunquam sine molestia, & dolore partus contingat. Difficile enim videtur limitem noscere, qui distinguat partum facilem ab alio, qui jam difficilis nomen meretur, licet inter difficiles nondum numerari possit. De his enim tantum per comparisonem judicari potest. Quaedam enim mulieres facilius, aliae difficilius pariunt: imo in ead. muliere partus quandoque facilius est praecedenti, quandoque difficile, uti toties observatur. *Hippocrates* (4), postquam dixerat, mulierem facile parere, si foetus capite prodeat, difficile autem, si transversum, vel per pedes exitum molitur, subjungit sequentia: *Ex quæperis autem maxime laborant primiparae, quod dolores nondum expertae fuerint, (sua via, æquior viæ viæ); & dolens quidem toto corpore, maxime autem lumbis, & coxendicibus, nam coxendices ipsi diducuntur. Quæ vero magis partus expertae sunt, minus dolent primiparis. At quæ multoties pepererunt, omnium minime dolent.* Quamvis enim facilitatem, & difficultatem partus a vario situ foetus deduxerit, tamen difficultatem partus in primiparis agnovit absolute, absque respectu ad diversum foetus in utero situm.

Sole.

(1) Genes. Cap. III. vers. 16.

(2) Aphor. 6. Sect. 2. Charter. Tom. IX. pag. 47.

(3) Coac. Praenot. N. 538. Charter. Tom. VIII. pag. 884.

(4) De Natura Pueri Cap. XI. Charter. Tom. V. pag. 324.

Solebat a multis definiri partus difficilis, quod sit *exclusio fortis cum magna molestia*; una cum periculo matris, & foetus, vel utriusque. Verum pleraeque puerperae difficulter pariunt, quamvis non tantum discrimen matri, aut foetui imminet. *Mauriceau* (y) divisit puerperium in legitimum, sive naturale, & illegitimum, sive contra naturam. Quatuor autem conditiones posuit, ut legitimum, & naturale dici possit: ut nempe fiat debito graviditatis termino, prompte, & sine gravibus accidentibus; ut foetus prodeat vivus, & bono situ. Si una ex his conditionibus defuit, tunc non esse vocandum puerperium legitimum, & naturale, dixit, sed contra naturam potius, & quidem eo magis, quo plures ex his conditionibus adsint. Certum tamen est, in primiparis raro partum prompte contingere, licet omnia se naturaliter habeant. Imo, licet vulgus credat, felix esse puerperium, quod cito absolvitur, & parientes nil magis desiderent, tamen rerum gnari aliter judicant (z). Raro quidem nocet infanti praecipuus partus, sed saepius insaufus est matri, & quandoque funestus: periculum enim est, ne mox post partum pereat immani haemorrhagia: praeterea partes, per quas transire debet nascens infans, in lentiori partu sensim dilatantur, & cedunt; in praecipiti partu saepe dilacerantur; unde plurima mala metuenda sunt.

Interim praeter partum naturalem, & contra naturam alio in loco *Mauriceau* (a) memorat & partum laboriosum, in quo parturiens, ac infans, licet bono in situ fuerit, plus solito pati debent; difficilem autem partum ad laboriosum reducit.

Cum *Mauriceau* (b) ad legitimum, & naturalem partum statuerit requiri, ut debito graviditatis termino fiat, & ille plerumque nono graviditatis mense finito statui soleat, novimus, quo tempore expectandus sit partus. Simul autem patet, non tam facile exactum calculum hic haberi posse; cum non omnes foeminae noverint praecise conceptionis tempus, & plures se tantum gravidas suspicentur, dum observant, menstruum fluorem cessare; imo & quibusdam jam gravidis quandoque aliquid sanguinis menstrui solito tempore prodeat: unde omnes, qui de puerperio scripserunt, fatentur, illum terminum varium saepe esse, dum non tantum nono, sed decimo mense graviditatis absoluto, imo adhuc serius, partum naturalem contigisse, asserunt. Sic legitur (c); *Foeminam huius, atque honestis moribus, non ambigua pudicitia, in undecimo mense post mariti mortem peperisse; saltemque esse negotium propter rationem temporis, quasi marito mortuo postea concepisset, quoniam decemviri, in decem mensibus gigni hominem, non in undecimo, scripserunt. Sed divum Hadrianum, causa cognita, decrevisse, in undecimo quoque mense partum edi posse. Idque ipsum ejus rei decretum nos legimus: in eo aceto Hadrianus id statuere se dicit, requisitis veterum Philosophorum, & Medicorum sententiis. Plures casus recenset La Motte* (d), ob candorem suum, & optimam fidem celebris, qui docent, terminum

gr.

(y) Livr. 2. chap. II. pag. 202.

(z) Levret l'art des accouch. pag. 93.

(a) Ibid. chap. X. pag. 250.

(b) In loco modo citato.

(c) Aul. Gellii

noct. Attic. Lib. III. Cap. XVI. pag. 103.

(d) Traité des accouch. &c. Liv.

I. Cap. XXVIII. pag. 121. &c.

gravitatis quandoque & limites a *Divo Hadriano* statutos excedere. Putat autem, hoc imprimis tunc contingere, si debilior foetus ad debitam nutritionem, & incrementum indigeat diuturniori in utero materno mora. Mirabilior longe casus legitur (e) de muliere, quae sex septimanis nupta incepit solita graviditatis incommoda pati: menstrua tamen non cessabant: circa medium quinti mensis sensit infantis motum, & turgebant mammae; octavo mense ex papillis aliquot guttae lactis spissi, rubelli exibant; noni mensis initio crura tumebant, & venae fiebant varicosae; undecimo mense aderant validi dorso, & ventris dolores; vocata obstetrix nullam ad partum dispositionem inveniebat; sequenti die tres circiter librae aquae rubellae effluerunt; dolores illi manserunt per triduum, mensium parca copia prodit, dolores cessabant, & optime se habebat, manente abdomine tumido; & mammae admodum turgebant.

Peritissimos Medicos, ac Chirurgos consulebat, & Celeberrimum etiam *VVinslov*, qui in vicinia rusticabatur: omnes affirmabant, illam gravidam esse.

Decimo octavo mirae illius graviditatis mense menstruus fluor, haecenus ruber, in album mutatus est, & solita semper periodo rediit; motum infantis se sentire, testabatur: peritissimus tamen Chirurgus, abdomen tangens, nulum infantis motum percepit, sed ventrem tensum tympani copia invenit. Per sedecim adhuc menses in eodem statu mansit, nisi quod crura detumuerint, venis tamen manentibus varicosis. Trigesimo quinto mense peperit infantem masculum, qui per triduum vixit: mater autem ex puerperio surrexit sana. Infans, & placenta solitam habebant molem. Eadem haec foemina paulo post puerperium denuo omnia graviditatis signa habuit; & credit, se motum infantis sentire in tumido enormiter abdomine, quod jam per quinque annos, & octo menses gestat, caeterum sana, & ad solitos apta labores.

Sed & quibuldam mulieribus familiare est, ante novem menses absolutos parere: vidit *La Motte* (f) juvenulam, quae septem a matrimonio mensibus filium pepererat, dubitante marito de conjugis castitate: a primo post absolutum puerperium congressu impraegnata, peperit denuo filium septimestrem; ambo tamen adoleverunt, & militiae nomen dederunt. Filiae ejusdem mulieris pariter septimo mense pepererunt. Unde videtur, in hac familia gentilicium fuisse morem, ut septimo mense partum excluderent. Similis & alter casus ibidem legitur.

Unde statuit *Mauriceau* (g), tunc partum sequi, quando uterus majorem extensionem non patitur; quod vel ab utero ipso pendere potest, uti praecedenti capitulo dictum fuit, vel etiam a velociori, aut tardiori incremento foetus, uterum replentis. Ob hanc rationem credit, mulieres, quae gemel-

loos

(e) Académ. des scienc. l'an 1753. in 4. Hist. pag. 139. & seq.

(f) Traité des accouch. Liv. I. chap. 28. pag. 322.

(g) Liv. II. chap. 2. pag. 204. 205.

los in utero gerunt, citius parere, cum magis distendatur uterus, & frequentiori foetuum motu magis irriteretur. Septimestres autem partus adeo parum vitales habuit, ut dicat, se nullos vidisse, qui plus quam per quindecim dies vixerint. Observata autem *La Motte*, ac aliorum contrarium docent; & memini, me aliquot vidisse adolescentes sanos, ac robustos, de quibus certus esse poteram, quod septimo mense nati fuerint. Verum tamen est, quod plerumque debiles sint, & minoris molis. Si foetus, palmam manus magnitudine aequans, educari potuerit, ut ad octogesium annum vitam produxerit, multo magis id de septimestri partu sperari poterit. Neque soli *Liceto* (vide §. 1309.) haec fortuna contigit, ut potuerit educari praeter omnem spem; recentior enim observatio, & magis mira idem docet. Quarto graviditatis mense excludebatur foetus, vivus quidem, sed pusillus, & debilis admodum: non plorabat, & vix respirare videbatur, oculi clausi erant, membra flaccida, & pendula; leves quidam motus, & calor corpusculi testantur vitam soli: mollibus tectus linteis, blando fovebatur calore, guttatim dabatur pauculum lactis tepidi, quod deglutiit; mansit in eodem praecise statu per quatuor integros menses, levissimos tantum motus faciens; nullum edebat planctum, nullum excrementum deposuit. Post quatuor hos menses absolutos incepit plorare, excrementa deponere, corpus movere, ubera ducere, & crescere, simili modo, ac alii infantes, & tam feliciter quidem, ut circa decimum sextum a nativitate mensem coetaneum robore superaret (*b*). Jure mirabatur egregius auctor, quod praecox ille fructus vixerit vitam foetus toto illo tempore, quod deerat justae maturitati.

Videtur autem tota graviditatis historia docere, quod foetus magis magisque perficiatur in utero, & majus robur acquirat, adeoque non patet ratio, quare octimestris foetus debiliior, & minus vivax foret, quam septimestris, ut *Hippocrates* voluit, quem plurimi alii secuti sunt: verum quidem est, certa observata semper praevalere in Medicina, quantumcunque ratiocinium etiam videatur probare oppositam sententiam; sic *Pew* (*i*) testatur, plurimos infantes septimo mense prodire robustos, & vegetos, octavo autem mense ut plurimum debiles, & vix vitales: contrariam tamen sententiam ex multiplici observatione tuetur *Mauriceau* (*K*). Videri potest de his *Drelincurtius* (*l*), qui videtur satis bene probasse, quod octimestris foetus, si casu, vel morbo exeat, periculose habeat, si autem sponte prodeat, aequae possit vivere, ac septimestris.

Cum ergo ex ante dictis satis constet, terminum graviditatis satis incertum esse, non tantum in diversis, verum etiam in eadem muliere, dicendum erit de illis signis, quae partum brevi futurum designant, uti & de illis, quae actu parturire gravidam docent, & ex quibus indicis, partum facilem, aut difficilem futurum, cognoscere possit Medicus.

Ali-

(*l*) Brouzet Essai sur l'éducation medic. &c. pag. 37. & seq. in nois.

(*i*) La Pratiq. des Accouchem. Liv. I. chap. 9. pag. 95.

(*K*) Loco modo citato.

(*l*) In Opuscul. pag. 120.

Aliquot ante partum diebus tumor ventris descendit, detumescēte superiori parte abdominis, dolor insolitus lumborum percipitur, urina frequentius, sed difficilior, dimittitur, mucosus ex vagina humor fluit (*m*). Haec signa quidem iustam dant suspensionem, quod partus tempus appropinquet; verum non dant certam cognitionem. Illo enim tempore, dum vertitur infans, qui antea capite versus superiora locabatur, plura ex his signis observantur. Illa foetus versio solet frequenter octavo graviditatis mense contingere, quandoque citius, aut serius; & partum tunc jam instare, creditur. Saepius se hoc vidisse, testatur *Mauriceau* (*n*), & praecipue in Chirurgi uxore, quae octavo mense, dum vertebatur infans, credebatur certissime, se parituram, dum magnos sentiebat in abdomine dolores; unde omnia necessaria disponebat. Verum post integrum mensem adhuc gestavit infantem, & deinde feliciter peperit: idem & in propria uxore, & in aliis pluribus observavi. Unde, dum similia signa observantur, non temere praedicendum est, certo partum instare.

Tunc autem scimus, parturire gravidam, si dolor in lumbis adsit, non continuus, sed per intervalla recurrens; qui dolor, per latera abdominis pergens, versus pubem terminatur, cum tenesmi deprimentis quasi sensu; hi veri dolores ab obstetricibus solent vocari; spurii vero, si solum abdomen doleat, vel in abdomine orti versus lumbos recurrant: partum enim non promovent spurii illi dolores; imo potius retardant, &, si molesti admodum fuerint, opiatīs tolli debent, tuncque sequuntur veri partus dolores; uti & in propria uxore, ac aliis plurimis, observavi. Pulsus tunc fit frequentior, & elevatur magis; respiratio difficilior videtur, dum ad singulos dolores puerperae nixum facientes inhibent animam. Omnia autem haec, instante jam partu, sunt validiora, dum dolores validi se invicem proxime sequuntur. Dixerat *Hippocrates* (*o*); *Affero autem, mulierem, ubi paries, crebrum spiritum omittere &c. Tum vero potissimum crebro respirat, ubi partui proxima est, tuncque maxime lumbis dolet; nam & lumbi a foetu percuriuntur.* Omnia haec signa collegit *Mauriceau* (*p*); qui simul addit, pudenda tunc tumescere, monetque, saepe tunc vomere parturientes; quod signum non esse malum, uti vulgo creditur, sed proxime instantis partus indicium, testatur; quod & frequenter vidi; & *Manningham* (*q*) confirmat, dicens: *Vomitur vero inter puerperae labores, si supra modum non sint, nunquam non utiles sunt.* Narrat *Le Moine* (*r*), quod adlitterit parturienti, quae ad singulos partus dolores vomebat, & inde pessime agebatur, dum in praecedentibus puerperis nunquam simile quid experta fuisset. Cum se accingeret, ut miseram hunc metum tolleret, ultimus dolor aderat, qui sanum infantem expellebat. Multiplici edoctus experimento, vomitum quidem pro signo instantis jam par-

(*n*) *Mauric. traité des malad. des femm. gross. Tom. I. Liv. II. chap. 2. pag. 211. 212.*

(*a*) *Ibid. chap. V. pag. 235.*

(*o*) *De Morb. Mulier. Lib. I. Cap. 32. Character. Tom. VII. pag. 749.*

(*p*) *In loco mox citato pag. 212.*

(*q*) *Art. obstetric. compend. pag. 42.*

(*r*) *Traité des accouchem. chap. XXV. pag. 114.*

(*r*) *Traité des accouchem. chap. XXV.*

partus habuit, monuit tamen prudenter Chirurghi obstetricantes, ne facile, vel ex hoc, vel aliis signis, absolute felicem partum praefagiant, cum prae-ter omnem spem quandoque adversa contingant, absque cognita evidenti causa. Certe de vomitu, qui partus tempore contingit, *Manningham* (1) monuit sequentia: *Violentis doloribus subito deficientibus, si superveniat vomitus, metuendum est, ne laceretur uterus.*

Notavit & *Mauriceau* (2), instante jam partu, totum corpus tremere puerperis, praecipue tamen crura, & femora, sed absque frigore, & calente toto corpore: tremor autem ille non est mali ominis, sed potius naturalis. In facris enim literis legitur (3), Deum *Moyfi* dixisse: *Hodie incipiam mittere terrorem, atque formidinem tuam in populos, qui habitant sub omni caelo; ut audito nomine tuo, paveant. Et in morem parturientium contremiscent, Et dolore teneantur.* Solet tunc simul adesse, vel paullo post sequi, ut humores ex utero fluentes sanguine tingantur, quod merito habetur pro signo, brevi partum finitum esse; neque leve illud sanguinis effluvium fit a laceratione oris uteri, sed potius a separatione chorii ab utero, dum aquae prominere incipiunt, uti in praecedenti Capitulo de gravidarum morbis dictum fuit (4). Summopere autem necessarium est, ut bene distinguatur, an veris partus doloribus laboret gravida, an non. Monuerat enim sollicite *Manningham* (5): *Infans, se subvertens, in supremo gestationis mense, motu insolito falsos saepe dolores citet, qui etiam nixus mature nimis afferunt.* Minus peritae enim obstetrices urgent quandoque gravidas, ut validis nixibus juvent dolores, qui oriuntur a versione infantis, nondum ad partum maturi; imprimis, si simul os uteri apertum jam tangant. *Mauriceau* (6) recenset talem casum: vocabatur ad gravidam, quae se parturire credebat; idem adfirmantibus binis, quae aderant, obstetricibus: tactu explorans, invenit os uteri hians ad pollicis latitudinem, tangebatur caput infantis. tectum membranis, quae flaccidae adhærebant capiti, nullo modo tensae, aut turgentes: licet per sex dies tormina ventris habuisset, spurios nempe dolores, & os uteri biare, tamen nullam adesse ad partum dispositionem, dixit *Mauriceau*, ac leni clymate applicato, una cum tepore lecti, cessaverunt illi dolores, & per integrum mensem gravida haec potuit alacriter rebus suis domesticis vacare; tuncque felix infantis vivi partus sequebatur. Unde merito conclusit, omnia partus instantis signa esse incerta, nisi adsint dolores veri, qui ex lumbis incipientes versus pubem tendentes desinunt, cum tenefmi sensu; simulque aquae formari incipiant; id est, digito percipiantur membranae, aqua inter has, & caput infantis collecta turgidae, prominentes per apertum os uteri, illudque replentes. Solis enim oris uteri aperturam fallax dare instantis partus signum, tanquam axioma in arte obstetrica posuit *Manningham* (7), dicens: *Aperto*
oris

(1) Art. obstetric. compend. pag. 15.

(2) Deuter. Cap. 2. ver. 25.

(3) Genes. I. pag. 213.

(4) Loco modo citato pag. 214.

(5) In loco modo citato pag. 212. 213.

(6) Maurice. traité des malad. des femmes

(7) Art. obstetric. comp. pag. 14.

(8) Loco modo citato.

oris uteri mulieris gravidæ non semper parturitionis est signum certum; nonnunquam enim orificium adeo patefactum in quibusdam invenitur, ut digitum inferri sinat, mense ante partum.

Postquam jam per signa certa constitit, partum instare, optime monet modo laudatus auctor (a): *In principio doloris quaerendus est foetus, & uteri situs; ut nempe præsagium haberi possit de facilitate, vel difficultate futuri, partus atque etiam mature adhiberi possint illa artis obstetriciæ auxilia, quæ malum infantis in utero, vel & ipsius orificii uteri, situm mutare, & emendare poterunt.* Plurimæ enim perierunt puerperæ, quæ servari potuissent, si statim hæc exploratio facta fuisset. De hac negligentia, vel imperitia obstetricum passim apud artis obstetriciæ scriptores inveniuntur querelæ.

Præcipua signa, ex quibus felicem partum augurari solent obstetricantes (b), sunt sequentia: *Si uteri infima pars in pelvim illapsa fuerit, ita ut in limine vaginæ facile tangi possit: Si os uteri tenue, molle, lateque patulum sit, & per aperturam oris uteri deprehendatur, infantem capite ad exulsionem prævio, sive prono ferri, neque brachio, neque funiculo umbilicali intercedente, si simul aquæ in latitudinem se complant, nonnisi facili, celerique partus expectandus est.*

Omnia hæc signa sane bona sunt: sed tamen ex his nondum certi sumus de aliis obstaculis, quæ latere possunt: circumvolutio funis umbilicalis circa collum, vel alia membra infantis potest partum difficilem reddere: ita etiam hydrocephalon, tumens nimis abdomen, monstrofa figura, &c. Unde omnia rite ad felicem partum disposita esse, ex his quidem concludi potest; sed tamen absoluta certitudo facilis, & felix partus haberi non potest; hinc semper aliqua cautela in hoc præfatio opus erit.

Partus difficilis autem prævidetur, si contraria præcedentibus signis observentur: *Os uteri altius, parum, aut omnino non apertum, præacutum, crassum, atque durum, aut humores in longitudinem coarctatos.* Tunc enim membranae aquis distentæ non efficient planum, vel subrotundum tumorem, sed d'arce minis instar elongabuntur: si autem ex his signis difficilis partus prævideatur, nunquam hoc parturienti indicandum, sed amicis, ac adstantibus tantum, & prudenter quidem.

Patet satis ex dictis, obstacula, quæ partum difficilem reddunt, pendere vel a matre, vel a foetu, vel quandoque ab utrisque; & tunc solent difficillimi partus sequi. Hæc autem jam seorsum consideranda veniunt.

§. 1311. **V**itio Mâtris, deficientibus viribus ad expellendum, vel partibus ipsis naturalibus male se habentibus.

Cum homo, proportionem habita ad reliquas partes corporis, caput majus habeat, quam reliqua animalia, ideo & foemina humana difficilior parit, ac

(a) Art. obstetric. compend. pag. 15.

(b) Deventer novum lumen obstetric. Cap. 18. pag. 62. 63.

validiori indiget nixu; ad quem requiruntur debitae vires. Solet quidem dici, quod sanus, & robustus foetus suis conaminibus matris parturientis nixus adjuvet, ut in dias luminis auras erumpat citius: si autem omnia rite considerentur, patet satis, parum, aut nihil foetum hic juvare posse: motu membrorum suorum, & dilatatione oris uteri per caput ingrediens facta, uterum irritat, & matris nixus excitat, per quos solos propellitur ex utero. Qui enim vel semel parturientem mulierem vidit, novit, quanto labore, quanta vi agat puerpera, dum foetus nascitur: animam retinet, omnes musculi fere corporis rigent, pedibus fulcro sustentatis firmo, manibus adstantes, vel obvia quaeque firmissimeprehendit, musculi abdominis, dorsi, colli rigent, facies rubicunda inflata turget, &, ut uno verbo dicatur, omnes vires totius corporis agunt, ut excludatur foetus, qui partus tempore pati, non vero agere videtur, &, si ageret, pauculum illud virium, quas tenellum corpusculum habet, nullo modo augere posset adeo validos parturientis matris conatus.

Novi, *Hervaeum* (c) statuisse, in viviparorum partu praecipuam nascendi causam foetus debere. *Molimini, inquam, ejus, non autem ponderi, ut Fabricius voluit, &c.* Ipse foetus prout capite uteri claustra aggreditur, eademque propriis viribus recludit, & in lucem elidatur. Credebat autem, sententiam suam inde praecipue confirmari, quod in oviparis foetus ipse, non autem mater corticem ovi effringeret, idemque contingeret in insectis pluribus, & piscium ovis. Sed in Anatome comparata opus est magna cautela, ne facile credamus, in humano corpore semper eodem modo contingere illa, quae in aliis animalibus observantur. Oviparorum ova, a matre deposita, si foecunda fuerint, blando tantum tepore indigent, sive mater fovendo per incubatum hunc praebeat, sive alio quocumque modo ille producat; uti hodie nimis notum est. Praeterea pullus durum jam rostrum habet, solidas ungulas, validosque pro ratione molis motus exercere aptus est: simul ac enim ex ovi claustro prodiit, currit alacriter. Nascens homo fetu suo alienam, qua statim indiget, opem poscit, nec unquam uteri claustrum suis viribus aperire poterit. An obtusa capitis foetus figura, ejusque moles aptum dabit instrumentum, quo dilatari possit uteri orificium, quod jam dilatatum esse debet, antequam caput foetus illud ingredi possit? Nixus materni, validaque uteri contractio, dum urgent dilatari jam inceptum uteri orificium, membranas humore plenas deprimunt in locum nimis resistentem; sicque formantur aquae, os uteri sensim magis dilatantes, capite foetus nondum ingressi uteri orificium. Ruptis membranis, aquis effluentibus, in partu naturali caput foetus illabitur, non vero suis viribus exit foetus, sed validissimi tunc sequuntur parentis nixus, qui partum absolvunt; quibus minime opus fuisset, si proprio conamine in lucem prodire potuisset foetus.

Conatus fuit *Hervaeus* (d) stabilire sententiam suam observatis: testatur autem sequentia: *Mulier quaedam apud nos (compertum marito,) sub vespere am-*

(c) De generatione animal. pag. 366. 367.

(d) Ibid. 368.

mortua, in conclavi sola relicta est: mane autem sequenti, inter femora ejus repertus est infans, qui proprio nisu exitum sibi comparaverat. De fide hujus observationis nullus dubito, cum & similia apud alios auctores legantur, & ipse talia contigisse probe noverim; sed minime videtur ex hac observatione concludi posse, quod proprio nisu exitum sibi fecerit infans. Notum est nimis, quam dubia sint mortis absolutae signa; neque mirum foret, si misera haec, pro mortua derelicta, revixerit denuo, & post novum pariendi conatum foetum excluderet, omnique destituta auxilio perierit.

Sed & ipse uterus, propria contractione sua, foetum, qui videtur partui proximus fuisse, exprimere potuit. Vidit De Graaf (e) in cuniculis dissectis uterum motu undoso, ac peristaltico quasi agitari, & propria sua vi foetum exprimere. Licet autem Harvaeus foetus viribus partum adscribere, dissimulare non potuit tamen, excludi quandoque foetus morbosos, & languidos, & quandoque ante debitum tempus prodire in lucem; verum tunc dixit, non tam partus sit, quam abortio, foetusque ejicitur potius, quam paritur (f). Solito tamen suo candore fatetur, quod uterus etiam huic operi auxiliares manus ferat, & probat exemplo mulieris, cui uterus prolapsus ad genua usque pendeat, capitis humani magnitudinem excedens; atque in ima sui parte dehiscens, madorem, & saniem (tanquam locus ulcerosus foret) profudit. Deinde addit sequentia (g): Ego re inspecta (scilicet enim non explorabam) cancerum, aut carcinoma uteri jam affore meruebam, ideoque ligaturam, & abscissionem meditabar; & inserta consului, ut blandis sicutis dolorem leniret. Nocte vero sequenti ex eodem tumore infans spithamae longitudine, perfecite formatus, sed mortuus protruditur, & postridie ad me deferretur. In hoc casu manifeste patet, nec matris nixus in pendulum extra vulvam uterum agere potuisse, ne foetum mortuum aliquid ad partum contribuisset; qui ergo soli uteri contractioni tribuendus est. Uterus ergo sua vi ad partum contribuit; & fatetur Harvaeus (h), quod non tantum in homine, sed etiam in aliis animalibus (utpote cane, ove, & jumentis) liceat observare, hunc commixtum non esse uteri, aut ventris solius actionem, sed totius quoque corporis conatum. Agnovit ergo & maternos, mixtus, tanquam partus causam; at tamen paullo post (i) difficillimum partum solis robusti infantis viribus tribuit. Mulier enim, quae, post difficilem, & laboriosum partum, integrum vaginae ambitum interiore laceratum, atque excoriatum habuit, ut postea vaginae latera prorsus inter se concreverint, unde nec virili membro, nec specillo quidem ingressus patuit, neque menstruum fluxui egressus, gravida tamen facta fuit, & instante partu, miseris dum torqueretur modis, omnem spem pariendi abiecit, maritoque, & amicis valedixit mortura. Cum ecce inopinatus, robusti admodum foetus summo conamine totus ille tractus dirumpitur, siquae insperatus partus; & validus infans sibi, matrique suae salutis auctor exiit, viamque apertam aliis post nascendis reliquit. Idoneis enim remediis adhibitis, mater

(e) De Mulier. Organ. pag. 325.

(f) Harv. de generat. animal. pag. 369.

(g) Ibid. 370.

(h) Ibid. 366.

(i) Ibid. pag. 368.

mater pristinam valetudinem recuperavit. Quis mortalium crederet, tantum obstaculum robustissimi etiam foetus viribus superari posse? An non potius summis miserae hujus puerperae nixibus deberetur? Hinc discimus, quantum in candidissimis, ingeniosissimis, & ad observandum quasi natis, viris possit praeconcepta opinio.

Patet ex his, debilitatem virium merito inter causas difficilis partus recenseri; unde optimo consilio, uti alia occasione ad §. 1291. dictum fuit, Spartanae virgines validis exercitiis firmabant corpus, ut, *strenue partus expicientes, bene, & facie adversus puerperii certarent labores.*

Sed & Spartana mater difficilem, imo quandoque omnino impossibilem experiretur partum, si partes ipsae naturales male se haberent, nec transitum nascituro homini permitterent, nisi difficillime.

§. 1312. **S**i vires deficient, hae excitandae sunt ope Uterinorum, Cardiacorum, Sternutatoriorum.

Summa hic opus habet prudentia Medicus, ne noceat imprudenti cardiacorum exhibitione. Rarius enim, quam creditur, puerperae debilitas partum reddit difficilem. Vidi toties, dum adstantes crederent, insignem adesse virium defectum, omnes miratos fuisse ingens robur, dum ultimis nixibus prodiret infans. Ipsa puerpera, & omnes adstantes in votis habent, partum accelerare. Verum antea monui in primiparis, quae omnium impatientissimae esse solent, celerem partum non esse tutissimum; praestare potius lentior, ut sensum cedant partes, non autem simul, & semel violente distendantur. Semper debemus memores esse prudentis *Galenii* moniti (vide §. 6.); *Sive purgans dederis, sive vomitorium &c., prima exhibitio in tua potestate est, reliqua sibi fortuna vindicat.* Si enim tempore parturitionis cardiaca calida frequentius, aut majori copia dederis, ad vires nempe instaurandas, vel partum accelerandum, haec pergent agere, postquam peperit mulier. Sed omnes Medici agnoscunt, nihil magis prodesse post partum, quam quietem mentis, ac corporis, & pacatissimum humorum motum; qui accelerabitur post partum, dum pergent agere stimuli cardiacorum, quae parturitionis tempore exhibita fuerunt largiori copia. Quam prudenter *Celeberrimus Boerhaave* (*) hoc monuit, dum nobiles olei *Cinnamomi* vires enumerat: *At oleo Cinnamomi suppar videre nondum contigit, quotiescumque collapsae gravidarum, parturientium puerperarum, vires, absque inflammatione, absque ruptis, haenusque viulsiis vasis.* Sed certe post partum, dum separatur placenta ab utero, hiulca sunt vasa, & copiosum sanguinem effundunt. Dum genuini partus dolores breviori se invicem intervallo sequuntur, pulsus sit plenior, celerior, facies tensa rubet, calor in toto augeatur corpore. Judicaret nunc Medicus, an in tali conditione corporis cardiaca calida stimulantia utilitatem habere possint? Quamvis enim in parturitionis initio talis status nondum adsit, tamen aderit brevi, etiam in puerperio quam maxime legitimo,

(*) *Chemiae Tom. 2. pag. 129.*

timo, & naturali. Solent in quibusdam locis circumferre obstetrices cistulas; spirituosis remediis plenas, quae parturientibus aliquando largiori dosi exhibent, & quidem tanto audacius, quo sunt minus peritae: unde saepe magna contingerunt infortunia. Si enim non a languore, sed a perverso situ foetus in utero, vel & uteri ipsius obliqua positura, difficilis partus fiat, tanto plus nocet obstetrix, quanto plus dolores urgeat, antequam mutato situ foetus, vel uteri levantur haec obstacula. Hinc, nisi certus sit Medicus de languore parturientis, nunquam exhibere debet cardiaca calida, & tunc adhuc tantum refracta dosi, repetitisque vicibus.

Urgent tamen haec obstetrices, parturientes, adstantes, & si neget, clam, inscio Medico, vel etiam invito, offerunt talia. Saepius fui in tali casu, & malui semper praescribere illa, quae noveram innoxia fore, quam morose negare omne cardiacum remedium. Aquae stillatitiae ex floribus sambucus, liliae, rosarum, ex cerasis nigris cum nucleis confusis, ex melissa, corticibus citri, arantiorum, & his similibus, grata fragrantia reficiunt, nec tamen calorem, & motum augent.

Nullibi magis dominantur mulierculae, quam puerperii tempore: insultant Medicis, tanquam rerum muliebrum ignaris: quaevis adstantium matronarum peculiare quoddam habet remedium, quod in principibus familiis per saecula jam usu probatum dicitur. Ratione agere cum his si quis vellet, oleum, & operam perderet, ac cum ratione insaniret. Magis profeci, dum facilem me monstrabam in adhibendis inanibus, imo saepe ridiculis, modomni periculo, & superstitione carerent. Nunquam me opposui, si lapidem Lyncei, Aquilae, & alia similis farinae de collo parturientis suspendere, vel femoti alligare vellent; imo, modo in reliquis obtemperare vellent, vel ipsum Helmontii (f) remedium concederem, quod ex selle, & hepate anguillae siccatis, ac in pulverem tritis conficitur; si non ex vino, sed ex aqua, vel vino multa aqua diluto, sumeretur. Pharmacum nimirum adhuc in stomacho existente, apertum sit os pubis, & valvae ossis sacri in lumbis, fictusque statim propulsus. Notavi scilicet, stomachum claves uteri gerere. Nugatur deinde, dum vult, ideo anguillae hepar, serpentis nempe aquatici, maledicti, rigorem minuire, quia propter serpentis invidiam mulier in dolore parere debuit. Maluit certe prudentior in his Mauriceau (m) blando alloquio animum erigere parturientis, & jusculo, vel pauco vino cum pane tosto vires languentes erigere.

Praeterea notandum est, languere quandoque puerperas vel ob diurnitatem parturitionis, vel etiam, quod frequentius longe contingit, ob metum doloris, & accipitis eventus; unde quandoque, in tenerioribus imprimis, hysterica anxietas sequitur; idco uterina, sive antihysterica remedia commendantur. Sufficiet in tali languore aliquot guttulas tincturae succini, vel castorei in aquis stillatis modo laudatis diluere, & cochleatum dare, donec levetur hoc malum.

Si

(f) In Capit. Jus Duumviratus pag. 247. N. 46.

(m) Traité des malad. des Femm. liv. 2. cap. 10. pag. 261.

Si autem magna, & subita debilitas oriatur, praecipue, si simul dolores cessent, magnum imminet periculum. *Viribus de repente deficientibus, lethalis extravasatio est metuenda* (n); dum sanguis vel undatim ex vulva profluit, vel in abdomen diffunditur, rupto utero; de qua re postea dicitur. Sponte autem patet, in tristissimo tali casu mortem accelerari per cardiaca calida, cum haemorrhagiam augeant.

Illud, quod sponte naturae contingit in morbis, si juvet, solet ars imitari: unde doctrina illa de nocentibus, & juvantibus magni momenti est in arte Medica: de qua re videantur illa, quae §. 602. septimo numero habentur.

Dixerat Hippocrates (o); *Mulier, uteri strangulatione vexatae, aut partus difficultate laboranti, sternutatio superveniens, bonum.* Notum est, inter sternutandum concuti totum corpus, omnes fere musculos subito, & convulsivo quasi motu agitari, conquassari omnia viscera: unde spes nascitur, dolores parturientis sic augeri posse, ut partus acceleretur.

Felix sternutationis in partu difficili effectus apud Harvaecum (p) legitur. Juvenula ob summum pariendi laborem in animi deliquium incidit, statimque adeo stupida, & comatosa facta est, ut nullis potuerit excitari remediis, licet varia tentata fuerint: cum autem nil deglutire posset, pennam, sternutatorio fortiori illitam, indidit naribus: licet autem adeo stupore obruta fuerit, ut neque inde sternutaret, nec excitaretur, tamen totius corporis convulsione quadam tentari coepit, quae, ab humeris incipiens, paulatim per totum corpus ad inferiora pertingebat. Quotiescumque autem adhibebatur ille stimulus, promovebatur partus; tandemque, infans matre, & comatosa adhuc manente, natus est infans sanus, ac vegetus. Non notat tamen, an haec puerpera ad se redierit postea, & evalerit, an non.

Pater inde, irritatis per acre sternutatorium aervis, etiam non sequente sternutatione, auctos fuisse pariendi conatus, cum felici successu. Si autem facies vultuosa, rubra, oculi turgentes, calor magnus capitis adessent simul in tali parturiente, facile intelligitur, largam venae sectionem praemittendam esse, antequam validi illi sternutationis concussus tuto tentari possent. Secus enim vasorum in capite ruptura, & lethalis apoplexia metuenda foret. Unde etiam Mauriseau (q), dum laudat in convulsis parturientibus sternutatoria, venae sectionem suadet prius, nisi convulsio post profusam haemorrhagiam secuta fuerit. Certe singulus, quem pro convulsionis specie Hippocrates habuisse videtur, cum aequae repletionis, ac inanitionis fiat, ut convulsio, solvitur sternutatione (r). Cui sententiae etiam accedit Galeenus (s), dicens: *Signum itaque bonum est, quia indicat, naturam prius serpentem nunc exfussitari, ac recreari, & propriarum motionum reminisci.*

(n) Manningham art. obstetric. compend. pag. 15.

(o) Sect. V. Aphor. 35. Charter. Tom. IX. pag. 215.

(p) De generat. animal. pag. 366.

(q) Livr. 2. chap. 28. pag. 335.

(r) Sect. VI. Aphor. 13. Charter. Tom. IX. pag. 255.

(s) In comment. ad Aphor. 35. Sect. V. Ibid. pag. 215.

§. 1313. **S**I uteri collum internum nimis angustum, durumve, linimentis succurrendum quantum possibile, ut lubricum emollescat, vel foru.

Consideranda jam sunt impedimenta, quae in partibus naturalibus male se habentibus observata fuerunt, quibus partus difficilis merito tribui potest.

Foetus haeret in uteri cavo, ex quo per cervicem uteri, ejusque orificium exire debet, ut partus fiat. Cervix autem illa uteri solet & collum internum vocari, ut distinguatur a vagina, quae a quibuscumque collum uteri dicitur, sed externum; forte minus proprie. Notum est pyriformem figuram utero plerumque tribui, cujus superior, & latior pars fundus, inferior autem, & angustior cervix dici solet. *Eustachius* (1) uteri integri, & disfecti figuras dedit; sed in non gravidis mulieribus talis est: apparet autem uteri cavum, triangulare quasi, superiori parte latius, convergere, & angustari, ubi incipit cervix, sive collum internum, quod descendendo iterum dilatatur ad os uteri usque. In utero autem gravido fundus sensim magis magisque distenditur, & assurgit; sed & postea uteri cervix incipit dilatari, ita quidem, ut circa tertium graviditatis mensem quarta pars supremæ cervicis aequè distenta jam sit, ac uteri fundus. Quinto mense auctus magnitudine fundus occupat medium spatium, quod inter summitatem osium pubis, & umbilicum interjacet; sed hoc tempore dimidia cervicis longitudo extensa est. Septimo mense fundus umbilicum tangit; octavo mense fundus mediam distantiam inter umbilicum, & scrobiculum cordis occupat; nono mense scrobiculum cordis attingit fere; & tunc tota cervix uteri distenta est (2); tunc autem cervix uteri disparet quasi, unum cavum faciens cum fundo, quod adultum jam foetum continet. Si consideretur exactissima figura uteri foeminae, in quintum mensem gravidæ (3), patet, jam maximam partem cervicis, sive colli uterini interni deletam quasi esse distensionem: notandum tamen est, illud, quod superest de cervice, brevius apparere, quam revera est, quia orificium uteri antrorsum incurvatum est, ut ejus interior superficies melius oculis pateret (4). Saltem inde patet, ultimo graviditatis tempore, instante jam partu, de cervice uteri vix quid superesse, cum tota jam dilatata, una cum fundo, magnum cavum faciat. Hinc tunc in summitate vaginae nil de cervice tangi potest explorantis digito; sed solum os uteri occurrit, miro pariter modo jam mutatum. In initio graviditatis enim illud tangitur exacte clausum, oblongum, prominens, fere instar rostri canis recens nati; sensim postea crassescit, & emollitur, ad sextum circiter mensem; post quem incipit minui in omni sua dimensione, in eadem proportionem, qua uterus magis distenditur, ita ut, partu appropinquante, totum complanetur, quasi confusum cum uteri tumentis globo: superest:

(1) Tabul. 13. & 14. (2) Brudenell Exton &c. 5. pag. 117. 118.

(3) Noortwyk de utero gravido pag. 203. (4) Ibid. pag. 206.

perest tunc tantum parva circularis eminentia: in quibusdam tamen foeminis ultimis graviditatis mensibus uteri orificium crassius est, mucosis madescens humoribus; sed tunc laxum, & molle tangitur, non vero compactum, & firmum, uti in primis graviditatis mensibus fieri solet (y).

Cedere ergo posse debet non tantum uterus, sed & ejus cervix, graviditatis tempore, ut crescenti foetui commodum praebeat spatium; quod nisi fiat, abortus metuendus est, uti praecedenti Capitulo de gravidarum morbis dictum fuit.

Verum & uteri orificium pariter cedere debet, ac facile dilatari partus tempore; & licet in graviditatis initio clausum inveniat, videtur tamen postea demum aperiri. In utero mulieris, quinque menses gravidae, orificium manifeste biat, autum valde, in ambitu rugosum, glutine quodam tenaci, coloris ex rubro profunde fusi, tanquam thrombo, infarctum: quod, utero dein per annum in convenienti spiritu servato, totum dissolutum aperturam reliquit transverso pollice longam, & profundam, latitudinis ubique fere aequalis, cui facile quovis loco calamus scriptorium immitteres (z).

Aderant autem in margine externo dicti orificii pori, admodum conspiciui, simili glutine pleni, & globuli pellucidi; ad aliquam profunditatem cervicis substantiae immerfi, simili materia turgidi.

Adest ergo in his locis secretionis apparatus, ut & uteri hians orificium obrueretur, & partes molles, ac lubricae serventur, ut facile dilatari, & cedere possint. Verum iidem illi folliculi, morbofi si fuerint, partum impedire poterunt. In muliere enim primipara, quae inter partus dolores, non excluso foetu, exspiraverat (vide §. 486.), inventum fuit matricis collum obturatum substantia glandulosa, quae utero cohaerebat, & parvis hinc inde foraminibus perforata erat. Quandoque & observatum fuit, in mulieribus admodum foecundis has lacunas mucosae abolitas fuisse tandem; unde ultimi partus fuerunt magis laboriosi.

Observatur autem, uti ante dictum fuit, aliquot diebus ante partum de vagina prodire humorem mucosum, & genitalia perpetuo madescere, sicque omnia lubricari, ut facilius nascituro foetui praepararetur transitus. Hippocrates (a), ubi recenset commoda, & incommoda illorum, qui civitates septentrioni expositas incolunt, dicit, necesse esse, ut robusti, & sicci sint, capita habeant sana, & dura, morbis acutis inflammatoriis obnoxii vivant, & tamen reliquis hominibus magis longaevi. Mulieribus autem praedixit, quod multae steriles fiant propter aquas, quae sunt durae, crudae, & frigidae; purgationes enim menstruae non contingunt idoneae, sed paucae, & pravae. Deinde difficile pariunt, neque valde abortiunt &c.: Tales etiam frequenter a partu contingunt, prae violentia enim ruptiones, & vulsuras habent. Durities autem, & siccitas partium facili partui obstitunt.

Con-

(y) Mauriceau traité des malad. &c. Tom. I. Liv. I. chap. VII. pag. 97.

(z) Noortwyk de Utero gravido pag. 7.

(a) De Aëre, locis, & aquis. Chapter. Tom. VI. pag. 191.

Contra hoc vitium *Hippocrates* alio in loco (b) laudat sequentia: Si quae in partu est, sicca fuerit, ac aegre humectetur, oleum bibat, & locos oleo calido, & maduae aqua persundet, & cerato liquido illinat, adipe etiam asferino cum oleo infuso. Similia adhibita fuerunt semper, ubi metus erat partus difficilis ob siccitatem, & minorem partium naturalium flexibilitatem. Merito suadet *Mauriceau* (c), haec emollientia non tantum adhibenda esse partus tempore, sed diu ante, ut debita mollities, & lubricitas possit obtineri. Imo etiam in partu legitimo, ac naturali monet obstetrices, ut inungant genitalia oleo emolliente, axungia, vel butyro recenti, si observaverint, illa difficultis dilatari (d). Hanc tamen cautelam addidit (e), ne partus tempore hae inunctiones nimis frequenter fiant, sicque abstergantur humores mucosi, qui tunc humectant, & lubricant has partes: optime enim notat, hos longe utiliores esse, quam alia quaevis linimenta. Dum in annofa muliere primipara partum difficilem metuerem, bis de die partes genitales balneo vaporis exponi curavi, & dein inungi recenti amygdalarum oleo, cum decocto radicum althaeae diu conquassato; sic enim emollientissimum, & lubricans linimentum obtinui, secutus nempe *Hippocratis* consilium. Duabus partum septimanis ante partum hanc methodum adhibui, & felici cum successu.

Haec sunt illa, quae tuto adhiberi possunt; vim enim inferre, ut dilatentur partes nimis angustae, & renitentes, periculosum est, & plerumque lethalis harum partium inflammatio cum acutissima febre sequi solet.

Accedit, quod quandoque praeter spem subito dilatentur partes, quae antea nimis angustae fuerant. Vidi saepe, obstetrices tangendo invenisse os uteri durum, clausum, licet aliqui partus dolores jam adessent; hinc abivisse ad alias, quas prompto auxilio credebant indigere. Vix horae spatium elapsum erat, quin orificium uteri, molle, apertum, facile cederet, sequente subito partu felici, antequam vocata denuo obstetrix adesset potuerit, ut opem ferret. Mirabatur *La Motte* (*), se non posse per pedes educere foetum sex mensium, dum nullo modo cederet durum uteri orificium: oleis, & aliis pinguidibus usus fuerat frustra: abiit, ut pararet balneum vaporis ex herbis emollientibus, dum redit, invenit uteri os molle, & adeo facile cedens, ut foetum commodissime educere potuerit, tam felici successu, ut post sex dies per plateas incederet sana, & dissimulans illa, quae contigerant. Candide autem fatetur, quod oris uteri relaxationem balneo vaporis adscripsisset, si post usum ejus secuta fuisset. Erat tamen solius naturae opus. Mirus legitur casus gravidæ (f), cujus vagina adeo erat arcta, ut vix calami scriptorium admitteret: tamen, dum partus dolores ingruerant, trihorii spatio adeo dilatata fuit vagina, ut robustum, & validum infantem pepererit. Unde merito concluditur, non facile desperandum esse, etiam in casibus diffi-

(b) De Mulier. Morb. Lib. I. Cap. 53. Charter. Tom. VII. pag. 749.

(c) Traité des malad. des femm. gross. Liv. 2. chap. 10. pag. 262., liv. 1. chap. 27. pag. 198.

(d) Ibid. chap. 4. pag. 239.

(e) Ibid. chap. 7. pag. 245.

(f) Traité des Accouch. liv. 3. chap. 7. pag. 291.

(*) Académ. des scienc. in 4. Jan 1748. Hist. pag. 58.

difficillimis. Prudentius tamen actum fuisset, si graviditatis tempore de dilatatione vaginae cogitatum fuisset; de qua re ad §. 1315. adhuc dicendum erit. Natura enim saepe sibi soli sufficit, sed non semper, & tunc Arte opus est.

§. 1314. **S**I Tumor hic (1313.), vel in vagina enatus, expulsivum impedit, is discutiendus, suppurandus, vel eximendus ope Chirurgica.

Cum partus naturalis non nisi valido puerperae nixu fiat, etiam dum omnes viae, per quas nascens infans transire debet, liberae sunt, sponte pater, quemcumque tumorem, circa os uteri vel in vagina natum, foetus exclusionem impedire; adeoque cura in ablatione talis tumoris consistit. Varia autem obstacula haec inventa fuerunt, de quibus nunc agendum.

Uterus, uti notum est, inter vesicam, & intestinum rectum ponitur, adeoque quidquid tumere facit has partes, una cum utero in pelvi locatas, impedit facilem foetus exclusionem. Ad §. 1301., ubi ab incremento foetus nata incommoda recensentur, dictum fuit, difficultatem urinae, & alvi in gravidis saepius observari. Unde inter partus impedimenta recensentur faeces accumulatae in crassis intestinis, & imprimis in recto, uti & vesica distenta per urinam (g). Ideo circa finem graviditatis alvus, si moretur, molli clysmate ducenda est. Optime etiam, dum primi partus dolores incipiunt, clysmata applicatur, ut intestinum rectum penitus evacuetur: si enim tardius hoc tentetur, dum infantis caput magis jam descendit, tunc sic comprimitur intestinum rectum, ut nec clysmata facile admitti, nec faeces exire possint. Simul clysmata hunc usum habent, quod per nixum alvi evacuandae promoveantur dolores (h). Ob eandem rationem monentur parturientes, ut urinam excernere tentent: plerumque etiam, dum clysmata alvum ducit, urina simul exire solet. Quomodo autem succurri possit gravidarum, dum urina cum difficultate excernitur, vel integre suppletur, patet ad §. 1301. dictum fuit; uti etiam de haemorrhoidibus, quae quandoque parturientibus multum molestiae faciunt, dum dolent turgidae, sicque ultimos pariendi nixus reddunt dolentissimos, imo quandoque impediunt, quo minus parturientes totis viribus foetus exclusionem moliri possint ob doloris acerbiteriam.

Praecipue autem cavendum est, ne urina distendatur vesica: metus enim est, ne postea paralytica maneat vesica, & sequatur molesta incontinentia urinae: imo observatum fuit, plenissimam urinam vesicam validis parturientis nixibus ruptam fuisse; unde tristitia, & vix medicabilia sequebantur mala. Post difficilem admodum partum mulieri effluebat urina, cum erecto corpore incederet, praeter voluntatem, non sine dolore acerrimo, ardore, & foetore. Instituto diligentissimo examine, patuit, vesicae partem inferiorem versus la-

tus

(g) Mauriceau Traité des malad. 8cc. liv. 2. chap. 10. pag. 260,

(h) Ibid. chap. 4. pag. 238.

rus ruptam, & rupturæ labia callo quodam jam obducta esse. Cum autem portio urinæ inter vesicam, & vaginam in tunica cellulosa colligeretur, mora acrior reddita erosit vicinā; unde exulceratio sequebatur, & urina assidue purulenta exercebatur (i). Imo, si non rumpatur vesica, poterit, si inter partus nixus admodum plena fuerit, sic elongari in loco, ubi vicina minus resistunt, ut hernia vesicæ sequatur; molestum satis malum, quod in gravidis aliquoties observatum fuit, dum ultimis graviditatis mensibus caput infantis fundum vesicæ premit, quæ tunc in utroque latere distenditur quasi in cornua, quæ per annulos abdominales exeunt; quandoque & inter vaginam, ac intestinum rectum extensa vesica descendit, & in perinaeo tumorem herniosum facit, qui compressus, evacuata urina, evanescit, retenta urina, reedit: plures tales casus leguntur (k). Facile patet, si hernia vesicæ inter vaginam, & intestinum rectum protendatur, talem tumorem, vaginam comprimendo, angustare posse ejus cavum, quod & observatum fuit.

Vidit *Ruyfchius* (l) in parturiente muliere a conatibus vehementioribus natum tumorem durum, minoris pugni magnitudine, in latere dextro vulvæ. Fateatur, quod fere deceptus fuisset, credens prima fronte, esse placenta uterinæ portionem, quæ quandoque exitum ante foetum quaerit. *Re autem penitus investigata, veram uteri lateralem portionem esse deprehendit: quod evenit quoque edocuit.* Foetu enim in lucem edito, statim ad naturalem rediit locum, patiensque convalescit sine ulla ulteriori fomentatione, quæ nisi sumus in partu, non pars uteri prolapsa gangrænam conciperet. Facile autem concipitur, si orificium uteri non respondeat directe vaginae cavo (de qua re postea dicetur) tunc inferiorem, & lateralem uteri partem in talem tumorem extendi posse.

Huc etiam referri potest, tanquam partus impedimentum, vaginae prolapsus, qui simili fere modo fit, uti prolapsus intestini recti. Interior enim ejus tunica, laxior reddita, sensim quasi supra se ipsam invertitur, & extra vulvam prominet, sub forma quasi annuli turgidi, inaequaliter plicati, in cujus medio apertura est, qui facile digitum admittit (m); quo plerumque uteri orificium tangi potest, cum & illud tunc soleat profundius descendere.

Talis apparet vaginae prolapsus, si recens fuerit; multum mutatur, si diu duraverit malum, infarctis jam vasibus, & miro quandoque modo degenerantibus. Unde aliquando a minus peritis, vel non satis attentis pro uteri prolapsu habitum fuit hoc malum. Si initio tractetur rite prolapsus vaginae, satis facile reducitur, & quiete in lecto, ac fomentis adstringentibus curatur (n). Si inveteraverit, saepe omnem omnino medelam respuit. Si ante partum vaginae prolapsus adsit, statim cura adhiberi debet, ne in partu, descendente foetus capite, magis magisque protrudatur interior vaginae tunica. Monet *van Deventer* (o), ut, si tale malum in parturiente jam adsit,

ob.

(i) Stalp. van der vviel observat. &c. Cent. I. observ. 82. pag. 381.

(k) Académ. des scienc. l'an 1717. hist. pag. 19. Académ. de Chirurg. Tom. 2. p. 23. & seq.

(l) Observat. Anat. chir. observ. XXIV. pag. 23.

(m) Académ. de Chirurg. Tom. 3. pag. 350.

(n) La Motte Traité des accouch. liv. 5. chap. 11. pag. 657.

(o) Nov. Lum. obstetric. Cap. 20. pag. 134. 135.

obstetrix proximis omni studio prolapsam vaginam loco suo restituat, deinde maximopere curam gerat, ne os uteri nimis permittat delabi, sed illud supra in vagina retineat, & quoad fieri potest, manibus sustentatum servet, usque dum parturiens tam factum, quam secundinam enixa fuerit. Deinde vaginam prolapsam restituere jubet, & idoneam adhibere medelam, ut curetur.

Interim cautela adhibenda est, ne alii tumores genitalium habeantur pro vaginæ prolapsu (p). Post partus enim frequentes, aut laboriosos sic distrahitur vagina, ut postea, amisso robore, minus resistat tumentis a faecibus collectis intestino recto, vel vesicae urinae plenae; & tunc saepe tumor in vagina apparet, qui extra vulvae labia prominat. Sic vidi mulierem, cui post duodecim felices partus, dum alvum deponere vellet, faeces delabebantur antrosum, distendentes laxam nimis vaginam, nec poterant ano exprimi: unde, simul ac duriores faeces excludendae erant, digito in vulvum immisso illas retrorsum pellere debebat, & retinere, donec anus aperiretur.

Patet hinc, quanta peritia, & prudentia opus sit, quam exacta cognitione partium indigeat, qui parturientibus foeminis utiliter opem feret.

Tandem & tumentia vulvae labia possunt partum magis laboriosum reddere, licet tales tumores non adeo periculosi habeantur a periculis, si frigidi, & leucophaegmatici fuerint; de qua re videantur illa, quae ad §. 1301. habentur.

Haecenus dictum fuit de partibus vicinis tumentibus, quae exitum foetus maturi possunt remorari. Verum & in uteri orificio, vel circa illud, uti etiam in vagina, possunt nasci omnis generis tumores, qui in reliquis corporis partibus observantur. Sponte patet, omnia haec obstacula tolli debere, si ullo modo fieri possit, antequam partus instet. Imo contingere potest, ipso parturitionis tempore diu pressas a foetu partes tumentes, & ad inflammationem disponi; tuncque cura antiphlogistica opus est, & imprimis sanguinis missione, ut fiat vasorum depletio. Sic Hippocrates (q) suavit: quod si praegnavis diuturno tempore immoretur, & parere nequeat, sed pluribus diebus partus doloribus disruietur, sit autem juvenis, & aetate florens, multoque sanguine redundans, venas in mallois scire oportet, & virium habito ratione sanguinem detrabere. Si vero alia quacumque de causa graviditatis tempore tumor inflammatorius has partes occupet, omni artis molimine tentanda est discussio; & si haec obtineri nequeat, promovenda est suppuratio, ut ante partum viae reddantur omnino liberae.

Observati fuerunt, & quidem satis frequenter, tumores in his partibus folliculosi, vel & polyposi, similes satis narium polypis, & aliquando tam magnae molis, ut partum redderent impossibilem, nisi Chirurghi manu eximerentur.

Per multos annos in vagina gesserat tumorem puella, qui a quibusdam obstetricibus habebatur pro uteri prolapsu, & post longum tempus multum incre-

(p) Acad. de chirurg. Tom. 5. pag. 392. 393.

(q) De Mulier Morb. Lib. 1. Cap. 77. Charter. Tom. VII. pag. 776.

increverat: contigit quadam die, dum domum rediret, quod sentiret, cum dolore, & impetu magno, prolabi ex pudendis tumorem, quem credens uterum esse, perterrita vocavit celeberrimum Chirurgiae Professore *Benevoli* (r), qui invenit pendentem extra pudenda tumorem, decem digitos transversos longum, cujus circumferentia eandem fere mensuram aequabat. Facile peritissimus ille vir videbar, non esse uteri prolapsum; ancepis tamen haerebat, quomodo tentaret curationem tanti mali: reducere conabatur in vaginam tumorem, nec poterat; unde conclusit, solam superesse extirpationem, quam aegra magno animo petiit, ut tantis molestiis liberaretur. Collum, quo adhaerebat tumor vaginae, duos circiter pollices aequabat crassitie. Advocato in auxilium altero Chirurgo peritissimo, ligavit collum tumoris chorda forti, & crassiori, ut comprimere posset valide, absque scissurae periculo; simul ac vero chorda stringebatur, vidit membranas a chorda scindi; unde cessavit, attentus, an sequeretur haemorrhagia; quod cum non fieret, perrexit animose constringere, & totus tumor separabatur a cohaesione cum vagina, nec sequebatur valida haemorrhagia: postquam sufficiens quantitas sanguinis effluerat, stuppis lineis implevit cavum, a quo separatus fuerat tumor, & solito apparatu firmavit. Tumor pendeat uncias viginti duas, mucosa constans substantia, quam tegebat tenuis membrana, sed satis fortis. Paucorum dierum spatio integre curata erat haec puella, applicato decocto hordei cum melle rosato, & in fine vino myrrhato. Monet autem, ejusmodi tumores decipere potuisse illos, qui statuunt, quibusdam mulieribus extirpatum fuisse uterum, & tamen postea peperisse,

Similem tumorem minoris molis, in vaginae initio haerentem, ligatura collo tumoris circumducta, abstulit *Denis* (r), sed jam ulcerosum, in virgine viginti & duorum annorum: quarto autem post ligaturam die tumorem resecevit, cum putrescens jam pessimum spargeret foetorem. Perfecta pariter sanatio secuta fuit. Pari successu ligando abstulit tumorem durum, crassum, nullibi adhaerentem vaginae, sed a sinistra parte oris uteri pendulum.

At non tantum in vagina, sed & in utero ipso, constat, tales tumores nasci, qui prolongati per uteri orificium transeunt, & in vagina pendunt. Saepe tales tumores pertinacis haemorrhagiae causae sunt, quae post ligaturam horum tumorum cessat. Aliquando per uteri orificium egressi, ab illo strangulantur, & cadunt. De his meretur legi *Egregius Levret* (r), qui hanc rem perfecit, & artificiosa valde instrumenta excogitavit, ut collum talis tumoris stringi posset, dum altiori in loco haeret. Quam maxime meretur & legi illa, quae idem ille auctor alio in loco (u) de polyphis uteri, & vaginae habet. Cum autem instrumenta, quae descriperat, ad ligandum polypum, operosa forent, & non nisi magna dexteritate poterant adhiberi,

(r) Dissertazioni &c. osserv. VI. pag. 101. & seq.

(r) Over het Ampt der Vroedmeesters &c. pag. 10. 11.

(r) Observat. sur les polyps. pag. 99. & seq. & per totum.

(u) Mém. de l'Académ. de Chirurg. Tom. 3. pag. 518. & seq.

beti, simplicius descripsit aliud (v), quo, mediante filo argenteo, collum tumoris polypofi pro lubitu constringi poterit. Similem utcumque machinulam adhibuit *Derns* (x), ut pendulum ab orificio uteri tumorem ligaret; verum filo cerato usus fuit, loco fili argentei, quod tamen longe commodius est. Cum autem aegra post ligaturam applicatam discederet ex urbe, ipsi commisit, ut magis magisque torquendo ligaturam stringeret, donec cederet tumor; quod feliciter cessit.

Forte credi posset, tumores tales, precipue si in ipso utero radicati fuerint, conceptionem impedire. Verum satis numerosa exempla contrarium docuerunt: plures tales casus, & satis mirabiles quidem enumerantur (y), quibus evincitur, ne quidem debitum foetus incumentum semper per tales tumores impediri, multo minus conceptionem.

Videtur autem vestigium similibus tumoribus, qui ex pedunculo penduli in his partibus reperiuntur, apud *Hippocratem* (z) legi. Sic enim habet: *Si in pudendis gravis odor sit, & columella innascatur, dolorque detineat, dolorem quidem sedabit apud semen ex vino jejuna datum, gravem autem odorem anisum eodem modo exhibitum. At columellam praecidere oportet.* Major adhuc verisimilitudo accedit ex variante lectione, quae in *Manuscripto Vaticano* habetur (a); ibi enim loco *olor*, *Columella*, legitur *naeops naeopis*. Certe Castoreum officinarum & graveolentia sua, & figura similibus tumoribus non adeo inepte comparari potest.

§. 1315. **S**i excoriata harum partium labia coaluerint, cito, & ante partum, si fieri possit, dissecanda, & cicatrice obducenda sunt.

Ut partus succedat, debet foetus transire per os uteri, per totam vaginae longitudinem, per vaginae orificium externum, adeoque in tribus illis locis impedimentum haerere poterit.

Certum est, excoriata, & cruda harum partium latera, a quacumque do-
num causa hoc factum fuerit, concrefcere inter se posse; nec impossibile est, ut idem in uteri orificio contingat. Clausa vagina, conceptum factum fuisse, fides observationibus constitit; an autem concipere potuerit mulier, utri ipsius orificio penitus concreto, & obturato, non constat. Verum quidem est, quod post impraegnationem factam concrefcere possit os uteri; quod suspicari posset Medicus, si ulcera venerea, vel ab alia causa nata, has partes eroflerint; at tactu ante partum hoc distinguere, non adeo facile videtur.

Ve-

(v) Mém. de l'Académ. de Chirurg. Tom. 3. pag. 578.

(x) Over het Amp der Vroedmeesters &c. pag. 11.

(y) Académ. de Chirurg. Tom. 5. pag. 543. & seq.

(z) De Natura Muliebri Cap. 66. Charter. Tom. VII. pag. 715.

(a) Ibid. pag. 900. N. 197.

Verum quidem est, in gravidis naturaliter os uteri, quod prius acuminatum, crassum, & solidum fuerat, post bimestre, vel trimestre spatium sensim complanari, attenuari, & mollescere, ita ut duobus, tribusve ante partum mensibus os uteri jam dehiscat (b). Verum prudenter monet idem auctor sequenti pagina, quod haec omnia sensu moderato sint intelligenda, utpote exceptionem facile admittentia. In primiparis enim, robustis, & aetate proVectis os uteri quandoque ad extremum usque occlusum manet, nec aperitur, nisi propellentibus doloribus. Idem & contingere observavit in pravo situ infantis.

Praeterea observatur (c), gravidas quandoque spurios, obstetricibus di-ctos, pati dolores, qui per abdomen vagantur, non autem, ut veri, ex lumbis orti per latera abdominis tendunt versus os pubis: dum spurii dolores adsunt, os uteri contrahitur, adeoque imprudens quis credere posset, adesse orificii concretionem; praecipue, cum spurii illi dolores antecedant saepius genuinos, una & quandoque illos comitentur. Videtur & Moschion (d) probe hos dolores a veris distinxisse; nam, postquam partus instantis signa optime descripserat, dicit; *Et quod fervoris dolor cum clausura, & sinceritate in orificio invenitur.* Cum è contra per veros dolores orificium uteri dilatetur, & madescat magis.

Ex quibus patet, magna peritia, & prudentia opus esse, ut quis determinet, an revera os uteri concretum fuerit, cum hoc raro contingat, & forte tantum post impraegnationem. Inflammatio, suppuratio, mala venerea inter causas talis mali possent numerari. Sed & Hippocrates (e) notavit, servida ulcuscula (aphusae) obfidere quandoque mulierum pudenda; de quibus videantur illa, quae ad §. 978. dicta fuerunt.

Alia occasione ad §. 486. mentionem feci casus, ubi orificium uteri concretum erat, in muliere nempe quadragenaria, primipara, cui, ob parvam nimis distantiam inter os sacrum, & ossa pubis, post quatuor dierum labores infans mortuus magna cum difficultate eductus fuerat: convaluit quidem ex molestissimo hoc puerperio, ac post tres menses denovo gravida, debito termino parturire incepit, & licet per biduum saevos dolores passa fuisset, non cederat ullo modo orificium uteri. Dum tangebatur ab obstetricante Chirurgo, invenit, concrevisse os uteri absque ullo aperturae vestigio. In primo partu adeo difficili magna vis orificio uteri illata fuit, & suppuratio secuta satis larga, & diuturna, quam tamen ab exterioribus partibus, utcumque laceratis, deducebant adstantes. Admodum verosimile videtur, & interiora suppurasse, & post suppurationem concrevisse uteri orificium, sic, ut impraegnationi quidem via superesset, non vero excludendo foetui. Dilatata per extemporanea instrumenta vagina, cum aptiora defissent, cicatrix concreti oris uteri apparuit, & opus fuit scalpellum adigere ad medii pollicis profunditatem, ut concretum os uteri dividi posset: immisso digito tan-

(b) Deventer nov. lum. obstetric. Cap. 16. pag. 55. (c) Ibid. Cap. 17. pag. 60.

(d) Spach. gynaecc. pag. 4. N. 45. (e) De Natur. Mulieb. Cap. LXI, Charter. Tom. VII. pag. 714.

tangebatur caput foetus, sed omnis ambitus cartilagineam duritiem habebat, nec cedebat ullis miserae parturientis nixibus: unde omnis ille ambitus variis incisionibus divisus fuit, & sic incepit parum dilatari, nec satis tamen: tunc necesse fuit obstetricantis manu foetum educere, uti in primo puerperio factum.

Dum tot incisionibus dividebatur cartilagineum uteri orificium, ne minimum quidem sanguinis exibat; nec dolorem percepit aegra, querens solum de molesta vaginae dilatatione.

Simul ac, absoluto partu, in lectum deposita fuit, corripiebatur dolore pleuritico, valida admodum febre, & difficili respiratione; quibus ferendis, post tot calamitates toleratas, impar, post viginti quatuor horas periit (f).

Mirus ille casus docet, post inflammationem, & suppurationem concrevisse os uteri dura cartilaginea cicatrice; sed tamen hoc vitium tantum apparuisse manifeste partus tempore. Si autem iusta foret talis mali suspicio, an non metuendus foret tunc abortus, & periculosa uteri Haemorrhagia, dum vagina vi dilatari debet, concretum os uteri sectione aperiri, & impediri deinceps, ne scalpello divisae partes inter se denuo concrecant? Antea ad §. 1306. dictum fuit, a levioribus etiam causis abortum metuendum esse.

Videri possunt & illa, quae de oris uteri obturatione per membranam, aliasque causas dicta ad §. 1290. fuerunt, ubi menstruorum fluxum impediebant; verum ibi simul notabatur, quod steriles fuerint tales.

Facilius cognoscitur, & curatur concretio vaginae, & orificii pudendorum; de qua re pariter ad 1290. actum fuit; ubi simul habetur mirus ille casus foeminae, quae, decimo sexto aetatis anno nupta, vaginam adeo arctam habebat, ut vix calamus admitteret: haec tamen post undecim matrimonii annos gravida facta fuit, & quinto graviditatis mense incepit dilatari sponte sic vagina, ut feliciter pepererit. Dictum etiam tunc fuit de variis modis, quibus hoc vitium tolli possit. Si membrana claudens vaginam discindi debeat, vel partes concretae separari, sponte patet, hoc debere tentari ante partum, ita ut sanatio jam perfecta fuerit, antequam parturire incipiat mulier. Si enim serius hoc fiat, non caret molestiis, uti docet sequens observatio.

Dum primipara parturire inciperet, obstetrix explorando invenit vaginam in media sua longitudine valide adstrictam, & angustatam: vocatus Chirurgus invenit, obstetricem vera dixisse, sed apice digiti tetigit parvulum foramen; quod postea advocatus etiam in molesto hoc casu *Benevoli* (g) digito dilatavit; unde commodè introduci potuit speculum matricis, ut major fieret dilatatio. Potuit tunc caput foetus tangi; sed aderat adhuc tenuis membrana, cui uncum infixit, sicque a capite infantis removit, trahendo, dum alter illam forcice rescinderet: cum autem nondum videretur sufficiens esse apertura, quae caput foetus transmittere posset, manu immissa dila-

(f) Medic. Essays and observat. Tom. III. N. XIX. pag. 515. & seq.

(g) Dissertaz. &c. observ. V. pag. 96.

dilatavit, & laceravit hanc membranam ita, ut caput foetus omnino detectum foret: post trihorium peperit vivam puellam. Bene se habuit puerpera usque ad quintum a partu diem; tunc, cum magno rigore, febris secura fuit, abdomen intumuit, cum vomitu, sudore copioso, & acerbissimo vaginæ dolore, cum eruptione copiosa materiae purulentæ, mucosæ, & sanguine tinctæ; omnibus artis auxiliis post plures septimanas obtinebatur mali imminutio; sex tamen mensium spatio opus fuit, ut ulcerosa vagina cicatrice obduceretur. Felix nihilominus, & absoluta curatio fuit, cum postea aliquoties feliciter pepererit. Cum autem postea peteretur a matre puerperæ, an unquam tumore, vel alio quodam circa partes genitales morbo laborasset, constanter negavit: tandem recordata fuit, filiam in prima juventute, dum una cum coætaneis equitaret in arundine longa, cecidisse, & pudenda nodo baculi, cui inequitabat, fortiter impigisse, ita ut Chirurgus ultra mensem illius curam gerere debuerit. Unde probabile satis videtur, ab hac causa originem mali deducendam esse. Certe, si id fuisset cognitum, ante partum hoc obstaculum tutius removeri potuisset: partus enim proxime sequens laceram vaginam sic offendit, ut postea inflammatio, & sequens suppuratio, non potuerint evitari.

Post partum, laboriosum valde, vagina sæpius inflammatur, & suppuratur, imo aliquando gangraenescit: si sanatio succedat, nisi cautela adhibeatur, vaginae latera concrevere possunt, vel & a duris, ac contractis cicatricibus sic angustari, ut difficillime dilatari possit in sequenti partu. Plures tales casus in Historia Medica habentur (6).

§. 1316. **S**I osium compages arctior iter impediverit, linimentis emollientibus (1313.), fomentis similibus lenienda sunt, tum manu lege artis succurrendum parturienti est.

Ab hac causa omnium difficillimi partus contingunt, & cum vix emendabilis sit, merito a nulla re plus metuunt obstetricantes, quam a mala conformatione osium, quae cavum pelvis constituunt.

Ossa pelvis, licet in recens natis ex quindecim ossibus distinctis componantur, postea adultiori ætate inter se sic uniuntur, ut in nubili virgine pelvis tantum constet quatuor ossibus, nempe osse sacro, osse coccygis, & binis ossibus innominatis: ultima hæc ab Anatomicis solent singula in tres partes distingui, quæ diversis insigniuntur nominibus. Anterior enim pars ossis innominati vocatur os pubis, superior, & simul posterior pars os ilium dicitur, inferior, & simul lateralis pars os ischion nominatur.

Hæc ossa simul unita pelvis cavum constituunt, & ab illa parte, quæ cavum pelvis spectat, laevia sunt. Pelvis cavum posterius os sacrum constituit, quod superius latus, sensum fit angustius, & infimæ ejus, ac angustissimæ partinectitur os coccygis: ossa illi superiorem, & lateralem, ossa ischii lateralem.

(6) *Peu pratique des Accouch.* pag. 245. & seq.

lem, & inferiorem, ossa pubis anteriorem pelvis partem faciunt. Ergo sub pelvis nomine intelligitur illud spatium, quod ab his quatuor ossibus, inter se unitis, circumscribitur.

Simul etiam solet considerari introitus in cavum pelvis, & egressus ex cavo pelvis. Introitus formant posterius ultimae lumborum vertebrae antrorsum hic protuberantes, una cum suprema parte ossis sacri; a latere utrimque formatur a medio margine utriusque ossis ilii; antcrius a suprema parte ossium pubis. Exitus autem pelvis posterius formatur osse coccygis, a latere margine inferiori utriusque ossis ischii, antcrius curvatura inferiori ossium pubis.

A perfecta structura pelvis partus felicitas ut plurimum dependet: si enim nimis angusta via sit, sponte patet, foetum non nisi difficillime transprimi posse; imo quandoque hoc omnino impossibile esse. Verum, quod prima fronte mirum videbitur, & nimia latitudo pelvis nocere poterit, nisi sedulam curam obstetricis adhibuerit. Ut enim felix partus fiat, debet per uteri orificium, sensim dilatatum, foetus nixibus maternis exprimi, & uterus tamen sic sustineri, ut non simul prolabi possit. Si enim ingressus pelvis nimis amplus fuerit, uterus una cum foetu descendet, uteri orificio vix adhuc aperto, cum non urgeatur a partus doloribus satis, nisi uterus ob debitam angustiam pelvis sustineatur. Multiplici experientia edoctus Deventer (i), talia contingere, monet obstetrices; ut ad parturientes vocatae inquirent pelvis amplitudinem, nec confidant, licet omnia plenissimis quasi velis sperantur: metuendus enim est uteri prolapsus. Cavetur hoc malum, si uterum una cum foetu descendentem manu retineat, ne ex pudendis promineat. Sic prudenti arte utero praebet sustentaculum, quod nimia pelvis amplitudo negabat. Vidit similes casus Rayfibijs (k), & notat sequentia: *Mirum distul, quanta monstruositate sese offerat eo tempore dictum uteri os, & quanta circumspeditione opus sit in tali partu, norunt ii, qui hisce nobiscum adfuerant casibus. In hoc statu foetus adhuc vivens exitum naturae committendum existimo, & os uteri utraque manu retinendum.* Neque hoc tantum, sed & uteri inversionem inde metuebat.

Notavit autem Levret (l), dum introitus pelvis amplior est, plerumque ejus exitum esse angustiores; & contra, si introitus pelvis sit angustior, exitum esse latiores. In priori casu, in partus initio omnia cito procedunt, sed circa finem retardatur partus; tunc autem minor metus est, ne uterus prolabatur, & parturienti auxilium praestare potest obstetrix, blande reprimendo os coccygis, quod, antrorsum incurvatum, sustinet caput infantis, ac antrorsum versus inferiorem curvaturam, sive emarginationem ossium pubis dirigit, ubi majus pro exitu foetus spatium reperitur. Notum autem est, os coccygis cedere posse, ubi naturaliter se habet, uti monet Levret (m), ubi alia pulcherrima de pelvis ossi structura habentur. Si vero introitus pelvis angustior fuerit, plerumque exitus latior est, & tunc initium partus len-

(i) Nov. Ium. obstetric. Cap. 27. pag. 114. (k) Observat. Anatom. Chirurg. pag. 25.
(l) L'art des Accouchem. pag. 7. (m) Ibid. pag. 6.

lentissime procedit; verum ubi has angustias superavit foetus, praeceps saepe egreditur ob patulum magis exitum. Contingit etiam, ut pelvis non tantum in introitu, & exitu, verum etiam in toto suo tractu nimis ampla sit; & tunc totus uterus, una cum contento foetu maturo, delabi extra pudenta posset, nisi perita manu caveretur (a).

Apparet ergo, quod nimia pelvis amplitudo culpari quidem possit merito, sed tamen praesto est in arte obstetricia auxilium. Verum longe major difficultas est, si pelvis nimis angusta fuerit; unde quandoque absoluta partus impossibilitas sequitur. Verum quidem est, nimiam foetus molem posse partum reddere difficilem, imo & impossibilem; sed hoc loco agitur de partu difficili ob vitium matris.

Signum autem pelvis adeo angustae, ut per ejus cavum foetus maturos nullo modo transire possit, ponitur (e), si non admittere possit manum obstetricantis Chirurgi, qualiscunque demum illa fuerit. Notum est, magnam fatis diversitatem inveniri in diversis hominibus quoad manuum molem, & torositatem: omnium aptissimi ad artem obstetriciam laudantur illi, qui, una cum valido musculorum robore, manus angustas, & digitos longos habent: si ergo talis Chirurgi manum admittere nequeat pelvis, partus foetus maturi impossibilis habetur; & sola Sectio Caesarea superest, de qua postea dicetur.

Ossa pelvis omnes morbos pati possunt, quibus reliqua corporis ossa obnoxia sunt; adeoque & exostoses hic natae pelvis cavum angustare poterunt (p). Imo observatum fuit, femoris caput, ex acetabulo suo in foramen ovale motum, partum ante reductionem reddidisse impossibilem. Constat, ultimas lumborum vertebrae, nimis introrsum prominentes, licet ipsa pelvis bene conformata fuerit, partum omnino impeditisse.

Cum autem *Rachitis* plurima corporis ossa adeo mutet, & deformet, hinc omnes, qui de arte obstetricia scripserunt, metuendum esse difficilem partum testantur in illis, quae hunc morbum in prima aetate passae fuerint. Toties eam inde gibbositas, spinae distortio, claudicatio &c. per reliquam vitam manent. Optime haec mala descripsit Egregius auctor (q), & notavit, non semper pelvim male conformatam esse, licet spina dorsii distorta inveniat. Si enim non a rachitide in prima aetate, sed serius, duodecimo, vel decimo quarto anno, spinae distortio ab alia quacunque causa contigerit, tunc pelvis jam formata est, & potest debitam obtinuisse formam, licet reliquum corpus ob spinae distortionem deforme fuerit. Hi forte sunt illi casus, ubi mirantur obstetricantes, deformes foeminas non parere difficilius aliis, quibus optima corporis structura contigit. Notandum tamen est, licet bona fuerit pelvis, si spinae distortio pectoris cavum angustaverit, gibbosas foeminas difficilius parere, quia ob difficiliorem respirationem non possunt adeo validos exercere inter parturiendum nixus.

Cum

(a) L'art des accouch. pag. 7. 8. (e) Ibid. pag. 9. (p) Cranz de utero rupto pag. 28. (q) Brudenell, Essay. of midwifery sect. IV. pag. 82.
Tom. IV. Pars II. k

Cum autem in Rachiticis infantibus ossa sint mollia, & flexibilia, neque incedere possint, ut sani infantes solent, sedili perpetuo affixi manent, vel nutricis gremio insident: unde coccyx antrorsum versus cavum pelvis premitur, extremitas inferior ossis sacri extrorsum vergit, suprema ejusdem ossis pars, una cum ultima lumborum vertebra, antrorsum prominet, & ad summam ossis pubis accedit, ita, ut quandoque in mulieribus inventa fuerit distantia inter os sacrum, & supremum marginem ossium pubis non superare trium pollicum mensuram, in aliis duorum, in quibusdam, sed raro, unius cum dimidio pollicis.

In aliis ob eundem morbum ultima lumborum vertebra, una cum ossis sacri suprema parte, introrsum vergit, sed ad latus; ossa pubis, quae exterius convexam, interiori cavam superficiem habere debent, complanantur, imo quandoque & interiora versus convexa sunt: sed & pars inferior utriusque ossis ischii versus pelvis cavum vergit, & distantia inter horum ossium extrema, quae tres pollices cum quarta parte aequare solet, minuitur. Omnium tamen frequentissimum vitium ab hac causa natum est protuberantia ultimae lumborum vertebrae, & summatis ossis sacri, quae facit, ut in deformi pelvi caput foetus toties haereat immobile in pelvis ingressu. Metum autem difficilius partus in illis, quae olim rachitide laboraverunt, auget, quia, licet sanatae venustam, & proceram corporis staturam acquirant, tamen fere semper circa pelvim aliqua deformitas manet. Inde patet ratio, quare in tali casu versati in arte obstetricia semper metuant difficilem partum.

Si ergo ossium compages arctior foetus exitum impediatur, merito quaeritur, quidnam auxilii in arte super sit. Mollissima quaevis commendantur linimenta, fomenta, vapores &c. profunt haec quidem, praecipue si molles partes simul siccae, & nimis rigidae fuerint, uti ad §. 1313. dictum fuit; sed non multum spei est, ut brevi molliri possint hac methodo ossa, faciliusque cedant: interim tuto haec tentari poterunt.

Cum autem ossa, quae pelvis cavum constituunt, olim per interpositas cartilagineas cohaeserint inter se, quae incipiunt ossescere circa pubertatis tempus, hinc disputaverunt artis obstetriciae periti, an partus tempore haec ossa a se mutuo secedere possint, ut cavum pelvis augeatur. Satis crassam synchondrosin, quae ossa pubis necit, notavit *Eustachius* (r). Eadem haec commissura ossium pubis tegitur exterius magna copia fibrarum ligamentosarum, & aponeuroticarum, quae validae sunt: pariter & nexus ossis sacri cum ossibus illi ubique diversis planis fibrarum aponeuroticarum regunt, quae & densae admodum sunt, & valde elasticae (r). Hinc videtur talis hic adesse apparatus, qui cedere utcumque possit, sed & vi elastica se statim restituere, simul ac vis distrahens cessat.

Os coccygis cedere posse, omnes concedunt, & nisi retrorsum vergere possit, dum caput infantis in exitu pelvis haeret, partum difficiliorem fore, constat. Verum ossa pubis disjungi posse, negat *Mauriceau* (s); quia in

(r) Tabul. XXXIII.

(s) *Levret l'art des accouch.* pag. 3.(t) *Livr. 2. chap. I. pag. 210.*

magno Nosocomio Parisino (*l'hôtel Dieu*) statim post partum pedibus incedere viderat mulieres ad lectum suum saepe satis distitum; quod fieri non posset, si ossa pubis a se mutuo, vel ossa illi a sacro disjuncta fuissent. Addit etiam, quod in pluribus puerperarum cadaveribus dissectis nunquam talem ossium separationem viderit. Verosimile videtur, quod in partu naturali, nec adeo difficili, licet utcumque cedere possit nexus ossium pelvis, tamen non fiat absoluta horum ossium separatio. Non videtur autem ullo modo negari posse, in difficili partu ossium pelvis a se mutuo sejunctionem contigisse. Testati fuerunt hoc celebres in arte obstetricia magistri; invenerunt nempe haec ligamenta, de quibus dictum fuit, mollia, & dilatata, ipsa ossa separata. Trecentis auditoribus in cadavere mulieris, quarto a partu die suspendio strangulatae, hoc demonstravit *Riolanus*. In sequenti post partum die ad minimi digiti distantiam separata ossa pubis invenit *Dicmerbroëckius*. Similia vidit *Paracelsus*, *Baubinus*, *Harvaeus*, *Spigelius*. Omnia haec testimonia collecta habentur (u). Ipse vidi in illustri puerpera, undecima a partu difficillimo septimana mortua, ossa pubis adhuc separata, ita ut cum crepitu supra se mutuo moveri possent. Hinc non miror, magni nominis in arte obstetricia virum (v), ex propriis observationibus, & cadaverum numerosa sectione edoctum, statuisse, quod saepius, quam creditur, contingat in difficili partu, ut ossa pubis a se invicem diducantur. Pubis ossa ad digiti distantiam a se invicem separata, & cartilaginea, qua haec ossa junguntur, emolliata, invenit *Cornelius a Solingen* (x): ubi etiam plures observationes lauguntur, ex optimis auctoribus collectae, quae docent, in partu difficili ossa pubis, & alia, quae pelvim constituunt, ossa a se mutuo seungi, emolliis, & magis tumidis redditis integumentis, quod imprimis notandum videtur (*). Certe observatur, ante partum vaginae membranam internam tumidulam reddi, mollem, humidam, & vulvae labia molliter intumescere. Os uteri, quod antea tangebatur firmum, & solidum, molle redditur, & dilatatur, antequam partus dolores ingruant. An similis mollities humida in ligamentis, ossa pelvis inter se nectentibus, nascitur ante partum, ut cedere possint, ubi opus erit in partu difficili? postea ossa sejuncta, foetu expulso, elasticorum ligamentorum ope ad pristinam redeunt unionem? Videtur certe hoc satis probabile esse. Vidi saepius, post difficilem partum puerperas de molesto dolore circa commissuram ossium pubis conquestas fuisse, nec potuisse primis diebus puerperii ullo modo situm erectum in lecto tolerare. Sensim tamen minuebantur hae molestiae, & convalescebant, licet tardius.

Verum si tanta vi opus est in angusta nimis pelvi ad exprimendum foetum, ut ipsa ossa disjungantur, patet satis, quantam vim pati debeat foetus caput, dum per arctas adeo vias transprimitur. Hinc toties mortui infantes pro-

(u) Bonet. Sepulc. Anatom. Tom. 3. pag. 117-119.

(v) Levret l'art des accou-

chem. pag. 3.

(x) Scalp. van der Vliet observat. LXVI. pag. 284. & seq.

(*) Conter & Peu Pratiq. des accouchem. liv. I. chap. 12. §. 2. pag. 185. Denys verhandelungen &c. pag. 174. 175.

prodeunt in partu difficili; si autem vivi adhuc prodeant, elongatum caput habent, a solita figura multum recedens; quod peritae obstetrices molli, & aequabili manuum pressione ad debitam figuram reducere conantur. Notum enim est, calvariam recens nati infantis non esse penitus ossilem, sed parsim adhuc membranaceam; unde ossa possunt ad se mutuo accedere, sicque sphaeroidea capitis figura in oblongam mutari, ut facilius per angustam nimis pelvim exire possit.

Nec minor vis infertur utero, dum foetum per angustam pelvim exprimere nititur. Uterum enim sua propria contractione agere ad partum promovendum, extra dubium est. *Hemsterhuys* (y) circa medium praecedentis saeculi vidit, quod gravidarum canis uterus, abdomine aperto, suo nixu solo, diaphragmate, & musculis abdominis non adjuvantibus, foetum exclusit. Recentiora experimenta idem confirmaverunt. In cane praegnanter, partui jam propinqua, vidit celebris Medicus Bononiensis *Caldani* (z), uterum moveri satis fortiter. Credebat prima fronte, fieri hunc motum a foetibus in utero contentis. Discidit uterus, eduxit tres foetus vivos, & binos mortuos, fere totos putridos: uterus sic evacuatus jam propria vi sic contrahebatur, ut cavum ejus redderetur nullum. Perrexit uterus ille se movere per horam, & amplius; tuncque motus incepit languescere; leni stimulo poterat augeri, ita ut candela, propius admota, contraheretur adeo valide, ut tota ejus cavitas deleteretur. Eadem tentamina postea facta sunt in uteris binarum vacuarum non gravidarum, & dum adhuc haerent in corpore, & dum jam essent exempti.

Sed eandem vim utero humano inesse suadent, multa. Dum dolores partus urgent, perita obstetrix, orificium uteri tangens, sentit dolorem instare, licet puerpera non sentiat; imo, uti praecedenti Capitulo dictum fuit, prudenti irritatione oris uteri incitatur uterus, ut contenta suo cavo expellat. Propria sua vi uterus, matre jam mortua, foetum expressit; in vivente placentam relictam toties solvit, solutamque expellit, grumos sanguinis, cavum replentes, exprimit, & ex magna distensione in gravidis redit in pristinam magnitudinem. Toties senserunt obstetricantes Chirurgi, manum utero immisissam valide constringi. Muscularem in uteri fabrica substantiam detexit *Ruysschius*; confirmaverunt alii; de qua re videri possunt illa, quae apud Uteri Gravidis descriptorem habentur (a). Omnia ergo haec concurrunt ad demonstrandam validam uteri in partu contractionem.

De valida uteri contractione *Ruysschius* (diu antequam musculares illas fibras detexerat) adeo videtur fuisse certus, ut crediderit, uteri orificio pertinaciter clauso, vel capite foetus illud obturante, contentos in utero humores posse per tubas Fallopianas exprimi in cavitatem abdominis, & pelvim (b).

Imo

(y) *Mémoires* aurea exhibens Anatomica pag. 333.

Sic. Haller pag. 320.

(z) *Observ. Anom. Chirurg. N. LXXXIV. & LXXXV. pag. 79. 80.*

(t) Lettera scritta al chiarissimo

(*) Noortwyk de utero gravido pag. 106. & seq.

Imo, quod magis mirum, videtur uterus in difficillimo partu ex propria sua substantia expresseisse quasi transudando sanguinem in cavum abdominis, qui post mortem concretus repertus fuit. Moritur ob difficilem partum mulier, non excluso foetu: in cadavere reperitur tota anterior uteri superficies tecta sanguine concreto, qui nullo negotio inde separari poterat, & supra mensam expansus placentam coagulati sanguinis exhibebat, quindecim pollices longam, pedem latam, & tres lineas crassam. Accurato examine nullum vas ruptum inveniebatur, nec gutta sanguinis in reliquo cavo abdominis apparebat (c). Unde probabile videtur, quod sanguis ille ex ipsa uteri substantia transudando expressus fuerit per validissimos miserae puerperae nixus. Nec improbable videtur; in difficili valde partu hoc saepius contigisse; unde pessima sequi potuerunt mala post puerperium a corrupto hoc sanguine extravasato, in liquamen soluto, & viscera abdominalia alluente. Vix enim credibile videtur, tantam copiam grumosi concreti sanguinis, in cavo abdominis collectam, resorberi potuisse.

Dum ergo tanta vi uterus constringitur, & in difficili partu validissimis parturientis nixibus urgetur contra foetum, ejus cavo contentum, merito metuitur uteri ipsius ruptura, per quam foetus vel pro parte, vel & totus in abdomen matris delabatur, lethali plerumque cum eventu. Celebris olim Parisiis obfetriciae artis magister, *Gregoire* testatur, se triginta annorum spatium decies sexies observasse uteri rupturam: inter haec semel vidit, rupto utero ad placentae latus, foetum pedibus suis tetigisse matris diaphragma: in alio casu notat, caput infantis, totumque dextrum latus extra uterum reliquis partibus adhuc in uteri cavo haerentibus, ita ut foetus divaricatis cruribus inequicaret quasi utero (d). Plura certe inveniuntur rupti uteri exempla apud *La Motte* (e), & alios: notabilis imprimis ille casus, ubi foetus placentam, ac uterum, pedibus suis perforaverat, & tamen *La Motte* per pedes illum eduxit: placenta postquam separata fuerat, manum denuo immisit utero, penetravit per uteri rupturam in abdomen, & intestina manifeste tangere potuit. Supervixit tamen misera per triduum. In alio simili casu supervixit puerpera per quatuor dies; & in cadavere vestigium tantum rupturae uteri inveniebatur, quod minimi digiti apicem caperet, contracto nempe jam utero. Mirabilis casus rupti uteri habetur (f), ubi totus foetus in cavo abdominis haerebat, excepto unius pedis extremo, & fune umbilicali: tamen feliciter pedibus ductus fuit; & post separationem placentae, dein manu immissa, sanguinem grumofum eduxit ex abdominis cavo. Supervixit & haec per octiduum. In cadavere mulieris, quae partus dolores per triduum toleraverat, & absque foetus exclusione perierat, invenit Celeberrimus *Alexander Monro* fissuram uteri, per quam foetus maturus una cum placenta delapsus fue-

(c) Medic. Essais and observat. Tom. IV. pag. 447.

(d) Acad. des scienc. l'an 1724. histoire pag. 52. Heister's vyzernemingen 344.

(e) Traité des Accouchemens liv. IV. chap. V. pag. 463.

(f) Pea pratiq. des Accouchem. liv. I. chap. VIII. pag. 79. & seq.

fuerat in abdominis cavum; quod etiam magnam sanguinis quantitatem continebat (g).

Sed non uterum tantum fissum, at ipsum quoque abdomen crepuisse in difficili partu cum magno fragore, legitur (h), & per hanc aperturam exivisse foetum, eductam fuisse placentam, contentaque abdominis viscera ab adstantibus visa. Integre tamen curata fuit puerpera sola applicatione butyri cum saccharo albo misti: cicatrix sanati vulneris simile vestigium reliquit, ac si crassiori acicula cutis rafa fuisset. Vix fidem mereri videretur mirus ille casus, nisi jurati autopae testes coram magistratu veritatem confirmassent, ac in testium numero forent obstetrix, & alia mulier, quae placentam eduxerat. Testimonia autem haec, publica fide munita, a Secretariis Societatis Edinburgensis servantur.

Certum ergo est, in difficili partu uterum rumpi quandoque. Considerationem autem meretur, an cognosci possint signa, ex quibus praefagiri possit, uteri rupturam metuendam esse; & an dentur indicia, quae docent, uterum jam ruptum esse. Denique videndum est, an in tanta calamitate aliquod auxilii ab arte sperari possit.

Omne, quod obicem ponit foetui egressuro, inter causas rupturae uteri numerari potest; sed tamen non in omni partu, etiam admodum difficili, uterus rumpitur: imo rarius hoc contingere, notum est (i). Cum autem non omnia cadavera parturientium, pleno utero mortuarum, aperiantur, videtur iusta suspicio esse, quod uteri ruptura adfuerit, saltem in quibusdam illarum, licet plena certitudo non habeatur: imprimis, si validos, irritos quamvis, habuerint pariendi conatus.

Immediatam autem causam rupti uteri, praeter vim externam illatam, frequentissime saltem ponit *Leuret* (k) calcitrationem foetus, dum capite in angusta nimis pelvi inclavato (ut vocant) haeret. Praecipue autem, cum infans convellitur; quod saepe contingit, dum jam morti proximus est: si simul tunc uterum propria vi, & nixibus maternis urgeatur, tanto magis ruptura metuenda est. Accedit, quod per motus convulsivos vis musculorum augeatur immaniter, uti in *Epilepsiae* historia dictum fuit.

Demonstratur fidelibus gravissimorum auctorum observatis, in omni sua parte uterum ruptum fuisse, quas collectas videre licet apud *Celeberrimum Crantz* (l), qui pulcherrimum de *rapio utero* tractatum scripsit. Signa autem, quae rupturam uteri praecedunt, haec sunt (m): Foetus, postquam aliquo temporis spatio immobilis mansit, subitis agitur motibus, qui acutum matri dolorem excitant, in illo loco matricis, ubi rupturae periculum est: anxietas autem praecipue sedem figit versus medium regionis epigastricae. Illi succussus per vires redeunt, non limitato temporis intervallo: tandem ultimus, sed violentissimus subsultus succedit, qui mortem foetus denunciat;

post-

(g) Essais and observat. Physic. and Literat. vol. a. Artic. XXIV. pag. 339.

(h) Ibidem pag. 338.

(i) Crantz de utero rupto pag. 12.

(k) L'an des accouch. §. 595. pag. 97.

(l) In loco modo citato & seq.

(m) *Leuret* Ibid. §. 597. 598. pag. 98.

postea silent illi motus. Plerumque enim foetus convulsus moritur. His signis Celeberrimus Cranz (n) addit sequentia: *Vastum, & distensum abdomen, retracts vagina, orificium altum, dolores quidem veri, sed violenti, sine magnis intervallis frequentes, sine partus progressu ingrati, statim ab initio, aut medio naturalis nixus tempore adsunt. Ruptis aquis, dolores vehementius inflant, sine intermissione improbi, sine partus spe crudeles, ita mulierem discruciant, ut, & ignarum vulgus his non enixam vehementer miretur* &c. donec tandem violentissimo subsultu elatus foetus, contrahum calcitrans uterum perfodiat, aut membro magis obuso dilaceret. Disputat deinde in notis (o), an uterus rupturatur, aquis adhuc integris, an vero, postquam, ruptis membranis, jam effluxerunt; & omnibus rite ponderatis concludit; *Nihil certi in hanc rem statui posse; busque vero in bene descriptis observationibus uterum semper post effluxas aquas ruptus est.*

Si haec signa modo recensita adfuerint, futurae uteri rupturae iustus motus est: si post haec succedant sequentia, uterum jam ruptum esse, designant (p). Si nempe animi deliquium, vel magna debilitas sequatur, mento tamen adhuc constante, facies palleat, pulsus debiliior fiat, abdomen tumescat tumore largo, & plano, cum sensu caloris insoliti, sed blandi; si extrema frigescent, guttae sudoris viscidii frigidi in facie appareant; tunc brevi deficit, & plerumque parturiens moritur convulsa. Aliquando, dum uterus ruptur, concussionis sonum audiunt adstantes, & post animi deliquium melius se habere videtur; foetus motus raro, vel nunquam sentitur amplius; partus dolores cessant; foetus membra, quae in ore uteri antea tangi poterant, jam non amplius percipiuntur; si nempe vel totus foetus, vel pro magna parte jam in cavo abdominis haereat; tunc autem tangendo abdomen partes foetus distinctius tactu percipi possunt, quam antea, dum adhuc in uteri cavo haerebant.

Optime autem notatur (q), hanc symptomatum seriem non semper perpetuam esse; quasdam etiam absque ullis ruptis jam uteri signis deficere, & mori paucas post horas; dum aliae, uti ex antedictis observatis constat, per plures dies supervivunt; in quibus varia debuerunt, vel saltem potuerunt esse symptomata, prout foetus in abdomine haerens haec, vel illa viscera, premendo, vel irritando, assecerit. Nec tamen semper foetus, rupto utero, in abdomen exit; nam & partu naturali, ac quidem placido, absque obstetricis auxilio foetus prodijt, placenta statim subsequente. Matre eadem die mortua, aperitur cadaver, & invenitur uteri ruptura (r).

Foetum autem, rupto utero, in abdomine haerere; imprimis noscitur, si pars, quae antea in orificio uteri tangebatur, jam non amplius sentiatur; si per muliebria sincerus defluat sanguis, aut jam congelatus decidat cruor; si orificium uteri, uti post partum plerumque contingere solet, connaveat; &

(n) De rupto utero pag. 15. 16. & seq.

(o) Ibid. pag. 17. 18.

(p) Ibid. pag. 19. & seq. Levret l'art des Accouch. §. 599. pag. 98.

(q) Cranz de utero rupto pag. 22.

(r) Ibid. in notis.

si uterus collapsus fuerit (1). Contraria autem his signa indicant, foetum integrum, vel pro parte, adhuc uteri cavo contineri.

Cum autem plurima symptomata uteri rupti pendeant a iactura sanguinis, qui in cavum abdominis effunditur, possent eadem sequi a quacunque alia haemorrhagia, licet sanguis non colligeretur in abdomine. Si per uteri orificium, & vaginam effluit sanguis, causa manifesta est: verum, si membranis adhuc integris, funiculus umbilicalis ruptus fuerit, vel iisdem jam ruptis, foetus capite obturante, & implente uteri orificium, idem congerit, replebitur uteri cavum sanguine, foetus ex inanitione convulsus uterum percutiet, parturiens debilitabitur, pallescit, sicque multa concurrent symptomata, quae pro signis uteri rumpendi, & rupti habentur. Raro quidem observata fuit haec causa internae haemorrhagiae, ita ut *La Motté* testetur, se illam tantum semel observasse; uti ad §. 1304. dictum fuit; contigit tamen. Alter enim casus ex *Leureti* observationibus habetur apud *Cranz* (2), ubi chorda umbilicalis rupta fuerat inter partus dolores, pluribusque gyris collo circumvoluta suffocaverat foetum. Cum autem venter magis magisque tumeret, imprimis in regione epigastrica, sed & simul tactu durus perciperetur, internam haemorrhagiam suspicabatur *Leureti*, potius quam uteri rupturam, cum post hanc abdomen quidem sanguine impleatur, sed tumor plavus, & mollis appareat; quo signo uteri ruptura distinguitur ab haemorrhagia, interna uterum integrum replente. Hinc, licet in illo casu *verum*, & *certum fuerit in confinio dubii, & falsi*, tamen non difficile fuit consummato in arte viro *Leureti* veram facere diagnosis. Cum enim caput foetus totam fere vaginam repletet, nec tamen promoveretur per validos, & frequentes dolores, quatuor horis a parturiente toleratos, iusta erat suspicio, chordam umbilicalem collo, vel aliis membris foetus circumvolutam, partum retardare; adeoque metum esse, ne placenta, cui chorda affigitur, separaretur ab utero, & haemorrhagia sequeretur, uti toties contingit. Nec ullam culpam habuit, quod rupturam chordae umbilicalis non praecognoverit, cum tam raro contingat, & nullo modo cognosci possit, quamdiu foetus capite suo implet uteri orificium. Haemorrhagiam internam uteri integri distinguit ab illa, quae rupto sequitur utero, ac in abdominis cavum sanguinem effundit; & ex hac cognitione determinavit, quomodo parturienti succurrere posset.

Sequitur jam, ut consideretur, quomodo succurri possit parturientibus, dum partus difficilis pendet a compage anteriori ossium pelvis, quae transitum foetus impedit.

Optimus *Deventer* (3) monet obstetrices, si tangendo invenerint, angustam pelvim esse, ne urgeant parturientes, ut validos conatus adhibeant dolorum tempore: nunquam enim hic festinandum: praecipua spes est, ut sensim leniori nixu oblongetur caput infantis, sicque aptum reddatur, ut per has angustias transeat. Unde nulla remedia, nullae artes adhibendae sunt,

ut

(1) *Cranz* de utero rupto pag. 39.

(2) *Ibid.* pag. 25. 26. in notis.

(3) *Nov. Lum. obitric. cap. 27. pag. 115.*

ut augeantur dolores, robore, aut frequentia, licet impertune saepe haec defiderentur a parturientibus, & adsistantibus. Antea monitum fuit, ossa pelvis ex diversis constare ossibus, quae a se mutuo videntur recedere posse, ut spatium transituro foetui augeatur: firmantur ad se mutuo cartilaginibus interpositis, & ligamentis: haec observata fuerunt tumescere, mollescere, flexilia fieri, dum partus infat, ut plus cedere possint: verum haec sensum fieri debent, & hinc lentior partus laudatur in primiparis. Commodo sita locandae sunt parturientes, sive in sella perforata, sive in lecto, ita ut os coccygis libere retrorsum cedere possit, neque a pondere corporis, vel a vestibus ullo modo prematur. Imo, ubi jam in exitu pelvis caput foetus haeret, suadet auctor, ut antrorsum incurvatum os coccygis, manus in vaginam immittit dorsi, dum vola sursum spectat, retroprimant aequabiliter, sicque capiti foetus emerfuro viam faciant obstetrices (v).

Verum si caput infantis, haereat in pelvis cavo, nec tamen transprimi possit ob viae angustiam, licet os coccygis retropressum fuerit, vel illud os non cedat facile, tunc aliis opus est auxiliis, quae varia a variis laudata fuerunt; sed non omnia aequae tuta. Quamdiu caput nondum penitus fixum, & immobile in pelvis cavo haeret, suaserunt plures, ut, capite retro pulso, prudenter per pedes, obstetricantis manu prehensos, educatur foetus. Verum, si caput jam fixum in pelvi haereat, nec exprimi possit (inclavarum dicunt), tunc situs infantis amplius mutari nequit, nec caput retroprimi. Difficilis certe casus, cujus tot tristia exempla occurrerunt: si in his angustis diu haereat infans, moritur, & ante mortem convulsus, valida calcitratione quandoque matris uterum rumpit; uti dictum modo fuit. Si moriatur infans, flaccescit caput quandoque sic post aliquod tempus, ut valido nixu exprimatur. Sed sero hoc plerumque fit, dum a continua illa valida compressione in molliibus partibus gangraena fit, plerumque matri lethalis; vel, si emerferit, molestissima curatione opus est, & pessima saepe relinquuntur mala, ob devastatas per gangraenam partes vicinas, vaginam, intestinum rectum, urethram; quarum calamitatum exempla passim leguntur.

Crudeles hinc tentatae fuerunt operationes, dum uncis infixis protrahere conabantur Chirurgi. Verum quidem est, foetui jam mortuo ut parcat, nullam esse necessitatem: sed postea patebit, non semper adeo certo constare de morte foetus in utero materno. Horrenda fuerunt exempla, ubi semilaceri foetus, vi extracti, uncis confixi, misero ejulatu vitam testabantur. Quandoque uncis, male defixi, vel laceratis inter trahendum foetus partibus dilapsi, miseram parturientem laceraverunt, imprimis, si foetu diu jam mortuo, & semiputrido, haec tentarentur. Unde factum est, ut prudentiores ab his abstineant omnino, vel utantur quam rarissime. Legi meretur de hoc *Celeberrimi Cramix egregius tractatus de re instrumentaria in arte obstetricia*; ubi de omni re hic accurate agitur, simulque horrendus casus legitur (x)

ob-

(*) Nov. Lum. Obstetric. Cap. 27. pag. 122, 123. (x) §. XXXVIII. pag. 37.

obstetricantis Chirurgi, qui uncus foetus capiti infixit, cerebrum extraxit, infantemque adeo enormiter laesum post horae spatium protraxit, vivum adhuc, & validò ploratu crudelitatem exprobrantem. Nec contentus hoc facinore, pede collo infantis imposito, spiritum elisit. Carnificis manum merebatur horrenda talis carnificina.

Omnem autem operam adhibuerunt praeclari in arte obstetricia viri, ut in difficili hoc casu liberarent matrem, nec tamen laederent foetum, ita ut ille superstes esse posset. Manibus protrahi incuneatum in pelvi caput non poterat: hinc cogitaverunt *de parando apto instrumento, quod ferreis quasi manibus caput prehenderet, foetumque vivum, si possibile esset, secure extraheret (y)*. Chronologico ordine ibidem recensentur auctores, qui talia instrumenta vel invenerunt, vel jam inventa correxerunt sic, ut facilius, & tutius adhiberi possent. Simul etiam notatur, Veterum quaedam instrumenta salubri huic scopo facili negotio adaptari potuisse. Forceps nempe adhibitus fuit, cuius labia latiora utrumque foetus caput prehendere possent: labia autem illa excavatam curvaturam habere debebant, ut rotundae capitis figurae melius adaptari possent, & latiorē superficiem prehendere, sicque minus laedere, dum agunt.

Facile autem patet, tales forceps non potuisse habere crura juncta, ut in vulgari forcepe obtinet: tunc enim utrumque labium simul immitti debuisset, & deinde in ipsa vagina a se mutuo disjungi, ut caput prehendi posset; quòd absque violenta partium distractione fieri non potest: praeterea forceps labia inter caput foetus, & os uteri locari debent, quòd vix rite fieri potuisset, si crura invicem juncta fuissent. Verum, dum crura separata sunt, unum post alterum introducit, & postea, si opus fuerit, extra vaginam crura forcipis axe, vel cochlea, per foramina crurum sibi invicem impositorum transeunte, firmari poterunt, sicque caput protrahi: patet hinc, crura debere esse longiora. Manebat tamen semper difficultas in forcepe recto, ut crura jungerentur; hinc curvo forcepe *Levers* usus est, *cujus labia mediam capitis diametrum aptius prehendant, cujus crura facilius junguntur, & clauduntur, & qui, quo caput propius adducit, eo a fraenulo vulvae magis distat (z)*. Hujus autem forceps constructo, ad formam vaginae, pelvis, & capitis infantis, exacta, bicurvilinea, & cava, a prima inventionē his incommodis vacans (a). Simul objectiones contra forcepium usum factas egregie solvit.

Saepebulum, & ultra elapsum est, quòd in partu difficili quidam artis obstetriciae magistri longe feliciores fuerint aliis, dum nempe caput, incubearum quasi, in pelvi haereret. Feliciter saepe absoluebant tales partus, dum alii, licet in arte obstetricia versati fatis, infecta re abire debebant: Arcanam methodum servabant caute, ut nemini innotesceret. Videtur probabile, inventorem fuisse Anglum, celebrem olim in arte obstetricia magistrum, *Chamberlens (b)*, qui una cum tribus filiis, artem magna laude exercuit. Per secula

(y) Cranix de re instrum. in arte obstetric. §. IX. pag. 13.

(z) Ibid. §. XXXIV. XXXV. pag. 34. 45. (a) Ibid. §. XLII. pag. 45.

(b) Het Koonhuyzaalich geheim ontlecht &c. pag. 19. & seq.

sexaginta, & ultra annos latuit hoc arcanum, & *Amstelædami* inclauit ejus usum *Rogier van Roombuyssen*; unde postea arcana hæc methodus vel hæreditate, vel pretio numerato, una cum promissa silentii fide, ad paucos pervenit, qui hac arte inclauerunt. Summa ergo laude dignissimi sunt Poliatri egregii Amstelædamentes, *Jacobus de Visser*, & *Hugo van de Poll*, qui proprio aere redemptum hoc arcanum communicarunt, & publica fide munitis testimoniis probaverunt detecti arcani certitudinem contra lucripetas, & improbos quosdam obsecratores, qui publicum decipere conabantur. Figuram instrumenti exactam dederunt ita, cum omnibus suis dimensionibus, ut ubique locorum artifices illud imitari possint quam facillime.

Instrumentum hoc simplicitate sua se commendat: est enim vestis simplex, cujus extremum leviter incurvatum inter ossa pubis, & caput infantis inclavatum prudenter immittitur, sensimque protruditur, donec ad occiput infantis pervenerit, & curvatura sua illius convexitatem undique tangat. Tunc elevatur sensim alterum extremum vestis, donec tangat commissuram ossium pubis, quæ hypomochlion firmum vesti dat, & ulterius elevando hoc extremum, caput infantis deorsum patum, & antrorsum premitur, sicque ex his angustiis liberatur. Dum una manu vestem moderatur obstetricans, altera sustinet anum, ut lacerationem caveat, simulque caput foetus, jam liberum, versus anteriora dirigat, ubi majus spatium nascenti jam infanti datur. Caeterum omnia, quæ in conficiendo hoc veste, illumque tegendo, & dein applicando sunt observanda, adamussim in egregio hoc tractatu describuntur.

Quamvis autem egregii viri, qui varios forcipes invenerunt, aut perfectiorum, omnem laudem mereantur & ob industriam, & ob candorem, quo sua inventa publico communicaverunt, tamen videtur vestis ille *Roombuyssianus* reliquis esse præferendus.

Simplicissimum enim est instrumentum, parvæ molis, facile occultandum, ne parturiens, & adstantes instrumentorum apparatu terreantur. Unde, dum latebat hoc arcanum, plurimi crediderunt, *Roombuyssianos* obstetricantes nullo instrumento uti, sed peculiari, ipsis solis nota, encheiresi difficiles illos partus tam feliciter, & sæpe paucorum minutorum spatio, absolvere. Mirabantur quam maxime, hujus arcani possessores, ad parturientes vocatos, non semper statim opus aggressos fuisse. Si enim nondum penitus immobile in pelvis angustiis hæreret caput, sed vacillaret adhuc; exspectabant, donec penitus incuneatum hæreret. Ratio facile patet: vestis extremum occipiti applicatum vacillasset, nisi firmum hæcisset foetus caput, nec dilabi ex suo potuisset loco. Magnam præterea utilitatem habet, quod potentia vestis agat in os occipitis, quod firmissimum est inter ossa capitis foetus. Per forcipes autem prehensum caput comprimitur, & oblongius redditur; quod juvat quidem exitum, sed & simul semper metum relinquit, ne molle encephalon hac compressione lædatur.

Numerosi, & felicissimi successus probaverunt plus satis utilitatem hujus simplicis instrumenti. Nam *Joannes de Bruyn*, a cujus hærede filia unica hoc

hoc arcanum redemptum fuit, quadraginta duorum annorum spatio octingentos infantes, capite in angusta pelvi incuneatos haerentes, eduxit vivos. Sic apparuit ex annotationibus viri illius, qui integerrimae fidei ab omnibus semper laudatus fuit. Cum autem humiliter de se ipso sentiret, & invidorum calumniis laceraretur, non habuit civium suorum talem fiduciam, qualem merebatur. Caeterum servatorum infantum arte sua major procul dubio fuisset numerus. Pauci enim illi, qui arcanum hoc noverant, frequentius ad difficulter parientes vocati, mirabantur, quod tot annorum spatio octingentos tantum servasset infantes, cum ipsi longe plures, breviori multum tempore, felices successus numerare possent (c).

Quantam ergo cladem intulerunt humano generi, qui arcanum hoc texerunt! urinam non inter illos numeraretur *Fredericus Russibus*, cui ars nostra tantum debet. Quanta non deberetur laus illis, quos *generoso incolum peritus bonis* impulit, ut revelarent! Talis facti, fecisse, merces est, & praemium dabit optabilis serenae mentis tranquillitas illo tempore,

— — — *Dum numina nobis*
Mors infans majora facit . . .

Obstetricantibus, simul, ac innotuit, statim commendavi vectem; quo plures se feliciter usos fuisse testantur.

Si autem per exostos, vel pessimam conformationem ossium pelvis adeo angusta fuerit, ut nulla arte obtineri possit, nec sperari quidem foetus exitus, tunc nihil superest, nisi ut Sectio Caesarea instituat. Idem verum est, si caput foetus praeternaturaliter adeo crassum fuerit, ut cavo pelvis, etiam naturaliter constituto, excipi nequeat: praecipue, si solidum caput, & monstrosae magnitudinis fuerit. Si enim distendente lymphæ anctæ fuerit moles, cedit, patitur se elongari; & observationes docuerunt, vectis modo descripti ope difficilem talem partum fuisse expeditum. Quandoque etiam validis parturientis nixibus pressum caput rumpitur, & effusa lymphæ collabitur; sed infans tunc plerumque mortuus prodit, vel paullo post nativitatem perit. De qua re videri possunt illa, quae ad §. 1217., & 1218. dicta fuerunt.

In mortuae matris cadavere Caesaream Sectionem institui posse, ut servetur infans, nemo dubitavit, imo in quibusdam locis lege statutum est, ut hoc fiat in tali casu semper; & merito quidem. Utriusque *Siciliae Rex Carolus*, talem legem sancivit quadragesimo nono hujus saeculi anno, quae statuit; *Ut quacvis persona, cujus dolo, impedimento, vel negligentia Caesaris parus operatio cum damno foetus omittatur, aut saltem retardetur, isque insuper, cujus malitia violentus abortus, ut ante dictum fuit, evenerit, habeatur criminis homicidii patresores (d).* Deinde mandatur omnibus iudicibus, ut severiori,

qua

(c) Voorreden Ibid. pag. 29. & seq.
& seq.

(d) Gangia Mila Embryolog. Sacr. pag. 255.

qua possunt, metodo processum omnino construunt, illosque carceribus tradant, & consueta forma, juxta ritum, legesque regni, capitali judicio persequantur; quo deinde ab iis, ad quos pertinet, pro ratione tum qualitatis, & circumstantiarum in crimine, tum doli, & gravitatis negligentiae reperiatae, ad poenas damnari valeant, quibus homicidia coercerentur.

Omnia, quae ad hanc rem spectant, ex Theologia, Jurisprudencia, & Medicina, in utilissimo hoc opere collecta habentur, ordine digesta, & contra objectas difficultates defensa (c).

Sponte patet, tam cito, quam fieri potest, post mortem matris foetum liberandum esse, cum, matre mortua, in magno versetur periculo. Neque desperandum tamen est de foetus vita, licet post mortem matris notabile tempus effluerit, uti pluribus constat observatis, quae videri possunt (f). Inter quae mirabilis casus est gravidæ a marito pluribus vulneribus confossæ, ex cujus utero, quadraginta octo post mortem horis, sectione educus fuit infans, in pedo per uterum confossum vulneratus, qui adhuc per quadrantem horae supervixit.

Interim, ut sectione liceat educere foetum in hoc casu, certo constare debet de morte matris. Dissimulari non potest, *Vainslovium*, & alios demonstrasse, mortis signa non semper adeo certa esse, ac vulgo creditur. Nimis notum est, ipsum *Vesalium*, Caesaris Archiatrum, & Anatomicorum sui sacculi, principem erroris accusatum fuisse, quem peregrinatione in terram sanctam expiare debuit, in cujus itineris reditu mortuus est.

Adeoque patet, omni quidem hic circumspectione opus esse, imprimis si subita morte & vivis creptat credatur gravida: syncope enim fallere possit: unde excitantia, & nervos acriter stimulantia remedia prius tentari debent: crudele enim foret, matris nondum mortuæ uterum incidere, ut foetus educatur, dum nulla spes est salvandæ simul matris per sectionem, uti mox dicetur; unde in Rituali Romano habetur (g): *Si mulier prægnans mortua fuerit, foetus quamprimum caute extrahatur*. Crudele erat illorum Institutum, qui instante jam morte, nondum tamen mortua gravida, ventrem discindendum suadebant. Contra talium barbaram carnificinam merito insurgit Venerandus plurimum, & eruditissimus auctor (h).

Ubi post morbum Chronicum diu toleratum, vel & validum acutum morbum, in gravida appropinquantem mortem vidit peritus, & prudens Medicus, non fallitur facile, dum mortem adesse jam pronunciat: sed summa attentio requiritur, ut syncopen a vera morte distinguat. Imprimis summa prudentia opus est in talibus, quae animi deliquis, morbisque hysterici obnoxiae vixerint, & graviditatis tempore in validam syncopen lapsae fuerint. In tali enim syncope pallefcunt, facies collabitur, cadaverosa fit, extrema frigent, rigescunt, pulsus, & respiratio silent omnino. Probe memini, me subito vocatum fuisse ad gravidam mulierem, quarto circiter mense, valida cholera, & subitis, ac copiosissimis evacuationibus quinque horarum spatio adeo exha-

(c) Pag. 53. & seq.

(A) Ibidem.

(f) Ibid. pag. 72. & seq.

(g) Ibid. pag. 59.

exhaustam, ut post convulsiones inciderit in veram syncopen, ita ut ab adstantibus pro mortua haberetur, dum accedebam, Frictionibus extremorum, linguis calidis, stimulantibus remediis spirituosius ad nares, & prudenter linguae applicatis, per quadrantem horae nihil profeci: indignabantur sere amici, quod cadaver vexarem; perrexi tamen; & post aliquot minuta percepi aliquem in carotidibus motum; palpebras deduxit, ingemuit, & sensum ad se rediit, bonisque nutrimentis exhaustum corpus sensim repletum, gratissime cardiacis erectae vires fuerunt, ut integre restituta fuerit, & septimo mense vivum infantem pepererit, debilem tamen, & qui paucis diebus tantum supervixit.

Cernissimum autem illud mortis absolutae criterium, putrefactio nempe cadaverosa, hic expectari nequit, cum certo periret prius foetus: quandoque enim per biduum, imo & diutius expectandum foret, antequam foetor cadaverosus perciperetur. Sectio autem Caesarea ad salvandum foetum in hoc casu instituitur tantum.

Ubi ergo sollicito examine, non persuasorio tantum, nulla signa vitae apparent, nulla respiratio, nullus arteriarum, vel cordis motus percipitur, facies jam ante mortem cadaverosa fuit, oculorum acies fracta (ut vocant); & quasi lamella viscida obducta, rigida sunt membra, extrema frigida: si maxilla inferiore a superiore diducta, hiatus maneat, qui dein, elatere musculorum per frigus cadaveris aucto, sensum minuitur, sed non ad perfectam clausuram usque; si nulla subita, & copiola evacuatio praecesserit, unde sinco pes perfectae suspicio nasci posset, si nullis stimulis sopitus, & cessans jam motus humorum excitari potuerit (1); tunc, si non physica, moralis falsum, mortis perfectae certitudo haberi poterit; quae augetur, si ne quidem vivo igne corpori applicato ulla sensus, aut motus signa observentur.

Optime enim notat egregius ille auctor (k): *Aliud est dicere, Homines multoties errasse, illos reputando mortuos, qui vitam retinebant: aliud est, dicere, viros a mortuis per signa internosci non posse: Sicuti etiam aliud est dicere, saepe adulterinam expendi pecuniam: pro incorrupta; aliud tamen adstruere, non dari modum ad discernendum in pecuniis aurum probum a vitioso: primum enim verum, secundum omnino falsum existimatur.*

Ideo etiam in his locis, ubi lege cautum est, ne cadavera sepeliantur ante quadraginta octo horas elapsas post mortem, conceditur, ut citius inhumetur, si Medicus, qui aegro opem tulit in ultimo morbo, scripto testetur, & suo quidem periculo, se de morte vera, & absoluta certum esse. Absque hoc lex adaequate servatur, ne rurius imprimis, ubi horrendi erroris majus periculum est, nondum vere mortui sepeliantur. Sic etiam obex ponitur periculoso Judaeorum mori, qui in mortuum peccare se credunt, nisi statim post mortem calens quandoque adhuc cadaver humo tradant.

Celeberrimus Heisterus (l), cujus scientiam, candorem, & longaevis artis usum

(i) Ibid. pag. 60. & seq. (k) Ibid. pag. 66.
Sect. V. Cap. 113. pag. 758.

(l) Instit. Chirurg. Tom. 2.

usum omnes veneantur, de hac re habet sequentia: *Quam rarissime enim, & vix ex centum millibus, qui a prudentibus, vel etiam a mediocri vulgo pro mortui habiti sunt, vel semel fecerint, ut non vere mortui fuerint, atque revixerint. Neque adhuc, quantum novi, ullum prostat exemplum, quod ejusmodi gravida, pro mortua habita, sub scissione revixerit. Imo si hos aliquando etiam praefer spem, & expectationem contingat, Medicus inde nimium terri non debet, quia scelus non commisit, & scissionem malo animo non instituit; sed ob soletum servandum eam pro cadavere incipit; ad quod faciendam partim ex religione, partim ex legibus, ut mox ostendemus, obligatur.* Omissis autem criminis suspicio deleri videtur, si in cadavere Sectio Caesarea instituitur eadem cum cautela, ac si in vivente muliere fieret: tunc enim vulnus inter laethalia numerari nequit; cum certo constet, sanatas fuisse illas, quae hanc operationem passae fuerant, uti mox patebit. Prudenter hoc observandum jussit *Senatus Venerius (m)*, ne sectio fieret decussata abdominis, ut in dissectionibus cadaverum fieri solet, sed talis, quae in viventibus fieri solet, dum Sectio Caesarea adhibetur. Praeterea jussit Senatus, ut Collegium Medicorum daret magistratui nomina illorum, qui ad hanc operationem perficiendam aptissimi judicabantur. Simul voluit, horum nominum catalogum in singulis pharmacopoliis omnium oculis exponi, ut cives certo scire possent, quorum auxilium implorare deberent in tristi hoc casu; sed & haec utilitas inde sequeretur, ut majori animo, & dexteritate Sectionem Caesaream facerent in vivis Chirurghi, dum eandem in cadaveribus tentassent saepius; illudque etiam fieret, quod artis obstetriciae optimi magistri toties optaverant, ut nempe, aperto cadavere, paterent errores ab obstetricantibus commissi sive ignorantia, sive temerariis ausibus, & debita posset statui poena, si culpa detecta foret, quam caeteroquin terra tegit.

Dicendum nunc superest de Sectione Caesarea in vivente muliere instituenda, hac spe, ut, & mater, & foetus servari possint. Quamvis autem numerosa satis observata doceant, felici cum successu hoc tentatum fuisse, nemo tamen peritus crederet, Sectionem Caesaream esse omnis omnino periculi expertem. Debet abdomen largo vulnere, & ipse uterus gravidus, vasis dilatatis, copioso sanguine plenis, turgens, discindi. Minime videtur mirum, sectionem illam non tantum mulieribus illam subituris, sed & Medicis, & Chirurgis horrorem incussisse. Cumque non semper felix fuerit successus, hinc multi illam damnaverunt omnino, tanquam crudelem, & inutilem. Accedit, quod saepius nec parturiens, nec adhaerens hanc operationem admittant, nisi dum jam vires fatiscunt omnino; tuncque moro, si sequatur, describitur operatio; cuius felix exitus sperari potuisset, modo citius fuisset adhibita. *Paraeus (n)* fatetur quidem, quod audiverit, Sectionem Caesaream cum successu institutam fuisse; sed tamen nunquam sibi persuadere potuit, illam, salva matre, factam fuisse: unde concludit; id curationis genus, quod periculi, & desperationis plenum est, nunquam usurpandum esse. Sic & *Mauriceau*

(m) Inst. Chirurg. Tom. 2. Sect. V. Cap. 113. pag. 758. in notis.

(n) Lib. de generat. Cap. 32. Spach. gynaec. pag. 421.

riteau (o) acriter infurgit contra Sectionem Caesaream, quam nunquam in viva muliere tentandam esse declarat, tanquam certo lethalem, & a qua non nisi per miraculum evadere possit mulier, si unquam aliqua sanata fuerit. Tanquam turpes fraudes, & mendacia, damnat omnes historias, quae de Sectione Caesarea, superstitie matre facta, narrabantur, & imprimis in *Roussseau* acerbissime invehitur. De eadem re legitur dissertatiuncula (p), ubi tandem concludit peritus ille in arte obstetricia vir, quod nunquam tentaverit in vivente, nec tentabit, nisi alterius vestigia legendo, cui feliciter Sectio Caesarea successerit.

Egregius Chirurgus de *La Motte* (q), de operatione Caesarea agens, fatetur, si ob malam conformationem ossium pelvis non relinquatur spatium sufficiens, ut foetus transire possit, tunc unicam relinqui optionem inter certam mortem matris, ac foetus, & Sectionem Caesaream. Testatur, quod si talis casus ipsi contingeret, post consilium in arte peritorum, absque haesitatione operationem susciperet, & omni cum cautela perficeret. Dicit, se credere, aequè possibilem esse hanc operationem, quam alias multas periculosas; atque ideo imprimis minus feliciter cedere, quia fero nimis, dum jam in extremis versatur puerpera, adhibetur. Damnat tamen temeritatem illorum, qui in aliis casibus difficilis partus illam adhibent, cum firmiter sibi persuasum habeat, praeter malam conformationem pelvis osseae, transiunt foetui negantem, omnibus aliis causis partus difficilis per artem dextera manu succurri posse. Narrat deinde casum mulieris, quae jam per triduum parturiebat, dum foetus mortui brachium extra orificium uteri pendebat. Ipsa mulier anxie desiderabat, ut inciso abdomine foetus extraheretur, & perniciossime resistebat Obstetrici, ac Chirurgo, dum vel explorationis causa manum in vaginam immittere cupiebant. Nec ullum ratiocinium, nec horridus apparatus instrumentorum ad operationem requisitorum coram ipsa factus, a pertinaci proposito dimovere potuerunt hanc mulierem.

Sub specie Sectionis Caesareae instituendae, firmiter illam teneri iussit, & manu in uterum immissa, pedibus arreptum foetum integrum, quamvis omnino putridum, eduxit momenti quasi tempore, sicque invitam, & quantum poterat, reluctantem liberavit.

Verum non satis mirari potui, eundem auctorem (r), in fine ejusdem capituli, ubi dixerat, se sine ulla haesitatione Sectionem Caesaream instituturum, si necessitas illam postularer, habere sequentia: *Metus, ne approbarem crudellem hanc operationem, & animos adderem aliis Chirurgis, ut illam tentarent ad exemplum Riteau, facit, ut profeſſer, me, licet versarer in tali causa, ubi crederem illam absolute necessariam esse, simulque adesse optimam spem felicitis successus, tamen nunquam illam tentaturum.* Longe crudellior videtur illa operatio, ubi caput infantis, in pelvis angustia immobilis haerentis, quinto jam die, cultro discidit, cerebri partem eduxit, dein, manu in cavum cranii im-

misit.

(o) Liv. 2. chap. 32. pag. 352. & seq. (p) *Peu pratique des Accouch.* liv. 2. chap. 2. pag. 316. &c. (q) Liv. IV. chap. 21. pag. 521. & seq. (r) *Ibid.* pag. 526.

missa, digitis prehenso cranio, eduxit infantem, membra moventem adhuc.

Certum est hodie per numerosa satis observata, Sectionem Caesaream institutam fuisse, superstitie matre, & post integra sanitate fruente, ac foecunda. Alia occasione ad §. 170. 3., ubi de vulneribus lethalibus agebatur, bini casus memorati fuerunt Sectionis Caesareae feliciter tentatae, in quorum uno obstetrix, dissecto utero, foetum eduxit. Plura alia collecta habentur observata (1), quae docent, Sectionem Caesaream cum successu administratam fuisse; qualia hic recensere nimis longum foret.

Omnes tamen in eo conveniunt, periculosam esse hanc operationem, adeoque non adhibendam, si alia methodo liberari gravida possit. Considerando autem partuum Caesareorum historias, patere videtur, saltem in quibusdam institutam fuisse hanc operationem, dum adhuc alia in arte auxilia supereant, quibus cum fiducia quis uti potuisset. Sic legitur, ob concreta pendenda abdomen dissectum fuisse gravidae, ut foetus educeretur: sed certe tutius scalpello haec concretio tolli potuisset; uti ex ante dictis constat. Eadem operatio instituta fuit, dum natibus prodiret infans duplicatus: notum autem esse, talem situm infantis ab artis magistris ne quidem inter laboriosos partus numerari, cum saepe facile sic prodeat infans. Plures leguntur casus mulierum, quae, Sectionem Caesaream passae, postea feliciter pepererunt, & saepius quidem: certe in his non potuit culpam mala pelvis conformatio, quae non emendatur hac operatione. De aliis legitur, quod saepius passae fuerint hanc operationem, dum absque hac parere non potuerint: in his procul dubio pelvis nimis angusta fuit, quam ut foetum adustum transire posset. Quamdiu in populosissima Amstelredamensium urbe paucis tantum notus erat *Veilis Roembuyssianus*, illi soli feliciter caput incuneatum foetus liberabant ab his angustiis; quod aliis vel nunquam succedebat, vel rarissime, & non nisi foetu jam mortuo. Cum ergo egregiis inventis adeo aucta fuerit a *Roembuyssio*, *Leuret*, & aliis ars obstetricis, sperandum est, rarius occurruram esse necessitatem Caesareae Sectionis; praecipue, si salutari lege caveatur, ne artis imperitiae mulieres obstetricis munere fungantur, quae toties sua inscitia naturalem partum mutant in difficillimum.

Sectio ergo Caesarea locum habet, ubi de impossibilitate partus alio modo perficiendi constat: hanc autem *Leuret* (2) in nimia pelvis angustia ponit, tali nempe, ut obstetricans manum in pelvis cavum deducere nequeat, vel saltem illam, postquam pedem infantis arripuit, retrahere non possit.

Praeterea, si utero rupto, uti ante dictum fuit, totus infans in cavo abdominis haereat, tunc partus impossibilis est, & sola superesset Sectio Caesarea: sed si considerentur symptomata pessima, quae uteri rupturam comitari solent, animi deliquium, pallor cadaverosus, frigus extremorum, pulsus deficiens, sudor frigidus, quem saepe brevi mors sequitur; quis audebit hanc

ope-

(1) Académ. Royale de Chirurg. Tom. I. pag. 623. 650. Tom. 2. pag. 308. 450. *Gangia mila Embryol. sacr. Lib. 3. Cap. 1. pag. 113. & seq.* (2) L'art. des Accouch. §. 653. pag. 107.

Tom. IV. pars II.

operationem tentare in ancipiti adeo statu; quae tamen illico institui deberet, ut prodesset. An unquam parturiens, parentes, adstantes admittent in arena caprum consilium? An invenietur Chirurgus adeo obfirmati animi, ut illam perficiendam in se susciperet? summo jure has difficultates movet egregius *Leuret* (v).

De conceptibus illis, qui extra uterum facti sunt, in ovario, tubis Fallopianis, &c., postea adhuc dicendum erit; facile autem patet, illos naturali via educi nunquam posse: unde & pro illo indicaretur Sectio Caesarea. Verum, uti optime monet *Leuret* (v), ut gravis adeo operatio instituat, certo constare debet, foetum non in utero, sed extra uterum haerere. Signa autem Diagnostica, quae plenam hic dant certitudinem, haecenus desunt.

Licet autem, ut foetus in lucem edatur, requiratur proportionata pelvis amplitudo ad caput transmittendum, partus etiam difficillimus reddi potest, quamvis pelvis bene constituta fuerit, si caput foetus solito majorem magnitudinem habuerit; quae si talis foret, ut nullo modo transire posset, sola Sectio Caesarea opem ferre posset (x), praesertim, si a calcitrante foetus, in his angustiis haerentis, metus foret rupturae uteri. Verum, cum constet multis observatis, vasa etiam robustorum infantium capita sensim transgressa fuisse, vel forcipe, vel & *Veste Roonbuisiano* protracta cum non tantum ossa capitis foetus cedere, sed & supra se mutuo scandere, possint; cum praeterea constet ex ante dictis, in difficillimo partu ipsa pelvis ossa a nexu mutuo recedere, & viam ampliorem reddere, non videtur facile haberi posse omnimoda certitudo impossibilis transitus; quae tamen requiritur, ut periculosa adeo operatio, qualis est Sectio Caesarea, instituat. Hydrocephalo affectos infantes natos fuisse, constat, non tantum vivos, sed & per plures menses superstites (y); ipse aliquoties vidi tales, ut mirarer, quomodo per pelvis cavum transire potuerint. Verum tamen est, satis flexilia esse plerumque in hydrocephalo calvariae ossa, & totum caput facilius posse elongari, sicque melius ad transitum adaptari. Videri possunt & illa, quae ad §. 1317. de hac re habentur.

De Methodo autem Sectionem Caesaream perficiendi scripsit *Rouffetus* (z), cujus tractatus, gallica lingua scriptus, raro inveniri potest; sed hunc *Cassparus Bauhinus* Latinitate donavit, & invenitur in collectione *Gynaeciorum*. Optime & omnia, quae partum Caesareum spectant, collecta habentur apud *Celsi*, *Heisterum* (a). His addi merentur, quae *Leuret* de operatione Caesarea habet (b).

(v) L' Art. des Accouch. §. 653. pag. 97.

(v) Ibid. pag. 108.

(z) Crantz

de utero rupto pag. 30. 42.

(y) Ibid. in notis.

(x) l'f. Spachii pag. 476.

(a) Institut. Chirurg. Part. 2. Sect. V. Cap. CXIII. Tom. 2. pag. 755. & seq.

(b) Suite des observations sur les accouch. labor. Artic. IX.

§. 1317. **I**nfantis vitio contingit, ubi ille immobilis, mortuus, vel ita situs, ut ipse sibi claudat portam.

Considerandae jam sunt illae causae partus difficilis, quae non a matre, sed ab ipso foetu pendent.

Antea patuit, praecipuam vim, per quam foetus excluditur, pendere a valida vi contractili uteri, & summis, imprimis circa finem, parturientis nixibus: foetus suis viribus non adeo multum contribuere videtur, nisi quod motu membrorum irritet uterum, ut validissime contrahatur. Quotidianis autem observatis constat, foetus etiam mortuos excludi absque adeo magnis molestias.

Verum malus situs foetus in utero frequentior causa est difficilis partus: situs naturalis foetus, partus tempore, laudatur ille, ubi vertex capitis directe, una cum orificio uteri sentim magis magisque dilatando, vaginae imminet, ita ut facies os sacrum matris respiciat, occiput ossa pubis, brachia habeat lateribus applicata, pedes sursum elatos. Talem autem situm foetus non semper habuit, sed ultimis graviditatis mensibus in quibusdam citius, in aliis tardius acquirit. Antea enim caput non deorsum, sed sursum haeret (c). Quando autem caput deorsum labitur, tunc dicitur verti foetus; quod in multis circa octavum mensem contingit, in quibusdam, dum jam parturire incipiunt. Uode monuit Hippocrates (d): Puer autem, ubi circumquaque membranae disruptae sunt, siquidem suo momento in caput inclinet, mulier facile parit.

Quod si in latus (transversus), aut in pedes prodeat (id enim saepius contingit, si illud momentum vergat vel propter uteri amplitudinem, vel si mulier in ipso partus dolore primum non quieverit); si sic, inquam, prodeat, difficulter pariet mulier. Jam vero ex his plurimae, vel ipsi foetus vel una etiam cum suis foetibus matres perierunt. Alio in loco (e) pariter difficilem pronunciat partum, si foetus transversus in utero jacuerit, aut in pedes exeat: laudat vero, tanquam perutile, si capite prodeat: Ut enim, si quis in lecythum angusti oris olivae nucleum immittat, hunc transversarium educere non facile est; sic sane etiam mulieri gravis est affectio, ubi foetus transversarius fuerit; etenim ipsum exire per arduum: grave vero etiam est, si in pedes prodierit; & plerumque aut matres, aut puelli, aut ambo etiam perierunt. Est autem & haec magna causa, cur non facile exeat, si mortuus, aut sideratus, aut duplicatus fuerit.

Transversum quidem situm foetus in utero omnes adhuc hodie agnoscunt esse difficilem; verum, si per pedes prodeat, vix non pro parte naturali, ac facili habent obstetricantes, & difficiles partus plurimos feliciter absolvent, dum malum situm obtinet foetus, si pedes arripere, & sic extrahere ex

ute-

(c) Noortwyk de utero gravido pag. 208.

(d) De Natur. Puer. Cap. XI. Charter. Tom. V. pag. 724.

(e) De Mulier. Morb. Lib. I. Cap. 31. Charter. Tom. VII. pag. 748.

utero possint foetum. Neque etiā pro difficili adeo partu habetur, si duplicatus infans nātibus prodeat, modo non nimis torosus fuerit.

Foetus autem, in utero materno haerens, mobilis est, & quamdiu nondum capite, vel alia corporis parte in ipso pelvis cavo figitur, potest nunc hanc, nunc illam corporis partem offerre explorantis digitis. Notavit hoc *Deven-ter* (f), & monuit, mobiles tales foetus raro recte verfos prodire, sed saepius in utero jacere transversos, & tunc, aquis jam formati, vel nihil omnino sentiri, vel & quandoque diversas foetus partes successive, manus, pedes, dorsum, &c. Vocabatur *La Morte* (g) ad parturientem, quae iustum pariendi tempus adesse credebatur: inveniebat os uteri dilatatum ad magnitudinem nummi imperialis; dolores augebantur, aquae formabantur, & manifeste tangebatur caput infantis, unde brevi secuturum partum augurabatur: sed dolores cessabant, qui vesperi sequentis diei redibant frequentes, & validi; os uteri valde dilatatum, membranae, aquas continentes, jamjam rumpendae, videbantur. Cessaverunt denuo dolores, & per triginta quinque dies commode se habuit; tunc parturire incepit denuo: verum non amplius tactu percipiebatur caput foetus, nec ulla alia pars, & ruptis violentia dolorum aquis, absque difficultate *La Morte* introduxit totam manum ad carpum usque, tuncque inveiit pedem, & manum foetus torosi admodum, ac fortis, quem pedibus arreptum non sine difficultate eduxit; ob magnam nempe corporis molem. Optime hinc concludit, non manere in eodem situ foetus, licet capite deorsum lapsa pristinum mutaverint situm.

In Sacris Literis legitur (b) de *Thamar*, gemellis gravida, quod unus protulit manum, in qua obsteris ligavis coccinum, dicens: ille egredietur prior. Illo vero retrahente manum, egressus est alter; dixitque mulier; Quare divisa est propter te materia? & ob hanc causam vocavis nomen ejus *Phares*: postea egressus frater ejus, in cujus manu erat coccinum, quem appellavit *Zara*. Verum quidem est, quod gemelli soleant singuli in propria sua amnii membrana haerere, & communi chorio involvi; sed minime videtur impossibile, ut a motu gemellorum in utero rumpatur amnios, imprimis inter partus dolores, & tunc gemelli in eadem cava membrana haereant. Praeterea *Celeberrimus Merz* (i) exhibuit *Academiae Regiae scientiarum* binos gemellos, qui eodem involucrio continebantur. Numerosae habentur in Historia Medica observationes foetuum inter se concretorum, qui debuerunt certo in eadem membrana cava habitasse: praeterea videmus, plures artis obstetriciae magistros enumerasse cauteles, ut in versione foetuum, dum per pedes educi debent, caveatur, ne singuli gemellorum pedes simul prehensi attrahantur, sicque partus ex difficili reddatur impossibilis. Unde confirmantur illa, quae in Historia Sacra leguntur.

Ubi vero foetus extra uterum haeret, tunc partus per solitas vias omnino im-

(f) Nov. lum. obstetric. Cap. 40. pag. 176.
 observ. 374. pag. 570.
 Memoir. pag. 116.

(g) Traité des Accouchem. Liv. IV.
 Genet. Cap. 38.

(i) Acad. de. Scienc. 1695.

impossibilis est. Antea dictum fuit, in difficili partu foetus quandoque, rupto utero, in matris abdomen delapsos fuisse. Sed & observationes docuerunt, foetus extra uterum conceptos fuisse in tubis Fallopianis, & in ovariiis, illisque locis excrevisse in solitam molem. Sexies feliciter pepererat mulier, & septima vice gravida per sex menses bene se habuit; verum ineunte mense septimo copiosam uteri haemorrhagiam passa fuit: non diu post fuscus foetidus ichor prodit, & in vagina inceptit molestam puncturam sentire: a Chirurgo extracta fuerunt quaedam foetus ossa, & postea adhuc plura calvaria tamen adhuc integra tactu percipiebatur, nec spes videbatur, illam per aperturam, in laterali parte vaginae observatam, posse exire, nisi putredine ossium cohaesio soluta fuisset. Varia tentata fuerunt ineaflum, & vomitu, diarrhoea, aliisque malis confecta, ac emaciatissima periit. Prudenti cadaveris dissectione facta, apparuit, tubam Fallopianam dextram, in saccum distentam, continere reliqua foetus ossa: uterus inveniebatur integer, & sanus (K). Nec adeo rarum esse, foetus extra uterum consipi, & crescere, monetur (l); ubi simul habetur rarus casus foetus inventi, non in cavo tubae Fallopianae, sed in sacco a membrana exteriori tubae formato: circa umbilicum tumor nascebatur, transudans serosam materiem; quo diffecto, extrahebatur foetus; sed jam semiputridus. Nulla autem arte servari potuit misera; sed undecima post diffectum tumorem die periit. Notatur autem, quod toto graviditatis tempore nunquam lac in mammis habuerit. Plura alia similia videri poterunt (m).

Sed legitur, & in ipso ovario conceptum factum fuisse, quod a crescente foetu ruptum, una cum copioso sanguine in abdomen effuso, inventum fuit, tubis Fallopianis, & utero integris (n).

Sponte patet, sola operatione Caesarea tales foetus, extra uterum natos, educi posse. Verum videntur deficere signa, quae deberent certo docere, talem casum adesse: nemo enim prudens hanc operationem suadebit, vel instituet, nisi certus sit omnino, absolute illam requiri. Unde in cadavere, mortuae matris hoc detegitur, vel abscessu in variis locis nato, dein aperto, foetus integer, vel putrefacti jam ossa soluta a se invicem, educuntur; quales plures casus in Historia medica habentur.

(K) Anton. Benevoli Dissertaz. &c. pag. 104. & seq. (l) Académ. des Sciences 1714. Hist. pag. 27. (m) Ibid. 1721. Hist. pag. 27. & 1748. in 4. Mémoires. pag. 106. & seq.

(n) Philosph. transact. abridg'd Tom. 3. pag. 212. &c.

§. 1318. **M**ortuus cognoscitur, si immobilis; si arteriae umbilicales sentiuntur in funiculo umbilicali quiescere, maxime prope corpus infantis; si foetida exeunt; si pondus ingens; si laborat tenesmo; si syncope, horripilatione; haliu graveolente; colore livido; si diu elapsis aquis nondum peperit; si epidermis prompte a cute secedit; si cutis foetus flaccida, facile separanda; ossa mollia, & mobilia.

Agendum jam de signis, ex quibus concludi potest, foetum mortuum esse. Antequam enim hoc cognoscatur, in difficili partu cogitandum semper est de matre, & foetu servandis; ubi vero foetus mortuus est, rudius tractari poterit, & de sola matris salute agitur. Singula ergo expendenda sunt, & sedulo considerandum, qualem certitudinis gradum habeant.

Si immobilis. Quamvis foetum se movere in utero, certum sit, tamen ingens hic occurrit diversitas, non tantum in diversis mulieribus, sed in eadem: novi plures matronas, quae credebant, se foetum mortuum, vel saltem valde debilem parituras, cum vix ullum motum sentirent; atamen prodiit infans vegetus, & torosus. Omnium maxime solent angi gravidae, dum antea frequentes, & validos motus foetus senserunt, si inter pariendum sentiant fere nullos. Verum, si in difficiliore partu, ruptis jam aquis, uterus valide se contraxerit, & infantis corpus archissime complectatur, motus vix ullus percipitur: poterit infans, in his angustiis haerens, hebetior fieri, animi deliquium levius pati, &c. Unde patet, hoc signum, si solum fuerit, satis incertum esse.

Si arteriae umbilicales &c. In partu naturali, dum caput orificium uteri, propulsis aquis, sensim dilatat, & ruptis aquis, os uteri replet, funis umbilicalis tangi nequit: hinc imprimis locum haberet hoc signum, dum una cum capite, vel alio foetus membro prodiit chorda umbilicalis, vel & quandoque sola prolabitur; quod imprimis contingere solet, dum infans transversus in utero jacet. Tunc, si nullus in chorda pulsus arteriarum percipitur, concludi potest, infantem in summo versari periculo quidem, sed de certa morte neque ex hoc signo constat, cum languere possit foetus, & tamen postea reviviscere; uti saepe frequentibus observatis constat, vitales prodixisse foetus, dum, versione facta, per pedes extrahebantur, licet in prolapsa chorda umbilicali nullus amplius arteriarum motus perciperetur.

Si foetida exeunt. Foetorem notare corruptionem jam inceptam, negari nequit, adeoque malum quidem signum est, sed non semper notat, foetum mortuum esse: potest enim ab alia causa fieri; unde merito monuit Manningham (o), quod uteri excretiones foetidae non semper infantem mortuum indicant, quum a gravis sanguinis diutius retentis corruptis fieri possint. Si enim vasis chorii, vel placentae solutis, sanguis exeat, nec libere tamen per os ute-

uteri elabatur, reliktus grumescet, & aëris accessu putrescet satis cito: idem observatur post puerperium, dum grumi sanguinis in utero, quandoque & in vagina retenti, prodeunt admodum foetidi. Praeterea optime notat *Mauriceau* (p), contingere quandoque, ut ex gemellis unus mortuus jam corruptescat, dum alter vivus, & sanus est: talem casum se vidisse affirmat in iuriconsulti uxore, quae motum foetus viventis se sentire dicebat, dum ipsi assidens obstetrix mortuum, & putridum testabatur. Ambo verum dixérant; primus enim, qui prodiit ex gemellis, mortuus erat, & corruptus; alter vivus, & vegetus. Sed & malus odor adest, si meconium foetus excreverit, dum adhuc in utero haeret; & acriter insurgit *Mauriceau* (q) contra illos, qui meconii excretionem pro certo, & indubitato signo moriis foetus ponunt; quod certo falsissimum est, cum soleat contingere, quando foetus natibus prodit, & frequenter etiam, dum ob malum situm verti debet infans in utero, ut pedibus arreptis educi possit.

Pondus ingens. Hoc signum imprimis locum habet, dum infans aliquo tempore ante partum mortuus fuerit: si enim per aliquot dies gravida nullum omnino motum infantis senserit, & dein percipiat, dum in hoc, illudve larus se convertit, ac si pondus iners huc, illucve dilabatur, tunc iusta suspicio nascitur foetus mortui. Si autem foetus jam pelvis cavum ingressus fuerit, & ibi haerens moriatur, facile patet, hoc signum tunc non habere locum. cum in tali casu non possit foetus situm mutare; praecipue, si, aquis elapsis, uterus se contraxerit. Optime *Flipperdus* (*) hoc notavit: *Quum mortuus foetus fuerit, tum aliis signis conspiciere licet, tum etiam jubere oportet, ut modo quidem in dextrum latus jaceat, modo etiam in sinistrum convertatur. Dilabitur enim foetus in utero, quocumque se vertat mulier, velut saxum, aut aliud quidpiam, si mortuus fuerit, & pedinem frigidum mulier habet. Quod si vivat, pedem calidus est, & totus quidem venter cum reliquo corpore decidit, nihilque in eo absque reliquo corpore delabitur.*

Si labores senesmo &c. Nititur sic viva mater, inscia saepe, nociturum cadaver expellere. Interim ille tenesmus non semper adest: animi deliquium horripilatio, saepius observantur; & si foetus mortuus jam in utero putrescere inceperit, tunc & halitus graveolens adest. Verum imprimis mira mutatio in facie gravidæ observatur, dum mortuum foetum gerit: pallor sublivida, labia imprimis lividum colorem habent, oculi tristes quid monstrant, nec solita vivacitate resplendent, licet ignorent gravidæ calamitatem suam. Quod imprimis vidi in nobili illa matrona, cujus ad §. 1306. mentionem feci, quæ bis pepererat infantem mortuum, chorda propria umbilicali in nodum contracta in utero: luctuosus apparebat vultus, licet hilarem se esse testaretur omnibus; post bidduum mammae concidebant; postea languere incepit, & levi febricula corripit; quæ mansit, donec mortuus foetus prodiret.

Sic

(p) *Traité des malad. des femm.* groff. Tom. I. Livr. II. chap. XII. pag. 277.(q) *Ibid.* 278. 279.(*) De superfœtatione Cap. IV. *Charter.* Tom. VII.

pag. 862. 863.

Sic vicino funere palluit, uti scitissime *Vanierius* (r) de salicū stipitibus cecinit, quibus fulcire solent hortulani teneras arbusculas;

*Ut mors caeca rapis saepe optima quaeque, salignum,
Exstintis tilia, atque ulmo, mirabere truncum
Fundere pallentes vicino funere ramos.*

Si diu elapsis aquis non peperit. Haeret enim tunc in magnis angustiiis foetus, & ab utero contracto valide comprimitur, cum antea, in liquore annii haerens, tutus erat ab omni pressione. In periculo mortis tunc versari foetum, agnoscunt omnes; sed nullo modo certum est hoc signum, cum passim observationes doceant, per plures dies in his angustiiis haesisse foetus, & tamen prodiiisse in lucem vivos.

Si Epidermis &c. Ubi de *gangraena*, & *sphacelo* §. 427. 429. antea ageretur, dictum fuit, dum pars corporis in mortem tendit, Epidermidem a cute separatam elevari in bullas ichore plenas: dum incepta putredo in cadavere est, periti Anatomici noverunt, facile separari Epidermidem a suppositis partibus; quo artificio solent uti, ut Epidermidis structuram indagent, & demonstrent. Unde patet, illud signum magni momenti esse, dum agitur de morte foetus.

Multo magis autem, si *cutis foetus flaccida, facile separanda*. Mollities enim, flacciditas, ad tactus vestigia non resurgens (§. 427. 4.), in parte corporis, numerabatur inter signa gangraenae jam praesentis; si autem his jungeretur *cutis separabilis* (§. 429. 4.), non tantum gangraenae, sive mortis inceptae, sed sphaceli, mortis nempe absolutae, indicium habetur. Si capite praevio in uteri orificio haereat infans diutius in partu difficili, tunc pars capitis aperturae orificii uteri respondens incipit in tumorem elevari, si vivit: ubi autem talis tumor non adest, vel, si adfuerit, flaccescere incipiat denuo, tunc obstetricantes fere desperant de vita foetus. *Si caput infantis in exitu haereat, cum non sit tumefactum, est, cur mortuum credas* (1).

Ossa mollia, & mobilia. Hoc de ossibus capitis foetus intelligendum: notum enim est, calvariam recens nati infantis pro magna parte adhuc membranaceam esse. Quamdiu illa pars membranacea a contento encephalo tenditur, tunc caput resistit: ubi autem post mortem omnia collabuntur, subsident membranae, partes ossae calvariae in foetu vacillant, & facile ad se mutuo accedunt; adeoque, & hoc merito pro malo signo habetur. Unde etiam fit, ut mortuo jam foetu, ossibus mobilibus, caput quidem facilius transeat: verumtamen inde non semper difficilis partus emendatur: nam *infantis mortui caput, e corruptione emollitum, non acquie, ac vivi, exitum humeris in partu conciliat* (1). Tunc saepe accidit, ut dum capite arrepto infantem educere

ni.

(r) Praed. rustico.

(s) Manningham art. obstetr. compend. pag. 23.

(t) Ibidem.

nantur obstetricantes, illud a trunco avellitur; qui, in utero manens, difficulter postea educi potest.

Cum autem ex modo dictis constet, omnia haec signa non dare singula plenam certitudinem mortis foetus, patet, magna cautela hic opus esse, ne instar mortui tractetur foetus, qui adhuc vivit. Apud Hippocratem legitur (*u*) de muliere, in quartum, vel quintum mensem gravida, quae, anafarca totius corporis tumens, simul asthma laborabat adeo molesto, *ut decumbere non posset; sed si qua somni incideret opinio, cum sedendo caperet.* Ecce sine febre erat, foetusque ex longo intervallo non movebatur, ac veluti ad corruptionem tendebat. Per bimestre spatium duravit illud asthma; postea, fabis melle conditis, mellis linctu, & cumino Aethiopico ex vino, usa, melius se habuit. Deinde multa matura, pituitosa, & alba, sussi rejectis, spirandi difficultas desit, & gralem edidit foemellam. Cum autem nulla fiat nec abortus, nec foetus mortui mentio, admodum vero simile videtur, quod vivam puellam pepererit, licet motus foetus in utero non perciperetur, & gravi adeo morbo mater laboraret. Minus prudentes Medici hydropis curam tentassent validis remediis; nullam curam habentes foetus: mitioribus usus Hippocrates morbum abstulit, prolem servavit.

Antea enumerati fuerunt aliquot casus foetuum vivorum, unctis crudeliter laceratorum, quia mortui credebantur: plures similes in Historia Medica habentur. Unicum exemplum adhuc adducam, quia ipse Deventer (*v*), adeo prudens in arte obstetricia, fatetur, sibi ipsi contigisse tale infortunium. Vocabatur ad vicinum pagum, ut succurreret mulieri, per plures dies jam parturienti, licet infans in situ naturali foret: intra bidui spatium nec obstetrix, nec mater ullum senserant infantis motum; hinc mortuum certo credebant; neque aliud se colligere potuisse, Deventer fatetur: unde matri servandae intentus rudius tractavit infantem, qui tandem in lucem prodit vivus, & per paucos dies adhuc superstes fuit. Duo, vel tria in capite aderant rubera, ex nimia compressione nata, quod maxime dolebat. Subjungit autem sequentia: *Fator, hunc errorem totidem inde annis documento mihi & fuisse, & fore postea, dum spiritus hos regit artus, ne unquam infantem, ut mortuum traherem, testimonio parturientis, aut obstetricis persuasus.* Imo de proprio sensu diffido, nihil ratum habens, praeter supremae capitis cuticulae dissolutionem, quae quidem ibidem haud facile dissolvitur, quia medianibus capillis adhaeret; neque infantem ulterius sine maximo labore tangere licet. Monet autem, difficiles illos casus tunc imprimis contingere, quando nimis magnum caput, vel pelvis angustior est. Cum autem ars obstetricia novas suppetias acceperit per recentiorum inventa, multum sperare licet, etiam in difficillimis casibus, uti patet ex illis, quae ad §. 1316. dicta fuerunt. Monet, similem in partu difficultatem obtinere, si propter ascrum obliquum infans in meatu, instar cubiti incurvato, haeret. Verum de hac re statim dicetur. Unde hoc tempore, dum ars obstetri-

(*) Epidemic. VII. aegrot. XI. Charter. Tom. IX. pag. 557.

(v) Novum lum. obstet. Cap. 32. pag. 140. & seq.

ericiandi auctior adhuc, & emendatior est, firma manet conclusio, quam *Decenter* (x) habet; *Illi*modi igitur infantes, de quibus hic sermo est; sive viri, sive mortui, sola manu obstetricante, non autem instrumentis vulnificis tractandi sunt; quoniam aegre, uti dictum est, certo cognosci potest, vivine, an emortui sint. Neminem poenitebit unquam, si mortuum foetum in difficili partu tractaverit, ac si vivus foret; sed quanta manent angustiae illos (*perpetuum quatientis animi tortore flagellum*), qui temerario ausu vivum infantem, uncis dilaniatum, protrahunt!

§. 1319. Simul ac foetus cognoscitur mortuus (1318.), meru-
gangaenae, syncopes, mortisque maternae eximen-
dus est, vel per pedes maxime, si fieri queat.

Quamdiu adhuc in membranis clausis haeret foetus mortuus, non tam cito corrumpitur; verum ubi, ruptis membranis, aquae jam effluerunt, liber aëri datur aditus, & tunc in utero calido, ac humido cito putrescit. Sed dum uterus undique contiguus est putrido cadaveri, metus est, ne inde pessime afficiatur, & a resorpto putrido pessima mala sequantur. Dum submersi animalis abdomen rumperetur media aestate, tanta exivit mephitis, ut vix non in animi deliquium ceciderim, dum transirem, licet sanissimus, robustus, & in ipso aetatis vigore essem: non mirum ergo est, si syncope sequatur, dum putrescit in vivente matre cadaver. Imo a resorpto putrido febris mali moris oritur, quae posteductum foetum mortuum pergens matrem necat. Unde merito *Manningham* (y) monuit sequentia: *Mulieres, quae mortuum, & corruptum infantem edunt, febre interim continua laborantes, post partum, paucis interpositis diebus, fere moriuntur.* Unde omnes conveniunt in eo, foetum mortuum quantocyus educendum esse. Notat *Mauriceau* (z), foetum jam per aliquod tempus mortuo, cessare dolores, vel saltem adeo languidos fieri, ut non sufficiant foetui expellendo. Suadet tunc, ut excitentur nixus parturiendi acriori clysmate injecto; quod si non successerit, obstetricantis manu educendum est foetus cadaver potius, quam ut ecbolica dicta remedia exhibeantur, quae calida, acria solent esse, & magnopere nocere possent, vel omnino nugacia sunt, quibus confidere nemo prudens poterit.

Imprimis autem eligitur hodie, ut pedibus extrahatur foetus mortuus: vertendo illum, si alio in situ haeserit; de qua versione sequenti numero dicitur. Ubi autem caput inclavatum haeserit, tunc illud retroprimi non potest: unde tunc uncis infixis caput protrahendum iussit *Mauriceau* (a). Hodie forcipe *Levretiano*, vel vecte *Reonbursiano* feliciter hoc perficitur, & tutius, quam terrifico illo uncorum apparatu. Simul etiam consultur famae obstetricantis, ne malevolae obstetrices, ut saepe solent, dicant, Chirurgum
oc-

(x) Novum sum. obster. Cap. 32. pag. 142.

(y) Art. obstetric. compend. pag. 23.

(z) Traité des malad. des femm. gross. &c. Livr. II. chap. 30. Tom. I. pag. 342.

(a) Ibid. pag. 344.

occidisse foetum, quem mortuum unci protraxit. Quantum autem profecerit in melius *Embryulcia*, manifeste patebit, si videatur methodus, quam commendavit *Hippocrates* (*b*) ad foetum mortuum educendum. Jussit enim, manus, & humeros abscindi, pectus ad jugulum usque dissecari, costas contundi, dum foetus in utero haeret. In alio loco (*c*) jubet, ut obstetricans in magno digito unguem habeat, quo humeros a cervice solvat, ventrem discindat; interea deinde eximere mandat, & molles costas conterere; ut sic collabens foetus corpusculum facilius educi possit. Similia, imo adhuc crudeliora, alio in loco leguntur (*d*).

Dum per pedes arreptus foetus mortuus protrahitur, contingit aliquando, imprimis, si jam putrescere incepit, ut toto corporis trunco jam educto, colum abrumptur, & caput solum in utero maneat. Plerumque tunc os uteri se contrahit supra caput relictum, & cum illo rescedit, ac quidem tam alte, ut testetur *Celeberrimus Simson* (*e*), quod quandoque manum ad pedis distantiam, & ultra introducere debuerit, antequam caput tangere potuerit. In tanta capitis distantia a vulva periculosum foret unicos adhibere; & si capitis moles major fuerit pelvis cavo, tunc illud extrahendo, contunduntur partes molles, quae inter caput foetus, & pelvis ossa interjacent; unde multum mali metuendum est. Hinc credidit, utile futurum, si capitis moles minui posset, educto encephalo, & separatis, vel ad se mutuo compressis capitis ossibus. Ut hoc tuto perficere posset, excogitavit anulum (*f*), cui affixum est scalpellum: anulum hunc applicat secundae phalangi digiti indicis, ita ut scalpellum acies respiciat volam manus: flexo tunc digito ad juncturam mediam, acies scalpelli parallela est primae phalangi, & sic una cum manu introducitur; pollice, & reliquis digitis caput prehenditur, deinde extenditur index, & scalpellum imprimitur capiti, sicque apertura fit, cui digiti immitti possunt, calvaria evacuari, & ossa educi: observavit autem, quandoque ossa non tam facile solvi a se mutuo, & separari; verum hoc succedere, si expectetur per aliquod tempus: evacuaverat hac arte calvariam, & solverat unum ex bregmatis ossibus, nec tamen caput educere poterat. Dum lassata esset misera parturiens, & *Celeberrimus Simson* pariter, per trihorium cessavit ab operatione, tuncque facile ossa a se invicem solvere potuit.

Haec sunt praecipua, quae in tristi tali casu tentari poterunt.

Si autem foetus mortuus educi nequeat, putrescet, vicina inficiet, putridum resorbabitur, corrumpet pessime matris humores; sicque post multas miseras toleratas citius, vel serius mors sequi solet. Hinc *Hippocrates* (*g*) dixit: *At vero, si cui puer immortuus fuerit in utero, neque exierit, humido existente utero, etiam nullum humorem continente, imo quum siccatus fuerit uterius, primum quidem puer intumescit, deinde colliquescit, & putrescunt carnes, ac foras effluunt, postremo vero ossa prodeunt, fluorque aliquando illam prebendit,*

nisi

(*b*) De mulier. morb. Lib. I. Cap. 69. Charter. Tom. VII. pag. 769. 770.

(*c*) De superfloracione Cap. 3. Ibid. pag. 862.

(*d*) De foetus in utero mortui extractione Charter. Tom. XII. pag. 550.

(*e*) Medic. Essays and observat. Tom. V. part. I. pag. 446.

(*f*) Ibid. Tab. IV. Fig. 1. pag. 468.

(*g*) De superflorac. Cap. IV. Charter. Tom. VII. pag. 862.

nisi prius moriatur. Notum est, cadaver, dum putrefcit, tumere, & imprimis circa abdomen; quod optime notavit *Hippocrates*. Si cito in sanien putridam solutae carnes effluant, & validis antilepticis datis cautum sit, ne matris humores corrumpantur, quandoque evaserunt tales, ossibus post soluta per putredinem ligamenta successivo expulsi vel per vaginam, vel per anum; gangraena prius nata, & separata, quae partem vaginae, & intestini recti accumbentis. consumferat; unde postea, foedo incommodo, faeces tota vita per vaginam exeunt. Talis casus legitur (b) de muliere, quae, quinto mense graviditatis lapsa, animi deliquio corripiebatur, quod sequebatur febris valida, & profusa uteri haemorrhagia, una cum nixibus parturienti: convulsiit ita, ut posset solitos perficere labores; venter nec augebatur mole, nec subsidebat; subinde dolores sentiebat, quos semper comitabatur haemorrhagia. Octo mensibus elapsis, omnia haec mala augebantur, & finiebantur copioso alvi fluxu, cadaverosi odoris, cum tanta debilitate, in robusta caeteroquin muliere, ut de vita servanda nulla amplius spes haberetur. Post aliquot dies per anum inceperunt prodire foetus mortui membra, brachia primo, dein reliqua, ita ut intra octiduum omnes foetus partes per anum exiverint, excepta sola maxilla inferiori, quae serius prodiit. Perfecit tamen a tanto malo convulsiit.

Quandoque & foetus mortui frustillatim ex umbilici regione exiverunt. Testatur *Bartholinus* (i), se hoc vidisse in muliere, quae gemellos gestare credebatur. Instante partu, post duorum dierum labores, nihil comparuit; post sex hebdomadas credidit, se foetuum motum sentire denuo, qui quinque annorum spatio perduravit; ita tamen, ut sensim illos observaverit constringi, & imminui. Postea intumuit umbilicus, ac disruptus fuit, & primis diebus aqua limpida, mox sanguis, & pus effluxit, cum ossiculis nonnullis. Sic per umbilici foramen, septem, octove annis patulum, quam plura ossicula sensim prodierunt; successit dein aliud foramen infra umbilicum, ex quo alia ossicula infantis, magno cum dolore, quotidie exprimebantur a natura.

Testatur autem *Bartholinus*, quod plura ex his ossiculis in Museo servaverit. Similia & ab aliis observata fuerunt (K). Non sine ratione creditur, saepius foetus, vel integre exeuntes, vel frustillatim educos, extra uteri cavum haesisse. Gravida, tempore solito gestationis praeterlapso, vehementissime parturit, nec tamen prolem enitur; febre, abdominis doloribus, ventris torminibus, aphthis, aliisque diris symptomatibus, affigitur. Postea supra umbilicum apparent vesiculae, gangraenae instantis nucliae, quibus ruptis, ingens humorum prodiit copia, dein portio funiculi umbilicalis fiderata, summo cum foetore. Post decem dies sinistra foetus manus ad cubiti flexum usque, per integumenta communia abdominis, jam gangraenosa, prominuit: post biduum, discisso prudenter abdomine, educeretur

foe-

(A) Atad. des scienc. in 4. l'an 1746. Hist. pag. 43. 44:

(i) *Eristol. Medicin. Centur. IV. Tom. IV. pag. 59.*(K) *Medic. Essays vol. V. par. I. pag. 442.*

foetus, non mediocri magnitudinis, integer, foetidus. Difficilius educeretur placenta, quae neutiquam utero, sed sinistrorsum tubae Fallopianae, ovariove inhaerebat. Novem tamen septimanarum spatium integre convaleuit haec mulier a tanto malo, & Medicis, atque Chirurgis, qui ejus curam gesserant, monstravit ventrem profunda cicatrice clausum, sed umbilico carentem (1). Hunc casum imprimis selegi, quia omnes, qui adfuerunt, Medicos, & Chirurgos probe novi; de quorum fide, & peritia nullum dubium esse potest.

Quamquam autem plerumque putrescat cadaver foetus in corpore materno relictum, & saepe frustillatim postea exiverit per varia loca, tamen & rari casus docuerunt, quandoque absque corruptione mansisse per plures annos, & sola mole, ac pondere molestum fuisse. Sic legitur (m) de Senonensi muliere, quae, sexagesimo octavo aetatis anno mortua, per viginti septem annos foetum mortuum gestaverat. Sterili in conjugio vixerat diu, & quadragesimo anno signa graviditatis animadvertit: cessabant enim menses, pica laborabat, motum infantis solito tempore percipiebat, mammis lacte turgentibus: absoluto gestationis curriculo, parturire incepit, cum suppellicione urinae ad aliquot dies, quae postea ubertim profluxit. Credebatur & aquas ruptas fuisse, excreto simul sanguinis coacti thrombo. Postea conciderunt mammae; motus infantis percipiebatur exiguus, vel nullus; nec inquam partus secutus fuit: per totum triennium misera in lecto decumbere debuit; dein ad finem vitae usque semper languit, de tumore, duritie, gravi pondere in abdomine pro vario corporis motu nunc in hanc, nunc in illam partem decumbente, conquesta; simul appetitus languebat, quem subinde acetariis, & absorpto omphacio excitare tentabat. Tandem post tot calamitates, viginti septem annorum spatio toleratas, moritur. Periti Chirurgi, aperto cadavere, invenerunt uterum rugosum, & versicolore, sed simul tactu durum ostracodermatis instar. Non sine difficultate durus adeo uterus dissecabatur; in cujus cavo inveniebatur foetus, transversim positus, & in orbem complicatus. Insolito spectaculo obstupescit Chirurgi Medicos advocant, ut testes, & judices forent; ut autem melius totum examinari posset, omnem illam molem manibus, & uncis extrahunt, domumque ferunt; quod non absque magna vi fieri poterat. Inveniunt in duro hoc utero foetum, ad coxam dextram, ad nates, & ad partem spinæ dorsi, omnino accretum uteri cavæ superficiei: ossa capitis tenuia quidem, sed firma, & instar cornu nitentia, cute capitis in multis locis pilosa; sinistra manus in pugnum adeo firmiter erat contracta, & summi digiti ita palmarum haerebant, ut, licet apparerent seriatim inter se distincti, reipsa tamen in unum, idemque corpus vere lapideum concrevisse. Dextrum brachium ad umbilicum manum extendebat, quae ad carpum inadvertenter excisa fuit, & in alvo matris relictæ. In genere; *sub oculo, & tactu judi-*

.. 11

(1) Cornel. Trioen observat. Medic. Chirurg. siccæ, pag. 84. & seq.

(m) Meur. Cordæi rheini comment. VII. in Lib. I. Hippoc. de muliere, apud Spach, in Gynaec. pag. 740.

no, totum illud opus Pbidae alicujus esse dixeris, qui vel ex chore, vel ex matre maturae aetatis embryi absolutissimam imaginem expressisset, maxime cum in ea duritie corpusculi moles non concidisset, imo cum cute nitida integram suam equasset, & vasa retinisset. Partes autem internae, viscera nempe omnia, cor, & cerebrum habebant naturaliter, eo dempto, quod ultra modum induruerant (minus tamen quam externae); ita ut hodie exterius illud corpusculum neque putredinem minetur, neque seredinem. Cum autem milleni testes hunc foetum viderint, & manibus tractaverint, de facti veritate nullum superesse potest dubium. Caeterum Lithopaedion illud Senonense figura adumbratum habetur (*), & satis rudi.

Sed & alia historia legitur (o) de foetu, qui per quadraginta sex annos latuit in alvo materna. Foemina nempe, quadragesimo octavo aetatis anno, omnia signa graviditatis sensit, tandemque partus dolores per septem septimanas toleravit, qui balneis adhibitis cessarunt quidem, sed abdomen tumidum remansit, absque dolore, solo pondere molestum. Postea adhuc duos infantes peperit sanos. Post mariti obitum quadraginta adhuc annis vixit; cumque semper se adhuc gravidam crederet, voluit, ut post mortem secaretur tumidum abdomen.

Rudi satis manu cadaver secuit Chirurgus, & ex abdomine magnum satis globum eduxit; quem, cum durus admodum esset, securis ictu aperuit. Cum in thesauro serenissimi Ducis VVirtembergensis servari deberet, relictus fuit in eodem statu ille globus. Per fissuram autem securi factam distinguere potuit Celeberrimus Camerer, in Tubingensi Academia Medicinae Professor, foetum, in hoc globo contentum, cujus caput difforme erat, pectus admodum complanatum; & quamvis foetus ille adhuc satis flexilis esset, tamen non foetebat. Involucrum autem, foetum continens, durum valde, cartilagineum, imo osseum, apparebat in omni ambitu, excepta illa parte, per quam adhaeserat cuidam abdominis loco; ibi enim major erat mollities, & adhaeserat carni crassae, ac rubicundae. Celeberrimus Camerer merito credidit, foetum illum in tubarum alterutra conceptum increvisse, cum mater postea binos adhuc infantes pepererit.

Foetum autem hunc, Lutetias delatum jussu serenissimi Ducis VVirtembergensis, vidit Celeberrimus Morand (p), qui simul recenset historiam foetus mortui, per triginta, & unum annos gestati. Plura Ibidem, lectu dignissima, de foetibus in matris corpore diu latentibus habentur.

§. 1320. **S**itus infantis redigendus est in eum, quo foetus possit educi vel per caput, vel per pedes imprimis.

Qualis sit situs infantis in partu naturali, ad §. 1317. dictum fuit; adeoque, si sic positus fuerit foetus, ut ipse sibi portam claudat, tunc situs ille mu-

(*) Maur. Cordaei rhemi comment. VII. in Lib. I. Hippoc. de mulier. apud Spach. in Gynaec. pag. 478. (*) Académ. des Scienc. l'an 1721. Hist. pag. 43.

(p) Acad. des Scienc. l'an 1748. in 4. Mem. pag. 113.

mutandus erit, & reducendus ad naturalem. Imprimis hoc monendum est, ne dentur unquam stimulantia calida remedia in partu difficili, qui ab hac causa pender. Urgent horum exhibitionem parturiens, adstantes, obstetrices, si minus peritae fuerint. Interim certum est, partus dolores eo plus nocere & matri, & foetui, quo validiores, ac frequentiores fuerint, si foetus sic situs sit, ut transire non possit. Leve refrigerans cardiacum, loco validi stimulantis remedii, prudens Medicus dabit, ut videatur aliquid agere, sicque querulae parturientis animum erigat, dum omnia disponuntur, ut perita manu situs perverfus foetus mutetur. Magnae utilitatis autem est, si cito cognoscatur, foetum in malo situ haerere. Quando naturali in situ, praevio capite, foetus urget os uteri, illud sensim inter nixus parturientis dilatatur, & membranae, ante caput infantis positae, aquis collectis turgere incipiunt, formantque tumorem rotundum, tensum, dum dolor partus adest; flaccidiorem vero, ubi dolor remittit. Sic sensim, vi aequabili, magis magisque dilatatur os uteri, & ad felicem partum disponitur. Unde moment omnes periti artis obstetriciae, ne cito aquas, formari incipientes, rumpat obstetrix, nondum satis dilatato uteri orificio. Contingit enim aliquando, felici partu, foetum adhuc membranis suis inclusum prorumpere. Ubi autem aquae adeo distenderunt membranas, & os uteri jam adeo dilatatum fuerit, ut caput infantis, pone aquas haerens, in os uteri delabi possit, totamque ejus amplitudinem implere, tunc aquae rumpi poterunt; quod facile fit, si doloris tempore digito premat tumentes membranas obstetrix, vel easdem, digitis arreptas, leviter circumtorqueat. Si vero admodum tenaces fuerint hae membranae, scindi possunt, sed cum cautela, quia, erumpentibus aquis, caput foetus saepe proxime sequitur. Inter difficilis partus causas *Moschion* (q) ponit, si membranae nimis tenues rumpantur citius, sicque effundatur ille humor, qui ad lubricum lapsum (*διὰ τὴν ἐλκιδίαν*) foetus praeparatus erat. Postea *Mauriceau*, & alii idem monuerunt.

Si autem uterus recte positus fuerit, id est, si orificium ejus directe respondeat vaginae, & aquae formentur acuminatae, oblongae, tunc signum est, infantem male situm esse, neque capite praevio prodire (r). Quandoque tamen caput non admodum remotum est ab uteri orificio; tunc autem jubet sequentia: Si *inveneris uterum recte positum, & humores in longitudinem expansos esse; si modo manum, modo pedem, aut etiam caput aliquatenus tangere poteris, tunc opportunum tempus non negligas, judicans, satis protuberare aquas, & tunc caput aliquatenus sentiens, ocyus membranam unguibus confringas, & protinus digitis caput in ostium dirigas, oblaculis quibuscumque, manus scilicet, pedis, funiculi umbilicalis remotis; quod tum facile fieri poteris, quia satis spatii superest. Capite hoc pacto in ostium indulto, non est, quod obstetrix metuas, idem inde recessurum esse; humoribus enim effluxis, infanti in utero relicto spatium*

non

(q) Spach. Gynaec. pag. 19. 150.

(r) Deventer. nov. lum. art. obstetric. Cap. 40. pag. 177.

non est, sese huc illuc vertendi; quia uterus statim contractus infantem undique comprimit. Imo, quando aquae jam dudum effluerunt, adeo arctatur uterus, ut difficulter verti, & in alium situm redigi possit, dum simul omnia sicca sunt: de hac difficultate conqueruntur omnes, qui de re obstetricia scripserunt, & hinc sedulo monent obstetrices, ut cito, si absolvendo partui se impares credant, peritum obstetricantem in auxilium vocent. Foetus enim in periculo versatur, parturiens debilitatur, si aquae jam dudum effluerint, antequam tentetur foetus versio: & major vis ipsi utero applicari debet, dum in illo, jam contracto, & sicco, situs foetus mutari debet.

Veteres Medici putaverunt, foetum in utero satis mobilem esse; hinc tentaverunt, mutare situm perversum foetus, dum parturientem concutiebant subito, & satis valide. Sic Hippocrates (1), dum tentabat vertere foetum, ut in caput prodires secundum naturam, suadet sequentia: *Supinae reclinatae molle quidam coxis substernere oportet, atque etiam lecti pedibus aliquid supponere, quo altiores a pedibus decumbentes esse queant. Sed & coxae capite sint altiores, nullum vero capiti cervicali subit. Ad ea prospiciendum; quum vero retrusus fuerit foetus, & huc, & illuc circumagatur, sublati lapidibus, pedibus lecti suppositis, & eo, quod coxis subditum fuerat, & lectum, & coxas in pristinum statum restituito, capitiq; pulvinar supposito.* Patet satis, quod perversum foetus situm mutare in naturalem tentaverit hoc modo Hippocrates. An autem voluerit, situm infantis naturalem efficere, dum subducuntur fulcra lecti pedibus supposita, concussu quodam facto, an vero crediderit, illum jam adesse, dum removebantur haec, dubium videri potest. Cornarius enim haec verba, *ut namque pueri nudiculus*, retulit ad praecedentia, quae de situ foetus agunt; Foetus vero, & Charterius crediderunt, pertinere potius ad situm parturientis restitutum. Sed alia loca Hippocratis videntur docere, quod a concussionem parturientis mutationem situs foetus exspectaverit. Praecedenti enim capite (2), simili concussionem, dum partus dolores urgebant, promovere partum conabatur. Praeterea alibi (3), cum parturienti mulieri foetus transversus ceciderit, habet sequentia: *Concutere autem hoc modo oportet: Super tenui linteo substrato mulier reclinanda, alio superinjuncto, quo ejus pedes demoveatur, & utrumque crus tenui linteo legendum, & utraque manus. Duae autem mulieres utrumque crus apprehendant, & aliae duae utramque manum; deinde eam ipsam non minus, quam decies valide concutiant. Postea vero mulier in lectum reclinetur, ita ut caput deorsum, crura autem sursum habeat, & mulieres omnes, dimissis manibus, crura apprehendant, eamque crebro in lecto concutiant, facta in humeros reiectione, ut in ampliorem locum concussus foetus convertatur, & naturaliter prodire possit.*

Foetum, quumdiu aquae nondum effluerunt, satis mobilem esse, & nunc hanc, nunc illam partem in uteri orificio tangi, antea dictum fuit. Devenit (v)

(1) De Mulier. morb. Lib. I. Cap. 68. Charter. Tom. VII. pag. 769.

(2) De foetus in utero mortui extractione. Charter. Tom. XII. pag. 551.

(3) Ibid. pag. 768.

(vv) suo testimonio idem confirmat, simulque monet obstetrices, quod *In-fantes isti mobiles raro recte versi prodeant*. Verum, aquis jam elapsis, contractus uterus foetum undique stringit, & nullo concussu situs ejus mutari facile poterit. Praeterea validis illis concussionibus metuenda foret solutio placentae ab utero, & inde periculosa haemorrhagia. Unde hodie Veterum haec methodus omnino exulat, & adhibetur perita obstetricantis manus ad mutandum situm infantis ita, ut exire possit, capite praevio, vel, si hoc fieri nequeat, pedibus educatur.

Dum enim perverso situ haeret in utero foetus, non semper potest in talem situm reponi, ut capite praevio prodeat: tantum obtineri poterit hoc, si caput non multum distet ab uteri orificio, ita ut obstetricantis digitis facile tangi, & ex situ moveri possit. *Mauriceau* (x) indignabatur Medicis, quod generale praeceptum dederint, situm perversum infantis mutandum esse ita, ut fiat naturalis omnino; cum hoc saepius impossibile sit, neque absque periculo infantis, & matris tentari possit. Unde ille pro generali regula in arte obstetricia posuit, in quovis situ perverso foetus pedibus educi debere: cui asserto optimi, & peritissimi obstetriciae artis magistri hodie adstipulantur.

Hoc tempore, si infantis pedes primo prodeant, non habetur pro partu praeternaturali, neque periti illum difficilem credunt, cum constet, illum satis cito absolvi posse, & absque periculo matris, vel infantis, si reliqua omnia se naturaliter habeant. Imo jam apud *Mosebionem* (y) leguntur sequentia: Reliquis infantis positionibus praefertur quidem, *Quoties in caput feruntur, ita ut in orificium matricis directum caput ejus inveniat, manibus scilicet, & lateribus, & femoribus junctis*. Proximum vero bono sibiemati est, *quoties & in pedibus descendit junctis, & orificio matricis oppositis, manibus scilicet per latera porrectis*.

Verum tamen est, ubi infans per pedes educitur, manus, & brachia vix unquam manere exporrecta secundum corporis latera, sed sursum elevari, dum truncus corporis transit per uteri orificium; unde postea brachia una cum capite transire debent, atque ita sua mole transitum capitis reddunt difficiliorem. Fatetur *Deventer* (z), omnes auctores postulasse, *ut brachia successively producta juxta corpus ponantur; ego tamen contrarium sentio, & exper-tus sum in hac, aliisque rebus plurimis; quapropter brachia juxta caput relin-quenda esse, confidenter suadeo, simul cum capite excludenda*. Parturiens quidem, facit, infantem omni nisu propellere sentitur, sed nubecula est cito transiura. Etc. dein addit sequentia: *Mihi sane hoc modo res semper prospere successit; hinc ergo praxi porro inhaerere, quia periculum non est caput ab humeris avellendi, quod Paulo Portaali, aliisque (ut ultro ipsi fatentur) saepius contigit; neque mi-rum hoc est; brachiis enim juxta corpus detrahit, ut uteri instar laquei, vel ten-dit*.

(vv) Nov. Lum. art. obstetric. Cap. 40, pag. 176.

(x) *fémin. gross.* liv. 2. chap. 21. pag. 314.

(y) *Harmon. Gynaec.* pars prior.

Cap. XI. Spach. *Gynaec.* pag. 10.

pag. 198.

Tom. IV. pars II.

(z) *Traité des malad. des*

(y) *Harmon. Gynaec.* pars prior

(z) Nov. Lum. art. obstetric. Cap. 40.

diculae contrahuntur, & conclusum, non raro praefocas infantem, aut si jam defunctus sit, & tenellus, caput facile avellitur, quod in utero remanens unci dein ferreis extrahendum est.

Si tamen caput infantis magnum fuerit, vel totus infans torosus, certum est, magnam satis vim adhibendam esse, ut caput cum brachiis simul transire possit; quod certe periculo carere non videtur. Ubi autem contrarium obtinet, tunc talis educio tentari posset. Unde videmus, plures, qui post *Deventer* scripserunt, & quidem in arte peritissimos, consuluisse, ut brachia detrahantur, dum infans usque ad axillas protractus fuit; licet non semper, sed saepius hoc requiri, dixerint (a).

Caeterum observavit *Levres* (b), ex viginti infantibus, qui obliquo situ in utero locantur, vix unum reperi, qui versus sinistram uteri latus declinaret. Causam autem hujus rei nondum detegere potuit.

§. 1321. **I**D efficitur 1. positu Matris debito. 2. mutatione situs infantis.

1. Duplici modo considerari potest situs puerperae, vel quatenus faveat partui naturali, ut facilius prodire possit, vel etiam, dum per mutatum situm parturientis ars conatur emendare malam uteri posituram, aut majorem conciliare facilitatem, ut perversus infantis situs mutari possit. In partu naturali talis situs requiritur, ut obsterix commodè manus admovere possit, dum parturienti opem ferre debet, simulque nullum impedimentum sit, dum os coccygis in transitu capitis infantis retrocedere debet. Cum autem plures tales situs esse possint, satis magna diversitas in variis locis observatur, neque mulierculae facile a consueto more recedent. Optime monet *Levres* (c), in omni fere situ partum feliciter absolvi posse, si omnino naturalis fuerit; unde non oportet nimis morosum esse, si hunc, illumve situm parturiens praetulerit reliquis. *Latona*, ambabus ulnis palmam circumplexa, genua fixit in molli prato, sicque *Phoebum* in lucem effudit (d). Rusticas parturientes hunc situm praeferre, notat *Mauriceau* (e); sellam parturientium desiderant aliae, cujus figura habetur (f). In lecto ut pariant, laudat *Mauriceau* (g), & alii plures, ut partu absoluto statim quiescere possit puerpera, neque opus sit, illam ex sella parturientium in lectum deferre. Muniebatur autem linteis complicatis lectus, ut cruor, aliaeque sordes commodè auferri possent. Apud ditiores solent binos lectulos, sibi mutuo contiguos, sternere, ut commodè aliquot post partum horis in lectum purum, siccum, calidum puerperae reponi possint, nec cogantur diu in his sordibus decumbere. Praeter-

(a) *Levret* art. des accouchem. pag. 116. *Cranz* Einleitung in die Hebammenkunst. pag. 62. (b) *Ibid.* pag. 105. (c) Art. des Accouchem. pag. 110.

(d) *Horat.* Hymn. in Apoll. Spondan. pag. 347.

(e) *Tracté des malad. des femm.* gross. liv. 2. chap. VII. pag. 244.

(f) *Ibidem.* Chap. 26. pag. 90.

(g) *Ibidem.*

(f) *Deventer.* Nov. lum. art.

terea ad partum absolvendum laudatur, si lectus durior sit, ne in molliori lecto fovea imprimatur, quae coccygis ossis retrocessionem, & obstetricis manipulationem impedire posset: unde *Mauriceau* (b) commendat, lectum sternere culcitris, quae pilis equinis fartae sunt, non vero plumis: eandem cautelam in difficili partu, qui obstetricantis manu absolvi debet, laudat *Leuret* (j). Post partum autem conducit molle stratum. Pulere hoc notavit *Moschion* (k), volens, ut bini sternantur lectuli; quorum unus durior utilis est, dum in lecto parturiunt; alter vero mollior stratus servit post toleratos partus labores.

Antea dictum fuit, uterum gravidum sensim magis magisque extendi, & simul ascendere ultra pelvis limites in cavum abdominis: hoc autem imprimis obtinet in uteri fundo, qui ejus pars superior est, & quandoque, uti dictum fuit, ad ventriculum usque ascendit. Facile intelligitur, uterum, adeo distentum, in abdomine declinare posse in alterutrum latus, vel & antrosum prolabi, si abdomen propendulum fuerit, dum pessimo moris loricis stringunt abdomen gravidae, sicque liberum adscensum tumentis uteri impediunt. Optime autem notat *Leuret* (l), fundum matricis non posse retrorsum labi; obstat enim columna vertebrarum, quae naturaliter introsum hic prominet: tantum ergo locum habere potest, ubi mala spinæ conformatio adest, quae extrorsum prominere fecit lumborum vertebrae. Patet simul, declinante sic fundo uteri, ejus orificium in oppositam partem vergere, neque directe respondere vaginae; unde partus difficilis sequi poterit.

Antea ad §. 1290. patuit, hanc uteri deviationem a Veteribus Medicis cognitam fuisse, illamque habuisse quandoque pro causa suppressionis menstruum; quando nempe os uteri non directe respondebat vaginae, sed oblique positum sic apprimabatur vicinis partibus, ut minueretur ejus apertura, vel & integre obturaretur. Dictum fuit tunc etiam de methodo, qua *Hippocrates* usus fuit, ut perversum uteri orificii situm mutaret in naturalem. Si autem fluoris menstrui excretio ab hac causa impediti potuit, sponte patet, difficilem partum ab eadem causa debere fieri. Colli, & orificii uteri declinationem variam descripsit & *Moschion* (m), monuitque, obstetricem digito hoc explorare posse, variaque recenset symptomata, prout os uteri has, illasve partes premit. Interim verum est, raro, vel nunquam, antequam *Deventer* scripserat, de perverso orificii uteri situ, tanquam partus difficilis causa, mentionem fecisse auctores, neque excussisse hanc rem pro dignitate, sed malum situm infantis in utero sere solum culpasse: ob hanc rationem librum suum *Lumen novum obstetricantibus* exhibere dixit, & queritur (n), plerosque, hanc sententiam non admodum fide dignam habituros esse; alios item nascutos, eandem ridentes, tanquam falsam, & novam rejecturos.

Postea optimi de arte obstetricandi auctores eandem sententiam confirma-

(A) *Deventer* Nov. Lum. obstetric. cap. 26. pag. 90.

pag. 113.

pag. 37.

pag. 47.

(k) *Sphac. Gynaec.* pag. 4. N. 48.

(m) *Spach. Gynaec.* pag. 18. N. 141.

(j) *L'art des Accouchemens*

(l) *L'art des accouch.*

(n) *Deventer* Cap. XI.

verunt; & *Leures* (o) posuit, praecipuam causam obliquari uteri pendere a loco, cui placenta adhaeret. Quamvis enim illa ut plurimum fundo, aut posteriori parti uteri accrescat, tamen constitit observatis, placenta in omni loco cavi uteri accrescere posse, ne quidem circumferentia orificii uteri excepta. Cum autem placenta septem, vel octo pollicum diametrum habeat, & pollicem crassa sit, patet sponte, uteri substantiam, cui placenta nectitur, augeri mole; unde fundus uteri, libere in abdomine haerens, declinabit versus illam partem, cui placenta nectitur, secundum gravitatis legem, simulque collum uteri, ejusque orificium tendet, ob eandem rationem, versus partem directe oppositam. Sic si placenta haereat laterali parti dextrae uteri, si gravidæ corpus bene conformatum fuerit: idem fiet, si placenta accreverit orificio uteri, quod raro contingit; & fere semper tunc in fine graviditatis sequitur haemorrhagia uteri.

An tale quid indicavit *Hippocrates* (p), dum dixit: *Si cui secundae pueri in utero exeat, priusquam puer foras prodire incipiat, difficile parit, magisque periculatur, nisi caput praecedat*. Si enim placenta, orificio uteri accreta, prius prodeat, profusa sequitur, & periculosa haemorrhagia: ubi autem caput infantis statim sequitur, & obturat orificium uteri, sanguini praeccluditur exitus. In textu quidem legitur *χρησις*, quod pro extima foetus membrana sumi saepe solet; sed monuit *Galenus* (q), hoc vocabulo etiam significari secundinas (*μήτρας*); sub quo nomine etiam placenta continetur.

Saepe haec uteri declinatio visu, & tactu abdominis in muliere gravida detegi potest, dum in hoc, illoque latere fundus uteri declinans ventrem attollit in majorem tumorem: imo ipsae gravidæ solent dicere, quod foetum in hoc, illoque latere gerant, dum & majorem molestiam a compressione, vel distractione vicinarum partium sentiunt, & motum foetus magis percipiunt in illo latere, versus quod uteri fundus declinavit. Utile autem est haec novisse, ut postea, partus tempore, mutato parturientis situ, hoc emendari possit. Semper enim partus difficilis expectandus erit, si uteri orificium non respondeat directe vaginae; imo quandoque partus omnino impossibilis erit, quamdiu haec fundi uteri positura non mutetur. Si enim fundus uteri antrosum delapsus fuerit collum, & orificium uteri angulum rectum cum vagina facient, collum vesicae comprimitur, ut nihil urinae exire possit. Quomodo autem, & qua encheiresi situs fundi uteri mutari possit, ut felix sequatur partus, apud *Deventer* (r) videri poterit, qui fuisse satis de his egit, quibus & addi merentur illa, quae apud *Leures* (s) habentur.

1. Na.

(o) *Traité des Accouchem.* pag. 36. & seq.

(p) De superfœtat. Chap. I. Char-

ter. Tom. VII. pag. 861.

(q) Comment. in Aphor. 49. Sect. V. Charter.

Tom. IX. pag. 224.

(r) Cap. XLVI. & sequent. pag. 201. &c.

(s) *L'art des Accouch.* pag. 103. 110.

2. Naturalis situs infantis est, ut capite prævio, facie os sacrum matris spectante, prodeat: ubi autem a situ hoc naturali deviat infantis positura in utero, debet hæc mutari, si fieri possit, uti dictum fuit; vel, si caput nimis distet ab uteri orificio, pedes quaerendi sunt, ut his arreptis perita manu protrahi possit infans. Hoc obstetricantes vocant *vertere infantem*. Quandoque contingit, ut pedibus primo prodeant; aliquando & aliae corporis partes in uteri orificio tactu percipiuntur.

Facile autem intelligitur, necessarium esse, ut distinguantur partes, quæ se offerunt, ut obstetricans dirigat manum utero immisissam, dum pedes quaerit. Quia autem encheiresi, & quibus cautelis opus sit, ut infantis versio tuto fiat, apud auctores artis obstetriciæ, toties jam laudatos, legi poterit, imprimis apud *Leuret (i)*, ubi omnia summa cum cura habentur descripta. Non enim videtur hujus loci esse, ut hæc ad amissum describantur. Simul ac autem constât, infantem in utero male positum esse, & orificium uteri jam apertum est, præstat statim tentare versionem, quæ longe difficilior perfici poterit, si aquæ jamdudum effluerint, sicque uterus contractus sit, & siccus.

Postquam infans in lucem prodiit, nondum ab omnibus liberata est puerpera: membranae enim, in quibus infans hæsit, chorda umbilicalis, & placenta, utero accreta, adhuc in cavo uteri hærent; quæ omnia debent removeri, ut uterus se contrahere possit, & vasa sanguine distenta evacuari, sicque sensim ad pristinam magnitudinem redire. Omnia hæc simul sumta Graeci dixerunt *τὰ βρωμ*; secundinas, quasi secundum partum, ut plurimum vocaverunt alii quoniam quandoque non leves molestias facit secundinarum educitio; unde & multa hic prudentia opus est. Cum autem omnia illa, quæ sub secundinarum nomine continentur, foetu jam in lucem edito, nullum amplius usum habeant, hinc inutili hac sarcina statim uterum liberandum esse, voluerunt multi. Sic *Mauriceau (u)* quantocyus secundinas educendas jubet, etiam antequam ligetur, & abscindatur chorda umbilicalis, metuens, ne confringatur os uteri, si mora intercedat. *Deventer (vv)* quidem chordam umbilicalem abscindi prius jubet; sed, hoc facto, *sine mora secundis extrahendis omnis opera impendenda erit*. Imo, si apta ad hanc rem praefecto sit alia foemina, suadet, ut illa liget, & abscindat funiculum umbilicalem, dum *obstetrix, quæ primum infantem sinu excepit bene valentem, vena umbilicali nondum contracta, vel abscissa, os uteri immittit, ut secundinas extrahendae secundinae gratia*. Hanc autem methodum praeferebat ideo, quia mox post partum, debescens adhuc uteri orificium, & ipse uterus nondum contractus, facile admittit obstetricantis manum, absque ulla vi adhibita, absque dolore puerperae: sic nullum periculum erat, ne, trahendo funem,

Uterus

(i) L'art des accouch. pag. 113-127. Crana hebmamnenkunst. pag. 135.

(u) Traité des malad. des femm. gross. liv. 2. chapit. VIII. pag. 248.

(vv) Nov. sum. art. obstetric. pag. 125. Chap. XXXVIII.

Tom. IV. pars II. v

umbilicalem, fundus uteri inversus protraheretur; simul commode sic nexu placenta cum utero solvi potest, si nimis validus fuerit; & si mola, grumive sanguinis in utero haerent, aut partes lacerae membranarum, omnia haec simul, manum retrahendo, sensim educi poterunt, ne haec diutius relicta putrescant. Praeterea credebatur, se sic simul occasionem habere, ut uterum obliquatum in situm debitum restitueret; unde non protinus retrahebatur manum; vel, si secundinam educendo hoc fecerat, denuo illam utero immittebat, & expectabat, donec uterus circa manum contraheretur. Testatur autem, hanc methodum sibi feliciter cessisse.

Alii, & magnae quidem auctoritatis in re obstetricia, viri suadeant, non nimis festinandum esse; sed malunt, ut uterus, foetu jam excluso, parum contrahatur prius, antequam tentetur, placentaeductio. Ita consultit *Celeberrimus Monro* (x); & versatissimus in his *Levres* (y) monuit, non tentandam esse placentaeductioem, nisi certus sit obstetricans, illam jam sic dispositam esse, ut facile sequatur.

Tunc autem sic se habere illam, creditur, si ante partum, in partu, vel immediate post egressum infantis ex utero copia sanguinis exeat. Signum enim hoc dat, placentam vel integre, vel saltem pro parte a sexu cum utero solutam esse. Quamvis enim tota chorii circumferentia utero gravido nectatur, & vasa quaedam manifeste ex utero in chorium tendentia observentur; unde ab his ruptis, dum protuberant aquae, & partus jam instat, aliqua sanguinis copia exit, sed parcius, uti antea dictum fuit; tamen maxima vasa sunt in illo loco, ubi placenta utero cohaeret. Si ergo copia sanguinis ante partum, in partu, vel immediate post partum prodeat, novimus, placentam saltem pro parte ab utero separatam esse, adeoque merito sperari posse integram separationem, si cum prudentia, & leniter trahatur funiculus umbilicalis. Verum, ubi notabilis copia sanguinis non prodiit, tunc novimus, placentam adhuc tota sua superficie haerere utero, tuncque cautela opus est: rudiori enim tractione inverti posset fundus uteri non tantum, sed etiam, si placenta feliciter sequeretur, subita, & profusa fieret haemorrhagia, ac valde periculosa, nisi uterus, statim se contrahendo, vasorum amplitudinem minueret.

Haec est ratio prudentis moniti, quod *Celeberrimus Levres* (z) dedit, non tentandam tunc esse statim placentaeductioem, antequam uterus signa suae contractionis det. Quandoque enim uterus, foetu distendente quamvis liber, flaccidus, & iners collabitur; praecipue post laboriosum partum toleratum, & tunc totum abdomen planum, molle, ac flaccidum tangitur: ubi vero uterus contrahitur, & cavum suum minuit post partum, tactu percipitur in puerperae abdomine tumor pyriformis, satis durus, & circumscriptus. Tunc novimus, uterum valide contrahi; adeoque, deducta placenta, non metuitur almia haemorrhagia.

Un-

(x) Medical Essays and observat. vol. 2. N. XI. pag. 241.
couch. pag. 127. 128.

(y) Ibidem.

(z) L'art. des acc.

Unde statim educendam placentam voluit, si haemorrhagia monstraverit, illam ad exitum paratam esse, ut integre evacuatus uterus se melius contrahere possit, & sic haemorrhagiam minuere: mora enim grumescit sanguis, & magnos thrombos format, qui novo labore indigent, ut exprimantur. Imo, si thrombus talis obturet uteri orificium, & flaccidus uterus se non contrahat, pergit tecta haemorrhagia, & totum uteri cavum sanguine repletur, ita ut puerpera in validam incidat syncopen. Signum periculosis illius status est, si, tangendo abdomen puerperae, uterus appareat amplius, & mollis: solum tunc remedium est, ut manu statim in cavum uteri immissa, educantur grumi, sicque uterus, hoc facto, se contrahere possit, & vasa parula claudere.

Videtur & ipsa contractio uteri conducere ad separationem placentae. Cum enim placentae lobuli ingrediantur sinus uterinae substantiae, contracto utero, illi exprimuntur quasi, & hinc minus haerent. Uteri fabricam indagans *Ruyfchius* (a) dixit, aequae ac vesicae, habere *substantiam fibrosam, crassam, motricem*; sed observavit, etiam *peculiaribus gaudere fibris motricibus, in orbem positis, & quidem eo loco, ubi placenta in statu naturali sese utero applicat, nempe in uteri fundo*. Itone adumbravit has fibras (b): cum tamen postea hanc iconem praeter votum minus accurate delineatam inveniret, sub finem vitae aliam dedit (c). Credebat autem, has fibras servire imprimis separationi, & expulsioni placentae. Cum autem fibras illas tantum inveniret circa fundum uteri, & probe novisset, placentam non semper eidem loco adherere, conclusit, placentam difficilius separari, si extra sphaeram activitatis huius musculi sita foret.

Hinc videtur concludi posse, educendam esse statim placentam, dum copiosus exit post partum sanguis: tunc enim facile sequi solet, cum saltem pro parte a cohaesione cum utero soluta sit: ubi contrarium obinet, & uterus nondum dederit signum contractionis suae, tunc potius expectandum esse. Nunquam autem vis adhiberi debet: docuit *Ruyfchius* (d), quod, quinquaginta annorum spatio dum obstetricandi artem exercuisset, plures vidisset post partum felicem sanas, & hilares periisse, quod placenta rudius extraheretur. *Hippocrates* (e) diserte monuit, si secundae non facile excidant, id sensim non vi, faciendum, ne praeter naturam divulsam quid inflammationem exciet. Suadebat autem, ut pondere infantis solo tentaretur placentae educitio, & quidem tali modo, ut quam lenissime hoc fieret: *Supponendae itaque foetus laeae, quam maxime sublatae, recens carptae, quo paulatim cedant; aut utriculi duo copulati, aqua pleni, supra quos laeae imponendae, & supra laeas foetus collocandus; deinde uterque utriculus stilo pungendus, quo sensim aqua defluat; effluente vero aqua, utres demittantur, ac confidant; his autem demissis, foetus umbilicum attrahis; umbilicus vero secundas extrahis &c.* Ad eundem quo-

(a) Advers. Anatom. Dec. 3. N. X. in fine pag. 35.

(b) Tab. 3. Fig. II.

(c) Tractat. Anatom. pag. 9.

(d) Ibid. pag. 11.

(e) De superfoetatione

Cap. 3. Charter Tom. VII. pag. 862.

placenta residuum manet, illud relinquere, quam laedere uteri substantiam: imo, totum opus naturae relinquendum esse, jubet, si violentia opus foret, ad placentam educendam; & tunc emollientissimorum doctoꝝ injectionem in uterum laudavit, ut & orificium uteri emolliatur, & suppuratione nata separetur placenta a cohaesione cum utero. His factis, suadet clysmā, utcumque acrius, applicari, ut una cum alvi deponendae conatibus placenta prodeat, quod saepius successit; imo quibusdam, incisus fere, sponte exivit. Inculcat obstetricibus hinc merito optimus *Ruysschius* (k), ut nullam vim adhibeant, si placenta nimis haereat, nec uteri orificium vi dilatent, sed puerperam placidae tradant quieti. Sponte enim sua os uteri laxabitur, & post aliquot horarum spatium placenta prodire solet: nec metuebar putredinem a relicta diutius placenta, cum illam nunquam observasset. Testatur enim, *Nulam puerperam, ex adstricta, & remansa, secundinarum mole, tempore plusquam quinquaginta annorum, quo ipsi Professoris in arte obstetricia sparta, ante nemini oblata, humanissime demandata fuit, obiisse, nisi placentam uterinam nimis atroci nisu per frustra eradicare voluerint. Familiare ipsi etiam fuit, eandem per dies, septimanas, quid quod? menses in utero retentam, & feliciter expulsam fuisse.*

Neque etiam rusticolae, & veterinarii a retentis secundinis vitulinis mortem vaccae augurantur (l). E contra constans apud illos observatio est, secundinas, nisi simul cum vitulo prodeant, relinquendas esse; quae tunc post novem dies solent sponte prodire. Si vero statim post partum evellerentur, saepe uteri suppuratio sequeretur (m).

Peritissimus in arte obstetricia *Brudenell Exton* (n) notat, plerumque decem, quindecim, viginti minutis post partum sequi secundinas, & non adeo frequenter opus esse, ut, immissa in uteri cavum manu, separetur secundina, cum plerumque, leviter trahendo funem umbilicalem, sequi soleat: agnoscit praeterea, uteri orificium aequè facile dilatari posse aliquot horis post partum, quam antea: fatetur, si aliquid de secundinis in utero relinquatur (modo non sequatur magna haemorrhagia), illud post unum, alterumve diem sponte prodire; & quidem absque ullo puerperae damno. Ut consulat tamen saepe obstetricantis, suadet, ut integre educantur secundinae, antequam obstetricans a puerpera recedat; rationem enim hanc addit: *in order to avoid reflections.*

Ob eandem rationem suadet, ut non nimis diu relinquatur placenta, quoniam caeteroquin posset per aliquot dies retineri. Non, quod inde tantum mali metueret; addit enim sequentia: *Si uterus a quodam accidente inflammaretur, & puerpera periret, obstetricantis imputaretur, quia secundinas reliquit.*

Ex dictis patet, mala, quae sequuntur secundinarum retentionem, saepe pendere tantum a radiori obstetricum tentamine, dum sanae suae consulere nituntur: turpe enim putant, si re infecta discedere debeant; hinc quaevis ten-

(k) *Tract. Anatom. pag. 13.*
de ziekte en sterfte van het Rundvee pag. 62.
& seq.

(l) *Ibid. pag. 16.*

(m) *Verhandeling van*
(n) *Sect. VII. pag. 238.*

tentare audent. Hippocrates (o) dixit : *Ad secundarum elapsum, sternutatio admo, nares, & os comprimere oportet.* Sed sic magnus concussus fit totius corporis, & imprimis abdominis. An autem tutum est, uterum, partus tempore jam multa passum, sternutatione, & quidem compressa, tam valide agitare? An non majus inde malum metuendum est, quam a secundinarum diuturniori retentione? Non mirum erit, si post haec tentata, licet in cassum, dolores in abdomine, rigores, febres oriantur. Sic enim alibi legitur (p): *Quum secundae statim a partu non secesserint, imi ventris dolores in laterum inanitate suboriuntur, ac febres; quod si secundae secesserint, mulier etiam sanescit.* Plerumque vero putrescunt; sexto tamen, aut septimo die, aut etiam posterius secedunt. Quod autem putredo illa secundinarum, de qua dicit, non adeo metuenda sit, patet ex alio loco (q); *Si mulieri secundae reliquae fuerint, nisi uteri amplo ore fuerint, parcius, quam conveniat, purgatio prodit, venter durus, & magnus evadit, frigus detinet, & febris acuta, & dolor totum corpus, praecipue vero ventris partem umbilico inferiorem, pondusque in utero, ac tormina, ac si foetus exstet, sentiuntur.* Ea curata secundae brevi putrescitas ejicit, & sana evadit. Mirum non est, secundis relictis, purgationem parciorem esse, cum placenta majoribus vasibus sanguineis utero nectatur, quorum solutione copiosius sanguis prodit.

Ab uteri autem solius robore secundarum retentorum expulsionem expectasse Hippocratem, ex alio loco (r) patet, ubi sic habet: *Quum vero in utero gerens foetus menstruum, aut himestrem, erruperit, & secundae exire nequeant, ipsa autem tenuis sit, hujus corpus tunc purgare, & opimum reddere oportet.* Non enim prius putrescitis foetus exeunt, nisi uteri robusti, & bene compacti fuerint. Notum autem est, secundinas difficilius educi in abortu, praecipue, si paucorum tantum mensium fuerit; hinc saepius relinqui in utero, quam in partu tempestivo, & naturali.

Ex omnibus haecenus dictis patet, ad plenariam liberationem puerperae requiri, ut secundinae educantur: statim quidem, si valida adfuerit haemorrhagia, cum tunc periculum in mora sit; sed & tunc facilius placenta sequi solet, cum jam pro parte soluta sit ab utero, sin minus, expectandum esse, donec uterus signa dederit contractionis suae; quod attracto abdomine cognosci potest, uti antea dictum fuit. Caeterum nullam vim adhibendam esse, si vel orificium uteri valide contractum fuerit, vel placenta nimis fortiter haereat; cum multa majora mala metuenda sint a vi utero illata, quam a placenta relicta, quae postea sponte, citius, vel serius, prodire solet. Monuit Aegineta (s), postquam illa recensuit, quae ad educendam placentam requiruntur: *Si res sit quidem excutiae fuerint, non iovenit turbare: post paucos enim dies putrescunt, & in saniem resolvuntur, exsident.* At dum haec fiunt, a gravi odore me.

(o) Aphor. 49. Sect. V. Charter. Tom. IX. pag. 224. & Epid. Lib. 2. in fine, Ibid. pag. 288.

(p) De Mulier. Morb. Lib. 1. Cap. LI. Charter. Tom. VII. pag. 757.

(q) Ibid. Cap. LIII. pag. 758.

(r) Ibid. Cap. LII. pag. 757.

(s) Lib. VI. Cap. 75. pag. 93. versu.

metuebat, qui & caput oppleret, & stomachum subverteret; quod incommodum suffumigiis emendandum jubet. Non semper tamen in tantam putredinem transit placenta retenta: post tridui moram exeuntem vidi integram, dum urinam excernebat puerpera, nec putrefactam inveni; & feliciter evasit, licet tota nobilis familia aegerime tulisset, quod impedivissem, obstetricem, ac, vi adhibita, placentam educeret.

Cum autem sollicitae matronae eductas secundinas accurate lustrare soleant, & pessima quaevis metuant, si vel levissima suspicio fuerit, aliquid de membranis, vel de placenta adhuc relictum fuisse in utero, quantum potui, hunc scrupulum illis eximere conatus fui, & si quid tale credidissim factum, solliciti texti, ne turbaretur malo tali nuncio puerpera, neque de fama periclitaretur obstetrix. Quidquid enim molesti, vel sinistri postea in puerperio contigerit, attribui solet huic negligentiae. Unde metuendum est, ne imposterum obstetrices, nimis uterum mundando, ut dicunt, illum laedant. Notavit sollicitae *Celeberrimus* in arte obstetricia *Laurens* (d), uteri superficiem illo in loco, cui placenta adhaesit, elevari in cristas, notabilis quandoque molis, quae obstetricem fallere possent, tanquam placenta reliquiae, quas avelendo, ipsam uteri substantiam laceraret. Certus sum, quod tales reliquiae sponte postea una cum lochiis prodibunt, nec nocent puerperae; sed obstetricis famae sunt satis insidiosae, quam probus Medicus in tali casu tueri semper debet. Nec periculum est a putredine relictorum, cum & haec prudenter elotione uteri facile caveri, aut emendari possit, uti sequenti *Capitulo* dicetur.

Legi merentur quam maxime illa, quae eodem in loco (a) de educatione placenta habentur: omnia enim ad hanc rem requisita ibi describuntur.

Quamvis plerumque placenta adhaereat fundo uteri, tamen constat, illam & aliis locis affigi: tuncque uterus quandoque inaequaliter se contrahit; & placentam retinet, quasi in cavo peculiari uterinae substantiae (v), & difficulter educitur. Observavit hoc etiam *Pen* (x), & consideravit talem cellulam, tanquam secundum uterum, quo sola placenta continetur; & cujus orificium non ab simile est orificio ipsius uteri, habens margines crassos, duos, angustos, sed laeves simul: fere semper invenit talem cellulam, si aderat, in latere dextro uteri, raro in sinistro. Inaequalem talem contractionem uteri, qua placenta retinebatur, graphice descripsit celebris in arte obstetricia *Denis* (y). Vocabatur ad primiparam, quae ante quadrihorium infantem pepererat; sed funis umbilicalis ruptus fuerat, nec poterat obstetrix ullo modo placentam educere. Crediderat, se tangere placentam, sed accurato examinae invenit, esse os uteri, quod admodum molle, crassum, & latum, tactu percipiebatur: manu in uteri cavum immissa, nullum placenta vestigium inveniebat; unde *Denis* vocabatur in auxilium, qui, manu in vaginam

(f) Mém. de l'Académ. de Chirurg. Tom. 3. pag. 229.

(a) Pag. 216 - 233.

(v) Ibid. pag. 222. & l'art. des accouch. pag. 131. & 132.

(x) Pratique

des accouchem. liv. I. chap. IV. pag. 35.

(y) Verhand. over het Ampt der

Woon-Meesters &c. Cap. 3. pag. 31.

immissa; credebat pariter, se placentam ex uteri orificio prominentem tangere: orificium autem uteri pugni magnitudinem aequabat, quatuor digitos latum, & pollicem crassum: facile manum introducere potuit; sed cavum uteri digitis undique pertentando, placentam invenire non potuit, quod quam maxime mirabatur. Tandem, manu de novo in uterum immissa, invenit foramen, quod minimi digiti apicem vix admittebat; hinc credebat, uterum perforatum esse: indice digito prudenter dilatabat hoc foramen; sed mox sanguis prorumpebat, & digito molle quid tangens, credebat intestina esse: secundum dein digitum una cum indice induxit, & percepit, in hoc loco placentam latere; hoc facto, introduxit & pollicem; sicque sensim, non tamen sine molestia, separavit placentam ab utero, & separatam eduxit.

• Foemina haec postea nihil insoliti passa fuit, & perfecte convaleuit.

• Patet satis, difficilem talem casum esse, & requirere periti obstetricantis exercitatum manum. An non spes est, talem particularem uteri constrictionem, per quam placenta particulari quasi cavo includitur, cessaturam? Notavit *Cranz* (x), si in tali casu, dum manus obstetricantis in uteri cavo est, novos dolores acquirit puerpera, tunc aperitur, & penitus quasi disparet ille sacculus, in quo placenta haerebat, quae tunc facile sequitur.

• Omnibus sic eductis, linteam quadruplicatum, molle vulvae applicatur, ut frigus aëris arceatur, quod pessime noceret.

(x) Hebammenkunst capit. 3. pag. 150.





MORBI PUERPERII.

§. 1322. **P**uerpera corripitur lipothymia, syncope, convulsionibus statim a partu: quia sanguis arteriosus a cerebro, & cerebello, aversus agitur in laxa abdominis vasa; dein dolore post partum, a labore tolerato, partibus contusis, a sanguine, foetu alio, secundinisve resistentibus.

Agendum jam est de morbis, qui post partum sequuntur, & qui ab ipso partu, ut causa, pendeat: huc etiam spectant illa, quae a tolleratis inter partum doloribus ortum ducere potuerunt. Puerpera enim potest tempore puerperii aliis morbis corripri, Epidemicis v. g., aliisque, de quibus hic non agitur, licet, si occurrant tales puerperii tempore, semper in illorum curatione Medicus rationem habere debeat illarum conditionum, quae in omni puerperio adsunt.

Ut haec omnia ordine tractentur, considerata sunt illa, quae, excussio foetu, & eductio placentae, sequi debent necessario.

Ante partum uterus distensus intestina ex situ removit, omnia vicina pressit vasa, venosa imprimis angustavit, diaphragmatis liberam actionem impedivit, abdominis musculos, & integumenta extendit. Evacuato utero, omnia haec cessant: pendula abdominis viscera in pristinum locum relabuntur, vicina vasa venosa, toties in gravidis varicosa, retentum sanguinem subito ad cor remittunt, cor dextrum quandoque fere obruunt; arteriosa vasa, a pressione jam libera, facilius admittunt pulsum ex corde sanguinem, quem venis jam pariter liberis tradunt. Musculi abdominales diuturna distensione robur amiserunt, pendula, & flaccida integumenta non resistunt (vide §. 25. N. 3.); post placentae separationem ab utero magna, patula vasa uteri sanguinis copiam undatim emittunt. Omnia haec concurrunt ad producendam lipothymiam, & syncopen statim a partu. Omnia enim fere sanguis versus inferiora vasa corporis, jam laxa, & patula, vergit; parca copia ad cerebrum, & cerebellum venit. Hinc merito illud tempus puerperii, quod immediate partum sequitur, pro maxime periculoso habetur, &, nisi uterus subita constrictione vasa propria angustaret, adhuc majus illud discrimen foret. Ob hanc rationem periti in arte obstetricia, uti dictum fuit, movent, placentam ab utero non esse solvendam, antequam constet, utrum jam se contrahere: unde & adeo metuant, si uterus, integre jam vacuus, flaccidus in abdomine fluctet, nec in globum contractus tangatur. Dissuunt enim tunc sanguine,

&c.

& ob inanitionem subitam vasorum convulsae pereunt; simili fere modo, ac robustissima animalia, dissectis a laniatione arteriis, sanguine fere omni exhausta validissime convelluntur, antequam moriantur. Ob eandem rationem suspectus habetur nimis facilis partus, dum, una cum aquis ruptis, uno quasi impetu, prodit foetus, vel & quando, membranis adhuc integris inclusus, una cum placenta prodit. Nullum tunc tempus relictum fuit, ut uterus se contrahere potuisset. Ubi vero post ruptas aquas aliquo intervallo foetus sequitur, tunc se jam contraxit, & undique se corpori foetus applicuit. Noverrunt hoc obstericantes, dum infantem ob malum ejus situm, manu in uterum immissa, vertere debent, ut pedibus extrahi possit. Imprimis tale infortunium metuendum est illis mulieribus, quae flaccidae temperiei lauge, & in otio vixerunt, atque largam menstruorum copiam pati solent. Plures tales funesti casus apud auctores habentur, quos hic recensere supervacuum puto. Videtur & hoc indicasse Hippocrates (a), dum dicit: *Cum torpore exsolutiones, difficiles quidem ex partibus contingunt, & mensem amoventes, non tamen perniciosae. Sed & mensium copiam praesignificant.* Videtur autem tantum levioris talis mali gradum indicasse, cerebri nempe actiones turbatas quidem, sed leviter. Nam vocabulum, *παρὰ πρὸς τὴν*, levioris tantum mentis emotionem designat: neque etiam mentionem fecit lipothymiae, syncope, & convulsionum. Sed notat, copiosa menstrua habuisse tales mulieres; *πρὸς τὴν* enim & menstruum fluorem, & purgamenta post partum significant apud Hippocratem; & utrumque verum est; nam flaccidae tales mulieres & menstruis, & lochiis in puerperio diffuere solent.

Dein dolore post partum a labore tolerato. Quantam vim adhibeat parturiens mulier, imprimis ultimis nixibus, nemo facile crederet, qui nunquam vidit. Manibus fulcra, vel adstantes tenent quam firmissime, pedes apprimunt scabellis suppositis, lassant sic saepe robustissimas mulieres, quae opem ferunt. Secedunt aliquando ossa pelvis a se mutuo, uti praecedenti Capitulo dictum fuit, in difficiliore partu. Sed quanta vis requiritur tunc, ut hoc fiat! Hinc licet, foetu in lucem edito, incredibile levamen percipiant, nihilque mali se sentire, liberatas ab hac sarcina, laetae restentur, tamen sequenti die omnes artus quasi conquassatos dolere, sentient, & de magna totius corporis lassitudine conqueruntur.

Partibus contusis. Totum pelvis osseae cavum mollibus partibus regitur, quae, dum validis nixibus transprimuntur foetus, ad dura ossa premuntur, & contunduntur. Vagina observatur circa finem graviditatis quandoque intumescere, sed tumore molli; turgent aliquando labia pudendorum: contingit aliquoties, ut caput infantis, si mole majus fuerit, vel subito impetu prodeat, dilaceret peritonaeum ad anum usque. Sed a valida contusione inflammatio, omnesque ejus effectus sequi poterunt. Si caput foetus diu immobile in exitu haereat, a diuturna illa compressione sequitur gangraena partium

(a) Coacar. Praenot. N. 456. Charter. Tom. VII, pag. 884.

tium mollium (b), & postea, si evaserint tales puerperae, escharae gangraenofae secedunt per suppurationem in ambitu factam: quandoque ipsum intestinum rectum, & vesica a diuturna, & continua pressione gangraenescent; unde tristissima mala, quandoque vix medicabilia, superfunt. Tristes tales casus aliquoties vidi. Sed facile patet, molestos dolores tunc sequi debere.

An post partum, distento abdomine jam evacuato, spasmi musculorum abdominis secuti dolorem faciunt? Quandoque, sed rarius, puerperas de illo querentes audivi. In vultu matrona, quae sedecim infantes pepererat, caeterum sana, sapientius tales crampi abdominis reliquo vitae tempore observabantur. Longaeva arte, muneribus gestis, & scriptis celebris, *Johannes Storch* (c), dum proprii morbi, quo tandem periit, historiam graphice describit, notat, evacuato abdomine per incisionem tumentis umbilici, se sensisse in musculis abdominalibus molestum utcumque, licet non dolentem, crampum, sive spasmum, quem comparat molestiae, quam recens enixae puerperae percipiunt ab eadem causa.

A foetu alio. Qui tunc novos labores requirit, & partes jam dolentes irritare potest; licet tamen plerumque satis cito sequi soleat, cum viae jam patulae sint.

A sanguine, secundinisve restantibus. Post partum tota superficies uteri sanguine madet, & imprimis ille locus, cui adhaesit placenta: uteri orificium interim arctatur, & quandoque integre clauditur, quamvis plerumque per plures horas satis facile a digitis obstetricantis dilatari possit; uti praecedenti paragrapho dictum fuit. Post placenta separationem undatim profluit sanguis, sed brevi minuitur, & copia parviori depluit ex toto cavo uteri, moram ibi trahit, & grumescit dumque tales grumi, contracto utero, per ejus orificium transeunt, novi dolores, & nixus excludendi, oriuntur quos, cum post foetum jam exclusum sequantur, posteros dolores (*nachvehn*) vocare solent; qui saepe satis molesti sunt, & puerperae animum dejiciunt, dum se omni molestia jam defunctam credit. Antea dictum fuit, partus dolores ab uteri orificio quasi incipere, ita ut perita obstetrix, contractionem quandam in uteri orificio cum tremulo quodam motu advertens, moneat parturientem, ut mox secuturum pariendi nixum strenue promoveat; si nempe omnia ad partum naturalem rite fuerint disposita. Post partum autem illa irritabilitas orificii uterini adhuc manet; unde, dum grumus concreti sanguinis impingitur orificio uteri, illudque sic irritat, totus uterus valide contrahitur, sicque grumum transpmit.

In pluribus vidi, ipsum sanguinem, nondum concretum, dum per os uteri transit, dolores illos, & nixus excitasse. Antea ad §. 1308. dictum fuit, dum periculosa uteri haemorrhagia educationem foetus requirit, leni & prudenti dilatatione oris uteri excitari partus dolores, si non adsint, augeri vero;

(b) *Levret l'art. des accouchem. pag. 169. pag. 46.*

(c) *Hist. hydrop. universal. &c.*

vero, si jam praesto sint. Unde patet ratio dolorum, qui, ob retentum in utero sanguinem, post partum sequuntur.

• Nec leves saepe sunt illi nixus: *Ruyfchius* (d) monet sequentia: *Certo certius antumo, uterum sese summopere mouere in partu, omnesque partus conatus naturales ab utero fere pendere. Qui conatus post partum non raro adeo vehementer perseverant, ut uterus semetipsum inuertens e corpore procidat. In aliis puerperis, paucis horis a partu, expertus sum, uterum motum fuisse adeo evidentem, ut obsoletrices, imo & puerperae, sapientius mihi dixissent, alium foetum adhuc in utero restare.* Fatetur, se, manu abdomini puerperae admota, illum motum adeo manifeste percepisse, ut non valde exercitatus facile falli potuisset.

Quandoque illa uteri contractio tam valida est, ut ex grumo sanguinis omne fluidius exprimatur, & illum condenset in massam quasi carneam, satis firmam, quae saepe cavi interni uteri exprimit figuram, posteaque citius, vel serius expellitur, ac saepe pro *mola* sic dicta habetur: tali massa expulsa, de novo sanguis de utero exit, novus grumus nascitur, qui similiter densatur: aliquando in puerpera tres successive grumos redditos vidi; sed primo secundus minor erat mole, tertius secundo, & omnes uteri cavi figura sua exprimebant, tanto minores nempe, quanto uterus contractior cavitatem suam minuerat. Figuras talium concrecionum dedit *Ruyfchius* (e), & notat, quandoque aliquid membranis analogum illis appensum inveniri. Notum autem est, ex sanguine tales membranas concrefcere posse, & fimiles, post venae sectionem in pede institutam, aquae innatare.

Similes dolores a secundinis restantibus fieri posse, sponte patet; de qua re praecedenti paragrafo dictum fuit.

§. 1323. **F**ascia lata laxum abdomen fulciens tollit priora mala (1322). Foetus alius, secundinae partes, grumi sanguinis, manu educenda.

Antea ad §. 1240., ubi de paracentesi abdominis agebatur, notatum fuit, olim non simul, & semel, sed partitis vicibus aquas hydropicorum educatas fuisse; quia observatum fuerat, animi deliquia, & syncopen, imo mortem, sequi, si integre evacueretur abdomen lymphae collecta turgidum. Ratio tunc data fuit, quod nempe in laxa illa, & omni pressione libera abdominis viscera, ac vasa sanguis irrueret, sicque a cerebro, & cerebello averteretur: simul etiam periculum erat, ne vasa, & viscera, diu in aquosa hac colluvie macerata, a subito irruente sanguine rumperebantur. Postquam autem idonea ligatura stringebatur abdomen sensim magis magisque, pro ratione effluentis aquae, numerosis experimentis evictum fuit, tuto omnes hydropicorum aquas simul, & semel educi posse, neque tunc sequi animi deliquium, aut syncopen.

Ve-

(d) Observat. Anatom. Chirurg. N. 93. pag. 86. 87.
pag. 25. & seq.

(e) Ibid. observat. 22. 29.

Verum idem obtinet post puerperium, adeoque & eadem cautela indicatur: haberi tamen ratio debet, post validos adeo nixus, imprimis in difficili parti, abdomen, quasi contusum foret, obtuse dolere, utrumque ipsum similiter affectum esse. Unde valida constrictio abdominis hic nocere posset, uti optime monet *Mauriceau* (f); hinc suadet, tali modo applicetur ligatura, ut firmet, & fulciat quidem laxum abdomen, non vero valide premat. Magnum, quadratum splenium applicari iussit toti abdomini, & dein moderata ligatura firmari. Legi meretur tractatus, quoniam *Calabert* tenet de *Gorget* (g) de subligando abdomine post puerperium scriptis lingua vernacula, ut eradicaret pessimam methodum, qua uti solebant mulierculae, puerperarum custodes, dum stringebant cingulo, vel angusta fascia circa medium corporis puerperas, & valide quidem (nullibi enim pejus, & pertinacius insaniant stolidae anus, quam apud puerperas). Pulcherrimos autem effectus vidit semper, dum post partum statim abdomen molliter fulciretur lata fascia, mantili, vel mappa; quae si post aliquot horas, detumescente magis abdomine, laxius haerere incipiat, denuo moderate adduci potest, cavendo tamen semper validam compressionem. Observavit, hac methodo minores dolores post partum sequi, minus grumosi sanguinis in utero colligi. Praeterea vidit, alvum facilius sequi in puerperio, dum aliter durae faeces in colo intestino, facile distendendo, colliguntur in maiorem molem, quae postea summas molestias parere potest, dum per anum debet exprimi. Pulcrum & effectum observavit in haemorrhagiis uteri chronicis, etiam in senili aetate, dum facculum, roborantibus remediis plenum, applicabat abdomini, & simili fascia firmabat (h).

Foetum alium educendum esse, sponte patet, & cautela, in tali casu observanda, passim apud obstetriciae artis auctores, antea saepius laudatos, habentur.

Secundinae partes, grumi sanguinis, manu educenda. De hac re ad §. 1321. dictum fuit: manu autem haec educenda esse, ideo monetur, quia quibusdam Medicis in more fuit, dare Emmenagoga, & Ecbolica dicta, remedia valida, si vel minima suspicio foret, aliquid adhuc latere in cavo uteri; quae methodus certe periculosa est, cum omnia talia remedia stimulantia, & calida sint, quae recens enixis puerperis minime conducunt. Illa ergo potius manu educenda sunt, si uteri orificium adhuc patulum sit, vel absque vi adhibita dilatari commode possit: ut facile exeat, si quid grumosi in utero collectum fuerit denuo, iussit *Moschion* (i), ut puerpera decumbas modice patentibus (diductis) pedibus, ut quidquid ex ea exire ceperit, non impediat. Ne nempe, femoribus adductis, grumis impleatur vagina, sicque liber exitus lochiorum ex utero impediatur.

Si

(f) *Malad. des femm. accouch.* Tom. I. Liv. 3. Chap. 2. pag. 376. 377.

(g) *Van de Stuit* &c.

(h) *Ibid.* pag. 36. & seq.

(i) *Spach.* *Gynaec.* pag. 5. N. 55. *Harm. Gynaec. part. prior. Cap. XVII. pag. 14.*
Tom. II. Part II.

Si autem commodè hæc educi nequeant, metus est, ne aëris accessu putrescant, sicque utero nocent, vel &, resorpto purido, febris mali moris accendatur, antequam hæc in utero relicta sponte prodeant. Dignum Academiae Chirurgicæ membrum, *Resolin* (k) tentavit in tali casu per siphonem aquam calidam injicere in uteri cavum; quod cum absque ulla violentia fieri possit, utile, & tutum videtur. Nec successu caruit, uti in casibus ibi enumeratis paruit. Verum quidem est, quod hæc injectio aquae calidae in uterum facta fuit in foemina, abortum passis; in quo casu placentaë sæpissime retinentur, & adeo tenerae sunt, ut pars proximius ex orificio uteri statim abrumptur, si tentetur protractio. Sed nulla videtur esse ratio, quare idem non tentaretur, si post partum maturi foetus placentaë pars, vel grumi sanguinis in utero retenta fuerint. Aqua calida emollit, ac solvit, & merito sperari poterit, unda aquae elabentis hæc elui posse: quod si statim non sequantur, saltem hoc commodi inde habetur, quod putredo sic eluatur, adeoque diuturnior horum in utero morā minus periculosa sit: tuto autem repeti poterit hæc injectio, & praeferenda semper videtur violentae orificii uteri dilatationi.

Videtur autem *Hippocrates* (l) injectione simili usus fuisse, dum uterus purulentus erat, & inde sterilitas sequebatur. Nam *pūs genituram necat, & corrumpit. Ac proinde pūs ex uteris expurgare oportet, & uteri tuberculum tollere.* Postea addit: *Es uteri hoc modo colluendi; lac equinum coctum per sacculum tenuissimum, & purissimum transmissum insundito, idoneo clystere scilicet.* Hoc modo tenuissima serosa lactis equini pars, per sacculum transiens, depurando utero adhibebatur. Quod autem non in vaginam, sed in uterum ipsum injici curaverit *Hippocrates* illud serum, vel inde patet, quod in utero esset tuberculum purulentum, cujus deterfionem, & medellam mollebat. Praeterea hoc confirmatur, quia peculiarem siphonem describit, qui huic injectioni serviret; & quem sic describit: *Clysteris quidem summa pars laevis esto, qualis specilli, argentea, supra quam, interjecto parvo spatio, foramen perforetur. Sims autem & alia foramina, hinc, & inde singula, aequaliter inter se distantia, ex obliqua (lateralis) parte aequalia, non magna, sed angusta. Clysteris quidem apex solidus esto, ac reliquum totum cavum sit, quasi fistula, cui sit foeminae vesica, aqua calida probe emollita, & madefacta, alliganda est. Ubi eam alligaris, infuso in vesicam lacte, in foramina tenue linteum immittito, ne lac effluat. Postquam oculisris vesicam, alligatam multervipis, quam clystere lavaturus es, dato. Illa vero, detractio obturamento, in uterum indat. Noscet autem ipsa, ubi indere oporteat. Deinde vesicam manu comprimito, quoad totum pūs foras efflaxerit. Id autem manifestum erit, ubi pūs non amplius cum lacte exierit; patet enim, cum nullum amplius inest, tunc cessare oportere. Cum autem *Hippocratis* scopus esset, cavum uteri a pure liberare, abluendo, hinc lateralem tubi partem perforari jussit plurimis foraminulis. Cum autem *Resolin*, per injectionem aquae calidae in uteri cavum, tentaret sanguinis gru-*

(k) Acad. de Chirurg. Tom. III. pag. 202. & seq.

(l) De infecundis Cap. X. Charter. Tom. VII. pag. 850.

mos solvere, ac dividere, & placentam, si forte in quadam parte adhuc utero haereret, impetu, & copia injectae aquae separare, hinc merito curavit, ut siphon unicum tantum, & majus foramen haberet in apice, in laterali autem ejus parte nullum.

Alia adhuc apud *Hippocratem* loca occurrunt, quae docere videntur, quod injectionibus uterinis usus fuerit; sed cum non adeo evidenter sint, sufficere textus modo citatus.

§. 1324. **D**olor a labore tollitur opiato, antacido, cardiaco, diluente, fotu anodyno externo.

Dolores post partum quandoque satis molesti sunt, nati a causis §. 1322. recensitis. Papaveris succus inspissatus, qui sub nomine *opii* in officinis profertur, vel & varia ejus praeparata, aut medicamenta composita, solent a plurimis laudari ad hos sedandos. Non tamen omnibus horum usus placet. Quidam, & peritissimi etiam in arte obstetricia, viri (m) damnaverunt opium, & omnia ejus praeparata.

Si tamen attento animo, & ab omni praepudicio libero perpendantur illa, quae immediate post partum observantur, videtur horum usus non esse repudiandus. In ultimis praecipue partus nixibus ingens agitatio totius corporis adfuit, metus de propria, & prolis salute, tristitia quandoque non levis, dum mortem instare credebant, saepe nimis pusillanimes. Verum est, haec, partu absoluto, minui quidem; sed non semper cito cessant. Uterus, qui validissimo nixu egit, ut foetum expelleret, non quiescit statim post partum, sed pergit quandoque validissime moveri, uti ad §. 1322. ex observationibus *Ruysschii* dictum fuit. Summa illa molimina parturientis, dum obstetrix, dum adstantes exclapant, nunc urgendum esse, nunc omnem vim adhibendam esse, si una cum prole salva esse velit, diutius haerent, quam creditur. Vidi hominem, jamjam submergendum; baculum porrectum validissime manu strinxisse; ex aquis eductus, in calidum lectum depositus, tamen non potuit manum diducere: & dum adstantes hoc tentarent, potius digitos fregissent; post integram horam spasmus ille solutus fuit tandem. Observatur saepius, in puerperis satis valide constringi orificium uteri, ita ut non nisi vi diduci possit, ut grumi, vel secundinarum reliquiae eximantur. Prudentiores in tali casu expectare malunt, donec spasmodica illa contractio multum minuat, vel cesset.

Vidi tunc toties, opio prudenter dato, omnes illos dolores siluisse, & post pacatum somnum grumos concreti sanguinis sponte exivisse absque omni molestia. Candide fateor, me semper adhibuisse opiata post partum, nec poenituit unquam, cum sancte testari possim, quod nunquam inde ullam noxam viderim.

Verum opio, depurato simpliciter, usus fui; & dedi parca dosi, sed repetitis vicibus, donec optata quies sequeretur; a qua miro modo rescebantur.

(m) *Levrer l'art des accouchem. pag. 138.*

dantur. Haec autem cautela requiritur, cum Medici observent, variam copiam opii in diversis requiri, ut sequatur effectus: a medio autem grano in adulta nunquam aliquid metuendum est, & talis dosis pro re nata repeti poterit. Hinc aliquot grana opii in mixtura, sive portione diluuntur, quae cochleatim exhibetur; vel & haec cum pulvisculis absorbentibus teruntur, & divisis dosibus dantur. In *Materia Medica* ad hunc numerum tales formulae habentur; ad quarum normam plures similes componi poterunt.

A compositis autem medicamentis opiatīs semper abstinui; qualia sunt, *Theriaca Andromachi*, *Misbridatium Damocratis*, *Philonium Mesues*, & his similia: partim quia unica dosi assumi solent; partim quia calidis aromaticis simul constant, & periculo quandoque non vacat horum exhibitio, cum diversam adeo quantitatem opii in se contineant, licet promiscue laudari soleant. *Theriaca* enim triplo plus opii habet, quam *Misbridatium*; *Philonium* longe magis soporiferum est, quam ipsa *Theriaca*, & praeterea pipperis, calidissimi aromatis, notabilem copiam habet. Cum autem succi papaveris efficacia sola hic opus sit, purum exhibere praestat, quam alius inutilibus, quandoque & noxiis, mistum.

Cum autem quandoque partus doloribus exhaustae puerperae langueant, grata aromatica simul exhibentur, sed leniora tantum, vel saltem adeo refracta dosi; ut amabili fragrantia languentes rescicere possint quidem, nec tamen valido nimis stimulo nocere valeant. Unde vel fragrantēs aquae stillitiae exhibentur; vel molle avenae, & hordei decoctum, addita quarta parte fragrantis vini Rhenani, superbibitur (qualis formula in *Materia Medica* pariter habetur); vel & una, alterave guttula olei stilliticii Cinnamomi cum saccharo diu triti in mortario vitreo pulvisculis additur, qui divisim dosibus sumuntur.

Adduntur autem his acidum absorbentia; quia saepius gravidae laborant soda acida dicta, & post partum exhibentur quandoque acida, quale est decoctum modo laudatum, vel saltem aciescentia, ut puliculae hordeaceae, avenaceae, panatellae, emulsa, ac similia; unde etiam haec postea ad §. 1331. laudabuntur.

In omnibus tamen his consideranda est puerperae temperies; quae si calida sanguinea fuerit, mitiora tantum locum habere poterunt, sub titulo cardiaco- rum; e contra mucosae frigidae temperiei parum magis astuosa concedi poterunt. Cavendum tamen semper, ne calida admodum stimulantia dentur: pessimus in quibusdam locis mos obtinet, imprimis ruri, ut recens enixis vinum calidum, larga copia macis, & cinnamomi addita, dilutis simul aliquot ovorum vitellis in hoc vino aromatico, propinent, & quidem adeo largiter, ut non semel paucis post partum horis puerperas temulentas viderim. Sponte patet, nihil damnosius fieri posse. Prudentiores carnis iuscula, repetitis vicibus, & parca copia simul, exhibent, pulcro cum effectū; & subinde unum, alterumve cochlear recentis olei amygdalarum, vel solum, vel cum iusculo propinant; quod optime prodest demulcendo, si ventriculus ferat; quaedam enim nauseant inde, & tunc melius est oleo abstinere, ac blanda emulsa ex seminibus oleosis substituere; quae diluendo profunt, dum olei copiam

simul habent, & a ventriculo facile tolerantur, blandumque nutrimentum suppeditant.

Cum autem blanda quies adeo profit recens enixis, facile patet, quid sciendum sit de illa consuetudine, quae in multis locis invaluit, ut nempe puerperae, tribus primis post partum horis, ab omni somno arceantur. Hinc garrulae mulierculae, quandoque plus potae, circumstrepunt, alta voce inclamant, si vel palpebras nictitare videant, imo & instrumentis mulicis vicini laetitiam testantur, ut simul vigilem fervent puerperam. Videtur origo hujus consuetudinis haec esse. Antea monitum fuit, post partum quandoque, utero flaccido manente, nec se contrahente, immani haemorrhagia subito periisse puerperas; quas, dum dormientes credebant, inveniebant praeter spem mortuas. Verum, si lata fascia abdomen fulciatur, & uterus signa contractionis suae dederit, ille metus abest. Praeterea, si Medicus, vel perita obstetrix lecto puerperae assideat primis illis horis, facile apparebit, si quid sinistri metuendum hic sit, & prompta poterit adhiberi medela, uti antea dictum fuit. Prudentia jubet, ut primis illis horis non deferatur puerpera; sed nullo modo requiritur, ut perpetuo strepitu vigilare cogatur. Vivida lux puerperis nocet; haec ergo sic moderanda est, ne oculos nimis feriat; sic tamen, ut assidens lecto distinguere possit, an facies subito pallescat, aut collabatur; an anxia fieri incipiat; pulsus autem, & respiratio facile doceant peritum, an vires vitales collabi incipiant. Leni cardiaco, sed grato, adductione fasciae latae, qua abdomen fulcitur, instans animi deliquium tolli poterit, uti saepius expertus fui.

Cum autem pudendorum labia in partu multum passa fuerint, praecipue in primiparis, & si caput infantis fuerit majoris molis, aut diutius in exitu vulvae haeserit, foris anodyno blando illa fovere convenit. Ex oleo amygdalarum, vitellis, & albumine ovorum, simul mistis, supra cineres calidos, mollius cataplasma parabat *Mauriceau* (n), quod linteo illitum applicabat vulvae, & renovabat post tres, vel quatuor horas, si opus foret: dein fovebat primis quinque, vel sex a partu diebus, bis, vel ter de die decocto ex hordeo, feminibus lini, emollientibusve aliis herbis parato; simulque a grumoso sanguine, & aliis sordibus depurabat: alii tepido lacte foveant: apud quosdam cerevisia calida, admisto butyro, in usu est. Si labia vulvae tumuerint hydropicae, uti quandoque contingit, discutientia remedia his addi poterunt, uti *flores sambuci, chamacmeli, salvia* &c.

§. 1325. **N**imio lochiorum fluxus vexatur, a nimia fluiditate, agitatione sanguinis, vel ut plurimum a retentis (1322) in utero, ejus contractionem impediens.

Nimia dicuntur lochia, quando quantitatem solitam excedunt; hinc, ut quid certi de hac re statui posset, deberet cognosci illa copia, quae naturaliter

(n) Malad. des femm. accouch. Tom. I. Liv. 3. Chap. 2. pag. 174.

Tom. IV. pars II.

n 3

raliter exire solet quod non adeo facile est; cum linteis excipi lochia, vel lectum his conspurcari, novit tantum Medicus, & hinc quantitatem conjectura tantum assequi possit. Unde etiam de lochiorum quantitate debita apud omnes fere auctores, qui de arte obstetricia scripserunt, silentium invenitur; sed tantum de nimis, vel de suppressis lochiis dicunt. *Hippocrates* (o) quidem (uti alia occasione ad §. 1284. memini, ubi de quantitate fluoris menstrui agebatur) dixit: *Prodeunt autem lochia sanæ mulieris satis abunde, primum Atticæ heminae, & dimidiæ mensura, aut paullo copiosiora, deinde ad ejus rationem pauciora, quoad desinant: similia his alio in loco habentur* (p); ubi eadem mensura describitur; sed additur, quod quandoque paullo plus, quandoque paullo minus prodeat. Videtur autem Hemina Attica cum dimidia assignari tantum illi sanguinis copiae, quae primo impetu, postquam soluta fuit placenta, exit, & quaquaversum dispergitur, non secus, ac aqua in mensam effusa (q): sanguis enim, qui postea exit, difficilior quoad quantitatem determinari poterit, cum fomenta, cataplasmata &c., quae solent vulvae applicari post partum, hoc conspurcentur.

Praeterea observatur ingens diversitas in variis puerperis non tantum, sed etiam in eadem foemina in diversis puerperiis. Antea monitum fuit; validas, & quotidiano labore duratas mulieres parcum habere fluxorem menstruum, & lochia pariter minori in his copia prodire: contrarium obtinet in illis, quae, opipare viventes, inerti languent otio. Cum autem uterus, dum distenditur in graviditate, sensim magis dilatata vasa acquirat, uti antea dictum fuit, eo largiora lochia expectanda erunt, quo magis distensus fuit uterus; & haec est ratio, quare in eadem muliere, diversis puerperiis, lochiorum quantitas varia esse possit. Notavit in *Aphorismis*, quos tanquam corollaria ex propriis scriptis collegit *Mauriceau* (r), puerperas, quae magnos infantes pepererunt, statim post partum validam plerumque haemorrhagiam pati, quia communiter in tali casu major esse solet placenta, & ampliora habere vasa, quibus uteri vasa, similiter aucta, respondent.

Credidit *Galenus* (s), foetum in se meliorem, qua nutriatur, sanguinis portionem trahere, deteriorem relinquere; quae causa est praegnantibus saccobymiae, quam natura post partum evacuat. Ex paullo post subjungit, quod ideo Lochia, seu puerperii purgationem Medici nominaverint, non simpliciter evacuationem. Quamvis autem per illa, quae successive postea de utero fluunt, depuretur uterus, uti postea dicitur; tamen ille sanguis, qui statim post separatam placentam copiosus effluit, purus est, non vero sanguinis purgamentum relictum, postquam melior pars in nutrimentum foetus absumpta fuit. Optime hoc notavit *Hippocrates* (t), ubi de lochiis agit: *Prodeunt autem, velut sanguis e viliſſima, si sana sit mulier (ut diximus), & sana futura sit, citoque*

(o) De Mulier. Morbis Lib. I. Cap. 71. Charter. Tom. VII. pag. 771.

(p) De Nat. Puer. Cap. V. Charter. Tom. V. pag. 314. 315.

(q) Ibidem.

(r) Aphor. 58. Tom. I. pag. 136.

(s) Commentar. in text. XX. Hippoc. Epidem. Lib. 2. Charter. Tom. IX. pag. 142.

(t) De Mulier. Morb. Lib. I. Cap. 71. Charter. Tom. VII. pag. 771.

citoque concrefcunt, & expurgantur. Eadem habet alio in loco (u); dein addit fequentia: *Si vero fana non fit mulier, neque fana futura, purgatio tum parior, tum fpecie deterior prodit, neque cito concrefcit.* Cacochymiae hoc eft indicium; effluit enim talis fanguis omni dote, qualis antea per vafa grauidae fluxit; adeoque fanus erit, fi fana fuerit. Hoc autem quam maxime notandum eft, ut rite intelligatur, quid lochia fint ftatim poft puerperium, & quomodo poftea murentur, licet idem nomen maneat.

Nimia lochiorum quantitas imprimis confideratur illo tempore, quod proxime partum fequitur: tunc enim maximum inde metuitur periculum: naturaliter enim paucis poft partum horis lochia jam minus rubent, & illa rubedo fenfim magis magisque minuitur, ita ut color ruber tertio, quarto, quintove die penitus abfit (v). Uterus enim, fenfim magis magisque contractus, vaforum fuorum capacitatem minuit. Unde lochiorum nimius fluxus cognofcitur imprimis inde, fi nimio cum impetu fanguis erumpat ftatim poft partum, ita ut palleat subito facies, obfcurentur oculi, tinniant aures, animo linqui incipiat: deinde, fi moderatori quidem copia effluat fanguis in initio, fed diutius folito pergat exire, neque poft aliquot horas color minui incipiat.

Nimia agitatio fanguinis per labores toleratos, metum, aliofve animi affectus in caufa effe poteft; unde utilitas opiatorum patet, per quae talis agitatio feliciter fedatur. Huc etiam refertur nimia fluiditas fanguinis, per quam fit, ut etiam, contractis jam utrumque vafis, fanguis exire pergat. Sed notum eft, fanis, ac robuftis hominibus fanguinem denfum, & folidum effe, citoque concrefcere, dum vafis exit.

Verum talis fanguinis conditio fupponit vafa firma, & robufta; cum e contra tenuis, & fluidior fanguis adfit, quando vafa debilia minus agunt in fanguinem contentum. Unde & praefentis fanitatis, & futurae in puerpera fignum dedit, fi poft partum effufus fanguis cito concrefcit.

In flaccidis autem illis, & mollibus corporibus uterus jam vacuus debilius, & lentius fe contrahit; unde nimius lochiorum fluxus fequitur. Hoc videtur indicaffe Hippocrates (x), dum dixit: *Quod fi mulier a partu paullo amplius, quam par fit, purgata fuerit (id enim etiam contingit, fi uteri lato ore fuerint, ut ex venis ad uterum tendentibus quaedam ex violento foetus egressu perruptae fuerint) &c.* Sed latum orificium uteri fi maneat, designat, uterum fe non fatis contrahere, adeoque vafa diutius patula manere. Vafa autem uteri laedi quandoque ex violento, & subito foetus exitu, facile patet; uti etiam ex violenta placentae eductione, vel quando fortiter haerens utero rudi manu feperatur, ficque ipfa fubftantia uteri laceratur, uti antea dictum fuit. Omnium autem frequentiffime nimius lochiorum fluxus fit a retentis in utero: tunc enim uteri contractio impeditur, & fimul perpetua irritatio in contractionem adest; praecipue, fi retenta haec pro parte in ori-

(u) De Natur. Puer. Cap. V. Charter. Tom. V. pag. 325.

(v) Levret l'art des accouchem. pag. 134. Brudenell Exon pag. 409.

(x) De Mulier. Morb. Lib. I. Cap. 43. Charter. Tom. VII. pag. 754.

orificium uteri protrudantur, neque tamen per illud transpirantur. Quandoque observatur, post primam sanguinis effusionem a partu os uteri constringi, sanguinemque in utero effluentem in grumum concrefcere, qui brevi totum uteri cavum implet, & tunc parum, vel nihil fere, sanguinis effluit. Postquam autem grumus talis exprimitur, copia denuo sanguinis exit; quia nondum satis contracta fuerunt vasa. Hoc aliquando repetitis vicibus fit; sed, utero se magis contrahente, grumi mole minores exeunt, & tandem lochia moderata tantum copia fluunt.

Multa autem mala sequi solent magnam talem sanguinis jacturam; praecipue, si debiles, & tenerae ex sua natura fuerint puerperae. Cachexiam; Cacochymiam, Leucophlegmatiam, Hydropem ex largis haemorrhagiis sequi, antea demonstratum fuit. Similia notavit Hippocrates (y) de lochiis nimis: *Eam levis febris, & rigor prebendus, calorque toto corpore; nonnunquam etiam horror, & cibi fastidium, & omnino excrebitur, & tenuis erit, & debilis, & pallida, & tumida; & cibis averfatur; si quid vero edat, aut bibat; non coquitur.* Antea jam saepius dictum fuit, requiri copiam boni sanguinis, ut ex crudis ingeffis fiant humores humani, ex quibus perdita restitui possint: unde patet, omnia degenerare in corpore post profusam, & subitam boni sanguinis jacturam.

Cum autem primo puerperii tempore tantum saepe periculum a copioso sanguinis effluxu metuendum sit, & tot mala quandoque sequantur, forte crederetur, idem timendum esse a diuturniore lochiorum fluxu, licet parviori copia. Verum considerandum est, anceps illud periculum adesse, quia subito sanguinis fluxu simul, ac semel vasa collabuntur, & vix ullus sanguis arteriosus ad cerebrum, aut cerebellum venit, nec datur tempus, ut vasa se contrahant, & minuta licet tumorum copia, tamen plena maneant, sicque circuitus sanguinis persistet non turbatus. Robustus etiam homo, binis sanguinis libris per venae sectionem simul, & semel emissis, in animi deliquium cadet; quod nullo modo fiet, si quotidie tres unciae sanguinis detrahantur per oclidium. Praeterea longiori tali mora datur medellae locus, cum ex profusa haemorrhagia post partum subita quandoque mors sequatur.

Quanto autem tempore lochiorum fluxus persistere debeat, non adeo conveniunt auctores. Pro vario sexu infantis geniti lochiorum fluxus durationem determinavit Hippocrates (z) sic; *nam & purgatio a partu fit mulieribus, ut plurimum, in puella quidem concepta, duobus, & quadraginta diebus, eoque, ut maxime diuturna, ita perfecta est.* Extra tamen periculum fuerit, si etiam quinque, & viginti diebus purgeatur. In masculo vero purgatio diebus triginta contingit, sicque haec longissima, & perfecta est; extra tamen periculum fuerit, si diebus viginis purgeatur. Postremo vero tempore quam paucissima purgatio procedit. Si autem tegantur reliqua, quae in eodem loco habentur, manifeste patet, Hippocratem non ex observatis determinasse lochiorum terminum; sed ex illa hypothesis, quod tot dies deberent tribui lochiis, quot numeran-

tur

(y) De Mulier. Morb. Lib. I. Cap. 43. Charter. Tom. VII. pag. 754.

(z) De Natur. Pueri. Cap. 5. Charter. Tom. V. pag. 324.

tur a primo conceptu ad perfectam embryonis conformationem usque, dum nempe membrorum distinctio apparetur. Placuit autem *Hippocrati*, quadraginta duos dies determinare pro foemineo, triginta pro masculo sexu, ut haec conformatio absolvetur. Quenam tamen fuerit ratio, non liquet. *Ducretius* (a) credidit, tot dies debere impendi lochiis, quot per novem mensium spatium impensu fuissent menstruis, si gravida non fuisset mulier. Nam quae sunt biduo menstruales, ut sunt viragines, dies octiduum exigunt in puerperis; quae tribus, viginti septem; quae quadriduo, triginta sex; at menstruales quinque dierum, fere sunt puerperiales ad quadragesimum quintum diem a partu. Erat autem in illa opinione, lochiorum purgamenta esse reliquias emortuas menstruum, in venis majoribus, & circa uteros stabulantium, quas per graviditatem incorruptas servavit amplificatio caloris nativi a foetu concepto; adeoque expurgandas esse.

Aut facile patet, haec omnia ex praeconcepta opinione, non ex fidelibus observatis deducta esse. Uterus graviditatis tempore extenditur, ejusque vasa dilatantur: post partum omnia ad pristinam molem, & amplitudinem debent redire, adeoque & vasa contrahi, ut minus sanguinis admittant, & emittant. Huic autem scopo fluxus lochiorum servit, ut nempe vasa uteri sic depleta contrahi possint. Quo ergo robustiora vasa erunt, quo minori impetu vasa uterina urgebuntur, eo brevior erit lochiorum fluxus. Unde puerperis, quae proli suae ubera praebent, lochiorum copia, & diuturnitas minuuntur: ob eandem causam in robustis, & valido labore duratis mulieribus lochia parce fluunt; & contra in laxis, & debilibus copiose, ac diu. Unde *Mauriceau* (b) statuit, nullam hic certam regulam obtinere, nullam diversitatem inveniri pro vario sexu infantis, sed plerumque quindecim, vel viginti dierum spatio lochia finire. Idem suis observatis confirmat *Levees* (c), & optime monet, post febrim lacteam, antequam solitus menstruum fluxus redeat, frequenter contingere, ut sanguis denuo prodeat subinde, sed absque ulla noxa. Credidit autem, hoc plerumque fieri in illis mulieribus, quae malae temperiei sunt, vel si fluor menstruus irregulari periodo illis redire soleat. Tamen idem observavi in sanissimis puerperis, & quae semper regulariter menstruatae fuerant. Nec mirum hoc videbitur, si consideremus, vasa uteri, circa graviditatis tempus ultimum, valde distenta fuisse, & licet postea contracta fuerint, tamen non statim pristinam firmitatem penitus recuperare, sed per aliquod tempus adhuc facile cedere humoribus impulsis; hinc a leviori etiam causa extrema vasorum uterinorum dilatata sanguinem emittunt. Unde, quando puerpera prolem non lactat, detumescentibus manibus, sanguineus lochiorum fluxus redit per aliquot saepe dies. Ob eandem rationem menstruus fluor, post puerperium absolutum, sequens, solet esse copiosior.

(a) In Cosc. Hippoc. tractat. 3. N. 4. pag. 444-445.

(b) Traité des malad. des Femm. gross. Liv. 3. chap. 9. pag. 414.

(c) L'art des accouchem. pag. 135.

§. 1316. **S**i a retentis, haec educenda (1313.)

De hac re jam antea dictum fuit, quatenus nempe a sanguine grumoso, foetu alio, secundinis restantibus, lochiorum fluxus immoderatus sequitur.

Non incongruum videtur hic quaedam dicere de *Mola*, quatenus & haec inter illa numerari solet, quae retenta in utero noxam inferre possunt. Notum est, miras de *Mola* fabulas narrari a mulierculis; quod nempe *Molae* tales variorum animalium figuras habuerint non tantum, sed etiam animalem motum monstraverint, volando, currendo, latebris quaerendo &c.; quod *Molae* tales conatae fuerint celeriter redire in uterum, unde expulsae mox fuerant; quod nisi impediretur, ab hoc monstro immineret miserae puerperae certa perniciēs: imo vidi, dum de *Mola* quid musitaret garrula, & imperita obstetrix, mulieres, quae opem latorae parturienti aderant, ausu fugisse omnes, dum singulae metuebant, ne monstrum illud apud illas latebras quaereret. Numerosae tales historiulae habentur, quas recensere pudeat.

Si uterus intumesceret, ut in gravidis fieri solet, neque tamen foetus humanus in utero contineretur, tunc *falsum conceptum*, vel & graviditatem spuriam vocabant auctores, qui de arte obstetricia scripserunt. Unde hydrops uteri, & tympanites, dum aëre elastico concluso distenditur hoc viscus, inter falsos conceptus numerantur (d): sed imprimis hoc nomen dabatur massis solidioribus, carneis quasi, quae post graviditatis signa prodibant de utero, & plerumque irregularis formae esse solent: hae proprie vocabantur *Molae*.

Satis communis opinio fuit, a gravissimis auctoribus probata, ex congressu utriusque sexus, loco foetus humani, produci quandoque deformem talem massam, quae omnino a naturali conceptu degenerat. Hippocrates (e) sic descripsit: *At molae conceptus haec causa est. Quum copiosi menses extiterint, & paucum, ac morbosum semen conceperim, tum minime genuinus conceptus gignitur; tum ventis, tanquam utero gerentis, impletur, nihil autem in ventre movetur, neque in mammis lac generatur; pelvis vero surgescit. Haec igitur bicennium, saepe etiam tricennium sic affecta est. Es siquidem una caro nascitur, mulier perit (neque enim superesse potest); sin vero multae, copiosius ei sanguis, & carnosus per pudendum erumpit. Quod si id moderate fiat, servatur; alioqui profusio correpta perit. Atque ea quidem est huius morbi conditio. Discernere autem oportet plenitudine, quodque in ventre non movetur. Eadem habet alio in loco (f), nisi quod ibi legatur; neque lac in mammis generatur; ipsi tamen mammae turgenti; dum in priori textu pelvis turgere dixit. Haec ergo signa molae erant Hippocrati, si abdomen intumesceret, nec tamen suo tempore perciperetur motus foetus, & simul mammae turgere, nec lac tamen generaretur in illis. Futurum enim recens nato homini alimentum provida natura jam parat graviditatis tempore: ubi mola*

vero

(d) Levret l'art des accouchem. pag. 184.

(e) De Mulier. morb. Lib. I. Cap. 70. Charier. Tom. VII. pag. 770.

(f) De Infecundis Cap. XVI. Ibid. pag. 855.

vero geritur, illud inutile foret, cum in utero informis massa hæreat, non foetus humanus.

Sed etiam apparet, quod varii tumores, in ipsa uteri substantia enati, vocatae fuerint molae. *Aëtius* (g) enim sic describit: *Quae mola vocatur, affertur quidam uteri est, ad scirrhum tendens, interdum post inflammationem praecedentem eveniens, interdum post locale ulcus, cui caro superextrexit, a motus autem gravitate, & difficultate molae nomen assumptis. Affertur tumor immittis consequitur, cum hypochondriorum retractione, gracillitate, decoloratione, appetendique dejectione: ac primo conceptionis opinio suboritur &c. ubi manifesto vitia in uteri substantia nata molas vocat. Paulo post tamen addit sequentia: Tradunt nonnulli, in quibusdam mulieribus carunculas ad juglandis magnitudinem per pudendum externi solitas, interdum singulis mensibus, interdum bimestres, & trimestres. Hanc aegritudinem alii tanquam insanabilem penitus reliquerunt, alii incobantem tantum curari posse, confidunt. Satis verosimile videtur, abortum hic notari: postquam autem varia descripsit fomenta, balnea, pessaria &c., partim emollientia, partim stimulantia, dicit: Quibus peractis, frequentissime plurima attri, & grumescens sanguinis copia exit, & morbus dissolvitur. Phlogopbus vero, detentis, inquit, uxoris amici menstruis, primo eam concepisse arbitraber, postea, exaucto magis tumore, hydropem suspicari coepi, quum totum corpus tumescere cernerem: ac tandem, ubi id esse morbi genus deprehendi, quod alii plimbum, alii molam appellans, rutam, & anethum in vino antiquo odorato decoxi, atque inde herbis abjectis vinum calidum propinavi, prope aquae loco huiusmodi offerens; statimque mulier, excreta cruoris copia, salutem adeptam est. Certe nec scirrhus uteri, nec ulcus profusa haemorrhagia curantur, quae potius mali ominis est; cum designet, ab acri ichore jam erodi vasa, adeoque omnia mala metui potius, quam salutem sperari posse.*

Multa observata evincunt, abortus saepius pro molis habitos fuisse. Ipse *Mauriceau* (h), licet semini corrupto utriusque sexus molarum originem ascribat, illasque a falso conceptu distinguat, fatetur tamen, quod multiplici experimento invenit, falsos illos sic dictos conceptus fuisse veros conceptus primis ab impraegnatione diebus; adeoque tantum esse parvas placentulas, quarum membranae sanguine coagulato infarctae sint; quae, aquis contentis jam vacuae, ab uteri contractione pressae, acquirunt figuram cavi ipsius uteri. Foetus autem non invenitur, quia vita orbis ob nimiam tenebrositatem diffluxit, vel aquis ruptis informis muci specie elapsus fuit. Notum enim est, minimos Embryones, nisi in liquido suspensi haereant, collabi, & omnem formam amittere.

Ex his ergo patet, molas non esse natas ex corrupto semine, cum fateatur (i), molas, & falsos conceptus longiori tantum in utero mora a se invicem differre. Si enim relictæ illae placentulae secundo, vel tertio mense prodeant, tunc vocat *falsos conceptus*; si vero diutius in utero manserint,

&c

(g) Lib. XVI. Cap. 81. pag. 161.

(h) Traité des Malad. des Femm. gross. Liv. I. chapit. X. pag. 109. & seq.

(i) Ibidem pag. 111.

& augeantur, tunc vult, molar esse appellandas. Accuratus (k) dicitur, abortum duplici modo ejici: ovi, vel molar, specie: Aliquando membranacea vesicula refert, majorem, minoremve, prout longius, breviusque fuit post imprægnationem intervallum, & ovo subventaneo non dissimilem, nisi quod extrinsecus obfessa sit rudimento placentalae. Hoc rudimentum leviter sanguine suffusum apparet, qui facile inde abluuntur, dummodo in aqua frigida moliter concutatur, & si aliquando frustulum coagulati cruoris alicubi tenacius haeserit, id nullo negotio ope tenaculi plerumque amoveri se patitur. Est perfecte illud, quod Mauriceau vocavit falsum conceptum.

Ubi autem abortus forma Molae prodit, (l), tunc massam repræsentat sanguinis rubri, valde compactam, quae nullo artificio, mihi hactenus cognita, solvi potest. Constat autem haec massa ex segmentis irregularibus, arcte ad se invicem appressis: trunculos placentalae ovi intra suam substantiam adeo tenet, ut hinc inde unicus extricari possit, sed semper plus, minusve dilaceratus; tota vero placentalae limbum multo tenuior; unde in illa parte, minus nempe resistente, membranae facile rumpi poterunt. Ubi autem talis mola prudenter dissectatur dextera manu, in amnio multum intropresso foetus invenitur. Habeo talem molam, in qua primo adspexit embryonem invenire non poteram, tandem obvium; exiguus scilicet, grano bordei vix major, abscondebatur inter inaequalitates amnii irregulariter intropressi: sed & alterum habeo, qui ovo suo, licet molar, satis proportionatus, priorem pollicis articulum longitudine aequat torosus (m).

Aliquando contingit, ut cruor coagulatus, ovo cohaerens, non ambiat totam ejus superficiem; unde in quodam loco talis molar membrana tenuis fere pellucida apparet, per quam contentus Embryo, liquori amnii innatans, manifeste conspicitur. Talis mola describitur apud Denys (n): continebat autem haec membranula duo circiter cochlearia liquidi, quod comparat liquori pericardii: Embryo albicans binos digitos aequabat longitudine. Multos vidi Embryones, in propriis membranis contentos, quosdam servavi, & manifeste observavi, si parvi admodum fuerint, quod tunc tota externa ovi superficies hirta appareat, fibrillis ramosis emissis: in majoribus jam aliqua pars membranæ ambientis caret his fibrillis, & pellucida est. Cum jam Embryo ille duos digiti articulos aequaret, aliqua pars ovi his fibrillis carebat; cui ergo concretus sanguis minus haerere debebat; & in reliqua

ovi

(k) Noortvyk de uero gravido pag. 119.

(l) Ibid pag. 120.

(m) Ibid. pag. 121.

(n) Over het ampt. der Vroedmeesters en Vroedvrouwen. 2. deelstuck. pag. 170. 171.

ovi parte fibrillis intricatus hæsit pertinaciter. Hinc licet tota illa mola referret carneam solidam massam, in parte inferiori apparebat pellucida membrana, dimidium solidum fere æquans magnitudine. Videtur autem hæc pars membranacea fuisse pars inferior ovi, uteri orificio proxima, uti ex descriptione patet.

Validam admodum hæmorrhagiam passa fuit hæc mulier, & acres simul partus dolores; unde mirum non est, cruorem intricatum fibrillis, membranam ovi externam cingentibus, contractione valida uteri inter partus dolores, mutatam fuisse in massam talem, quasi carneam, densam, in superiori parte crassiorem, & latiore, in parte inferiori tenuiorem, & angustiore; ita ut cor humanum fere referret figura, cujus apex tenuis, membranaceus, & pellucidus foret.

Credebat autem *Denys* (o), a priori partu placenta partem mansisse utero affixam, quæ in molem excreverat, cui postea, imprægnata muliere, ovum cum embryone contento adcreverat. Sed ex modo dictis facile apparet, quomodo talis mola produci potuerit, absque eo, quod placenta pars a priori partu residua supponatur.

Simul etiam intelligitur, quare sæpius in talibus molis nullus Embryo reperitur. Pars enim illa tenuis membranacea, vel nullo, vel paucò saltem tecta cruore, contracto dolorum tempore utero, facile rumpitur, elabitur tener embryo, una cum sanguine copioso, vel si manserit per chordam umbilicalem affixus ovo, aquis, quibus defendebatur a pressione, elapsis, comprimitur a contracto utero sic, ut quasi dispareat; imprimis, si vacuum jam aquis ovum ingrediatur sanguis: notum enim est, hæmorrhagiam uterinam comitari molæ exclusionem. Nemo, nisi hoc tentaverit, novit, quam difficile sit extricare parvulum embryonem ex tali massa densati cruoris: simul toties contingit, ut frustra quaeratur, cum ruptis membranis jam elapsus fuerit. His diebus trihorii spatio mihi opus fuit, ut detegerem embryonem in tali mola, octava post conceptum septimana expulsa. Obstetricibus deficit dexteritas; Medicis in numerosa praxi versantibus tempus, & quandoque patientia hæc investigandi. Unde mirum non est, molam habitam fuisse pro massa informi, & pro falso conceptu, dum nihil organici prehenderebatur. Verum ex dictis patet, fuisse veros, & naturales conceptus, sed a sanguine circumambiente, ac uteri contractione, miris modis mutatos, & abortiendo expulso.

Hinc apparet, quid censendum sit de signis molæ, sive falsi conceptus, quibus a vero distingui possit. Recensuerunt hæc auctores plures, qui de re obstetricia scripserunt; uti & *Lamzverde* (p), qui ex instituto de molis scripsit. Omnes fere fatentur, molæ signa diagnostica cum signis veræ imprægnationis fere coincidere; reliqua vero, quæ enarrantur, indicia sunt talia, ut ad minimum æquivoca sint (q). Pulcre autem explicat idem egregius auctor,

(o) Over het ampt der Vroedmeesters en Vroedvrouwen. 8. hoofdstuck pag. 171.

(p) Histor. natur. Molar. uteri Cap. XVI. pag. 148.

(q) Levret l'art des accouchem. pag. 180.

proportionaliter, quam in foetu maturo, ideo illam comparavit foliis seminalibus plantarum, quae & mole majora sunt, & tamdiu parant nutrimentum tenerae plantulae, donec propria quadra vivere possit; tunc enim haec, jam inutilia, arefacta decidunt: uti autem haec folia seminalia sine plantulae nascentis ope subsistere possunt, ita & placentam, embryone jam destructo, vivere posse, autumat. Observata *Ruysschii* confirmant, placentam diu manere in utero posse, & in hydatides degenerare (a); praeterea notat, *placentulas duorum, trium, quatuorve mensium abortus ita indurari, talemque adipis formam, ut pro molis habeantur ab imperitiis, modo distincti, quam par sit, aut per dies aliquos in utero haerant.* Figuris tales sic dictas molas expressit; simulque notat, ab uteri compressione *carne musculosa solidiores evadere.*

Sed & notat *Ruysschius* (a), sanguinem coagulatum in utero retentum, ab uteri compressione admodum durum reddi; cui *saepissime membranis analogum quid appensum invenitur, sicut, post venae sectionem in pede institutam, aquae innatare videmus.* Figuris pariter coagulati cruoris degenerantis massas expressit. Saepè in puerperii primis diebus tales massas ejectas vidi, quae spissiore, sed a minimo motu tremulam adhuc gelatinam referunt; unde territae adstantes mulierculae jurabant, vixisse molam, & se hujus rei esse oculatas testes. Si autem coagulatus cruor diutius manserit in utero, densatur magis, tenuiora exprimuntur, & loturae carniū instar ex vagina prodit ichor; tenemus dein sequitur, & exprimitur massa, cujus inferior pars in collo uteri haesit saepe per aliquot horas, & in apicem formatur, qui ibi minus pressus fuit, hinc cruorem magis refert nigrificantem, & adhuc tremulum, dum reliqua massae pars per uteri compressionem magis solidata est, & minus profunde rubri coloris. Dum talis massa exit, arduum est persuadere adstantibus, & puerperae, molam non esse, imò vivum animal. Confirmantur in illa opinione, quod puerpera insigne levamen sentiat, dum uteros liberatur a mole, qua gravabatur. Hinc facile patet, quid sentiendum sit de omnibus illis historiis, quae circumferuntur, de puerperis, quae & foetum maturum pepererunt, & postea molam.

Cum ergo ex modo dictis constet, abortus, secundinarum degeneres reliquias, sanguinem coagulatum, sarcomata uteri, toties pro molis habita fuisse, an operae pretium erit, fingere degener ex semine, & menstruo corruptis monstrum? Certe nullam molae historiam novi (& legi plures,) quae non commodè poterat explicari ex causis modo recensitis. An bona est distinctio, quam *Lamveerde* (b) dedit; *Mola duplex est; una generationis, de qua hic agitur; altera nutritionis?* Fatetur, in utero virginum ex materia nutritionis tumores carneos nasci posse, & has molas nutritionis vocandas voluit; sed de *molis generationis* sequens conclusio apud illum legitur (c); *Molarum materia conceptionis, & formationis est genitura viscosa, sive semen utrius-*

(a) Observat. Anatom. Chirurg. N. 28. pag. 26.

(a) Ibid. observat. 29. pag. 28.

(b) Histor. molar. uteri Cap. I. pag. 13.

(c) In fine capit. X. pag. 104.

Ex his patet, diversa corporis mala ab Auctoribus sub molae nomine describi. Simulque ex modo dictis apparet, quid de mola sentiendum sit.

S. 1327. **S**I ab affectu animi, sanguine nimis fluido, nimis agitato, concurrendum ad hordeata, gelatinas, emulsiones, opiata, adstringentia.

Si animi affectus validè nexum placentae cum utero solvere possint, & periculosam haemorrhagiam producere, quanto magis illud metuendum erit, dum post partum vasa adhuc hiant, vel tam parum contracta sunt, ut a leviori quavis causa denuo dilatari possint. Videantur illa, quae de hac re ad §. 1306. dicta fuerunt. Omnes ergo animi motus cavendi sedulo sunt, ab omni cura rei domesticae arcendae sunt puerperae, nec laetus, nec tristis adveniat nuncius, ne pacata serena mentis tranquillitas turbetur ullo modo. Prudenti lege *Harlemi* (quae Hollandiae urbs est,) cautum est, ne toto puerperii tempore quid fiat, quod necessariam puerperae quietem turbare possit. Signum affigitur januae domus, in qua decumbit puerpera, quo viso, non licet lictori, apparitori, vel alii cuicumque iustitiae ministri hanc domum ingredi. Tantam Respublica curam habendam voluit mulieris, quae patriae civem dedit. Optimi cives, a teneris jam assueti venerari foecundas matres, omnem strepitum a vicina arcent sollicitè: Pulcrum certe, & imitatione dignum exemplum.

A sanguine nimis fluido, nimis agitato, &c. Indicatio Medica facile patet: omnia, quae nimiam tenuitatem humorum emendare possunt, nimiumve motum compescere valent, tunc adhibenda. Verum imprimis hic attendendum ad illa, quae possunt efficere, ut uterus se contrahat, sicque hiantia vasa claudantur; & cum syncope, imò subita mors hic metuenda sit, cita medela requiritur. Antea dictum fuit, peritissimos in arte obstetricia magistros monuisse, ne placenta solvatur ab utero, antequam ille incipiat se contrahere, ut caveatur periculosa haemorrhagia. Tangendo abdomen puerperae, hoc distinguere norunt. Peritus obstetricans Chirurgus *Dusé (m)* indicavit methodum, per quam nimius lochiorum fluxus manui posset: applicabat utramque manum hypogastrio puerperae, & molliter premebat uterum, simul movendo manus per totum hypogastrium, nunc circuli in modum, nunc a dextris sinistrorsum, & contra, ab inferioribus sursum, & contra; sicque in omni directione leniter premere, & movere conabatur uterum flaccidum, ut se contraheret magis. Hoc modo solebant prodire sanguinis grumi; qui tamen, si majoris molis forent, & adeo replerent uterum, ut resisteret nimis molli illi pressioni, tunc manu prius educi debebant, de qua re ante dictum fuit. Scire addidit, pro more suo, orbis eruditi decus, *Fontanelle*, unicum posse culpári in hac methodo vitium, quod nempe admodum simplex cum esset, omni fere mysterio careret.

Tom. IV. pars II.

o

Ob:

(*) Académ. des scienc. l'an 1724. hist. pag. 57.

Observavit *Mauriceau* (*), quandoque nimium lochiorum fluxum produci a crassioribus faecibus, graviditatis tempore in crassis intestinis accumulatis. Vocatus fuerat ad puerperam, cui rudiori manueducta placenta fecerat validam haemorrhagiam, quae adhuc pergebat per quinque, vel sex dies. Quamvis autem aliquot clysmata emollientia applicata fuissent, nullae prodibant faeces; sed sola clysmata per anum exibant: contra plurimum, qui aderant, opinionem acrius parum clyisma injici curavit, tali cum effectu, ut integram pelvim duris faecibus repleverit, statim detumuerit abdomen, antea inflatum, ac dolens, & haemorrhagia cessaverit. Testatur autem, quod eadem methodus ipsi postea feliciter cefferit ad minuendum nimium lochiorum fluxum; si nempe iusta suspicio foret, copiam faecum induratarum haerere in crassis intestinis.

Si autem post haec nullo modo cessaret nimium lochiorum fluxus, remotis culcitris, straminibus, simplici linteo tantum tectis, imponebat puerperam; lumbis applicabat oxycratum frigidum; in hyeme tamen parum tepescens; portulacae succum propinabat, lumbos cingebat recenti *Polygono*, quod & *Centumodia* dicitur. Juscula meraca, & gelatinas parca copia dabat simul; sicque conservabat vitam minimam, ut daretur tempus vasorum contractioni. Pauculum vini rubri, aquae ferratae mistum, dabat pro potu.

Victum paulo incrassantem laudat *Sydenhamus* (o), & bis, vel ter de die uncias sex potus, qui parabatur ex vini rubri, & aquae plantaginis partibus aequalibus ad tertiae coctis, & dein saccharo edulcoratis. Sic dissipabatur in auras multum de fragranti spirituosa vini parte, & manebat austerum adstringens, quod vino rubro inest. Bonum effectum satis vidi, si unciam mediam tincturae cinnamomi in uncias ex aquae stillatitiae melissae, vel similis diluerem, & cochlear talis mixturae omni bishorio exhiberem. Refocillat tale remedium, roborat, nec tamen motum sanguinis augendo nocet; aqua autem stillatitia Cinnamomi, ejusque oleum stimulum fragrantem aromaticum habent; sed roborans illud austerum una cum Cinnamomi fragrantia in tinctura adest; quae ideo magis convenire videtur.

Caeterum de efficacia opiatorum, & adstringentium, in animo lochiorum fluxu, videantur illa, quae ad §. 1307. dicta fuerunt.

§. 1328. **Q**Uorum delectus docent signa morbi, temperiei, velocitatis.

Sic si a retentis grumis pergat nimium lochiorum fluxus, hi educendi sunt prudenter, uti dictum fuit; si a flaccida, & inerti temperie hoc fiat, roborantia cardiaca locum habent.

Verum si ab utero non contrahente se ingens haemorrhagia contigerit, ve-

(*) Traité des malad. des femm. gross. liv. 3. chap. 5. pag. 386. &c.

(o) Dissertat. epistol. pag. 537.

velox perniciis metuenda est; adeoque efficacissima quaevis statim tentanda sunt; de quibus omnibus dictum fuit.

Sequitur jam, ut expendantur sollicitè illa mala, quae lochiorum retentionem sequi solent.

§. 1329. **D**Um fluit ab uteri vasis restrictis in mammas pabulum serosum lacteum, febricula exoritur, qua orta, saepe lochia omnino retinentur; unde infinita, & pessimae indolis symptomata; prout in hoc, illudve viscus rapiuntur; hinc phrenitides, pleuritides, peripneumoniae, anginae, paraphrenitides, mammarum inflammationes, peior hepatis, ventriculi, omenti, mesenterii, lienis, renum, intestinorum, tum Dysenteria, Colica, Iliaca, Apoplexia, Paralysis, & multiplex sane mali species.

Antea ad §. 1325., ubi de nimio lochiorum fluxu dictum fuit, constitit, quantitatem lochiorum multum variare, neque certam copiam determinari posse: idem & locum habet de tempore, quo durat lochiorum fluxus. Cum autem a lochiorum suppressione tot, & tanta mala metuenda sint, operae pretium est, considerare illa, quae naturali lege in puerperio contingere solent.

Simul ac placenta solvitur ab utero, puri sanguinis copia undatim effluit, & vasa, distendente sanguine libera, se contrahunt; unde brevi minuitur illa haemorrhagia, ita ut paucis post partum horis lochiorum rubedo jam incipiat minui, & color ruber tertio, quartove die, vel & quinto penitus absit (vide §. 1325.). Hoc autem imprimis notandum, quoniam vidi aliquando, Medicos pessima quaeque metuisse, dum hoc puerperii tempore lintea nulla rubedine tincta viderent; unde credebant, lochiorum suppressionem adesse, atque omnia artis molimina volebant adhibenda, ut lochia provocarentur denuo. Verum haec lochiorum imminutio naturalis est, magis magisque contractis vasis uterinis. Cum autem Hippocrates (vide §. 1325.) longum satis tempus lochiorum expurgationi statuerit, & alii crediderint emortuas menstruorum reliquias, toto graviditatis tempore collectas, sic effundi, inde tot natae fuerunt de lochiorum suppressione querelae. Solent autem postea sponte redire lochia sanguinea, uti pariter ad §. 1325. monitum fuit.

Adeoque non videtur periculum imminere, dummodo nulla alia mala symptomata adsint, de quibus postea, si lochia hoc tempore parciora fuerint, & non rubra. Verum omnino cessare, ita ut lintea, per aliquot horas vulvae applicata, sicca maneant, hoc certe peioris ominis est. Naturaliter enim tunc illud, quod ex utero depluit, boni puris similitudinem habet (p) tam colore, quam crassitie, & odorem fatuum, lymphaticum (q).

o 2

Si

(p) Levrei l'art. des accouchem. pag. 135,

(q) Ibid. pag. 140.

Si omnia feliciter cedant, talia lochia pergunt, purulenta quasi, ad puerperii finem usque, ita tamen, ut quotidie copia minuantur.

Antea ad §. 1304., ubi dictum fuit de periculosa uteri haemorrhagia in gravidis, constitit, chorii superficiem ubique necti uteri cavo per cellulosa substantiam, per quam vasa ex utero ad chorion tendunt. *Cavum enim uteri univcrsum vasa exhibebat plurima, impleta, ore aperto hiantia, cum reliquis cellulosa illius substantiae, quae ovum ligaverat; haec potissimum cernebantur eo in loco, cui placenta adhaeserat; eratque locus ille tota fere posterior pars uteri, quae in situ dorsum spectat, amplius igitur, & vix minor, quam tertia pars circumferentiae uteri. Superficies uteri interna, qua placenta sustinuerat, inaequalissima apparebat, & leviter surgida adsurgebat, &c. (r).* Cum ergo uteri superficies, post partum etiam quam maxime naturalem, lacerae tunicae illius cellulosa reliquias habeat, & vasorum, ex utero in chorion tendentium extrema rupta, praecipue in loco, cui placenta adhaesit, videtur tota cava superficies uteri ab his depurari debere, ut ad statum pristinum redeat. Cum autem & cellulosa haec substantia, & vasa, licet magna, tenerima sint, lenis, & superficialia quasi suppuratio sufficit, ut lacera haec, & semimortua quasi a vivis, & sanis separentur, ac infarsa vasa in loco, cui placenta adhaesit, liberentur ab immeabili humore; sicque ex omnibus his solutis simul producat puriformis liquor, qui sub forma lochiorum utero exit; de quibus videantur illa, quae ad §. 137. dicta fuerunt.

Verum non potest separatio chorii, & placentae ab utero fieri, nisi plurima vasa rumpantur; unde fit *soluta cohaesio, recens, cruenta, partis mollis*; id est *Vulnus* (vide §. 145.). Verum quidem est, quod in vulneris definitione dicatur, illam cohaesionis solutionem fieri *a corpore duro, acuto, moto, pressio, vel resistente*, ut nempe a contusione imprimis distinguatur; sed facile patet, non mutari vulneris naturam, dum vasorum cohaesio tollitur avulsione chorii, vel separatione quantumvis leni, per quam tamen vasorum cohaesio solvitur.

Si jam phaenomena vulneris, §. 158. enumerata conferantur cum illis, quae puerperis contingunt, omnia ad amissum quadrant; quatenus nempe loci affecti conditio, & solutae cohaesionis causa permittunt, & sensibus detegi potest. Cruor enim primo cum impetu effluit, dein brevi sponte minuitur, & tandem hincitur; in vulnere externo sibi relicto crusta sanguinis innascitur, quae hic locum non habet, cum uteri superficies interna humida sit, & aeris liber accessus caveatur; contracto utero, & imprimis ejus orificio, simul-lintea calida applicentur vulvae, ne aeris frigus noceat. Verum, paucis post partum horis, liquor dilutus, rubellus, tenuis effluit. Uti in vulnere sensibus patente labia vulneris tument, calent, dolent &c. (vide §. 158. N. 5.), sic & simile quid videtur in utero fieri, at levius, quia superficialia tantum hic laesio obinet, sed in lata superficie: oculis quidem haec distinguere non possumus; sed videtur inde deduci posse, quia

ut in vulnere, ita & in puerperio, illo praecise tempore febricula adest, & pariter tertio, quartove die serius, vel ocyus adest purulenti quid, imo quandoque omni dote verum pus, quod muco, & humori transpiranti ex uteri, & vaginae superficiae mistum, quandoque aliquam diversitatem habet a bono pure, licet a similibus cum pure causis factum. Ubi autem pus in vulnere apparet, tunc rubor, calor, dolor, tumor, febricula &c. cessant, vel minuuntur. Eadem mutatio in puerperis observatur. Pulcre illa lochiorum mutatio apud *Moscbionem* (1) legitur. *Primo sanguis* (addendum voluit editor *purus, & multus*), *secundo faculentus, & paucus, ultimo purulentus*.

Videtur hinc valde probabile esse, febriculam illam, quae in puerperis lactea solet dici, non tantum a lacte ad mammas delato nasci, sed etiam a depuratione uteri per blandam talem, & superficialiariam suppurationem. Cum autem vel optimum etiam pus diutius retentum acre fiat, & putrescat (vide §. 406.) idem de lochiis purulentis verum erit, si retineantur. Simul apparet, non timendum esse purulentum talem lochiorum fluxum, cum naturalis sit, quod notari meretur, cum non tantum puerperas, & adstantes, verum etiam Medicos turbatos fuisse, noverim, dum periculosum uteri usque adesse credebant: augebatur metus, si simul subputridus odor nares feriret, vel ob lintea non satis frequenter mutata, vel dum aliquid grumosi sanguinis in uteri sinibus diutius retentum, in tabum subputridum deliquescentes, simul prodiret. Quandoque in cavo uteri grumosis sanguis adest, saepe etiam in sinibus ipsius uteri substantiae insculptis, de quibus antea dictum fuit, aliquid de cruore remanet, quod postea malo odore lochia inficit. Saepius mihi videre contigit, quod optime monuit *Leuret* (1), lochia nempe malum odorem habuisse, & tunc apparuisse maculas in linteis, quae limbo livido undique ingebantur, qui manebat, donec grumus cruoris exiret, vel minor si fuerit, in sinibus uteri deliquescentes, una cum purulenta materia expellebatur; quo facto, omnis foetor aberat, & solitus odor subnauseosus nempe, in linteis percipiebatur. Unde intelligitur etiam, quare uno die foeteant, altero non: prout nempe lintea saepius, aut rarius permutantur, vel aliquid grumosi cruoris delitescit.

Si autem illud purulentum non exeat, sed resorptum misceatur humoribus, poterit mala metastasi ad viscera delatum, periculosos producere morbos. Indicavit *Hippocrates* (2) hoc discrimen. *Quibus ex partu prodeunt alba; his vero suppressis, cum febre surditas, & dolor acutus ad latus sit, mente moventur, & perniciose habent.* Eadem Prognosis alio loco habetur (3), & *Galenus* (4) in commentario ad hunc textum dicit: *Quum igitur hic sanguis vacuatus non fuerit a mulieris puerperio, aut uterum ipsum in phlegmonem attollit magnam, aut ad superiorem aliquam sedem velius,*

Tom. IV. pars II.

03

parti

(1) Spach. gynaecc. pag. 5. N. 16. & Harmon. gynaecc. part. prior. Cap. XVII. pag. 14.

(2) L'art des accouchem. pag. 140.

(3) Coac. Praenot. N. 525. Charier. Tom. VIII. pag. 883.

(4) Hippoc. praedict. Lib. I. textu 82. pag. 751.

(5) Ibidem 752.

parti expicienti proprium affectum, periculumque adfert; ad quam autem pervenerit, mox apparentia symptomata indicabunt, quomodo & nunc tum iborax, tum caput vitiosum sanguinem ab utero sursum delatum, exceperint.

Apparet ergo, quod Hippocrates alba illa lochiorum purgamenta observaverit, & ab illorum retentione periculosam metastasin metuerit. Alius autem textus docet, quod pro purulentis habuerit, & ulceratum uterum crediderit. Sic enim habet (y): *Si ulcerati quidem uteri fuerint, neque puerperii purgamenta, ut decet, adfuerint, omnibus partibus dolebit, & nisi magna ulcera adfuerint, iurata brevi, sanitatem recipit.* Agnovit ergo levem illam, ac superficialiorem uteri suppurationem, & sanitatem brevi inde sequentem, utero sic depurato; distinguit illam a majori ulcere, quod post inflammationem validam uteri sequitur, & non in superficie cava, sed in ejus substantia haeret. Haec autem confirmantur illis, quae paullo post (z) sequuntur: *Quod si uteri inflammati non fuerint, sua sponte exit malum; graveolens, & lividum, aut nigrum, & grumosum existit, & mulier a lochiis purgatur.* Videntur haec pulcherrime convenire illis, quae modo dicta fuerunt.

Antea in morbis virginum, & gravidarum saepius dictum fuit, manifestum commercium inveniri inter uterum, & mammas; hincque statui solet, constrictis uteri vasis, in *mammas pabulum serosum lactem fluere*. Creditur enim, tale serum lacteum ad uterum deferri, graviditatis tempore, pro nutrimento foetus. Dum chorion prudenter separabat ab utero Noorrevyk (a), invenit, uno in loco exiguum quid liquoris crassiusculi, albicantis supra chorion effusum, quod cremorem lactis non inepte referebat. Quamvis autem alio in loco (b) moneat, se non legisse haec auctorem, qui tale quid in homine profluxisse, oculari testimonio adserat: minime tamen contemnendum censet. Accuratissimus Vvinskoy enim testatur, provecta jam graviditate, ductus lacteos in utero adesse (c). Celeberrimus Astruc (d) idem confirmat, & tunc oculis se offerre dicit, si uterus foeminae, ultimo graviditatis mense, vel in ipso partu mortua, invertatur, totaque interna superficies, cui placenta non adhaeret, prius deterfa, leviter prematur: tunc numerosissimae guttulae liquoris lactei per poros minimos transsulant, qui poti sunt extremae vasorum, quae lacteum hunc succum a sanguine separant.

Si vero uterus talis in aceto maceretur aliquamdiu, & dein dextra manu tunica interna separetur, oculis apparent numerosissima vasa, exigua, vermicularia, alba, setam porcinam crassitie superantia, tres, quatuor, quinque lineas longa, liquore lacteo plena, qui ex vasis his lacis exit.

Ex quibus omnibus saltem hoc concludere licet, *Aliquid forte lactis simile secundum naturae leges intra ovum deduci, sed directum arteriarum uteri notabilium cum ovi vasis commercium nequaquam probabilem reddere sententiam,*

quae

(y) De mulier. morb. lib. I. cap. XLII. Charter. Tom. VII pag. 753.

(z) Ibidem pag. 754.

(a) Uter. human. gravid. histor. pag. 10.

(b) Ibid. pag. 95.

(c) Exposit. anatom. traité du bas ventre N. 623. pag. 578.

(d) Traité des malades des femmes. Tom. I. pag. 12.

quae statueret, nil nisi lacteum humorem coingredi, cum per minora longe vasa sanguis liberrime suas (e). Videri poterunt & illa, quae Robault (f) habet, ut evincat, non solum chylum, aut lac, sed & sanguinem ex matre ad foetum venire. Optime enim notat, solum succum lacteum secundum hanc opinionem effluere debere, dum placenta ab utero separatur; quod omnibus observationibus repugnat.

Primum hominis rudimentum, tenerrimum cum sit, tenuissimo indiget liquido, ut nutriatur, & crescat; at videtur crassioribus indigere, dum mole multum auctus est embryo. Circa ultimum graviditatis tempus jam crassiori affluere debet pabulo, unde videtur tunc lac in quibusdam vasis uterinis adesse, & forte majori copia, dum pariendi tempus instat. Hippocrates (g) sequentia habet: *Pingui nempe incalcescente, & candido effuso, quod uteri calore edulcatum est, in mammas expressum tendit, & in uteros quoque exigua portio per easdem venas deferitur; ad mammas enim, & uteros ejusmodi venulae, & consimiles aliae seruntur. Quumque ad uteros pervenit, lactis formam habet, eoque exiguo puer fruitur.* Deinde alibi (h), ubi in causas inquiri, quae faciunt, ut foetus exitum ex utero materno moliat, dicit: *Quod enim in sanguine dulcissimum est, ad sese attrahit, simulque aliquantula lactis portione fruitur. Quae quum ipsi pauciora sint, puerque jam plenior satius plus alimenti, quam adsit, requirat, ipse sese jactans, membranas dirumpens, initium partus matri inducit.* Cum autem post nativitatem infanti natura destinaverit lac maternum pro nutrimento, probabile videtur, quod foetus in utero materno jam adultior, quandam lactis copiam recipiat, ut sic sensim affluat huic alimento. Interim graviditatis tempore sic disponuntur mammae, ut lac jam incipiant a sanguine separare; unde in multis gravidis aliqua lactis copia ex papillis stillare solet: imprimis circa ultimos graviditatis menses; tunc enim, si partus succederet, vivere posset infans, non tantum septimestris, sed & minus maturus, uti antea dictum fuit. Unde lactis illud stillicidium de mammis indicat, jam obtinere facilem lactis a sanguine separationem; cujus aliqua parte videtur frui foetus in utero materno; quo si orbaretur omnino, imbecillior redderetur, utpote jam indigens robustiori alimento. Illud indicat Hippocrates (i) sequentibus: *Mulier utero gerenti si lac copiosum e mammis effluat, foetum imbecillum significat. Quod si solidae mammae fuerint, valentiorum foetum indicant.* Dum autem infans in lucem editus, ab omni commercio cum utero matris separatur, simile ipsi in mammis praesto est alimentum, lac nempe, quod jam majori copia requiritur, quam dum in utero haerebat; quia hoc solo jam nutrir, & crescere debet, cum nihil amplius per umbilicalia vasa a matre recipiat. Unde tunc, constrictis uteri vasis post partum, illud pabulum serofum lacteum ad mammas fluit.

(e) Noortwyck de utero gravido pag. 11.

(f) Acad. des scienc. l'an 1714. Mém. pag. 180. & seq.

(g) De natura pueri Cap. VII. Charter. Tom. V. pag. 318.

(h) Ibid. Cap. 10. pag. 322.

(i) Aphor. 52. Sect. V. Charter. Tom. IX. pag. 225.

Uteri enim vasa minus urgentur, dum mammae turgent; & hinc, uti alia occasione, dum de menstruis agebatur, dictum fuit, *Hippocrates* (*) suavit: *Si mulieri menstrua velis fyllere, cucurbitulam quam maximam mammis admove.* Et contra monuit alibi (†); *Si mulier, quae neque gravida est, neque peperit, lac habeat, huius menstrua defecerunt.* Nimis enim resistentibus uteri vasibus, mammaria sic urgentur, & implentur, ut lactis separatio, & secretio sequatur.

Dum autem pabulum illud serosum lacteum per uteri vasa, jam constrieta magis, exire non potens, ad mammae derivatur, oriuntur quaedam in toto corpore turbae, & nova occurrunt symptomata, quae considerari merentur. Levis febricula simul plerumque adesse solet, quam *lactariam* Medici vocare consueverunt.

Post partum una, alterave hora omnia pacatissima solent esse; pulsus, qui in ultimis partus nixibus elevatior, & celerior fuerat, brevi redit ad statum naturalem, & aliquot horis si dormiverit puerpera, alacrem se sentit, a tanto onere liberam, & vix de ulla re conqueritur, nisi quod artus ob nixus validos toleratos doleant; & quandoque vulva parum intumescat; quod malum emollientibus somentis applicatis facile cedere solet. Verum secundo, saepius tertio, quandoque & quarto die somnus fit inquietior, cum insomniis turbulentis, quandoque & totam noctem ducunt vigilem: adest inquietudo, quandoque & capitis dolor, pulsus insurgit, ac celerior fit; horripilatio levis adest secundum totum decursum spinæ dorsii inter scapulas, & quandoque per totum corpus; sequitur major calor; mammae incipiunt dolere, tendi, tumescere; respiratio fit utcumque laboriosior; lochia minuuntur; simul ob tensionem vicinarum partium brachia difficiliter movere possunt. Si quiescant puerperae, potu copioso blando diluente utantur, & victu, tenui intra viginti quatuor horas omnes hae turbae sedantur per sudorem totius corporis aequabilem, satis copiosum, praecipue circa pectus; & mammae lacte turgent. In foeminis quibusdam optimae temperiei invenitur haec febris adeo levis, ut praeter noctem praegressam parum minus quietam, vix ullius momenti sit, praecipue, si infanti parum dederint; quod & in propria uxore, & multis aliis puerperis vidi. Solebam enim, duodecim post partum horis, postquam bono somno refectae fuerant puerperae, admovere recens natos infantes uberibus, cum crederem illud lac tenue, & serosum, quod primo ex mammis prodit, illis admodum salutare esse; de qua re postea in *sequenti Capitulo* dicitur. Ipsa suctio facit, ut lac facilius in mammae derivetur, & lactiseductio cavet, ne mammae ultra modum distendantur. Ubi autem subito tumebant mammae, nec a debiliore infante depleri poterant, nimis turgidae, suavi, ut ab alia muliere leni suctione evacuantur pro parte, & dein infans uberibus admovebatur. Sponte patet, in illis, quae infantes suos lactare nolunt, caeteris paribus, maiorem sequi difficultatem. Lac enim in mammis jam col-

(*) Ibid. aphor. 50. Sect. V. Charter. Tom. IX. pag. 224.

(†) Ibid. aphor. 39. pag. 219.

collectum, redire denuo debet in sanguinem, & antequam hoc fiat, quandoque diutius moratur in tubulis lacteis mammarum, pluraque sequuntur mala, de quibus postea dicendum erit. Dum hoc factum fuit, mammae denuo detumescunt, & lochiorum exuntium copia augetur, quae cum hoc tempore puerperii jam albescant, dicitur lac retropulsus per lochia evacuari; verum, uti dictum fuit, purulenta exeunt de utero, dum ejus cavae superficies depuratur.

Per varias vias, lac in mammis collectum, retropulsus in sanguinem, exire dein notaverunt de corpore auctores: omnium naturalissima via credebatur, si per uteri vasa sub lochiorum forma prodiret: per urinam exivisse, observatum fuit saepius (m); per alvum pariter; aliquando & per sudores: sed dubito, an sudores vere lactei in puerperis fuerint observati. Fatetur tamen, quandoque lac disparere, absque ulla sensibili ejus evacuatione observata (n). Nec mirum hoc videbitur, si consideremus, lac humorem sanum esse, chylum nempe reliquis humoribus mistum, & una cum his per vasa, ac viscera circumductum, ut post aliquot horas acquirat indolem humorum nostrorum, illisque per repetitam vasorum, ac viscerum actionem penitus assimilatur. Proprio enim lacte vivimus omnes; at non separatur a sanguine, & colligitur in mammis, semper sed & in gravidis, & puerperis tantum naturaliter hoc fit. Lac enim cum sanguine fluit aliquot post partum horas, & venae sectione instituta hoc tempore, lac toties invenitur sero sanguinis permistum. Sic minus miramur, intactas virgines, imo & viros, dum famelicis infantibus, & morosis ubera praebuerunt, valida, & repetita suctione lac tandem prodiisse. In historia Medica plures tales casus recensentur. Si ergo lac non degeneraverit longiori mora in mammis, vel per febrim validiorem mutatum fuerit, non turbabit ulla functiones corporis, dum sanguini denuo admiscetur. Si autem lac jam utcumque degenerare inceperit ab humoribus sanis, facili negotio illud vitiosum per urinas, aliasve excretiones expelletur. Notavit *Leuret* (o), dum febris lactaria minuitur, plerumque sudorem sequi, qui molestum puncturae sensum in cute excitat, licet lochiorum copia plerumque augeatur eodem tempore. Sed & alvus, antea pigrior, jam libera redditur; vel saltem leni stimulo sollicitata evacuatur: si sudor cessare incipiat, urinae magis coloratae sunt, & mediocri copia excernuntur, at semper tali, quae potulentis, a puerpera assumptis, respondeat.

Sed per alvum, urinam, & cutis superficiem, naturali lege, de corpore exeunt illa, quae sanitatem turbarent, si diutius manerent in corpore. Ex his omnibus patet facilis ratio, quare lac quandoque in sanguinem redeat absque ulla fere molestia.

Verum aliud quid obtinet in puerperis, quod sedulam considerationem meretur. Notum est, in quibusdam morbis lac facillime a sanguine secedere,

(m) *Peu pratique des Accouch.* pag. 214.
(o) *L'art des accouchem.* pag. 135.

(n) *Ibid.* pag. 215.

dere, & exire cum damno ingenti de corpore. Sic observatur in *Diabete* quandoque lactea urina, quae si copiosa fuerit, aut diu excernatur talis, corpus privat alimento suo, & ex marasmo vero talis aeger perit. Observata fuit & diarrhoea talis chylosa. Facilis ille secessus lactis a sanguine morbus est.

In puerperis autem videtur facilius secessus lactis a sanguine naturali lege obtinere, ut in alimentum recens nato infanti cedat. De causis, unde hoc fiat, hic non disputo: sufficit enim Medico novisse, quid fiat in corpore, licet rationem facti non semper liquido intelligat. Semper oportet nos memores esse salutariis moniti, quod *Celsus* (p) dedit: *Rationalem quidem puta Medicinam esse debere: instrui vero ab evidentibus causis, obscuris omnibus non a cogitatione artificis, sed ab arte ipsa rejectis.* Cum ergo certa observata doceant, faciliorem lactis a sanguine separationem in puerperis adesse, quae jam inceperat ultimo graviditatis tempore; & pariter constet, naturali lege, lac a sanguine separatam in mammis colligi, patet, si lactis derivatio in mammas impediatur, vel collectum jam ibi non educatur per papillas, mali quid metuendum esse vel in mammis ipsis, vel etiam in reliquo corpore, si ad aliena loca lac, a sanguine secretum, deponatur.

Merito funesta mala metuebat *Leuret* (q), si, lochiis parce fluentibus, solito tempore non turgescerent mammae: praecipue, si instantis delirii vel levissima signa apparerent, aut balbutire inciperent. Quibusdam validus oritur capitis dolor, & quidem adeo subitus, ut ab externa causa caput percussum credant; sequitur aurium tinnitus, coma, stertor, risus Sardonicus, tendinum subfultus, convulsionem validae, mors subita. In cranio post mortem saepius inventa fuit lactea materia. Sed & acutos pectoris morbos in puerperis vidit (r), quos non sine ratione simili causae attribuebat; flaccidas enim viderat, his morbis ingruentibus mammas: ubi vero, bona fortuna, mammae denuo turgebant, cito sequebatur sanatio.

Sed & similis metastasis lactea quandoque in ipsa pelvi colligitur (s): raro autem hoc fit ante duodecimum, aut quintodecimum a partu diem, si febris lactea adfuerit, & mammae intumuerint. Ille autem facilis secessus lactis a sanguine diu manet in lactantibus foeminis. Talis enim metastasis ad pelvim contigit foeminae, integro post partum anno elapso; sed ante binas hebdomadas perdiderat infantem, cui haecenus ubera dederat. Observavit autem, plerumque talem metastasin fieri quindecim diebus, postquam flaccescere inceperunt mammae, etiam in illis, quae non lactaverunt, sed quibus lac per papillas tamen exstillaverat. Pluribus observatis hoc confirmatum fuit, neque multo citius contigit unquam talis metastasis, nisi in illis, quibus lac non derivatum fuerat ad mammas, sed statim potius ad alia loca tendebat. Solet tunc materia illa lactea colligi in tunica cellulosa, per quam peritoneum pelvi necitur, vel inter musculum *Psoam*, & *Iliacum*, circa ligamenta lata, & quandoque in pluribus locis simul. Dum hoc

(p) In fine Praefat. pag. 20.

(q) L'art. des accouch. pag. 146. 147.

(r) Ibid. pag. 149.

(s) Ibid. pag. 150. & seq.

hoc fit, obtusus dolor circa inguina, pondus in pelvi, & debilitas femorum percipiuntur. Si decumbat in dorso, femoribus extensis, plus molestiae habet, quam si eadem flexa fuerint. Rarius in utroque latere simul haec symptomata apparent; sed dum in uno latere tentatur dissipatio, in altero latere similia sequuntur symptomata. Postea ad femur lactea haec materia pergit, & tunicam cellulosam distendit; tandem eadem in crure, & pede observantur; sique omnia tument oedemate, & minuuntur dolores, qui antea circa pelvim fuerant. Ubi dissipari incipit tale oedema, femora primo detumescunt, dein crura, & pedes, simili modo, uti antea in hydrope anasarca dictum fuit. Vidi aliquoties tales tumores puerperii tempore; dum digitis premuntur, non observantur foveae, ut in Anasarca; sed tumor magis resistit, & fomentis ex lacte, cum sapone veneto decocto, satis feliciter solent dissipari intra decem, vel duodecim dies; praecipue, si urinae crassae copiosae prodierint, primo turbidae, dein reliquis diebus multum sedimenti deponentes.

Sed talis depositio materiae lacteae quandoque in aliis corporis locis colligitur, non dissipanda amplius. Sic Egregius Medicus *Chenel* (1) observavit, in foemina primipara ita intumuisse ventrem, ut tribus a partu septimanis fere aequaeurgeret, ac ultimo graviditatis tempore. Rupto sponte umbilico, exivit ingens copia liquidi seroso-lactei, sed pessimi foetoris, & coloris subgrisei: bimestri spatio post ruptum umbilicum prudenti cura evasit, integre sanata. Credidit celebris ille Medicus, intra duplicaturam peritonaei illam Metastasin factam fuisse. Simul etiam notat, quod viderit in binis puerperis femora admodum intumuisse: tumores illos adscribit lochiorum suppressioni; & fatetur, quod non sine difficultate illos dissipare potuerit: videntur tamen tales tumores potius pendere a metastasi lactea. An simile quid in abdomine collectum invenit (u) *Ruyfchius*? Puerperam visitaverat acriter febricitantem, & de hypogastrii dolore immani, una cum tensione, & induratione, conquerentem. In cadaveris abdomine invenit multum materiae foetidae, loturae carnis, aut lochiorum corruptorum ad exemplum; qualis etiam a me reperta est in uteri cavitate. Credidit autem, illud liquidum, quod in pelvi fluctuabat, ex utero per tubas Fallopianas in abdomen venisse.

Observata practica peritissimorum Medicorum docent, lacteam illam metastasin varia occupare quandoque viscera (vv). Hyeme 1746. observabatur in puerperis morbus epidemicus. Aquae, dum parturiebant, effluhebant, & postea uterus siccus, durus, dolens tumebat, nec lochia solito fluebant modo. A ventris fluxu morbus incipiebat, dolor ventris sequebatur, imprimis circa locum, quem occupant ligamenta uteri lata, tensum erat abdomen, caput dolebat, & quandoque aderat tussis. Tertio, vel quarto post partum die mammae, quae tunc turgere solent, flaccescebant, & quinto, vel septimo

(1) Académ. des scienc. l'an 1728. Mém. pag. 581. & seq.

(u) Observat. Anatom.

Chirurg. N. 84. pag. 79.

(vv) Académ. des scienc. l'an 1746. in 4. Mém. pag. 160.

mo die puerperae moriebantur. Pauperes solas invadebat hic morbus; praecipue si in nosocomio peperissent. Februario mense adeo periculosus erat morbus, ut ex viginti vix una evaderet. In cadaveribus inveniebatur coagulum lactis externae intestinorum superficiei adhaerens, & serum lacteam in cavo abdominis effusum: simile serum in quibusdam reperiebatur in pectoris cavo, & dum pulmones secabantur, eructabant similem lympham lacteam, sed putridam. Ventriculus, intestina, uterus rite examinata, videbantur inflammationem passa fuisse, & grumi sanguinis ex dissectis canalibus uterinis exibant: in multis etiam ovariorum suppuratio videbatur adfuisse.

An non ex haecenus dictis concludi potest, metastasin lacteam producere posse omnia illa mala, quae in textu enumerantur, & quae lochiis suppressis tribui solent? Prout nempe in has, illasve partes deponitur materia lactea, & quidem tanto majori cum periculo, quanto partes, in quas deponitur, ad vitam magis necessariae fuerint, uti etiam, si materia haec deponatur in loca, ex quibus difficulter eliminari poterit. Sic dum v. g. ad crura, & femora deponitur, magna spes est per fomenta, frictiones &c., sic disponi posse materiam hanc, ut denuo relorpta per varias vias de corpore expellatur per alvum, urinas, sudores imprimis. Ubi vero in cavum calvariae tendit, cita mors sequitur. Simul etiam patet, sollicite distinguendum esse illum tumorem femorum, & crurum, qui post partum sequitur, a simili, qui in gravidis ab utero tumente, & venas comprimente nascitur, qui post partum, dum uterus subsidet, sponte cedere solet. Prior enim a femoribus incipit, & dein ad inferiora descendit: tactui digitorum magis resistit, nec, cessante pressione, relinquuntur foveae: posterior ab inferioribus incipit, lente ascendit, mollior est, & prementibus digitis facilius cedit, est enim mera anasarca, a venarum compressione nata.

Simul etiam patet, puerperas lactantes minus periclitari ab hac causa, quam illas, quae natis ubera negant. Suctio ipsa lac in mammas evocat; retropulsio autem metastasis talis periculum facit.

Non tamen in illa opinione sum, ac si lochia retenta nullum facerent periculum; sed tantum hoc monendum esse credidi, etiam de depositione materiae lacteae ad varia loca corporis cogitandum esse. Lochia enim naturaliter minuuntur illo tempore, quo febris lactaria solet incipere, & vix sanguinea fluunt tunc, sed potius subpurulenta. Primis autem diebus puerperii majus videtur esse a lochiis retentis periculum; sequentibus diebus, post febrim lactariam minus; ita tamen, ut si retineretur illud purulentum, quod tunc exire solet, ab ejus resorptione in sanguinem multum mali metuendum foret. Accedit, quod, laeso in partu utero, ejus inflammatio saepe sequatur; unde lochia supprimuntur, de quibus nunc dicendum erit.

Dum, excluso foetu, placenta separatur, copia sanguinis exit, quae brevi postea minuitur; & tunc lochia minus rubro colore tincta fluunt. Aëris accessus liber tunc adfuit, neque ille postea omnino impediti poterit; hinc semper metuenda est cita putredó sanguinis, & aliorum humorum, qui in
ca.

cavo uteri, vel in sinubus, qui in ipsa substantia uteri adsunt, retineantur. Calor loci, humiditas, aëris accessus putredini extravasatorum, & stagnantium humorum omnino favent: idem metuendum est a placenta solutae reliquiis; quamdiu enim adhuc integra utero adhaeret, credibile est, humorum circumductionem adhuc pergere per placentam, adeoque illam non tam cito putrescere. Si autem extravasati humores libere exeant, a putredine nihil metuendum erit. A mora ergo in cavo, vel sinubus uteri imprimis metuendum est, ne putrescant extravasata, uterum ipsum male afficiant, & resorpta pessimas febres producant, vel ad alia corporis loca deposita & illa putredine inficiant. Si enim tot, & tanta mala fiant a blanda materia lactea, quid non metuendum erit ab ichore putrido? Haec lochiorum retentorum corruptionem descripsit Hippocrates (x), monuitque, inde uterum exulcerari, & ab hoc putrido resorpto periculofam febrem accendi: unicam fere spem curae videtur habuisse, si putredo haec, antequam totum sanguinem corruperit, expellatur de corpore. Quinto, aut septimo die quandoque venter turbatur, & nigra, & admodum graveolentia alia, atque alias secedunt, & urina quasi asinina. Quae si secesserint, melius illi esse videtur, & curata brevi convalescit; sin minus, periclitabitur vehementi alvi profluvio ipsi succedente. Alvi perturbatio, per quam, nondum omnino fractis viribus, expellitur illud corruptum, salutaris est; verum ubi, diutius protracto morbo, omnes fere corporis humores in putrilagine soluti sunt, tunc vehementi alvi profluvio perire solent. Unde simul patet, non omne alvi profluvium in puerperio semper timendum esse: haec tamen opinio multorum animis infedit, postquam viderant, a lochiis suppressis tandem colloquativo alvi fluxu perire puerperas. Probe memini, dum puerperae, gemellos enixae, curam gererem, me pessime exceptum fuisse ab adstantibus, dum nollem alvi fluxum compescere. Tertia die lochia omnino suppressa fuerant: venter durus, & dolens erat. Mollissimis fomentis adhibitis, lenissimis aperientibus decoctis copiose potatis, per alvum exiverunt viridia, foetidissima, & quidem cum insigni levamine, ac brevi convaleuit.

Pessimas febres sequi ex lochiis suppressis, demonstravit Hippocrates (y), exemplo mulieris, quae ad frigidam aquam in Thaso decumbebat, quae filiam pepererat, nec esset purgata (a lochiis). Tertio enim a partu die correpta est febre acuta, horrida (z); aderant deliria, alvus turbata, multis tenuibus, & aquosa bile mistis. Sitis aberat, & multa mala symptomata successively sequebantur: post multa molimina critica, sed imperfecta, post metastasin ad dextram coxendicem, sed absque fructu, post sobris mutationes varias, tandem octogesimo die periit. Notavit Hippocrates, urinas fuisse perpetuo nigras, tenuesque, & aquosas.

Rarius autem est, tanto tempore protrahi funestum morbum, cum Hippocrates (x) alio in loco dixerit, de lochiis suppressis agens: *Moriuntur au-*

tem

(x) De mulier. morb. lib. I. Cap. 37. 38. Charter. Tom. VII. pag. 751.

(y) Epidemic. Lib. 3. textu 62. Egiot. 2. Charter. Tom. IX. pag. 294.

(z) De mulier. morb. lib. I. Cap. 37. pag. 751.

sem aliae alio tempore, prout corpus, & affectio se habet. Verum unum, & vigesimum diem non excedunt. Frequentius ita accidit. In Epidemisiis (a) describitur historia puerperae, quae laboriose peperit gemellas, nec omnino purgatae (a lochiis) prima die jam febris acuta accessit cum vigiliis, capitis, & cervicis doloribus, delirio, urinis tenuibus, aquosis, dein & nigris, aliisque malis symptomatibus; haec autem decimasextia die perit phrenitica. Confirmatur hoc Sydenhami (b) observatis: ille cautiissime tractabat lochiorum suppressionem, & si minus succederet cura, conabatur trahere morbum: cum singulo quoque die curationis negotium magis magisque extra aleam ponatur, & si aegra vigesimum diem superaverit, jam sepe in vado est. Videtur autem haec Sydenhami methodus satis congruere cum textu Hippocratis (c); praecipue, si secundum raticanum exemplar (d), loco di morbum & Budisium, legatur ut fluidum; tunc enim sic sonat; At si illi vel medicamentis, vel sponte purgatio eruperit; id etenim accidit, si uteri os suum relaxaverit, non coacti a sanguine repente confertim delato; si, inquam, eruperit, gravolentia, & purulenta repurgantur, interdumque etiam nigra: tumque melius erit, & adhibita cura convalescet. Perfekte haec conveniunt illis, quae paulo ante dicta fuerunt: purulenta enim exeunt, nauseosi odoris, & si grumosi sanguis, incepta jam putredine deliquescent, exeat simul, foetor adest, & maculae, in linteis repertae, cinguntur circulo livido, quandoque & nigro.

Lochiorum autem suppressio duplicem causam agnoscit; vel enim non deplunt in cavum uteri, vel in utero colliguntur, nec exire possunt, si in grumos majores concreverint, aut exitus per uteri orificium a quacumque causa impediatur. Quum mulieri a partu purgatio fuit, non copiose procedit, inflammatis nimirum uteris, eorumque osculo concluso. Uteri autem stomachus (collum) in se concidit undique (e): Notaverunt periti artis obstetriciae magistri, post partum, & placentae eductionem collum matricis instar intestinuli pendulum in vaginae suprema parte reperiri, & quandoque ab imperitis obstetricibus haberi pro corpore peregrino, quod evellere conantur, pessimo certe, & periculoso errore. Cum autem vasa patula satis hient in uteri cavum, libera satis via est, per quam humores in uteri cavum venire possunt, nisi sequens brevi inflammatio tumere faciat uteri substantiam, & si haec vasa cito claudantur: unde uteri inflammatio merito pro frequentiori causa suppressionis lochiorum habetur. De hac postea dicendum erit. Si a grumis obturetur os uteri, hi educendi sunt; de qua re videantur illa, quae ad §. 1322. & 1326. dicta fuerunt.

Sed & observavit Hippocrates, pudenda concreta fuisse tempore puerperii, unde liber lochiorum exitus impediabatur: interim tamen & suppressionis lochiorum effectus potuit esse talis concretio praeternaturalis. Sic autem habet: (f) Si puerperae aliqua pudendi pars obturata fuerit (jam vero & id

(a) Lib. 3. textu 39. Egrot. 14. Charier. Tom. IX. pag. 308.

pag. 335.

(c) De mulier. morb. lib. I. Cap. 37. Charier. Tom. VII. pag. 751.

(d) Ibid. pag. 900. N. 207.

(e) Ibidem pag. 751.

(f) De morbo mulier. lib. I. Cap. 44. Charier. Tom. VII. pag. 754.

(b) Dissertat. Epistol.

(f) De morbo mulier.

vidi), si os pudendi ulceratum fuerit, & ubi in partu, per vim egresso puero, ulceratum fuerit, contingitque quid apthae simile, valdeque inflammatur, & labra ex inflammatione, quum nimirum exulcerata fuerint, in sese concidunt, mutuoque cohaerent. Sed & frigus fit, & ambo labra oclusa sunt, quae purgationis reliquias constringunt. Quod, si purgatio prodiret, ulcera non itaque coalescerent. Quomodo autem tale malum tractari debeat, dictum fuit antea ad §. 1290., & §. 1315.

Antea ad §. 1290., ubi de causis retenti floris menstrui agebatur, dictum fuit, a perverso situ oris uteri posse impediri menstruum liberum effluxum. Ubi de partu difficili agebatur, pariter dictum fuit, obliquum uteri situm in causa esse saepius, ut mulier pariat difficilius. Sed & ab eadem causa lochiorum expurgationem impeditam deducit Hippocrates (g): Si ex partu uteri in dextram obversus fuerint, puerperii purgamenta non eunt, dolor inum ventrem, lumbos, & ilia detinet, crus dextrum gravatur, & corpor occupat &c. Si uteri in sinistram partem, aut coxam declinarint, dolor acutus, & vehementes lumbos, ac ilia, crusque detinet, & claudicat. In quocumque alio obverso situ uteri idem metuendum esse, facile patet. Nisi enim uteri orificium directe respondeat vaginae, difficiliter fluent lochia; imo & integre possunt supprimi, si os uteri vicinis partibus appressum claudatur. Quomodo autem uteri obversioni succurrendum sit, antea ad §. 1321. dictum fuit.

Omnium tamen maxime metuenda est lochiorum suppressio, quae ab inflammatione uteri originem ducit. In difficili partu, uti antea dictum fuit, magna vis infertur utero, ita ut quandoque rumpatur: caput infantis, si mole majus fuerit, in transitu saepe contundit, imo lacerat os uteri; rudiori evulsionem placenta ab imperita obstetrice toties laeditur uteri substantia: unde non mirum est, uterum inflammari post partum, & a tali tumore inflammatorio lochia supprimi. Tales autem uteri inflammationes vix resolvendo curari possunt; sed saepe in suppurationem abeunt, quandoque & in gangraenam subito lethalem. Hippocrates (h), de uteri ulcere agens, dicit: Morbus autem praecipue ex partu invadit, si quid in ipsi dilaniatum computruerit. Si ergo tales causae praecesserint, a quibus laesio uteri fieri potuit, tunc de inflammatione uteri secutura metus est.

Haec autem signa hujus mali recensuit Hippocrates (i); si inflammatus fuerit uterus, vellicatur; quod si quid corruptum fuerit, & retrahatur, febris corripit acuta, & magna, horrorque durus partes circa pudenda² ferociter afficitur, mordetur, & concitatur. Ac si quis digito contigerit, rursus pejus habet, & pungitur, caput, & siniput dolet, tum caligo, tum frontis sudor adest, extrema perfrigerantur, ac tremunt, interdum etiam sopor occupat, neque audire potest, neque aliquid uterus efficit; multum est cibi fastidium, neque stomachus, neque ventris omnino cibum attrahit; vociferatur, profluit, dolet, pubem, inguina, lumbos, & occultos pudendi locos; celeriterque intercunt. Similia

(g) De mulier. morb. Lib. 2. Cap. 28. pag. 816.

(h) Ibid. Lib. I. Cap. 63. pag. 765.

(i) De mulier. morb. Lib. 2. Cap. 50. Charier. Tom VII. pag. 827.

lia his alio in loco (A) habentur, ubi describit mala, quae contingunt, Si uteri ex partu inflammati fuerint; addit tamen & alia quaedam; Ex ventre vero incendium nunquam definit, fitit, & coxendites dolent, imus venter vehementer intumescit, & alvus turbatur: defectio mala est, graveolens.

Apud Aetium (I) praeter generalia uteri inflammati signa, enumerantur illa, quae diversa loca uteri, quae a morbo occupantur, designant. Sic si uteri cavum aut fundus, fuerint inflammata, summum dolorem adesse, dicit; Ut saepe, nec exterius quidem, tangi patiat. Si posterio rem uteri partem occupet inflammatio, Dolor lumbos magis vexabit, durique stercoreis excrementa detinebuntur; quoniam intestinum rectum opprimitur. Si anterior, & inferior regio uteri inflammetur, urinae aderit difficultas, ob similem rationem. Si obliqua loca occupaverit, inguina extenduntur, & crura difficulter moventur.

A parco lochiorum fluxu Hippocrates (m) notavit, ventrem, ac vesicam constringi; & alibi (n), stranguriam succedere utero inflammato. Omnia signa haec inflammati uteri pulcre collecta habentur apud Moschionem (o); ubi etiam ex Cleopatrae observatione additur, utero inflammato, linguam asperam, ac nigram, quasi atramento tinctam, inveniri; & extremos digitos, ac ungues dolore (p). Omnia autem haec mala, quae inflammationem uteri comitari solent, etiam a recentioribus Medicis observata fuerunt.

Si considerentur illa, quae antea ad §. 1285., & 1293. dicta fuerunt de mirabili illo regiminis imperio, per quod uterus male affectus omnes corporis functiones turbare possit, minus mirum videbitur, tot symptomatum catervam comitari uteri inflammationem. Simul etiam notari mereatur, uti optime monuit Celeberrimus Simson (q), uterum puerperii tempore magis irritabilem esse; hinc a leviori stimulo, & animi affectu stringi ita, ut lochia supprimantur illico, & caterva malorum sequatur. Hippocrates (r), postquam varia mala recensuit, quae sequuntur, si lochia non rite repurgentur, dat hanc rationem: Quippe cum in molli parte, & bene sensibili existant, & in nervosa cavitate, multae autem cum ea partes communicent, sinisput, stomachus, mens commovetur, depravatur, nec facile intelligere solet.

Simul etiam hinc patet, quate periti in puerperis tractandis viri sinistri quid metuerint, si non sedaretur pulsus celeritas, inter parturiendum nata, prima post partum hora: solet enim tunc morbus acutus sequi, & merito meruit uteri inflammatio, ac pessimae ejus sequelae (s). Videtur & huc spectare textus Hippocratis (t), ubi de febrium crisis, & diebus criticis agit. Postea enim subjungit: Ad eundem vero modum etiam mulieribus crises a partu contingunt. Illud autem videtur obtinere, si morbo acuto a partu cor-

(A) Lib. I. de morb. mulier. cap. 54. pag. 758. & Cap. 55. 56. pag. 759.

(I) Lib. XVI. Cap. 85. pag. 162. (m) De mulier. morb. Lib. 1. cap. 36. Charter. Tom. VII. pag. 710. (n) Aphorism. 58. Sect. V. Charter. Tom. IX. pag. 230.

(o) Spach. Gynaec. pag. 12. 13. & Harmon. Gynaec. pag. 23. (p) Harm. Gynaec. pars postea. Cap. X. pag. 28. (q) An Inquiry in fine Essays pag. 67.

(r) De mulier. morb. Lib. I. Cap. 42. Charter. Tom. VII. pag. 752. (s) Levret l'art. des accouchem. pag. 134. (t) In Prognostic. Charter. Tom. VIII. pag. 668.

corripiantur; quod imprimis post difficilem partum contingere solet, laeso utero. *Galenus* (u) hoc suo Commentario confirmare videtur. Sic enim habet: *A quo die mulier pepererit, ab eo numerare incipias, non a quo cepit febricitare. Nam aliquae secundo, vel tertio die, postquam pepererint, in febrem incidunt, atque ab eo plerique futuram crifim enumerant. Verum res secus habet, quum oporteat a die, quo scitumedes, enumerationem exordiri.* Febris enim lactaria, quae secundo, vel tertio die incipit, plerumque brevi secedit, per blandum sudorem, sine ullis perturbationibus criticis. Sic, in textu *Hippocratis* paullo ante citato, mulier, quae gemellas pepererat, sed laboriose, prima die febre acuta fuit correpta, & postquam undecimo ac decimo quarto die mala symptomata adfuissent, phrenitica interiit decimo septimo die. Imo & illa mulier, quae in *Ibaso* decumbebat, cujus pariter mentio facta fuit, tertio a partu die acuta febre correpta legitur quidem, sed tamen videtur *Hippocrates* a partus die numerasse morbi decursum. Notat enim, quod multo tamen ante partum febriculosa decubuerat, cibumque fastidierat: nec credibile est, illam febrem post partum siluisse, sed cum horrore in acutam degenerasse; quae tamen de lentae febris, quae ante partum affligerat, indole participabat, cum octogesimo die mortua fuerit (x).

Unde patet, lochiorum suppressionem merito periculosam haberi: *Nisi enim a lochiis mulier repurgetur, magno morbo corripietur, vitaeque periculum incurret, nisi cito curetur, & aliquis convenientem ipsi purgationem promoveat.* Onanum maxime, si uteri inflammatio fuerit causa, vel sequela suppressionis lochiorum. *Nisi statim curentur, plurimae intereunt* (y). Quo & videtur spectare sequens Prognosis: *Uterinae in ventribus durities cum dolore, acute perniciosum* (z).

Haecenus praecipue dictum fuit de illis malis, quae ab utero male affecto, & lochiis retentis oriuntur, uti etiam de his, quae a metastasi materiae lactaeae in puerperis metuenda sunt. Verum & ipsa lochia retenta, mora acriora reddita, resorpta vasis uterinis, & dein ad varia viscera deposita, producere posse periculosissimos morbos, facile intelligitur. Praeclarus Medicus *Targioni Tozzetti* (*), multis aliis scriptis in orbe literario notissimus, inseruit suis observationibus unam, alteramve, quae huc spectant, & quas desumpsit ex manuscripto Anatomico-Medico incerti auctoris, qui decimo sexto saeculo vixit, & videtur optima fide narrasse illa, quae viderat propriis oculis: simul figuras satis nitidas partium, de quibus agit, addidit. Secuit autem cadaver puerperae, quae postdie a partu gravissima corripiebatur Epilepsia, ita ut linguam sibi mordicus absciderit; dein Apoplectica interiit, cum per triduum totum mansisset aphona. Uterum invenit tumidum, plus, quam pollicem, in substantia crassum, durum, carnosum, vasa spermatica pollicem

cras-

(u) In Prognostic. Charter. Tom. VIII. pag. 668.

(x) Epidemic. Lib. 3. sect. 62.

Egrot. 2. Charter. Tom. IX. pag. 204.

(y) Hippocr. de Morb. Mulier. Lib. I.

Cap. 54. Charter. Tom. VII. pag. 758.

(z) Coac. Praenot. N. 528. Charter.

Tom. VIII. pag. 883.

(*) Prima Raccolta di osservazioni Mediche pag. 92. &c.

crassa, tumida, subnigra, quasi essent sanguine grumoso plena, qui a partu debebat per uterum exonerari: testes, quos cornua uteri vocant perlique, invenit tumidos. In ipso uteri cavo invenit sanguinem crassum, atrum, haerentem arctissime cotyledonibus, ut vix avelleretur; qui putris videbatur. Cotyledones autem sunt venarum uteri oscula parva, ut puncta viderentur subnigra. Caro vero, seu substantia uteri carnosa, & alba erat, & dura, & per ipsam arteriae, & venae transibant, ut si quis acu ipsum librum perforares; & cum per transversum scinderetur caro, profunderet sanguis, quasi si quis acu acutissima illam perforasset. Os uteri habebat duos veluti musculos parvos intro se, & tenues, sive membranae alicujus partes videantur, utrimque claudentes os ipsum, ut ne acus quidem immitti posset, gravida existente muliere. Sic mihi ostendit magister Gulielmus Barbisonor &c. Collegit hinc, mulierem hanc periisse ob retenta lochia, quae prima tantum die fluxerant sat copiose, materia nempe in cerebrum translata: notat simul, ante annum aliquot convulsionem Epilepticam habuisse noctu. Conjecit quoque, maximum laborem fuisse illi in partus exitu ad os uteri; nam totum erat lividum, quasi isium esset baculo, aut saxo. In capitis sectione, dum separaretur a cranio Pericranium, mirabatur, profuisse tantum sanguinis aquosi, ac tenuis, & serosi, ut cranium videretur simile esse cribro, & ab ipsomet osse emanabat, nec decipiebat, videbaturque illud cranium esse veluti perforatum, eratque colore subobscuro livente, & vidimus, venas durae matris fuisse in causa hujus floris & effusionis &c. Deinde addit: Notavi quoque, cum pericranium a cranio separaretur, quasi aliquod putre divelleretur ab osse, sic nullo momento, ac ut rem fracidam, illud ab osse separari. Videntur autem hic pericranium, calvaria, ac dura mater imprimis laesa fuisse; nam de reliquis in cavo calvariae contentis nihil refert. Sed mox subiungit sequentia: In Domicella de Mauvoysin, quae obiit a partu epileptica una & apoplectica, scilicet observavi, totum ventriculorum sinistrum cerebri fuisse plenum aquoso sanguine, seroso, putri, ac pravi coloris, & venas plexus retiformis una cum arteriis fuisse tumidas, quasi insufflatas, subnigras, quae notae erant prae non naturaliter affectae. Hic manifeste ad capitis interiora delata fuerunt, lethali metastasi: nec invenit vasa rupta, sed tumida & infracta.

Facile autem intelligitur, lochia deposita ad varia viscera diversos efficere morbos pro diversitate functionum, quae ab his visceribus pendunt. Horum malorum catervam descripsit Hippocrates (a); Si vero mulieri puerperii purgatio ad caput irruat (id enim contingit), plerumque statim moritur, si destinetur &c. Si vero per os non prodeat puerperii purgatio, sed cum impetu delata sursum versatur, puerperia (lochia) delitescunt, neque pro ratione procedunt, tussis, & asthma illam corripiens, opplesque a sanguine pulmone, latus & dorsum ipsi dolebunt valde. Quumque tussis, siccum per tussim rejicitur; alias vero spumum expulsiur. At progressu temporis sputum subnigrum, & turbidum apparet, pectora calor magis, quam reliquum corpus, destinet, nimirum sanguine ipsa calefaciente &c. Quod si purgatio impetu sursum delata per os non exeat, neque ad pul-

(a) De Mulier. Morb. Lib. I. Cap. 45. Charter, Tom. VII. pag. 755.

pulmones vertatur, et ad faciem puerperia divertens, quae admodum rubicunda erit, & caput grave, neque id citra dolores movere poteris, oculi etiam valde rubicundi erunt, & ex ipsis sanguis tenuis effluet. Est, ubi etiam nonnullus sanguis per nares effluit, qui si effundatur, hoc modo morbus diuturnior evadit. In alio loco (b) monet, a lochiis minus, quam oportet, fluentibus, nonnullas corporis partes ad motum impotentes reddi, quandoque claudicationem sequi.

Omnia autem haec contingere possunt etiam in sanissimis mulieribus, quibus post partum purissimus sanguis exit, quasi de victima fluere: potest enim sola mora in cavo, vel sinubus uteri corrumpi, & putrida, inde nata, miasmata resorberi, quae dein pro diversa metastasi varios, & periculosissimos morbos producant. Majus certe discrimen metuendum erit, si humores ante partum jam multum degeneraverint a sanitatis conditionibus. Monuit Hippocrates (c) in illis locis, quorum incolae plaustris aquas potant, mulieres oedematosas fieri, & pituita alba laborare non tantum, sed vix in ventre concipere, neque purgationem post partum in his mulieribus commodam contingere. Alibi (d) dixit: In gestantibus uterum sanguinosus significat post partum molestas ex albis mordacibus. Tales purgationes indurant; singultus in his, malum, & uterorum procidentia, quae & una interficiunt. Et paullo post (e): Uterum gerentibus sanguinosae juxta fauces fluxiones, malum. Antea enim dictum fuit, postquam sanguine distenta vasa uterina fuerint evacuata, tertio die lochia prodire, quae puris condiciones referunt, sicque uteri cavam superficiem repurgari. Verum ad §. 387. demonstratum fuit, requiri blandam humorum indolem, ut benigna fiat suppuratio. In tali autem puerpera aciores humores ad uterum derivantur; unde sensilis ejus superficies nimis irritabitur.

Sed & ob eandem rationem morbi praegressi puerperium considerandi sunt. Dixit Hippocrates (f): Quae ante partum in modum cholerae morbi doluerunt, facile quidem parium: verum si febricitans, maligne habens, tum alias, tum si circa fauces quid vixet, vel aliquod signum mali moris in febre appareat. De pituitosis, & lienosis mulieribus praedixit (g), & lochia non boni coloris proditura, & metum fore, ne supprimantur. Alibi (h) monuit: Si mulier uterum gerens morbo aliquo minime cognato labores, in puerperii purgatione perit. Recentiorum Medicorum observationes hoc confirmant. Sic Hoffmannus (i), quando gravidae, ultimis praesertim mensibus, cum aestu interno de virium debilitate valde queruntur, vidis saepe, & praedixit in puerperio praevos eventus.

Dictum fuit, uterum a lochiorum retentione inflammari, & quandoque a

(1) De Mulier. Morb. Lib. I. Cap. 41. Charter. Tom. VII. pag. 753.

(2) De Aere, Locis, & Aquis Cap. 3. text. 7. Charter. Tom. VI. pag. 105.

(3) Coac. Praenot. N. 525. Charter. Tom. VIII. pag. 883.

(4) Coac. Praenot. N. 537. Ibid. pag. 884.

(5) Coac. Praenot. N. 535. Ibid. pag. 883.

(6) De Mulier. Morb. Lib. I. Cap. 28. & 29. Charter. Tom. VII. pag. 746. 747.

(7) De Natur. Puer. Cap. V. Charter. Tom. V. pag. 315.

(8) Medic. ration. & synth. Tom. IV. part. 2. sect. I. Cap. I. pag. 27.

laborioso partu, vel & rudiori obstetricis manu inflammatum, suppressio-
nem lochiorum producere. De signis uteri inflammati dictum fuit. Verum
talis inflammatio vel curabitur blanda resolutione, vel reliquos inflamma-
tionis exitus subibit, nempe suppurationem, gangraenam, & sphacelum, scir-
rhumque, ex quo Cancer uteri sequi poterit. Uteri autem inflammatio gra-
vior saepe omnes functiones encephali adeo turbat, & opprimit, ut mors
sequatur, antequam varii inflammationis exitus locum habere possint. Antea
ad §. 432. dictum fuit, gangraenam viscerum lethalem esse; genitalium ve-
ro curatu difficilem; simul aliquot casus fanatae gangraenae in genitalibus
fuerunt recensiti; imprimis ex *Rosfibii* observatis. Dum nempe a difficili
partu confusa vagina, & intestinum rectum gangraena contabuerant, &
postea corrupta a sanis per suppurationem separata fuerant, superfite puer-
pera. Quando enim magnae molis caput diu in exitu pelvis haeret, sic
comprimuntur omnes partes vicinae molles ad dura pelvis ossa, ut omnis
humorum circuitus per partes pressas penitus impediatur; unde gangraena
sequitur. Tales gangraenas curatas fuisse quandoque, certo constat. Verum, si
gangraena validam inflammationem uteri praegressam pro causa habuerit,
non novi, certa observatione constare, quod unquam haec curata fuerit;
certe, si unquam, saltem rarissime, talem curam contingere, vix erit ullus,
credo, qui dubitet. Cum autem nunquam gangraena sanari possit, nisi sup-
puratione facta, per quam omne corruptum, & mortuum separatur a par-
tibus vivis, operae pretium erit, quaedam dicere de ulcere uteri. De Scir-
rho enim, & Cancro antea actum fuit, neque videtur hujus loci esse, ut
de his inflammationis sequelis agatur. Non enim proprie ad puerperarum
morbos pertinent, cum a puerperio jam resurgentibus molesta sint haec
mala, & vix ante adverti possint.

Simul etiam facile patet, non intelligi hic superficialiam illam, & lenem
suppurationem, per quam cava uteri superficies depuratur, uti ante dictum
fuit: verum agitur hic de suppuratione in ipsa uteri substantia, post prae-
gressam inflammationem producta. De his malis monuit *Hippocrates* (k): *At
cura cito adhibenda est, si ulcera in utero fuerint. Nimirum enim tenero in
loco sunt, celeriter increpescunt, brevique putrescunt.*

Cognoscitur ex inflammatione praegressa, & signis suppurationis incipien-
tis, de quibus & in *Capitulo de Abscessu*, & in morbis viscerum inflammato-
riis saepius dictum fuit. Si ergo dolor circa uterum maneat pertinax, absque
signis pessimis, suppuratio uteri expectanda est. *Dolor ventris post partum, in his
purulenta purgans* (l). Solet & tunc febricula adesse, quae suppurationes ali-
cujus momenti, imprimis in visceribus, comitari solet. Unde *Celsus* monuit (m):
Si mulieri ex inguine febricula orta est, neque causa apparet, ulcus in vulva est.
Si talis vomica in utero orta fuerit, optandum est, illam sic rumpi, ut pus
per vulvam exire possit; tunc enim citius sanantur. Si autem per aliam
viam pus exitum tenet, curatio protrahitur multum, & quandoque difficul-
ter

(k) De Mulier. Morb. Lib. I. Cap. 66. Charter. Tom. VII. pag. 768. (l) Cosc. Prae-
not. N. 520. Charter. Tom. VIII. pag. 883. (m) Lib. II. Cap. 7. pag. 60.

ter admodum obtinebitur. Idem verum est, si pus, in uteri substantia collectum, per metastasin ad alia corporis loca deponatur.

Quandoque enim uteri vomica versus exteriora pus collectum derivat. Unde Hippocrates (n) monuit: *Si uterus, ischio incumbens, suppurat fuerit, necesse est, illum linteis carptis curari*. Tunc enim manibus accessus datur, dum uteri ulcus exteriorum aperitur; adeoque & linteis carptis, & turundis, & aliis pluribus opus erit; & ideo talia mala *ipsum* ab Hippocrate dicta fuisse, testatur Galenus (o); de qua re alia occasione dictum fuit. Aliquot tales casus ipse vidi, sed semper longa erat cura, & quandoque fistula manebat, licet sanitas in reliquis rediisset satis commoda.

Talis & casus apud Celeberrimum Benevoli (p) legitur de juniore puerpera, cui post partum difficilem quinto die supprimebantur lochia, cum febre valida, abdominis tensione & tumore, vomitu, urina parca, & reliquis uteri inflammati signis. Tentata fuerunt efficacissima remedia ad resolvendam hanc inflammationem: verum omnia symptomata perrexerunt usque ad vigesimum quintum diem; tunc febris cepit minui; cessabant graviora symptomata, manente tamen abdomine tenso, & tumido per sex menses, & ultra, imprimis circa dextrum llium, ubi percipiebatur durities circumscripta. Post alios sex menses tussi molesta corripiebatur; unde tumor ille durus, antea profundius latitans, incepit versus exteriora protuberare. Tribus adhuc mensibus elapsis, opem Benevoli imploravit, qui, omnibus rite examinatis, abcessum latere conclusit, fomenta applicuit, & sexdecim a partu mensibus locum aperuit; quo facto, exivit pus bonum, sed parca admodum copia, quanta nempe contineri posse videbatur sub integumentis, nec videbatur aliquid exire ab interioribus. Verum post octo, vel decem dies a tumoris apertura aegra corripiebatur frigore, cum febris, & sequenti mane, mutando apparatus, inveniebatur copia puris dissolvi & foetentis: perrexerit autem similis materia sponte exire, nec augebatur copia, si manu premerentur vicina. Omni octava, vel decima die redibat febris, sequente copiosiori evacuatione puris per trimestre fere spatium. Nihil autem aliud toto hoc tempore factum fuit, nisi quod vulneris labia tenerentur a se mutuo remota, ut liber puri maneret exitus. Neque aliquid purulenti unquam de vagina prodiebat; & aegrae, licet diuturno morbo extenuatissimae, solito tempore prodiebant menstrua. Vigesimo mense gangraena in vulnere aderat; qua separata, multum aucta fuit apertura, quae postea sensim imminuta fuit, manente parvo orificio, quod liberum exitum praebebat puri. Fistula mansit sic incurabilis, cum tuto incidi nullo modo posset, quoniam specillum immissum per sex digitos transversos adigi poterat, transversali, & satis profunda directione.

Mirabilis casus suppurationis post suppressa lochia legitur (q). Post laboriosum

(n) Aphor. 47. Sect. V. Charter. Tom. IX. pag. 223. (o) Ibidem. (p) Dissertationi, ed osservazioni &c. N. 36. pag. 217. (q) La Morte Traité complet de Chirurgie Tom. I. pag. 264.
Tom. IV. Pars II.

riofum gemellorum partum a valido terrore puerperae lochia supprimuntur omnino, cum tensione & dolore valido abdominis. Mollissimis fomentis applicatis, & similibus clymatibus injectis, venae sectionibus in brachio repetitis, minuebatur utcumque vehementia dolorum, qui tamen manserunt perpetui per quadraginta dies, & ultra. Venter autem tumens superabat molem, quam ante partum habuerat. Subito augentur dolores, & quatuor digitorum distantia ab umbilico, tam a latere, quam versus inferiora, apertura sponte fit, per quam exeunt plures librae puris, replentes vas, quo aqua hauriri solet (*um sicaui*); pergebat adhuc ex ingenti abscessu pus exire, donec penitus depletus foret. Simplicissimo apparatu Chirurgico applicato, brevi integre convaluit. Hippocrates (r), de cura huius mali agens, suavitatis lactis usum; dein dixit: *Post lactis autem potum, cibis quam maxime in-
crassandum, & ut utero gestet, procurandum; sana enim evadet. Plerumque au-
tem ex hoc morbo coadunt, & steriles redduntur.* Haec tamen mulier post tam gravem morbum toleratum saepius peperit.

Contingit aliquando, ut pus collectum in utero ulcere, resorptum, per alia loca exeat. Sic vidi in gravida, quae & hydrope anasarca laborabat, dolorem ortum in dextro ilio, satis intensum: post partum prodit per vulvam pus olidissimum, quod copia minori sensim, & postea album, inodorum fluxit quotidie ad septimum a partu mensem usque: aderat simul cruris, & femoris dextri imbecillitas; dein ex mamma dextra pus exivit, & lente convaluit.

In alia puerpera vidi, post omnia signa abscessus in sinistro Ilio collecti, alvi fluxum olidissimum secutum fuisse; simul & aliqua copia similis materiae de utero fluere cepit, cum levamine, & restituto appetitu, qui antea deficiebat. Post incepit sputa rejicere similia, & magna copia quidem: tandem pariter convaluit.

Uti jam in utero collectum pus per alia loca quandoque evacuatur, sic aliunde adveniens quandoque per uterum exit. Hanc distinctionem Hippocrates (s) fecit, & monuit, quibus signis hoc cognosci possit: *An vero ab ipsis
sint uteris, hoc paulo dignoscet. Quae enim ab ipsis ulcerationes sunt, purulen-
tam, & compaſſam purgationem exhibent; quae vero non ab ipsis, tenuem, &
sanctosam.* Omnia, quae de ulceribus internis curandis antea dicta fuerunt, hic quoque locum habent. *Ulcera (uteri) vero curanda sunt, ut illa, quae in reli-
quo sunt corpore, studendo, ut inflammatio arceatur, repurgentur, impleantur, &
ad cicatricem perducantur. Aqua autem potui danda est, vinum minime, cibique
pauci, non multi (t).* Mollia satis remedia, & victum similem commendavit Hippocrates (u) in ulcere uteri, de quo hic agitur; nempe cujus materia non aliunde delata, sed in ipsa substantia uteri nata, & collecta fuit: *In quibus autem
purulentia, & compaſſa defluunt, in his quidem universum corpus nullo modo movere
oportet.*

(r) De Mulier. Morb. Lib. I. Cap. 62. Charter. Tom. VII. pag. 764.

(s) Ibidem Cap. 65. pag. 766.

(t) Ibidem Cap. 66. pag. 768.

(u) Ibidem Cap. 65. pag. 767.

opores, sed colluere, & ex his totam curationem moliri. Licet enim deterfio ulcerum, si sordida fuerint, quandoque acriora poscat remedia, tamen in parte adeo fenilli, & tantum imperium habente in reliquum corpus, prudenti cautela opus est. Ulcus uteri curabat *Harvacus* (v), quod satis antiquum jam erat: cum autem usitatis remedijs parum proficeret, validiora tentare voluit, addens solitis injectionibus aliquantulum *Vitrioli Romani*; a cujus acrimonia percussus uterus subito se contraxit, induruitque adeo, ut ad saccum lapide rigidior sentiretur; simulque plurima symptomata hysterica oborsa sunt, quae ab uteri strangulatu, tetrisque inde vaporibus sursum latis, Medici vulgo fieri existimant. *Duravi* aliquamdiu hoc malum, donec a mitioribus, & anodynis remedijs placatus uterus orificium suum laxaret, liquoremque acrem (quem injecteram) una cum saniosa putrilagine expelleret. Utilis haec observatio docet, quanta mala sequi possint, si uterus irriteretur, sive acri remedio, sive alio quocumque modo hoc fiat.

§. 1330. Cuncta haec eradicantur sponte, radice mali excisa (1329.).

Cum omnia haec mala a lochiorum suppressione ortum duxerint, hinc, redeuntibus lochiis, omnia haec minui, vel & integre cessare solent. Praecedenti paragrapho patuit, retenta lochia diversissimos morbos producere, prout in hoc, illudve viscus rapiuntur; & *Hippocrates* (x) similia monuerat; Si ex parte minime purgata fuerit, venter, & crura tumens, & vigor, & dolor inum ventrem occupat, quandoque etiam ad viscera progreditur. Similia his alibi leguntur (y). Praeterea (z), loquens de puerpera, cui primis tribus, aut quatuor diebus puerperii purgatio prodierit, deinde ei derepente perdat, addit: Si vero curetur vietus ratione mulier, supererit, si cito curetur.

Si enim viscerum fabrica a lochiis per metallasim depositis multum laesa fuerit, redeuntibus postea lochiis, non sequetur integra sanitas, sed quarundam actiosum manebit vitium, & quandoque per omnem vitam. Unde alio in loco (a), ubi agit de lochiis ad caput, thoracem, aut pulmonem irruentibus, monet, puerperam plerumque statim mori; si autem superstes fuerit, pulmonem saepe purulentum evadere, typhim, & asthma sequi: Si autem ad caput vertantur lochia, mente alienabitur, & delirationes furiosae existant. Deinde addit: *At curata convalescit, non autem multa spes est, illam superesse. Ac si forte superfit, surditas, aut in totum caecitas succedet.* Suis observatis idem confirmavit *Sydenhamus* (b), ubi agit de malis, quae lochiorum suppressionem sequuntur: *Nonnunquam enim Phrenesi laborant ex hac occasione, quae in dies effratior reddita spasmos primum, dein mortem inferri. Si vero mor-*

(v) Exercit. de generat. animal. in Capit. de Partu pag. 379. (x) De Natur. muliebri Cap. 9. Charier. Tom. VII. pag. 685. (y) De Morb. Mulier. Lib. I. Cap. XL. Ibid. pag. 752. (z) Ibidem Cap. 39. (a) Ibidem Cap. 45. pag. 715. (b) Differtat. Epistol. pag. 531, 532.

sem evadant, mitius aliquantum insaniant quandoque ad ultimum vitae terminum. Tristes tales casus ipse aliquoties dolens vidi.

Inde patet, tunc tantum sequi integram sanitatem, redeuntibus lochiis prius suppressis, si nempe cito hoc fiat, & nullum viscus adhuc insigniter laesum fuerit per metastasin lochiorum.

§. 1331. **H**inc requiruntur Antacida lenia, ad labem acidam ferri sopiendam; diluentia lenia ex hordeatis, avenatis, amygdalatis jusculis; aperientia specifica lenissima ex moderate cardiacis, & uterinis; aperientia localia, Clysmata, Fomenta, Cataplasmata, Emplastra, Linimenta, Cucurbitae, Pessaria, Suppositoria.

Agitur jam de methodo tractandi puerperas, ut lochiorum suppressio caveatur, & quatenam tuto tentari possint, ut lochia suppressa, vel parca nimis provocentur.

Imprimis hic attendendum est ad illa, quae ad §. 1329. dicta fuerint; nempe lochia naturaliter multum minui, & circa tertium, quartumque diem vix sanguinolenta esse, sed tunc subpurulenta quaedam prodire, per quae uteri cava superficies depuratur; adeoque male consuleretur puerperis, si darentur talia tunc remedia, quae lochia pellerent. Dum autem mammae turgere incipiunt, tunc impetus, & copia humorum ab utero avertitur, & versus mammas tendit: unde lactantibus puerperis, caeteris paribus, minori copia fluunt lochia; illis vero, quibus lac ex mammis resorberi debet, sere semper lochia augentur, dum hoc fit.

Quies autem absoluta corporis, & mentis omnino requiruntur. Vix enim credi potest, quam mobiles sint puerperae in toto genere nervoso, praecipue si tenerae, molliter educatae, & hystericiis malis obnoxiae fuerint. Tristitimos irae, terrorisve effectus plurimis exemplis probavit *Few* (c). Similes vidi aliquoties. Importunae visitationes amicarum, quae gratulationae adveniunt, multum saepe nocent: praecipue pessimus ille mos apud nobiles invaluit, & vix potui obtinere, ut in aliud conclave, remotius a puerpera, convenirent illae, quae ex amicitia, vel more quotidie accurrebant, puerperam salutaturae. Si inter tot matronas sit vel unica, quae memores imo sub pectore reconditas iras, licet diu sopitae credantur, renovet, pessima certe metuenda sunt. Fragrantes odores, quibus multi adeo abuti solent, ut etiam, mutatis vestibus, tota cutis illis imbuta maneat, turbant saepe adeo puerperas, ut mox sequantur enormes capitis dolores, deliria, lochiorum suppressio (d). Plures tales casus vidi: hinc solent lectis puerperarum adnectere nodulos ex foetidis uterinis, *asa foetida*, *castoreo*, &c., compositos, qui quandoque & sua graveolentia molesti sunt. Omnia haec caveri poterunt, si puerperae in perfecta servantur quiete, ita ut vitentur omnia, quae mentem, vel

(c) La Pratiq. des accouch. Liv. I. chapit. VIII. pag. 75. &c.

(d) Ibid. pag. 230.

vel corpus ullo modo turbare possunt. De hac cautela adeo necessaria jam dictum fuit ad §. 1329. Absolutam autem puerperarum quietem ad plures dies protractam voluit *Sydenhamus* (c). Credebat enim ex illis, quae in puerperio moriuntur, vix decimam quamque perire ob defectum virium, aut labores toleratos, sed tantum ideo, quod debito citius lecto surrexerint. *Quamobrem istis, quae me audiunt, ubique auctor sum, ut ad diem saltem decimum in lecto se contineant, si modo naturae paullo debilioris sint, praecipue si vaporibus, qui vulgo dicuntur, jam pridem fuerint tentatae.* In robustis enim, & laboriosis mulieribus observatur quotidie, quod non adeo longa in lecto mora indigeant. *Levres* (f) in illis, quae flaccidum corpus habent, & sedentariam vitam duxerunt, cavere iussit, ne ante duodecimum diem vel pedem lecto efferant ob metum prolapsus uteri.

Abdomen molliter fulciendum esse linteo lato, §. 1329. dictum fuit. Nihil autem magis noxium est, quam valide fasciis ventrem constringere. Mirabatur *Pew* (g), accedens secunda post partum die juvenem puerperam, quam feliciter liberaverat, anxiam jacere, oculis scintillantibus, ob immanem capitis dolorem, insomnem penitus: aderant nausea, tussis, animi leve deliquium, ructus foetidi, dolor lateris sinistri, lochiorum suppressio: subito binae venae sectiones in brachio, tertia in pede instituebantur, & tamen augebantur omnia symptomata: dum ulterius inquiritur in causam tot malorum, invenitur abdomen fascia valide adeo strictum ut mirum videretur, illam respirare potuisse. Solvitur fascia, mox redierunt lochia, & omnia illa mala symptomata evanuerunt. Plures ibi similes casus recenset.

Imprimis attendendum est, ne urina in recens enixis puerperis nimis diu retineatur. Dum enim vacuo jam utero flaccidum abdomen est, vesica distenditur facile absque ulla molestia, & saepe non sentiunt ullum nixum mingendi, antequam vesica ultra modum distenta fuerit, & vim se contrahendi amiserit; unde difficilis ischuria sequitur, quae cathetere in vesicam immisso levare debet. Ut hoc vitetur, sollicite semper monui, ut puerperae; postquam per aliquot horas quieverint, tentent urinam excernere, quamvis nullum ad mingendum sentiant stimulum. Inter parturiendum enim quandoque siciunt, & multum potant, post partum jacula dari solent; unde urinae copia in vesica colligitur.

Adeo religiose quietem in puerperio servandam voluerunt multi, ut piaculum crederent, si lintea mutarentur citius, quam circa decimum a partu diem (h). Certum est, frigidum aërem, primis puerperii diebus imprudenter admissum, plurimum nocuisse, praecipue si inferiores corporis partes tangeret. Verum etiam considerandum est, lochiis conspurcata esse linteamina, quae a calore corporis cito corrumpuntur, & pessime foetent. Memini, me aliquando vistrasse tales puerperas, quae jam per aliquot dies in his sordibus

(c) Differt. Epistol. pag. 532.
Partiq. des Accouchem. liv. 2. chap. 16. pag. 526.

(f) L'art des accouch. pag. 239.

(g) La
(h) Levret l'art. des accouch. pag. 239.

dibus morabatur. Dum manum de stragulis educam mihi porrigebant, pulsus explorandi causa, tantus foetor nares ferit, ut vix non animo linqueret, quamvis non adeo delicatum me credam, ut a male olentibus afficiar facile. Sponte patet, pessima mala metuenda esse, si in putrida tali atmosphæra cogantur per plures dies decumbere puerperæ. Observata fidelia confirmaverunt, putrida hæc miasmata nocuisse puerperis, dum in nosocomiis decumbabant: magnus enim illarum numerus peribat; & suspicari ceperant Nosocomii Praefecti, ignorantiam, aut negligentiam obstetricantium in causa esse. Plura secabantur cadavera defunctorum, & corporis interiora abscessibus plena fuerunt inventa. Sapiens Medicus, omnia attente examinans, hanc causam invenit, quod sub conclavi puerperarum decumberent vulnerati. Confirmabatur ejus sententia inde imprimis, quod aëre vulneratorum decumbentium numero, crederet puerperarum strages, minuto, pariter decreveret. Aër humidus, tam calidus, quam frigidus, nocebat; ficcus autem proderat: notum enim est, humidum aërem putredini favere, praecipue si simul calidus fuerit. Dum autem puerperæ locabatur in conclavi inferiori, non observabatur amplius hæc strages: aër enim, putridis exhalationibus imbutus, levior est, unde superiora petit (i).

Hinc videtur conducere, ut lintea citius mutantur, sed omni cum cautela, ne aër frigidior corpus allabatur, vel lintea humida, & frigidiuscula adhibeantur. Commode satis hoc fieri poterit, si breviori intervallo utantur puerperæ, quod tantum ad umbilicum pertingit: dum reliquum corpus tegitur linteo, quod procinctorii instar circumapplicatur, & cito, & facile absque mutatione corporis mutari potest. Omnia autem hæc linteamina, siccissima, calida, vel & fumo *olivani*, *massicæ*, &c., imbuta adhibentur. Ditionibus solent construi bini lectuli, sibi invicem exacte contigui, qui, si opus fuerit, levi negotio, & absque ullo strepitu possunt removeri, dum lectulorum pedes rotulis, in omnem directionem volubilibus, instructi sunt. Dum contigui sunt hi lectuli, facili negotio puerpera ex uno in alterum devolvitur; sicque omnia depurari poterunt. Vix credibile est, quantum levamen inde percipiant puerperæ, si non cogantur diu immorari his sordibus.

Si tunc in perfecta quiete manserint, garrulae nimis arceantur custodes, ut muta sint ministeria, subobscuri in loco, dubia in luce decumbant, ut vitentur omnia, quae sensus valide afficere possint, puerperum feliciter absolvetur.

Victus debet esse mollis, liquidus, ex avena, hordeo, oryza, & similibus, jusculis carnum non nimis meracis, saepius de die, non nimia copia simul exhibitis. A carnibus abstineant, donec febris lactaria cesserit; deinde sensim carnes albae conceduntur, minori copia primo, dein prudeat aucta, prout fames, & digestio bona crescunt. Interim semper cogitandum est, puerperas esse nutriendas: seliguntur quidem cibi leves, & facili digestionis; sed talis horum copia concedi debet, quae alendo corpori sufficit. Quandoque

(i) *Peu la pratique des accouchemens*, liv. 2. chap. 1. §. 3. pag. 208.

que morosae puerperarum custodes, aliquando & Medici nimis severi, famem pati cogunt puerperas primis diebus, quod noxium est. De hac re videri possunt illa, quae antea ad §. 600. & 601. dicta fuerunt.

Potus pariter blandus, tenuis, copiosior laudatur; ut omnes humores diluti, & facile meabiles maneant. A vino primis diebus abstinetur, nisi languor aliquam ejus copiam poscat: affuetis aqua placet, & prodest, uti & blandae emulsiones, infusa ex emollientibus herbis parata. Cerevisiam recentem, bene defaecatam, mollem nunquam nocuisse vidi puerperis, quae hoc potu uti consueverant. Qualiscumque potus concedatur, semper dari debet subtepidus, frigidus nunquam: solent enim sequi tormina molesta, horrores, lochiorum supressio.

Cum autem, uti antea dictum fuit, serum lacteum ad uterum derivatur, & postea ad mammas, ac pleraque, quae pro potu, & cibo conceduntur puerperis, imprimis recens enixis, sponte acefcant, hinc antacida lenia, absorbentia nempe, exhibentur, ex *lapidibus cancrorum, coralliis, cornu cerviusto, &c.* de quibus videantur illa, quae ad §. 66. dicta fuerunt, ubi de corrigenda acrimonia acida agebatur.

Antea dictum fuit, ultimo nimirum graviditatis tempore a tumente utero quandoque sic premi intestina crassa, ut colligantur in illorum cavo durae faeces, quarum saepe tanta moles est, ut post partum ad intestinum rectum delatae, difficillime excludi possint. Dum partus instat, prudentes obstetrices clysmia injicere solent, ne faeces in intestino recto haerentes obstaculum faciant. Multis mulieribus inter partus nixus alvus evacuatur. Si hoc factum fuerit, per biduum, vel triduum absque noxa expectari poterit. Si autem alvus stricta maneant, tuto ducetur, injecto clysmate, sed leni tantum. Jusculum, aut decoctum emolliens, cum uncia una, alterave olei *amygdalarum*, & eadem quantitate *syrupi althaeae* sufficiet ad hunc usum: scopos enim est tantum, vias lubricare, & faeces emollire, ut scicilius exire possint; nec vidi unquam, hoc nocuisse. Sunt tamen quidam in hac opinione, alvum strictam conducere puerperis, & per octo, imo plures dies illam ducere non audent vel mollissimo clysmate, expectantes, donec sponte, non sine magnis saepe angustiis, & nixu validissimo, durae exprimantur faeces. Metuunt enim diarrhoeam, quam semper ominosam, & vix non certo lethalem puerperis credunt. Monuerat Hippocrates sequentia (k): *Si vero uteri ex partu laboraverint, febris levis detinet, interiore autem parte venter accensus est, interdumque ad coxam usque intumescit, dolor etiam inum ventrem, & laterum mollitudinem occupat, & defecationes biliosae sunt, & graecolentes, ac nisi alvus sistatur, derepente perit.* Varia dein commendat ad alvum sistendam remedia. Verum antea ad §. 586. p., ubi de febrium causis agebatur, monitum fuit ex Hippocrate, febris, aut diarrhoeae periculum esse, si alvus nimis diu moretur. Et ad §. 772. in *Phlegitidis* historia pariter dictum fuit,

OK

(A) De Mulier, Morb. Lib. I. Cap. 35. Charner. Tom. VII. pag. 719.

ex Hippocrate, & Galeno, alvum interceptam non quidem proprium esse affecti cerebri signum, sed capitis mala ab alvi interceptione semper augeri, & deteriora reddi. Notum autem est, in puerperio capitis dolores toties molestos esse, quandoque & succedere deliria: unde patet, diu strictam alvum puerperis non prodesse. Hippocrates (1) ipse in periculosa lochiorum suppressione iussit, alvum emolliiri: melius autem est clyisma injicere. Ita & Mauriceau (m) in periculosissimo puerperarum morbo, inflammatione uteri nempe, commendat alvum liberam esse servandam per clysmata mollia, quae nihil acris stimulantis habent. Unde patet, tutum, & utile esse, si puerperia tempore alvus eluatur clysmate.

Neque adeo metuendum semper est a laxiori etiam sponte alvo, vel & levi diarrhoea in puerperis, si nullis aliis gravioribus symptomatibus stipata fuerit. Celeberrimo de Haen (n) in Batavis puerperis observare aliquoties consigit diarrhoeam pro lochiis: perniciofa haec in genere credita, tamen plures in vita servat, si vires bene conserventur. Ego & in Batavis, & in Viennensibus puerperis aliquoties observavi, etiam quando lochia fluebant moderata copia. Antea notatum fuit, ab utero gravido tumente multa viscera comprimi, & sic impediri in suis functionibus posse; nec adeo infrequens est gravidis mulieribus icterus. Non mirum ergo est, si libera jam ab uteri pressione viscera expellant per alvum illud omne, quod graviditatis tempore retentum, & accumulatum fuerat. Hinc videntur celebres Practici, simul ac a partus laboribus nati tumultus compositi sunt, jam de liberandis visceribus abdominalibus cogitasse. Concinnabat Hoffmannus (o) ex amaris extractis, gummatibus resinosis, & aloë probe correctâ pilulas, quarum grana quindecim dabat mane, & vespere, secundo jam post partum die; & pro re nata per plures dies pergebat in illarum usu. Nam roborando tam intestinorum, quam ipsius uteri, per extensionem nimiam robore exuti, tonum, blande simul stimulando, imum ventrem, ac intestina a sordibus, ipsum quoque uterum a stagnante corrupto sanguine repurgat. Ob similem rationem Leuret (p) laudavit diuturnum usum Arcani duplicati; sed parca dosi adhibiri; tantum incipit illud dare post febrim lactariam jam finitam. Maluit enim, & prudenter quidem, statim, vel brevi post partum, nihil moliri, nisi magna posceret necessitas. Diluentibus mollibus solvetur sensim, si quid visceribus impactum haeserit, & vel sponte sua, vel leni stimulo postea, dum omnia jam in vado sunt, de corpore exibunt.

Cum autem, suppressis lochiis, utero inflammato, omnibus in perniciem tendentibus, alvo exeunt tenuia, olida excrementa, cum virium insigni prostratione, mors prae foribus est; hinc ad minimum diarrhoeae initium adeo perturbantur puerperae, & adstantes, talemque alvi fluxum statim co-

hi-

(1) De Mulier. Morb. Lib. I. Cap. 42. Charter. Tom. VII. pag. 754. (m) Traité des maladies des femm. gross. Liv. 3. chap. 11. pag. 421. (n) De Haemorrhoid. Theſes Cap. V. pag. 76. (o) Medic. Ration. systemat. Tom. IV. sect. 2. Cap. X. pag. 498. (p) L'art des Accouchem. pag. 138.

hibendum volunt, & nisi obtemperet Medicus, actum est de ejus fama, si puerpera moriatur. Generale axioma Practicum dedit Hippocrates (q), cujus ad §. 11. memini: *Si qualia purgari debeat, purgentur, tum conferti, tum facile ferunt, si e contra, difficulter.* Nec fallit haec regula. Optimo jure hinc diarrhoeam puerperarum in criticam, & symptomaticam distinguit Levret (r). Critica solet post tertium vel quartum puerperii diem, incipere; alvo excernuntur pultacea flava, vel alba, aut binis his coloribus variegata, cum levamine, & sine lochiorum, vel urinae suppressione, sed imminutione tantum: appetitus, & somnus manent, pulsus pacatus est, abdomen molle. In symptomatica Diarrhoea e contra observatur, quod citius incipiat, limosa, & nigricantia statim per alvum exeant, quae demum mutantur in grisea, & serosa, quandoque mucosa, & sanguinolenta; lochia supprimuntur, abdomen intumescit, vires minuuntur, appetitus deletur, somnus deficit; urina minuitur copia, & lateritium sedimentum deponit, sitis adest, sentit ardorem internum, dum externa corporis superficies friget.

Criticam talem diarrhoeam inhibere vetant artis regulae; symptomaticam coercere parum videtur tutum, cum sic retinerentur in corpore putrida. Antisepticus efficacibus putredinem inceptam corrigere, & simul labentes vires firmare, indicatio Medica poscit. Si quid autem putridi mistum humoribus fluat per vasa, & debilitans alvi fluxus addit, poterit illud tutius per urinam, & sudores exire de corpore. Hippocrates (s), postquam in suppressione lochiorum alvum emolliendam, praecipue per clyisma, suaserat, uti dictum fuit, addit: *Quod si facile vomuerit, etiam vomitus ciendus. Sattius autem urinam ciere, & sudorem provocare.* Lenia diluentia, quae copiose dari solent puerperis, & urinae vehiculum, & sudoribus praebent: non autem laudantur sudores, qui cubiculi intenso calore, stragulorum pondere, vel calidis sudoriferis datis, exprimuntur; illi enim nocerent: tunc copiose profunt, quando blando lecti tepore, & dilutis humoribus promoventur. Sic enim totius corporis lassitudo, a partus laboribus toleratis, tollitur, & febris lactaria solvi simili modo solet. Videantur illa, quae §. 715. & sequentibus de *Sudore Febrili* dicta fuerunt.

Hinc patet ratio, quare praecipui auctores, qui de arte obstetricia, & morbis puerperii scripserunt, blandos illos in puerperio sudores adeo laudent; cum tantam ex his utilitatem observaverint, & e contra tot noxas, si imprudenter suppressi fuerint. Alvi fluxus enim cum saevis torminibus, dolores artus molestissimi, lochiorum suppressio, febres validae sequi solent; quae omnia mala feliciter superantur, si tepore lecti, jusculis diluentibus datis, redeant sudores (t). Imo Sydenhamus (u), qui, uti notum est, non adeo

(q) Aphor. 25. Sect. I.

(r) L'Art des Accouchem. pag. 162. & seq.

(s) De Mulier. Morb. Lib. I. Cap. 42. Charter. Tom. VII. pag. 754.

(t) Levret l'art des Accouchem. pag. 137. La Moine traité des Accouchem. Liv. I. chapit. 37. pag. 144. 149. Brudenell Extent of Midwifery. 8^{vo}. VI. 411. 421.

(u) Dissertat. Epistol. pag. 532.

adeo favebat calori lecti, & sudoribus, tamen solito suo candore, dum de puerperis loquitur, dicit: *Præterquam enim, quod illa, qua in lecto fruuntur, quies a malis jam tolles commemoratis eas immunes præstet, non interruptus lecti calor spiritus pariter reficit tum a pariendi doloribus, tum ab evacuationibus in hoc casu solennibus exhaustos frastisque: quinimo & Naturæ suppeditat fers, atque omnes, quas gestationis tempore mulier congefferat, cruditates digerit, & amolitur.*

Si ex signis, antea recensitis, confet, uterum inflammari, omnia illa, quae in historia inflammationis, & morborum inflammatoriorum, dicta fuerunt, locum habent. De venae sectione autem, in puerperis administrandae, adhuc quaedam dicentur paragrapho sequenti.

Ut autem suppressa lochia denuo redeant, laudantur *Aperientia Specifica lenissima, ex moderate cardiacis, & uterinis.* Illa, quae evacuationem lochiorum promovent, remedia, solent vocari *Aristlochica*, & horum enumeratio habetur (v). Distribuantur autem in duas classes, nempe in derivantia, & aperientia sic dicta; de quibus ultimis nunc agendum, & quae interno pariter, ac externo usu adhiberi solent. Si percurratur horum remedium Catalogus, omnia invenientur calida esse, & stimulantia, ita tamen, ut quaedam plus, alia minus actiosa sint. Sic v. g. *Artemisia, Cardiacæ, Chamaedrys* leniores sunt, quam *Sabina, Satureja*, &c. idem verum est de oleis stillatitiis: ita *oleum Cinnamomi, Caryophyllorum*, acerrima sunt; *oleum Macis, Melissæ*, quamvis fragrantissima, tamen longe mitiora sunt. Conducunt haec cardiacæ, si debilitas adfit, & languor. Idem & de uterinis dictis remediis verum est, quae aucto humorum motu vasa uteri urgent, & aperiunt oclusa: hinc eadem remedia & *Emmenagoga*, & *Aristlochica* dicuntur; de quibus videantur illa, quae ad §. 1291. dicta sunt.

Verum, cum in puerperis metuenda semper sit uteri inflammatio, si in tempestive suppressa lochia fuerint, prudentia suadet, ut lenissima tantum specifica, uterina & cardiacæ, remedia adhibeantur: hoc autem fit, seligendo mitiora ex his; vel si validiora adhibeantur, parca copia horum aquae copiosae infusa detur, dum simul fomentis, vaporibus, &c., sic disponuntur vasa uteri, ut facilius cedant aucto parumper impetui humorum; omnium maxima cautela requiritur in illis, quae facile mobiles, & hystericiis passionibus obnoxiae sunt. Prudentissime, ut solet, Medicos hinc monuit *Sydenhamus* (x), ut non pergant diu in usu remedium, quae uterina dicuntur; Sed, exhibitis aliquandiu remediis, quae in hoc casu cum successu usurpari solent, si votis ea non respondeant, ab iis temperandum est; cum neque fortiora his locum habent, neque in mitiorum usu perseverare debeamus propter astringit & fere prostratas puerperarum vires. Semel tantum, ut spirituum conturbationem compesceret, Laudanum, vel solum vel uterinis remediis mistum, propinabat: Sedulo enim animadvertendum est, quod si, solo hoc semel misso, scopum non at-

(v) Institut. Boerhaav. §. 1226. pag. 539.

(x) In Dissertat. Epitolarum pag. 533. & seq.

atingamus, nec sequantur lochia, opium nullo modo est repetendum, ut in aliis casibus fieri solet, & debet. Idem de Enematum usu pronunciavit, nec repeti haec voluit, si post unius injectionem lochia non sequerentur. Tunc autem rem omnem tempori, Medicorum facile Principi, ac Coryphaeo, committendam censuit. Imprimis ideo, cum singulo quoque die curationis negotium magis magisque extra aleam ponatur, & si aegra vigesimum diem superaverit, jam fere in vado sit. Constante hac methodum secutus fui, nec poenituit unquam. In puerpera, cui lochia parvissime fluxerant, manebat dolor molestus in hypogastrio, qui non cedebat lenioris remediis ad provocanda lochia adhibitis. Fomenta mollissima applicui interdum, de nocte. Emplastra similia, cum jam surrexerat ex puerperio; post sextam a partu septimanam copia sanguinis de utero fluxit, cum levamine doloris, & postea sana, ac foecunda vixit.

Altera classis remedium Aristolochicorum (y) continet illa, quae ad uterum determinant, hoc effectu, ut humores majori copia, & impetu versus inferiores aortae ramos deriventur. Hoc autem obtinetur vel minuendo resistentiam vasorum inferiorum per balnea, fomenta, cucurbitas, emplastra aromatica; vel augendo circulationem humorum in partibus inferioribus per frictions; quo & spectat missio sanguinis ex venis pedum. Sed considerandum est, nisi uteri vasa contracta referari possint, hoc motu aucto, omnia mala augeri; unde iterum patet, & in horum usu prudentia opus esse. Videantur de his illa, quae in *Capitulo de obstructione* ad §. 134. 135. habetur.

Hinc videtur Manningham (x) monuisse; Si suppressi lochiis inflammetur uterus, e brachio potius, quam e pede, mittatur sanguis. Accelerato enim sanguinis motu per vasa inferiora, magis urgebitur uterus inflammatus. Hoffmannus (a) statuit quidem, si lochia subsistunt, praestare semper, ut in inferioribus sanguis post pediluvium detrahatur; fatetur tamen, sibi aliquot innotuisse exempla, ubi, lochiis subsistentibus, purpurata febris oborta fuerat cum gravissimis symptomatibus, profuisse insigniter sanguinis ex brachio educationem. Simul & casum recenset (b) puerperae, cui ob aërem frigidorem admissum, subitumque ab incendio terrorem, lochia suppressa fuerant. Mox secuta fuit pleuritis, & secunda in talo vena, non redierunt lochia, uti neque post secundam sanguinis missionem in brachio institutam. Verum, sudore per universum corpus per viginti horas profuse manante, & alio clystere molliente subducta, demum rursus prodierunt uteri purgamenta, & aegra ex ancipiti est levata. Simul hinc patet, venae sectionem repetitam quidem impedivisse, ne acuta pleuritis suffocaretur, sed per sudorem criticum superatum fuisse ancipitem morbum.

Quamvis autem per venae sectionem in pede institutam minuatur resistentia sanguini per inferiores arterias fluenti, adeoque in illis augeatur celeritas,

ta.

(y) Instit. Boerh. §. 1226. N. I. pag. 537.

(z) Ari. obstetric. compend. pag. 87.

(a) Medicin. Systemat. ration. Tom. IV. sect. 2. Cap. X. pag. 517.

(b) ibidem pag. 516.

tamen ob eandem rationem avertitur impetus, & copia ab ipso utero, saltem pro parte. Dum enim acceleratur motus per arteriam Iliacam externam, minuitur impetus per Iliacam internam ejusdem lateris, quae praecipuos utero ramos largitur. Praecipua autem curationis spes videtur pendere à laxatione vasorum uteri constrictorum. In casu enim modo recensito a frigore aëris, & terrore stricta erant vasa cutanea, atque uterina, & dum sudor profusus per laxata jam, ac aperta vasa cutanea fluebat, brevi post vasa quaque uterina repleta debitum lochiorum fluxum restituerunt.

Unde patet, quare *Aperientia localia* commendentur, sed praecipue mollia quaevis, de quibus dictum fuit ad §. 1291. Ab irritantibus enim cavendum est. Ob hanc causam *Pessaria*, & *Suppositoria* vix unquam adhibentur: priora vaginae, posteriora ano immituntur. Cum autem suppositoria ideo ano indantur, ut mole, vel stimulo, vel utrisque simul, nixum deponendi alvum excitent, praefertuntur in puerperis clysmata mollia, quae alvum ducunt, simulque duras faeces emolliunt, intestina lubricant, simulque, dum intestino recto haerent, vicinum uterum solvent.

Quamvis autem *Pessaria*, & *Suppositoria*, diversis parari possint modis, communiter nihilominus solebant parari ex melle. Sic illa *Hippocrates* (c) describit. *Pessos autem subditivos, si valentes desideras, sic conficito. In mel semicottum ex medicamentis appositivis praescriptis immitte, quae educere possunt, & quum immiseris, balanos ad eorum instar, qui in sedem immituntur, efformato, illosque longos, & tenues facito. Deinde mulieri supinae, in lectulum altius a pedibus instratum reclinatae, balanum apponito, & panniculo illigatum, aut alia re consimili, calefacito, dum colliquescat. Quod si debiliorem balanum supponere velis, in linteolum obligato. Videtur Pessorum usus Veteribus Medicis satis frequens fuisse, cum in Libro de Natura Muliebri, & in Libris de Mulierum Morbis plures Pessorum species describantur, quorum quidam acria satis remedia continent. Morbis vaginae curandis a Chirurgis cum fructu adhibentur; sed admodum dubium videtur, an in lochiorum suppressione tuto adhiberi possent. Os enim uteri, & ipsa vagina partus tempore multum passa fuerunt; hinc facile irritari possunt, quod videtur omnino evitandum esse. Bona fide fateor, quod ad hunc scopum, lochia nempe provocandi, pessariis nunquam usus fuerim.*

§. 1332. **V**Enae sectio haud facile, nec nisi urgente summa necessitate, adhiberi potest.

Quid lochia sint, cui usui serviant, quomodo mutantur colore, minuantur quantitate, in praecedentibus dictum fuit. Quae omnia si rite perpendantur, patebit, Venae sectionem raro requiri in puerperis, & debilitando nocere saepius; adeoque non adhibendam esse, nisi ubi necessitas postulat.

Multi videntur esse in illa opinione, sanguinem, qui post partum effunditur,

(c) Libr. de locis in homine, Cap. ultimo, Charter. Tom. VII. pag. 377.

tur, malae esse indolis, & fere gaudent, si debiles, pallidae, exhaustae a puerperio surgant mulieres; unde si suspicentur, non fluxisse satis magnam copiam sanguinis, Venae sectione demunt, quod superfluum gravare corpus autumant. Pater ex ante dictis, lochiorum copiam variam admodum esse in diversis mulieribus, quae tamen feliciter puerperio desunguntur: notum est, puerperis, quae natis ubera praebent, lochia minori copia fluere, & citius desinere. Pariter constat, tertio, quartove puerperii die purulenti quid exire; nullo quandoque, vel paucio sanguine tinctum, in fanissimis etiam puerperis; sequitur tunc febris lactaria, quae, lacte ad mammam delato, per blandum sudorem solvi solet. Hoc tempore lochia suppressa credunt, & toties Vena secatur, dum pro morbofo habent illud, quod secundum naturam est, uti antea fusius dictum fuit. Leves hoc tempore quandoque circa uterum dolores percipiuntur, mollibus fomentis satis cito curabiles, qui pro inflammatione uteri habentur, & sanguinis missionem curam, ac repetitam poscere creduntur. Quenam signa inflammationem uteri adesse demonstrent, ad §. 1329. dictum fuit; in quo casu venae sectionem conducere, nemo dubitat. Sic Aëtius (d) prudenter monet sequentia: *At ubi vehementior inflammatio infestaverit, si neque acies, neque habitus, neque anni tempus, obstituerit neque inflammatio post abortum, aut immensam sanguinis evacuationem supervenerit, cubiti vena secanda est, ac sanguis pro virum ratione educendus, licetbitque in secunda quidem venam incidere, in tertia vero sanguinis missionem repetere.*

Nonnisi cum cautela ergo Aëtius suasit venae sectionem, & tantum, dum uteri vehementior inflammatio aderat. Non convenit ergo ob leviores etiam puerperarum querelas pro sanguinem temere mittere: cavendum est, ne naturalis lochiorum imminutio pro morbofa suppressione habeatur.

Tristem imprudenter repetitae sanguinis missionis in Illustri puerpera sana, & vegeta effectum memoriae reliquit *Celeberrimus Hoffmannus (e)*, testis oculatus. A rudiori obstetricis manu jam altero post partum die tumor dolens occupabat vaginam, & collum internum uteri: exacerbatis symptomatibus, lochiis non rite fluentibus, accessit febris; Archiater vocatus venam in brachio secavit, & intra septem dies sexies, modo in brachio, modo in pede sanguinis missionem repetiit. Sub ultima autem Venae sectione oculi ceperunt obfuscati, ita ut candelam peteret, quamvis dies esset quam lucidissima; & brevi post lethalis sequebatur lipothymia. Cadavere aperto, sequenti die, in toto vaforum systemate vix aliquot restabant sanguinis cochlearia. Unde concludit Hoffmannus, *Medicos plures in eo delinquere, quod in inflammatoriis puerperarum affectibus sanguinis missionem repudiens omnem: hic in excessu pessatum fuit graviter: sed medium tenere beati.*

Profusae adeo sanguinis iacturae mortem successisse, non adeo mirum videtur; sed vel unicam venae sectionem, in puerpera temere institutam, lethalem fuisse, *Sydenhamus (f)* testatur. Matrona honesta, ac proba statim a partu corri-

(d) Lib. XVI. Cap. 85. pag. 162.
Sect. 2. Cap. X. pag. 520.
Tom. IV. pars II.

(e) Medic. Ration. Systemat. Tom. IV.
(f) Dissertat. Epistol. pag. 535.
q

corripiebatur paroxysmis hysteriis, & lochia penitus deficiebant. Tentavit methodum suam; sed caruit successu: hinc totam rem tempori committere voluit; quotidie illam invivens, non vidit augeri mala. Ad decimum quartum diem usque sic expectando traxit morbum. Persuaserunt tunc marito adstantes mulierculae, venam uxori in pede sine mora secandam esse; quo facto, *Paroxysmi hysterici adeo invalescebant, ut intra paucas horas spasmi accederent, & non ita diu postea, acuminarum requies, Mori.* Plures puerperas perivisse, vidit *Leuret (g)*, quibus multum sanguinis educum fuerat, imo ne unicam quidem evasisse, dum hoc tentabatur ad avertendam, vel curandam uteri suppurationem, vel metastasin lacteam; de qua ad §. 1329. dictum fuit.

Patet ergo, non facile in puerperis venam secandam esse, nisi urgens necessitas indicet hanc evacuationem. In casu illo (*b*), cujus jam mentionem feci, ubi ob fortissimam abdominis constrictionem, suppressis lochiis, intolerabilis capitis dolor sequebatur, cum aliis malis symptomatibus, ter vena secta fuit absque ullo levamine: postquam autem fascia soluta fuit, mox redierunt lochia, & omnia mala symptomata evanuerunt.

Notandum est, hic tantum agi de morbis puerperii, qui a partu, & ejus sequelis, ut causa, pendunt. Potest enim puerpera alio tentari morbo, dum in puerperio decumbit, qui propriam curam requirit. Notavit *Sydenhamus (i)*, nonnunquam febrim, quae lochiorum suppressionem sequitur, transire in classem Epidemicarum, quae illo tempore grassantur; tuncque harum februm curam requirere, habita tamen semper puerperii ratione. Antea ad §. 890. N. 1. notavi, quod in puerperis, Pleuritide correptis, licet lochia fluere, venae sectionem instituerim. Non enim lochia semper sistuntur, dum inflammatorius talis morbus puerperio supervenit. Sic vidit acutam pleuritidem, post partum valde laboriosum, in puerpera quarto post partum die, *La Motte (K)*, profusis sudoribus minime levatam, ut sperabatur. Tamen vehemens talis morbus ne quidem imminuerat lochiorum fluxum, & serius cum vocatus fuisset, quater venam secare debuit, ut morbi impetum refraenaret; sequente tamen vomica purulenta, a qua evasit, tota exhausta, & macie confecta. Lactis usu sensim refecta fuit, & omnino convaluit. Dum octavo a partu die acerbissimus lateris dolor corripuisset puerperam, *Tulpius*, cum identidem novis insultibus urgeret dolor, ter pedis, & quinquies brachii venas solvere debuit (*l*). Tantam sanguinis jacturam non solum toleravit, sed & ingens alvi profluvium sustinere debuit, antequam integre debellaretur morbus.

(g) L'art des accouchem. pag. 167.

(h) Peu la pratique des accouchem. pag. 326.

(i) Dissertat. Epistol. pag. 532.

(K) Traité complet de Chirurg. Tom. I. observat. 45. pag. 245.

(l) Observat. Medic. Lib. 2. Cap. 2. pag. 105.

§. 1333. **N**Equè curanda symptomata proinde, ac si essent morbi acuti sui generis (1329.).

Hoc satis inculcari nequit, cum tot errores in praxi hic contingere soleant. Antea jam sæpius dictum fuit, uterum habere mirum imperium in reliquis corporis partes. Sic v. g. vehementes quandoque capitis dolores oriuntur, qui minus cautos faciunt, ac si inflammarentur meninges cerebri. In illo casu ante memorato, ubi, a nimis adstricto abdomine, dolor capitis immanis aderat, oculi scintillabant, &c., quis non cogitasset, ignorata causa, validam instare Phrenitidem? Vena sæpius secatur sine fructu: dum fascia solvitur, omnia cessant mala. Imprimis autem de hac re cogitandum est in teneris, & hystericiis malis obnoxiiis: vidi sic dolores abdominis satis molestos in tali puerpera, dum grumus sanguinis exiturus retinebatur in uteri orificio parumper. Paulo post, evanido ventris dolore, querebatur, se similes dolores, ac in abdomine perceperat, in capite sentire; post horae quadrantem urinam dimittebat tenuem aquosam, & mingendi hoc conatu expellebatur grumus: statim capitis dolores cessant, & pacatus somnus aliquot horarum sequitur; evigilans, se sanam jam esse sollicitae matri læta nunciat. Numerosos similes casus vidi, qui me docuerunt, varia symptomata, quæ puerperium comitantur, & sæpe morbos acutos referunt, non indigere cura inflammationis.

§. 1334. **L**Acte ad mammas delato, sæpe fit ejus stagnatio, coagulatio, dolor inflammatorius, suppuratio, Schirrus, Cancer.

Lac, recens nati infantis pabulo dictum, graviditatis tempore jam adesse solet in mammis sæpius, & quandoque magna satis copia exstillat, uti antea dictum fuit. Sic apta redditur jam in gravidis lactis officina, ut post partum nutrirî infans possit. Quamvis autem viderim, statim post partum ubera duxisse infantes, tamen plerumque mammae a partu flaccescere potius solent, neque tendunt fere, nisi secundo, tertio, quartove die, quandoque etiam ferius. Sentiant puerperæ leves horripilationes, sub cute quasi repentes, inquietiores fiunt, somnus turbatur, febricitant plerumque, incalescunt. Deinde tendi incipiunt mammae, turgent magis magisque, brachia cum quadam molestia moventur. Tunc dicitur, lac ad mammas deferri; quod si moderato cum impetu fiat, omnia illa incommoda cessant brevi, imprimis si infans matris ubera ducat, sicque nimia a collecto lacte mammarum distensio caveatur; lac illud primum, quod in mammis post partum colligitur, ferissimum tenue est, & recens natis utilissimum, dum tenue nutrimentum dat, ventriculorum, & intestina a sordibus depurat, alvumque simul leniter solvit.

Quandoque subito lac in mammas rapitur, & intra paucas horas illas maxime distendit. Dictum fuit sæpius de commercio, quod uterum inter, & mammas observatur: mammarum internam, & epigastricam inter se per ana-

stomofin communicare, scripserunt Anatomici, & in recentioribus enixae puerperae cadavere haec vasa calamus scriptorium aequare visum fuit (m). Quandoque humores subito sursum rapi, & non tantum mammas distendere, sed & vasa encephali, videtur Hippocrates indicare (n), dum scribit: *Quibus mulieribus sanguis in mammis colligitur, maniam significat*. Quibusdam mulieribus per ductuum lacteorum extrema lac ex papillis facile exit, & sponte quidem, ita ut viderim aliquoties lintea, quae mammis applicata fuerant, saepius mutari debuisse, cum tota maderent a lacte serolo: in talibus raro stagnatio, & coagulatio obtrinet. Plerumque autem suctione opus est, ut lac exeat; cum papillae, plicatilibus membranarum constantes, his collapsis, complice tubulos lacteos, & facilem lactis exitum impediunt (o). Unde per suctionem minuta atmosphaerae pressione, papillae simul elongatione in rectum dispositis tubulis lacteis, exit lac, mammarum distensio minuitur. Requirebatur autem, ut lac non semper deplueret, sed collectum in mammis manere posset, donec infans ubera posceret. Ductus igitur lactei, quorum congeries substantiam glandulosam mammae constituit, in initio suo angusti sunt, in medio decursu suo ampliores, dein iterum prope papillam angustantur, & circa basim ejus circulem quasi communicationis alveum constituunt, ex quo tubuli lactei emergunt, qui per papillam distribuuntur, & circa papillae orificium minutis oculis hiant (p). Unde manifeste apparet, totius hujus apparatus effectum esse, ut lac colligi, & moram trahere possit in mammis. Toti huic substantiae glandulosae mammarum se interfert membrana adiposa, cujus cellulae numerosissima vasa sanguinea, & lymphatica sustinent, & ductus lacteos, glandularumque racemos. Totus ille apparatus continetur membrana, quae cellulosa continuatio videtur: ejus pars, quae fundum, sive basim mammae constituit, crassior est, & supposito musculo pectorali adhaeret; reliqua ejus pars tenuior est, & cuti firmiter accrescit (q).

Unde appareet, mammarum fabricam, & situm efficere, ut multum distendi possint, quod requirebatur ad lactis collectionem: sed simul ac distendens vis minuitur vel parum, propria elasticitate satis fortiter contrahuntur, & per patulos in papilla tubulos lac ad aliquot pedum distantiam ejiciunt. Hinc, dum plena ubera ducunt infantes, nutrices sentiunt motum quemdam in tota mamma, solentque dicere, quod *mammatae concidunt*, tuncque magno cum impetu lac exsilit, & quidem tanta copia, ut infans deglutire non possit; unde papillam deferit; vel & providae nutrices, simul ac incipientem illum motum in mamma percipiunt, statim papillam ex ore infantis remouent, illamque reddunt, simul ac primus ille impetus exsiliens lactis cessaverit. Hoc fieri solet, dum firmas, & solidas mammae sunt, vix in pendulis, & flaccidis.

Lac autem, quamvis optimum, si stagnet, cremorem album, crassum, pinguem, ejicit sursum (r), infra manet lac; deploratum dictum, subaerulescens,

(m) Hemsterh. Meiss aureae pag. 138.

(n) Aphor. 42. Sect. V. Charit.

Tom. IX. pag. 219.

(o) VVinslovv Exposit. Anatom. traité de la poi-

trine N. 19. pag. 586.

(p) Ibid. & N. 13. pag. 585.

(q) Ibid. N. 11. 12.

(r) Herm. Boerh. Chem. Tom. II. pag. 297.

lescens, pellucidius, & tenuius. Si lacti miscetur *coagulum lactis* dictum, quod paratur de succo ventriculi ruminantium, abit in aequabilem coagulatam scissilem massam, quae brevi sponte secedit in serum, & in colostratum, sive caseosum. Si acidum admiscetur lacti, statim grumescit, & coagula format, altera lactis parte remanente fluida (s). Verum lac purum, sibi relictum, acescit, imprimis in aëre calido, & tunc simili modo grumosum fit, ac dum acida affunduntur lacti. Sed & lac ab alcali fixo sale addito flavescit magis magisque, prout plus de alcalino sale admiscetur, & tandem flavus ille color in profundum fere rubrum mutatur: ac simul lac coagulatur, licet non tam valide, ac quidem ab acido admisto fit (t). Sed *febricantis valide animati, lactanti prolem, lac corrumpitur in uberibus, fitque tunc ex candidissimo flavescens, ex dulci salsum, ex crassulo saniosum tenue, interim crassamento coagulato in mammis relicto, ex inodoro subfoetidulum, infanti horrendum, & fastidiosum. In coagulatione ergo lactis, non cum febris calida, & colore flavescente, non licet Medico cogitare de causa coagulante acida, sed de calore nimio, & forte alcaliscente potius coagulatione. Quin forte senties Medici observant, lac coagulari sic a febre, ubi ne semel id vident, factum ab acido.*

Quicumque ergo de causa stagnet lac in mammis, metuenda est ejus degeneratio, & coagulatio: solet tunc tenue serum ex papillis fluere, manente mamma aequae tensa, dolente, tumida, dum omne grumosum retinetur. Frequentior hujus mali causa observata fuit, si frigidus aër subito pertingat ad mammam (u); unde, solent puerperarum custodes linteis calidis fovere mammam, ut aëris frigus caveatur.

An forte mala conformatio pectoris, & difficilior reditus sanguinis venosi a mammis huc quid contribuit? In illis foeminis, quae non lactant infantes, omne lac, quo mammae implentur, debet denuo in sanguinem redire per venas: si autem ille reditus difficilior sit, stagnabit lac in mammis, & metuentum est lactis coagulum. An tale quid *Hippocrates* (v) indicavit? *Quibus virginibus orthopnea contingit, illis iterum gerentibus mammae suppurantur:*

Si ergo lac ad mammam delatum stagnaverit, fiet separatim partium, ex quibus lac constat. Cremor pinguis secedet, qui febrili calore rancescet; caseosa pars, licet primo acescat, in morbi progressu putrescere poterit; plus enim de animali natura jam habet. Nam si lactis coagulum intra densum linteum magna vi premitur, ut omne serum inde separetur, pinguis fit caseus, constans cremore lactis, & caseo proprie sic dicto: talis aetate acerrimus fit, non acidus, sed alcalino proprior. Si vero, cremore prius ablato, ex coagulato lacte caseus paratur, ille durefcit instar cornu, atque, igni admotus perfecte, ut cornu, lentescit, ustulatur, comburitur, foetet (x).

Unde patet, quare stagnante, coagulato, degenerante, in mammis lacte,

(s) Ibid. pag. 301.

(t) Ibid. pag. 302.

(u) *Levrai l'art des Accouchem.* pag. 155.

(v) *Coacc. Praenot.* N. 549. *Charter.* Tom. VIII. pag. 884.

(x) *Herm. Roerhaave Chem.* Tom. 2. pag. 301.

sequatur illarum inflammatio, & metuendae sint omnes ejus sequelae, si resolvi non possit.

§. 1335. **C**ognoscitur horrore, frigore, & calore reciprocis, febricula, signisque incipientis inflammationis.

Solet saepe inflammatio mammarum comitari febrim lactariam, quae cum horrore, & frigore reciprocis incipit, uti dictum fuit. Quandoque & serius oritur, dum a quacumque causa lac stagnans degenerare incipit in mammis. Prior frequentius contingit illis puerperis, quibus lac in mammis collectum retropelli debet: posterior saepius contingit in lactantibus. Cum autem eo major resolutionis spes sit, quo citius medela idonea applicatur, hinc ad haec signa incipientis inflammationis attendendum est. Tumor, dolor, calor, rubedo, una cum febre, praecipua sunt; de quibus videantur illa, quae dicta fuerunt ad §. 382., ubi de signis inflammationis agebatur.

§. 1336. **C**uratur 1. antacidis lenibus. 2. diluentibus lenissimis. 3. discutientibus externis cito applicatis.

1. Cum lac sponte sua aescere soleat, & dum aescit, grumescere incipiat, hinc antacida hic commendantur, de quibus videri potest *Materia Medica* ad hunc numerum, & illa, quae ad §. 66. de corrigenda acida acrimonia dicta fuerunt. Seliguntur autem lenissima, & imprimis illa, quae acidum absorbentia vocantur, quae nullam acrimoniam habent. Piscium ossa exsiccata, ut *Mandibulae Lucii piscis*, a quibusdam maxime laudantur. Salia alcalina fixa, quamvis vim antacidam certam possideant, attenuentque illa, quae per acidum coeiverunt (y), & ad coagulum lacteum resolvendum laudentur, tamen non nisi parca dosi, & aqua copiosa diluta, adhiberi solent; cum omnia blanda, & lenia puerperis conducant. Praeterea experimenta docuerunt (z), non esse verum, quod ubique asseritur, resolvi illud coagulum rursus in antiquum liquidum, & resolvere alcalia, quae ab acidis erant densata. Patuit enim ex illis, quae ad §. 1334. dicta fuerunt, lac ab alcalino sale admixto grumescere, quamvis non adeo fortiter coaguletur, quam ab acidis affusus. Praeterea constat, longe frequentius lac densari in mammis a febre, & calore, quam ab acido coagulante.

2. Haec enim omni scopo satisfaciunt; leniunt, emolliunt, concreta humectando disponunt ad resolutionem, & ad omnes inflammatorios morbos adhibentur. In *Materia Medica* plures tales formulae habentur. Huic etiam spectant victus humidus, & potus tenuis, aquosus, copiosus.

3. Cum manibus accessus detur facilis, hinc ab externa remedium applicatione magnam utilitatem merito speraverunt omnes. Dum enim cito, incipiente inflammatione, sedulo haec applicantur, magna spes est benignae

re-

(y) Herm. Boerhaave Chem. Tom. 2. pag. 58.

(z) Ibid. pag. 303.

resolutionis. Praestat autem semper mollissimis remediis uti, ut, si resolutio inflammationis non successerit, omnia ad blandam suppurationem disponantur. In ipso morbi initio *Poscam*, sive *Oxyratum* applicuit *Mosibion* (a): credebatur enim, vim constringentem aceto inesse; hodie solventem aceti vim omnes agnoscunt. Applicabat autem spongias molles oxycrato, aceto nempe aqua diluto, madidas, vel panem eidem intinctum cum palmulis tritis. Haec adhibeat, *lacte irridente cum sensone, gravitate, dolore sed & cum fervore*. Verum, si fervor mammarum augeretur, illa voluit applicanda, quae laxare possunt; fomenta nempe ex oleo, & aqua calidis. *Celeberrimi Benevoli* observationes, confirmatae a *Nannoni* (b), docent egregium usum aceti aqua diluti, non tantum in incipiente mammarum inflammatione, sed etiam, dum jam procefferit morbus est. Aliquot casus ibi recensentur, qui egregiam hujus remedii utilitatem docent. Prout autem inflammatio vehementior erat, eo magis diluebatur acetum, ne irritando noceret. Si autem resolutionis signa non apparebant, sed calor, dolor, tumor in mamma augerentur, & pulsus fieret celerior, removebat poscam, & sola aqua calida fovebat, uti & unguentis, ac emplastris, ut promoveret suppurationem, abjecta omni spe resolutionis.

Plurimi mollissimis usi sunt remediis tantum. Sic *Mauriceau* (c) adhibebat cataplasma molle ex mica panis in lacte cocta, addito deinde oleo amygdalino, & aliquot ovorum vitellis. Huic cataplasmati imponebat splenia oxycrato madida. Multum boni exspectabat a *Brassica capitata rubra*, aqua cocta in pulvem, quae dein in mortario trita per cribrum transprimebatur, ut acquabilissima esset; & tunc addebatur aliquid mellis, oleique *chamaemelini*, per infusionem parati. *Lewes* (d) mollibus, anodynis, leniter resolutivis, topicis, curam aggreditur; dein, ubi, tensa prius mamma laxari incipit, tunc solis resolutivis utendum, jubet; cataplasmate ex pane, & vino simul coctis, aqua marina vino rubro animata, urina sana, sale alcalino, sed ammoniacoy in aqua solutis, usus fuit.

Sapone veneto in lacte, & aqua soluto curavi, ut foveretur mamma, tumens collecto lacte; bis, vel ter de die exposui vapori aquae tepidae; dein, si remitteret parum dolor, mollem cum his frictionem adhibui; & vix aliis opus habui, si adhuc resolutio sperari poterat.

In *Materia Medica* ad hunc numerum habetur Cataplasma, quod partim ex emollientibus, partim ex discutientibus aromaticis constat, addito pariter sapone veneto. Cum autem haec omnia in lacte coquantur, multum perit de aromatatum stimulo volatili, & prodest imprimis, ubi infarctio mammarum a lacte adest, una cum inflammatione non adeo valida. Ubi autem magnus calor, rubor, dolor adest, tunc mollissima remedia praeferruntur reliquis. ●

(a) Spach. gynaec. pag. 6. N. 58. & 60.
Mammelle pag. 26. & seq.
Liv. III. Chap. XVI. pag. 435.

(b) Trattato delle Malattie delle
(c) Traité des Malad. des femm. gross. &c.
(d) L'art des Accouchem. pag. 156.

§. 1337. **S**i jam in apostema tendit, quanto citius maturandum, aperiendum, depurandum, consolidandum; de quibus in Chirurgicis.

De signis; quae demonstrant, inflammationem non posse resolvi, sed in suppurationem tendere, dictum fuit antea ad §. 386. Ubi ergo hoc constat, mollissima sola conducunt, una cum subpinguib. Solam farinam avenae, in lacte coctam, addito dein oleo lini, cataplasmatibus forma applicandam, consului pauperibus, ut sumtibus parcerem, & optimo quidem cum effectu. Quomodo autem abscessus, inflammationem non resolvendam sequens, curari debeat, dictum fuit ad §. 402. & sequentes. Hinc superest tantum, ut quaedam notetur, quae peculiaria observantur la mammis suppuratis.

Antea dictum fuit, mammarum substantiam constare partim ex tunica cellulosa, partim ex substantia glandulari; unde optime distinguit *Leuret* (e), quandoque infarciri posse tunicam cellulosam solam, quod raro fit; saepe idem malum obtinere in parte glandulari; omnium frequentissime tamen utramque hanc partem simul affici.

Si sola tunica cellulosa inflammata in abscessum tendat, mamma tumet multum, sed uniformi, & aequabili tumore; unde non mutatur convexa ejus figura, nisi forte duobus locis distinctis mammae distincti formentur abscessus. Plerumque tamen interstitia, inter tales abscessus posita, suppurationis tempore rumpuntur, & bini vel plures, abscessus sibi mutuo vicini in unam vomicam confluunt. Admodum dolere solent tales mammarum abscessus, antequam sponte, vel per artem puri collecto via paratur.

Contigit tamen mihi videre bis in puerperis totam mammam fuisse consumptam valida suppuratione, licet vix ullum dolorem percepissent, & cutis leviter tantum rubesceret. Finita suppuratione cutis, accrevit suppositis partibus omnino, & de tota mamma nil supererat, praeter flaccidam papillam.

Suppuratio, quae in tunica cellulosa fit, satis promte procedit: pus tamen, quod exit, varium est, & inaequale; vomica autem facile detergitur, praecipue si sponte fuerit ruptus abscessus.

Ubi vero sola pars glandularis affecta fuit, tubera tactu percipiuntur in mamma, quae sibi mutuo non adhaerent, imo quandoque satis distant; cutis mammae non est tensa, nec dolet in initio; fere tantum dolor sequitur, quando rupturae proximus est abscessus. Suppuratio admodum lente procedit, neque fit simul, & semel in omnibus tuberibus: solet enim, uno abscessu rupto, aliud tuber dolere, attolli, & suppurari. Hinc per menses quandoque talis mammae suppuratio protrahitur, & in adultioribus quandoque per integrum annum.

In lentis talibus mammarum suppurationibus conducunt remedia, quae parum plus movent, quale est v. g. Cataplasma illud, quod in *Materia Medica* ad

(e) L'art des Accouchem. pag. 177.

ad præcedentem numerum proponitur. Embroc hæ, quas laudat *Levres* (f), ex sale alcalico fixo copiosa aqua diluto, ex sapone, & fumenta ex his parata, tunc multum profunt. Omni enim modo curandum est, ut totum solvatur in pus, nihilque duri maneat in mamma, quod scirchi, & canceri metum relinquere possit.

Mirum casum vidi bis in eadem muliere. Dum gravida esset, incepit dextra mamma tumere, absque dolore: tumor ille augebatur quotidie, ita ut octavo graviditatis mense mammae moles semur attingeret, & deberet suspensorio sustineri; aliter incedere non potuisset misera. In vasta hac mamma poteram distinctissime tangere sex tubera, non coherentia sibi invicem, pugnum mole aequantia, latis mobilia. Dum pessima quæque metuebam, mirabar, post felicem partum totam hanc molem minui, tubera solvi, ita ut intra bimestre spatium mamma rediret fere ad solitam magnitudinem; nec vel minima durities tactu percipi poterat: magis flaccida, & pendula erat tamen, quam sinistra. Nullum autem remedium adhibitum fuit. Post biennium denuo gravidæ omnia eadem contigerunt, eodem pariter post partum eventu.

Omnia hæc observatis practicis confirmavit *Nannoni* (g). Invenit enim, si inflammatio occuparet partem cellulosa[m] mammae solam, & suppuratio sequeretur, non inde misui lactis secretionem: contrarium obtinebat, si substantia glandulosa mammae similiter afficeretur; tunc enim minuebatur, vel & integre cessabat lactis secretio, prout major, minorve pars glandularis substantiæ fuerat infarcta. Observavit pariter, suppurationem tardior[m] in parte glandulari, quam in parte cellulosa, & majas periculum esse scirrhusæ duritiæ remanentis.

Si autem inflammatio, in suppurationem abitura, occupet & cellulosa[m], & glandularem substantiam mammae simul, tunc mamma tumet inaequaliter; in quibusdam locis durior est, quam in aliis (h), & suppuratio citius fit in parte cellulosa: unde sæpe talis abscessus sponte rumpitur, & bonum pus fundit, dum adhuc dura tubera supersunt, quæ postea sensim maturescunt.

Ob hanc causam emollientibus, simul additis dissolventibus, uti dictum fuit, promovere suppurationem conantur periti; imo suadent, ut tamdiu apostema clausum relinquatur, donec pus, sponte ruptis integumentis, viam sibi faciat; ita enim melius solvitur omne durum, & interstitia, inter vicinas sibi mammarum vomicas, solvuntur, ut pus in unum cavum confluat, sicque per unicam aperturam effluat (i). Observatum fuit, minus deformem cicatricem manere, si sponte rumpatur mammae abscessus, quam si ferro secetur (K).

Rupto sponte, vel secundum artem aperto, abscessu, simplicissima methodus optima est. Turundæ semper nocent, cum inter respirandum moro pectore

(f) L'art des Accouchem. pag. 139.

... melle. pag. 48. 49. &c.

(i) Ibid. 158.

(K) Ibid.

(g) Trattato delle Malattie delle Mamme.

(h) Levres sur l'art des Accouchem. pag. 157.

te moveantur &c mammae. Ne quidem unguentis usus fuit *Nannoni* (1); sed, solis lineis carptis mollissimis adhibitis, mammas fovebat perpetuo aqua calida, de nocte molle Cataplasma ex mica panis, lacte, &c., paratum applicabat: *Lepræ* (m) Emplastro, *Nurimbergensi* dicto, totam tegebat mammas, &c fovebat aqua cum sale alcalino, uti dictum fuit. Simul optime monet, dum dolos rupto abscessu cessat, vel insigniter minutus est, ut cum prudentia brachium moveatur: agentibus enim musculis mammae suppositis, pus exprimitur, sicque impeditur, ne sinus, aut fistulae fiant. Hoc enim quandoque contingere, jam dudum scriptum est: Sic *Erotis* (n), postquam consuluerat, ubi ex lacte mamillae dolent, fovendas esse aqua calida, dein tegendas *Argilla in aceto dysleperata*, addit; si Apostema fiat, *Quod si locus ille fuerit fistulatus, cum cura hac poterimus subvenire. R. radicem mundatam Hel-leberi nigri, & intinctam oleo, vel mellis impone, & pulverem de Lappa combusta super insperge. Id enim omnem fistulam inundat, atque mortificat, &c.*

Quandoque contingit, ut, licet omni cura tractatus fuerit mammae abscessus, consolidato jam ulcere, quid duri remaneat, quod si relinquere-tur, scirrhi metum faceret: hoc imprimis contingit, si in glandulari mam-mae parte natus fuerit abscessus. Vapor aquae tepidae, mollis frictio, fo-meuta solventia ante laudata continuo applicanda sunt, donec totum resoluatur. Nec ulla interponi debet in horum usu mora; quo enim diutius illud durum relictum manserit, eo difficilius remediis cedit. Post suppuratam mammas relicta durities, cum nec fomentis cederet, nec emplastris, *Nan-noni* (o) adhibuit unguentum mercuriale loco mammae indurato, & viginti trium dierum spatio totum fuit resolutum. Candide tamen facetur, tentatam fuisse launctionem mercurialem ad curandum talem durum tumorem, qui jam per biennium in mamma haeserat: quamvis enim magna copia Argenti vivi adhibita fuerit, ita ut salivatio sequeretur, non successit cura: mole quidem minutus erat tumor, sed durities residui aucta fecit, ut praeter extirpationem nulla spes curae maneret. *Cicutam* vidi extetno simul, & interno usu felicissime dissolvisse duos tales tumores.

An pus, in mamma collectum, nec foras emissum, interiora thoracis gravare potest? Mirus legitur casus apud *Ballonium* (p): *Mulier dolor obortus est in mamma sinistra ab aliqua suppressione lactis, ut consuevit esse. Tu-mor erat, disparuit. Saltem nil foris eminebat. Non desistit dolere illa pars; quamvis nil foret conspicuum. Macrescebat in dies. Nil proficiebat. Lingue-bat. Palpitatio sordis insignis: unde ea oriretur, dubitabant. Dum in va-rias opiniones circa latens hoc malum abirent Medici, Duretus accersitus omnia rimatur. Tandem collectum est, parte interiore abscessum latere, qui, nisi aperiretur, mortem repentinam esset accersiturus. Contra multorum opinionem ea par-*

(1) Delle Malattie delle Mammelle pag. 29. 46.

(m) In loco citato pag. 159.

(n) Spach. gynæc. Erot. de passion. Mulier. Cap. 20. pag. 51.

(o) Delle Malattie delle Mammelle pag. 61.

(p) Epidem. & Ephemer.

Lib. II. Tom. I. pag. 151.

parte septimum admodum. Abis aliqua ex parte cuniculi, pui manavit multum. Miraculo convulsit.

§. 1338. **L**actantis papillae dolor, fissura, inflammatio tollitur balsamicis blandissimis, spirituosus cephalicis applicatis.

Papillae, ex media convexitate mammarum eminentes, multum variant crassitudine, & longitudine in diversis mulieribus. Saepius contingit, ut a loricis, quas pessimo more gestare coguntur puellae, sic deprimentur papillae, ut vix emineant; imo aliquoties vidi, subfedis penitus, ira ut loco eminentis papillae appareret foveola in mamma, in qua delitesceret. Impossibile tunc est lactatio, nisi educi possit papilla; quod saepe feliciter obrinetur, si graviditatis tempore saepius applicetur parva cucurbitula, ex qua antiae pneumaticae ope educitur aer; tunc enim depressa papilla exsurgit, & cum saepius hoc tentatur, incipit eminere magis magisque.

Papillae constant substantia spongiosa, & elastica (9), ex pluribus fasciculis ligamentosis composita, quorum extrema constituunt basin, & apicem papillarum. Hi fasciculi per totam longitudinem leves plicas habent, quae dum protrahendo papillam elongantur, evanescent; redeunt statim, simul ac papillarum elongatio cessat. Inter hos fasciculos elasticos locantur septem, vel octo tubuli lactei, qui circa apicem papillae parvis osculis hiant; cumque illi tubuli arctissime haereant fasciculis illis ligamentosis, una cum illis plicantur, & elongantur. Tenuis productio cutis tegit papillas; cui dein superincumbit Epidermis.

Dum fugit infans, papillam inter labia, saepe & inter gingivas premit, & protrahendo elongat, sicque complicatos tubulos lacteos in rectum deducit, & facilem lactis ex mammis parat exitum.

Quandoque fit, ut morosi infantes, frequentius sugendo, valide premendo inter gingivas, irritent sic papillas, ut doleant, & inflammantur: huc etiam concurrat acrior infantis saliva, dum recens nati infantes aphthis laborant: circa dentitionis tempus, dum prutunt gingivae, pessime saepe multant miseram matrem, premendo papillas; imo saepe lacerant integumenta; unde fissurae sanguinolentae, & dolentissimae, quae sine acerbo cruciati incumbens indulus attractum ferre nequeunt.

Molestissima lactantibus haec mala sunt, & quae saepe lactationem reddunt omnino impossibilem, cum infantis damno, & periculo, ne lac in mammis retentum coaguletur, & omnia illa mala sequantur, de quibus statim dictum fuit.

Solet quidem laudari usus spirituosorum, ut v. g. Spiritus rosmarini, & linteam hoc madidem papillae applicetur (vide *Materiam Medicam* ad hunc numerum); verum facile parit, si fissa, excoriata, aut valde inflammata fuerit.

fuerit papilla, dolorem immaniter augendum esse. Unde haec tantum ufum habent, dum papilla integra adhuc est, nec inflammata, ut nempe, spirituosius applicatis, firmior reddatur papilla, ejusque integumenta fiant magis callosa, ut suctionem, & pressionem facilius ferant. Verum cum jam fissa papilla est, & acriter dolet, mollissima quaevis conveniunt, qualia in *Materia Medica* ad hunc numerum recensentur.

Sequenti methodo ufus fui ad haec mala curanda, & felici quidem cum successu: si papilla inflammata, vel & fissa doleat, lineis carptis, *succo sempervivi majoris* madidis, fovendam curavi, saepe eadem reovovando, ne siccescant, & haereant; operculum ex plumbo, vel cera paravi, superius patulum, quod dolentem papillam recipere posset, & impedire, ne indusium, aut vestes ullo modo papillam premere possent. Fissuras papillarum inungi curavi oleo ceræ, repetitis destillationibus limpido, & mollissimo reddito. Nam remedium est incomparabile prorsus ad mala papillarum nervosorum, quæ in cute extrema occurrunt. Nam in curandis fissuris labiorum hybernis, in fissuris papillarum in laniantibus, in digitorum, manuumque rhagadibus vix aliud habet simile, si subinde levi illitu applicetur (r). Repetitis autem destillationibus oleum ceræ, quod prima vice butyri instar crassum prodibat, & graveolens, tenue redditur & fragrans.

Dum haec fiunt, necesse est, ut ex altera mamma sola lac sugat infans: si prior mamma lacte turgeat nimis, prudenti suctione a muliere, ad hanc rem conductâ, depleri poterit, quæ loca dolentia vitabit facile, si labia applicet areolæ papillæ. Solet etiam, vitro imposito, quod longo rostro instructum est, per suctionem satis commode depleri turgens lacte mamma.

Hoc modo solent brevi satis tempore curari haec mala. Consolidatis autem fissuris, & sedata penitus inflammatione, tunc spirituosius applicatis potest roborari papilla; a dilutis forte incipere proderit, ne nova irritatio fiat, & caveatur subita, ac nimia corrugatio tubulorum lacteorum, quorum extrema in summitate papillæ aperiuntur. *Mastiche*, si digeratur in copia aequali aquæ, & spiritus vini, tale remedium dat.

§. 1339. **L** Ac abundans nimis, & tenue temperatur. victu blando, siccoque, & motu: lac deficiens curatur victu humido, blando, nutriente; fotu, frictioneque mammae; sublatione Causæ indagatae.

Lac abundans &c. Omnes, uti notum est, proprio lacte nutrimur. In lactantibus ergo pars nutrimenti in mammas derivatur, ut nutriatur infans, & illud totum de nutricis nutrimento decedit. Unde nutrices, si sanæ, & robustæ fuerint, majorem ciborum, & potuum copiam assument semper, sicque sine detrimento sanitatis robusto insati ubera præbere possunt, imo & pluribus, uti notum est.

Con-

Contingit autem aliquando, ut tanta lactis copia derivetur in mammas, quod plerumque simul tunc tenuius esse solet, ut nutricis corpus defraudetur alimento, dum omnis recens chylus statim a sanguine separatur; unde omnes humores aciores redduntur, & subputridi, sitis oritur, febricula; & corpus vero marasmo contabesceret, nisi emendari posset nimia illa lactis secretio. Quandoque satis difficulter hoc obtineri potest. Victus siccior, sed blandus tamen, ex carne assa, puliculis ex hordeo, avena, oryza paratis, sed spissioribus, motus corporis, multum profunt. Potus debet esse parcius, & meracior. Cerevisia mollis, sed meraca, Cogeris quasi extractum liquidum, insigniter prodest illis, quae huic potui assueverunt: continent tales cerevisiae magnam copiam materiae nutritivae, cumque spissorem consistentiam habeant, non fermentantur; hinc blandae, & molles manent, licet diu servantur. Si, his tentatis, non minuatur nimia lactis secretio, ablaetandus est infans; caeteroquin nutrix brevi deficeret. Vidi, per plures septimanas, licet ab uberibus jam remotus fuisset infans, perstitisse perpetuum, & molestum lactis de mammis stillicidium, aucta quotidie corporis macie. Cum varia incassum tentassem, tandem cessit malum, dato omai trihorio infuso forti salviae ad unciam unam, alteramve.

Lac deficiens &c. Ibi omnia adhibentur contraria, victus nempe humidus, quies, potus dilutus nutriens, ut hordei, vel avenae, decoctum cum tertia parte Lactis recentis admisti, juscula copiosa, ova recentia, & similia; ex quibus copia boni chyli facile conficitur actione viscerum chylopoieticorum. Per haec efficitur satis facile, si mulier caeteroquin sana sit, ut copia lactis cum sanguine fluat: tunc autem debet promoveri lactis secretio in mammis, quod obtinetur fotu, & leni frictione, praecipue frequentiori frictione vel infantis, vel, si ille vacua nolit ducere ubera, alterius mulieris. Non enim facile desperandum in hoc casu, cum historia Medica doceat, non tantum virginibus, sed & viris lac in mammas derivatum fuisse, dum morosos infantes vana, ut putabant, lactationis specie placare conabantur. Si aliae evacuationes per alvum, sudores, &c. copiosae in causa fuerint, hae sunt sistendae.

Possunt tamen esse tales causae defectus lactis, quae vel omnino non, vel difficulter admodum emendari poterunt. Notavit Hippocrates (1) sequentia: *Us plurimum vero, quae pauca menstrua demittunt, eas sine lacte esse contingit. Sicciores enim sunt, & densiore corporis habitu.* Et alio in loco (2), de illis agens incommodis, quae obtinent in civitatibus septentrioni expositis, notat, multas mulieres steriles fieri propter aquas, quae sunt duras, crudae, & frigidae; purgationes enim mensum non contingunt idoneae, sed paucae, & pravae. Deinde addit: *Quum vero pepererint, pueros nutrire non possunt. Lac enim aquarum duritiae, & cruditate extinguitur.*

Si

(1) De Natura Pueri Cap. X. Charter. Tom. V. pag. 323.
& aquis. Cap. II. Charter. Tom. VI. pag. 192.

(2) De Aëre, locis,

Si jam in mammarum fabrica vitium sit, si totum corpus densum, torosum fuerit (viragines solent vocari tales mulieres), saepe mammarum in talibus vestigium tantum apparet, & adeo contracta sunt omnia vasa, ut lacti appulso cedere nequeant; tunc certo lac deficiet. De similibus Hippocrates (u) dixit: *Sunt autem, quae natura lac non habent, & quibus lac ante tempus deficit. Eae vero natura solidae sunt, & densae carnis; ideoque, cum via densa sit, non a ventre ad mammas satis humoris defertur.* Vidi in aliis quandoque mammas maximae molis, sed mera pinguedine obrutas, ita ut omnes ductus lactei compressi ab adipe incumbente ne guttulam quidem lactis admittere potuerint.

Facile patet, has causas vix esse emendabiles ulla arte.

(u) De Mulier. Morb. Lib. I. Cap. 72. Charter. Tom. VII. pag. 71.



MOR-



MORBI INFANTUM.

§. 1340. **I**nfanti recens nato oriuntur morbi proprii 1. a strigmentis glutinosis, caseosis, lentis, quibus os, oesophagus, stomachus, intestina ei replentur.

Petræfactis illis, quæ in virginibus, gravidis, partu, puerperio observata fuerunt, superest, ut agatur de morbis, qui in recens nato infante observantur. Quamvis enim, simul ac vivere incipit, plurimis obnoxius sit (variolas v. g. in utero materno foetum passum fuisse, sequenti Capitulo patebit), tamen hic agendum erit de illis morbis, quorum causæ adiunt, dum homo nascitur, & quæ reliquo vitæ tempore vel omnino non, vel saltem minus frequenter, observantur.

Magna enim mutatio contingit in recens nato: paullo ante in utero materno clausus, humore ambiente a compressione defensus, ab omni aëris tactu liber, nec luminis, nec soni actione afficitur. Dum nascitur, vi exprimitur, novas ab aëre insolito, ab attractu obstetricis, quandoque rudior, molestias patitur. Sed quanta & internis partibus mutatio sit eodem tempore! Pulmo, qui ante parum tantum sanguinis recipiebat, jam omnem totius corporis sanguinem transmittit, & tradit cordi sinistro: viscus hoc, antea collapsum, expanditur, aëre inspirato. Diaphragma, dum agit, pectoris cavum auget, hepar deprimit: in ipso hepate mutatur humorum motus: Non mirum ergo est, vagitum, & ploratum in ipso vitæ principio adesse, licet sanissimus caeteroquin fuerit infans. Subita illa, & adeo insolita mutatio fletui causam dat. Quod scite *Plinius* expressit (v): *Itaque feliciter natus jacet, manibus, pedibusque devinctus, flens animal, caeteris imperaturum, & a supplicitis vitam auspicatur, unam tantum ob culpam, quia natus est.*

Simul ac infans in lucem prodierit, per chordam umbilicalem adhuc necitur placenta; qui nexus solvi debet: hætenus enim vita communi cum matre usus fuit: postquam autem chorda umbilicalis secta fuerit, nil cum matre amplius commune habet, sed propriam vivit vitam. Unde prudenter monuit *Leures* (x), non esse ligandam, nec rescindendam chordam umbilicalem, nisi prius respiraverit infans: quandoque enim pallidi, debiles nascuntur, præcipue si diu in pelvis exitu hæserint, nec vagitum edunt: concutiendo leviter infantem, fricando, irritando fauces, nares plumulae motu,

sa-

(v) Hist. Lib. VII. in Proœmio.

(x) L'art des accouch. pag. 210.

falem linguae imponendo, aliisque stimulis excitant sopitum motum, &, dum haec tentantur, liberum commercium foetus cum matre per chordam umbilicalem fervant.

Si vero recens natus infans faciem tumidam lividam habeat, nec respiret, vel parum tantum, chorda subito refecanda est, etiam absque ligatura, ut, effluente aliqua sanguinis copia, liberetur sanguine gravatus pulmo, nec adhuc dilatatus per liberam inspirationem. Suffocationis enim periculum imminet. Simul ac autem vagire inceperit infans, libere jam respirans (γ), chorda liganda est.

Chorda autem umbilicalis ligatur ad quatuor, quinque, vel sex digitorum distantiam ab umbilico, ut nempe locus novae ligaturae superfit, si forte prior delaberetur, subsidente chorda umbilicali; vel, fortius adstricta, fecasset vasa umbilicalia; unde haemorrhagiae periculum nasceretur.

Haec ergo sola cautela requiritur, ne propinquo ad umbilicum loco chorda refecetur. Vidi, in quibusdam familiis moris fuisse, ut ad distantiam decem, vel duodecim digitorum chordam ligarent, nec refecarent illam chordae partem, quae ultra ligaturam erat, sed intra linteum convolutam applicarent corpori infantis, donec tota caderet. Mole majori hoc molestiam parit aliquam, caeterum nihil mali.

Separatio autem chordae umbilicalis, ad quamcumque ligetur distantiam, semper fit prope umbilicum. Cutis enim abdominis infantis ad aliquot linearum distantiam tegit chordam, & in illo loco, ubi cutis definit, separatio fit, quod quarto, quinto, sextove die contingere plerumque solet.

Tota cutis infantis recens nati lubrico glutine tegitur, majori, minorive copia in variis; unde tepido in balneo mollioribus spongiis abstergitur cutis, ut nitida fiat: tota cutis rubescit tunc, ac si leviter Erythematosa foret (x), & post aliquot dies solet Epidermis desquamari. Haec cutis rubedo aequae manifesta est in Aethiope, ac in Europaeo; & vulgo creditur, eo nidiorem, ac pulcriorem cutim futuram posse, quo magis rubicunda fuerit in recens nato infante (α).

Cutis nitiditas merito commendatur, non tantum in recens natis, verum etiam postea: multis enim morbis cutaneis obnoxii sunt infantes, nisi cutis quotidie molliter detergeatur. *Galenus* (β) volebat, recens nati totum corpus modico sale aspergi debere, sic omne glutinosum abstergeretur adhuc efficacius: iussit autem hoc fieri illo scopo, ut cutis densior, & solidior redderetur: verum vix convenire videtur, ut cutis leviter quasi inflammata, & tota rubescens salis stimulo irritetur. Sufficiet mollis absterfus fordium aqua moderate calida, cui quidam modicam saponis miscent, quandoque & parcam vini quantitatē.

Dum infans in hoc balneo haeret, sollicitè lustrandum est, an quid vitii appareat. Solet saepe, imprimis post difficiliorem partum, tumor in hoc, vel

(γ) *L'art des accouch.* pag. 210.

(x) *Broussé Educ. Méd.* Tom. I. cap. 3.

pag. 62.

(α) *Vander Monde Essais de perfect. l'espèce humaine* Tom. 2.

pag. 6.

(β) *De Sanit. tuend. Lib. I. Cap. 7. Charaz.* Tom. VI. pag. 50.

vel illo capitis loco apparere, qui discutientibus, de quibus in cura contusionis dictum est, feliciter sanari solet. Observavit tamen *Leuret* (c), raro diu supervivere infantes, si tales tumores in occipite sint, sed convulsos mori: in aliis capiti locis similes tumores illud periculum non habent. Idem metuendum est, si in recens natos futurae nimis a se mutuo distent: hoc enim solet fieri, vel quia ante terminum ex utero prodierunt, vel quia collecta praeternaturaliter in cavo calvariae lymphæ hydrocephalum producere incipit.

Contingit etiam in partu difficili, ut aliquod infantis membrum luxetur, vel frangatur. Ingenue fatetur *Pew* (d), talia sibi contigisse infortunia: reducendae statim sunt partes in situm naturalem, & cura solet feliciter succedere in tenellis his corporibus, absque ulla deformitate relicta: idem & *Leuret* (e) testatur.

Simul in recens natis explorandum est, an alvi, & urinae viae liberae sint. Si urinam, & alvum deposuerit post nativitatem, omnis metus abest: sin minus, dum infans in balneo lavatur, lustrandae sunt partes hae.

Quandoque in recens natis anus inventus fuit bene conformatus, sed membrana praeternaturali omnino clausus: nullus ergo patebat exitus meconio, quod nisi expellatur de corpore, pessima mala sequuntur, & tandem mors, uti ad §. 1345. patebit. Si circa ani principium talis haereat membrana, satis feliciter cura succedere solet, discindendo hoc obstaculum: hoc feliciter tentavit in binis infantibus *La Motte* (f). Postquam alvus bene evacuata fuerat, lavit anum spiritu vini, & texit linteis carptis siccis; sicque paucorum dierum spatio curam absolvit. Nullis autem turundis usus fuit, quia illae mole sua, suppositoriorum instar, irritabant perpetuo ad alvi excretionem.

In hoc casu protuberans tumor plerumque apparet in ani loco, in cujus medio ater Meconii color translucet: si prematur ille locus, mollis pastae instar retrocedit; sed, remoto digito, mox iterum redit tumor (g); quem non tantum diffecandum vult *Leuret*, sed in omni ambitu circulariter excidendum jubet. Interim *La Motte* simplici sectione curavit; & novi, aliis idem feliciter cessisse.

Difficilior longe casus est, si membrana talis claudens in altiori loco intestini recti haerit. Talis casus legitur (h): Anus bene conformatus apparebat in infante; sed integro a nativitate biduo alvum nondum deposuerat; unde omnia mala, quae retentum meconium sequi solent, aderant. Clysmatum injectio tentata fuit incassum; non poterant penetrare in cavum intestini recti: examine instituto, inventa fuit membrana tenuis, claudens intestini cavum, & immisso in anum digito minimo, secundum ejus ductum introducebatur *Pharyngotomus* ad membranam claudentem usque;

Tom. IV. pars II.

5

quae

(c) L'art des Accouch. pag. 212.

(d) Pratique des Accouch. liv. 2. chap. I. pag. 314.

(e) L'art. des Accouch. pag. 214.

(f) Traité des Accouch. liv. 1. observat. 86. pag. 129.

(g) *Leuret* l'art d'Accouch. pag. 216.

(h) Acad. de chirurg. Tom. 1. pag. 385.

quae tunc, protrusa lanceola, quae in cavo phlebotomi occultatur, discindebatur tuto, & apertura facta digiti apice dilatabatur. Mox alvum deposuit infans, & postea anus solito fungebatur officio per binos menses, quibus supervixit; deip aliam ob causam periit. Nulla saltem cum verisimilitudine poterat hujus infantis mors huic operationi tribui, cum tamdiu supervixerit.

Ubi vero nullum ani vestigium apparet omnino, parum spei superesse videtur. Certo moriendum est infanti, nisi meconium exeat; hinc ex artis regulis certae pernicietis anceps etiam remedium praefarendum est, si parentes illud admittere velint. Unde celebres Chirurgi, scisso loco, ubi anus naturaliter inveniri solet, tentaverunt viam parare ad intestinum rectum, hac spe, ut viam faecibus retentis facerent, & deinde artificiosum anum pararent. *Petitus* (i) indicavit methodum, & cautelas, ut talis operatio ex arte institui posset. Reliquis instrumentis praetulit acum triquetram (*Trocart*), sed crassiores, & breviores, per cujus thecam, educta acu, lanceola, vel cultellus transmitti potest tuto; verbo dicam, nihil neglexit, quod artis erat. Sed incerta sunt omnia; nescimus, quale obstaculum lateat: Anatome autem evicit, inveniri talia, quae nulla arte emendari possunt. Celeberrimus *Littre* (k) invenit in infante, sexto a nativitate die mortuo, intestinum rectum in duas partes divisum, quae tenuibus aliquot filis, pollicem circiter longis, cohaerebant adhuc: utrumque extremum intestini sic separati clausum erat. Facile patet, tale malum cognosci non posse, nisi post mortem; & licet cognitum foret, vix ullam emendationis spem superesse. Mentio quidem fit alicujus methodi: verum quis auderet, abdomen vivi infantis aperire, extrema intestini quaerere, inventa aperire, aperta sibi mutuo unire, vel saltem extremum superius intestini, apertum prius, vulnere abdominis unire sic, ut anus artificialis in loco vulneris per totam vitam maneret? Quantum novi, talis curatio a nemine unquam tentata fuit.

Quandoque totum intestinum rectum deest. Dexterrimus Chirurgus (l) in recens nato puello ne minimum quidem invenit ani vestigium; profundam satis incisionem fecit; immisso per vulnus digito, intestinum rectum non invenit. Acum triquetram adegit profundius per vulnus, ut viam meconio pararet; sed praeter aliquot sanguinis guttas nihil prodixit. Post mortem invenit, intestine deficere intestinum rectum, & colon meconio plenum, libere in abdomine fluctuans, definere in extremum perfecte clausum.

Hinc videtur non sine ratione statuisse *Leuret* (m), talia vitia curari non posse, nisi integer sit intestini recti tractus ad integumenta usque. Quandoque extremum intestini recti devium unitur vesicae in maribus; tunc faeces alvinae delabuntur in vesicae cavum, & per urethram exire nequeunt, nisi liquidae sint; unde patet, miseros tales infantes non diu superstitis esse posse:

(i) Acad. de Chirurg. Tom. I. pag. 377.

(k) Academ. des scienc. 1710. hist. pag. 47.

(l) Medic. Essays an l observ. Tom. IV. num. 32. pag. 442.

(m) L'art des Accouch. pag. 216.

posse (*): in sequiori sexu observatum fuit, in vulvam quandoque hiare intestini recti finem (n). Tales superesse possunt: & novi virginem, nubilem jam, caeterum satis sanam, quae foedam hanc calamitatem patitur.

Novi quidem, exempla practica allegari, quae docerent, hanc operationem cum successu factam fuisse, dum nullum ani vestigium apparet; sed non videntur adeo certa esse. *Hildani* (o) casus adduci solet, ubi sic servasse creditur sex dierum infantem, qui nondum alvum deposuerat, & in praesenti mortis periculo versabatur. Feliciter curatus fuit; & postea *Hildanus* a Consule loci, quem inhabitavit curatus infans, accepit, illum sanum, & incolumem vixisse ad decimum octavum aetatis annum. Sed certe ipsa verba *Hildani* demonstrant, adfuisse ani vestigium. Sic enim habet: *Anus obdusus erat membrana praedura, in qua nullum fere indicium, aut vestigium ani, praeterquam macula nonnihil livida (a translucente nempe meconio). Illic facta parva incisione (ne spiniter laederetur), novacula lineis juxta aetern involuta, deinde immisso speculo ani, & quod reliquum dilatato, statim ejecta est incrementorum colluvies. Ex quibus manifeste patet, intestinum rectum integrum fuisse ad integumenta usque.*

Alter casus legitur apud *Celebrem Chirurgum Saviard* (p) de infante, in quo nullum ani vestigium aderat: adegit lanceolam longiorem, qua majores abscessus aperire solebat, usque ad trium digitorum transversorum longitudinem; & tunc meconium exivit; aperturam factam dilatavit; vulnus solito modo deligavit. Hinc dubitari nequit, integerrimae fidei virum talem operationem tentasse. De successu autem altum tenet silentium. Neque casus illi, qui in *Academia chirurgica* habentur, felicem habuerunt eventum.

Similia impedimenta & in canali urethrae inventa fuere: quandoque enim orificium urethrae in glande non erat apertum; & tunc cura difficilis non erat: aliquando ~~per~~ ^{per} ~~urethrae~~ ^{urethrae} deficit omnino; & tunc radicaliter hoc curari non potest (q). Caeterum hoc vitium diutius toleratur ab infante, quam si in intestino recto foret. Urina enim sibi viam invenit, quandoque per umbilicum, aliquando, circa scrotum parvo abscessu facto, urina prorumpit; qualis casus legitur (r). Cum autem nulla adesset urinae incontinentia, nec ullum pateretur incommodum jam adultior infans, nihil tentare voluit prudens ille Chirurgus. Aliquos vidi, quibus urethrae orificium sub glande in penis parte inferiori hiabat.

Contingit quandoque, ut recens natus infans superflua quaedam membra habeat, quae nulli usui futura sunt, sed potius incommodum parient. Sic aliquoties vidi in manibus, & pedibus sex digitos: superflui tales digiti plerumque carnei tantum sunt, nullo osse fulti, vix mobiles, & manus deformes reddunt. *La Motte* (s) ligavit filo cerato in recens nato infante quatuor

r 2

tales

(*) *Academ. des scienc. in 4. 1755 hist. pag. 50.*

(n) *Ibidem.*

(o) *Oper. omn. Centur. 1. observ. 73. pag. 54.*

(p) *Observ. chirurg. num. 3. pag. 8.*

(q) *Levret l'art d'Accouch. pag. 218.*

(r) *La Motte Traité des Accouchem. liv. 1. observ. 85. pag. 139.*

(s) *Ibidem pag. 128.*

tales digitos, qui omnes intra tres, vel quatuor dies ceciderunt, & cicatrices, illis delapsis, sponte formabantur. Neque ullo signo apparuit, ligaturas has infanti ullam fecisse molestiam.

Quo autem tempore haec superfluum ablatio fieri debeat, non convenit inter omnes. Quidam post ablactationem, vel adhuc serius, hoc faciendum suadent; alii statim post nativitatem, quorum opinionem amplectitur *Leuret* (1), modo infans sanus sit: testatur autem, quod nunquam poeniterit, hoc fecisse, & plures alios Chirurgos, ipso suadente idem tentasse cum felici successu.

Recens natus infans, uti dictum fuit, in tota corporis superficie, glutine mucoso, satis saepe spisso, madet. Gluten autem solet vocari corpus semifluidum, cujus una pars dum movetur, trahuntur & adhaerentes partes, dum tota glutinis moles locum non mutat. Sed & simile gluten in ore, stomacho, oesophago, intestinis reperitur, & recens natis infantibus non tantum ex naribus, verum etiam ex ore sponte exire solet, vel ab obstetrice, dum cutim depurat, educitur.

Foetus, quamdiu in utero materno haeret, liquore amnii undique alluitur, liquor hic, dum: ruptis partus tempore membranis, aquae effluunt, saepe satis viscosus apparet; tota cutis tali glutine tegitur; qui ergo videtur liquori amnii originem debere: cum autem multi in illa opinione sint, foetum non tantum per vasa umbilicalia a matre nutrimentum accipere, verum etiam per os nutrir, deglutito amnii humore, facile credebant, se intelligere, quare ab ore ad anum usque cava viscera simili glutine obducerentur, ac in cutis superficie invenitur.

Alii e contra crediderunt, liquorem amnii excrementitium esse potius, & ex ipso foetus corpore produci, foetum non deglutire in utero; os semper clausum habere; liquorem amnii non inveniri in ventriculo, & intestinis foetus. Addunt, foetus observatos esse, qui capite carebant, & tamen vivebant. Plura alia argumenta pro, & contra hanc sententiam legi possunt (2). Nec videtur hic locus esse, ut omnia, & singula expendantur. Sufficit novisse, quod viscida talia in primae coctionis viis inveniantur, aequae ac in cutis externa superficie: simul notum est, tota vita secerni lenta, mucosa in ore, oesophago, ventriculo, intestinis; adeoque & in foetu haec secreta, non excreta, accumulari posse. Forte statim post nativitatem major secretio fit, cum in foetu omnia organa fecermentia turgida appareant: sic hepar invenitur magnum, & succi plenum; ita & totum turget glandulosum systema.

Verum in textu dicitur, non tantum viscida, sed & caseosa lenta in primis viis recens nati infantis reperiri. Praecedenti capitulo patuit, verum lac venire ad uterum, imprimis ultimo graviditatis tempore. *Hippocrates* (3) dixit: *At vero puer, compressis labris, ex matris utero fugit, ac tum alimentum, tum etiam spiritum &c.*: Quid si quis roget, quomodo hoc quis nescit, quod

puer

(1) L'art d'Accouch. pag. 220.

(2) Medic. Essays and observat. Tom. I. pag. 171. & seq. Tom. II. pag. 121. & seq.

(3) De carnibus cap. 3. Charter. Tom. V. pag. 304.

puer in utero trahat, & sugat, hoc illi respondere licet. Pueri, quum nascuntur, stercus in intestinis habent, ac in lacem edipi, tum homines, tum pecora, celerime ventrem exonerant. Atqui stercus non haberent, nisi in uteroingerent, neque; ut primum puer natus foret, ubera sugere posset, nisi in utero suxisset.

Quidam voluerunt, cum in recens natis mammae in utroque sexu inveniantur saepe lacte turgidae, quod foetus in utero propria sugeret ubera, imprimis ultimo graviditatis tempore. Situs certe infantis, & facilis spinæ dorsū flexibilitas non repugnant huic opinioni. Saepe vidi turgidas mammas in recens natis, imo & induratas, ita ut fomentis, ac emplastris opus fuerit ad resolvendum illud concretum. Quandoque & observatur, mammas attolli aliquot post nativitatem diebus. Quidam crediderunt, hoc contingere ob ligaturam Chordæ umbilicalis: arteria umbilicali enim compressa, voluerunt sanguinem tunc retrogredi per epigastricas arterias, mammariis communicantes. Forte & hoc verum est. Mirabatur Medicus, infantem, biduo a nativitate, horrore, dein calore corripī, febricitare: simul dextra tumebat mamma, quam dum leviter premeret, exiverunt ex papilla aliquot lactis guttulæ. Rem examinans Medicus invenit & infantem, & matrem. circa idem fere tempus in febrem lactariam incidisse. Intellexit Medicus ex parentibus postea, quod, cum mamma dextra paulatim subfedisset penitus, similiter & sinistra intumuerit; ex qua pariter pauculae prodierunt lactis guttulæ (x).

Cæterum illud argumentum Hippocratis, quod nempe recens natus infans sugere non posset, nisi in utero jam suctioni assuevisset, non adeo urgere videtur. Ipse enim, uti alia occasione ad §. 1. notavi, fateatur, quod a nullo edolia natura, & citra disciplinam omnia, quæ conveniunt, efficit. Si vitulus inermi adhuc fronte ferit, hinnulus molli adhuc ungula calcitrat, &c., non adeo mirum apparebit, recens natum infantem sugere posse, licet in utero nunquam suxisset.

Qua sola de causa nausæa, vomitus, tormina, singultus, convulsiones saepe oriuntur; atque deinceps restant indigestiones assumtorum.

Dum iners tale gluten in ventriculo fluctuat, vel faucibus adhaeret, irritatione sola nausæam, & vomitum producit. In adultis toties ab hac causa molestissima nausæa fit; imo sola agitatione plumulae in faucibus nausæa, & vomitus producit, uti notum est. In teneris recens natis ergo facile eadem contingit, etiam a leviori causa, si circa oesophagi orificium similia strigmenta glutinosa haereant, sequetur singultus; in intestinis ab eadem causa producentur tormina; imprimis, si illud glutinosum, ob æris liberum accessum corrumpi jam incipiens, acris reddatur: saepius tamen a meconio, de quo postea dicetur, nimis diu retento, tormina fiunt.

Tom. IV. Pars II.

r 3

Unde

(x) Instit. Bonon. Tom. I. pag. 151. 152.

Unde patet ratio, quare *Hippocrates* (y) inter parvulorum, & recens natorum morbos vomitum recenseat. Cum autem §. 652. demonstratum fuerit, nauseam, & vomitum pro causa proxima habere convulsionem fibrarum muscularium faucium, oesophagi, stomachi, intestinorum, diaphragmatis, musculorum abdominalium, facile patet, quare nausea, & vomitus, si validiora fuerint, vel diu durent, convulsionem excitent universales, cum totum genus nervosum adeo mobile sit in tenellis infantibus, & tot insolita recens natis contingant. Optime hoc monuit *Hippocrates*, (z), dum de recens natis agit; sic autem habet: *Quin & loco spirituum, & cognatorum humorum, cum quibus familiaritatem, & amicitiam in utero intercessisse necesse est, externis omnibus utitur, cruditeribus, siccioribus, & minus in humanam naturam redactis (loco illud parvulorum)*. Notum enim est, ex ingestis per viscerum, & vasorum actionem, ac vires produci humores humanos. Quandiu enim in utero matris haeret foetus, nihil ad illum venit, nisi quod in materno corpore jam subactum fuit, & indolem humanorum humorum acquisivit, vel saltem, quam proxime tantum abest ab hac conditione. Simul ac natus est, abscissa chorda umbilicali, omne commercium cum matris humoribus cessat, & per os recipere debet nutrimentum, propriisque subigere viribus. Unde mox subjungit *Hippocrates* (a); *Ex quibus multos suboriri dolores, multas etiam mortes. Quandoquidem & plerumque visus tum, locorum, tum visuum mutationes morbos pariunt*.

Facile patet, absterfionem, & educationem hujus glutinosi requiri: si enim maneret, indigestiones assumptorum sequerentur necessario. Notum enim est ex Physiologicis, per totum tractum intestinorum, & ventriculi arterias aruere in omni puncto tenuem humorem, qui contenta in ventriculo, & intestinis humectat, solvit, apta reddit, ut in chylum mutantur, a vasis lacteis resorbendum. Si jam latera horum viscerum tenaci tali crusta glutinosa vernicis instar maneant obducta, nec exhalare poterunt arteriae, nec resorbere venae; adeoque ingestis, vix mutatis, & indolem suam sequentibus, replebitur cavum intestinorum, & abdomen tumebit brevi, dum reliquum corpus emaciabitur defectu nutrimenti.

Notum pariter est, succum pancreaticum, & utramque bilem in duodenum intestinum depluere: si illud emissarium, tenaci glutine obductum, transitum neget, vel difficulter admodum transmittat, turbabuntur horum viscerum actiones, & bilis in sanguinem retrogressa icterum faciet. Hepar enim in junioribus magnae molis est, & bilis magna copia in recens natis invenitur, secreta jam, & collecta ultimis mensibus, dum foetus in utero materno haeret, nec excreta tamen, cum diaphragma quiescens, antequam respiraverit infans, annexum hepar non moveat.

Haec est ratio, quare toties in recens natis icterus observetur; sed fere semper cito curabilis: absterfo enim glutine, bilis emissarium impediens, mox

(y) Aphor. 24. Sect. 3. Charter. Tom. IX. pag. 119.

(z) De Osmestri Partu Cap. 2. Charter. Tom. V. pag. 352.

(a) Ibidem.

mox cedit morbus, & ipsa bilis, dum in intestina depluit, efficacissime solvit omne glutinosum, lenta attenuat, & naturali suo stimulo alvum movet. De qua re videantur illa, quae ad §. 75. habentur, ubi de curatione morborum ex glutinoso spontaneo otiundorum agebatur.

§. 1342. **C**uratur facile jejuniis horarum x., vel xii.; assumptione pauci vini cum melle misti, iterata dosi hoc tempore abstinentiae dati; vel lenissimo quodam simul adjecto stimulo purgante.

Omnia tamen illa incommoda, quae glutinosis, accumulatis in primis viis, originem debeat, non adeo difficulter superantur. Jejunium enim decem, vel duodecim horarum saepe solum sufficit. Respirationis motu omnia viscera abdominalia agitantur, concutuntur. Bilis, quae satis copiosa adest in recens natis, in intestina depluens, nisi emissarium ejus obstructum fuerit, solvit illud gluten, & abtergit ventriculi, ac intestinorum cavum: motus peristalticus, per naturalem stimulum bilis auctus, fricando abtergit illud glutinosum, dum ipsa bilis admista tenacitatem minuit. Uti enim alia occasione jam aliquoties monitum fuit, in homine vivo intestina magnam cavum non habent, sed crassa suis latera opposita se mutuo tangunt; unde per ipsum motum peristalticum mucus, naturaliter cavam superficiem inungens, continuo secretus, abtergitur, ne accumulatus gravet. Hinc per solam abstinentiam aliquot horarum ventriculus, & intestina depurantur sic, ut apta fiat excipiendis commode, retinendis, & digerendis alimentis, quae recens natis ingeruntur.

Haec autem glutinosi absterfio, & expulsio pulcre promovetur, & tuto, si pauculum mellis in vino, vel hydromele diluti saepius detur, patca copia tamen, ad drachmam nempe unam, alteramve, abstinentiae hoc tempore: utiliter & lenis stimulus purgans his additur, qualem dat *Syrupus cichorei cum rheo*; cui etiam aliquid *saponis veneti* miscetur, qui potens, & blandum simul remedium dat ad glutinosa attenuanda: imprimis autem saponis usus laudatur, si color ictericus in cure appareat, vel urina tingat lineae colore flavo: tunc enim certi sumus, liberum bilia in duodenum exitum esse impeditum a glutine, quod ergo quantocyus abtergendum est: talium remedium formulae in *Materia Medica* ad hunc numerum habentur.

Mel leviter coctum recens natis commendat *Mosibion* (b), vel & mulsam tepidam ori instillari, jubet, ut *Stomachus*, & *venter purgetur*: sic ad lac sumendum disponitur.

Quale autem nutrimentum, post absterfionem primarum viarum, conducatur recens natis, non ita convenit inter Medicos. *Avicenna* (c) pariter mel despumatum laudat, & aquam mulsam tepide instillandam; deinde jubet, ut miter, emulso prius, quod crassum est, & mamillis, & adhibito ex calida aqua

(b) Spach. gynaecc. pag. 7. N. 71. 72.

(c) Lib. IV. Cap. 3. pag. 67. versâ.

fomento, lac praebeat infanti; sed mox addit; *praestat tamen usque ad quartam diem a matris lacte abstinere*. Paracelsus (d) voluit, absolutam expectari debere lochiorum expurgationem, antequam mater ubera praebeat. Imo Moschion (e) omnino damnavit lac maternum, & alienum praetulit; quoniam credidit, ex laboribus in partu toleratis, & puerperii purgatione lac pravam esse, spissum, & difficilis coctionis.

Fortè prima fronte speciosa videri possent haec ratiocinia; sed simul ac Medici Naturam ducem spernunt, errant fere semper.

Post aliquot horarum abtinentiam recens natus infans nutrimento indiget; hinc, si lac negetur, aliud alimenti genus subministrari debet. Pulticulas ex lacte, vel jusculis paratas exhibent. Verum aliena haec sunt, omnino diversa ab alimento, quo infans usus fuit, dum in utero materno haerebat. Matris humoribus vixit ante paucas horas; praesto sunt in mammis similes in materno corpore parati in usum recens nati, qui hos desiderat, qui sugere novit, a nemine doctus.

Prudens Medicus post partum conciliat blandum somnum puerperae; quo ubi resecta fuerit, nil metuendum est a praegressis partus doloribus. Neque metuendum a lochiis, ac si maligni quid haberent; de qua re in praecedenti capitulo abunde dictum fuit. Primum illud lac non est spissum, sed dilutum, & tenue, diversumque ab illo, quod tempore febris lactariae in mammis colligitur. Purgat leniter, & abstergit primas vias primum illud lac. Hinc *Celeberrimus Monro* (f) mirabatur Creatoris sapientiam, qui recens natis concessit lac tenue, dilutum, leviter purgans, & deterfis bene primis viis post tres, quatuorve dies aliud dedit spissius, & magis nutriens.

Unde curavi semper, ut proprii infantes lac maternum fumerent, postquam illa blando somno resecta fuisset: idem aliis semper suasi, nec unquam poenituit consilii dati. In vaccis similem lactis diversitatem statim post partum observamus.

Unde simul patet, recens natos, quibus ubera matris negantur, magis adhuc indigere leni stimulo purgante, ut bene depurentur primae viae; nisi forte recens enixam puerperam pro nutrice obtinuerint; quod oppido raro contingit. Hinc, dum eligebam nutrices pro recens natis principibus, semper praetuli talem, quae lac tenue, & dilutum maxime habebat, licet vulgo damari soleat tale lac: observavi simul, tale lac sensim postea majorem consistentiam acquisivisse. Nec aliquid damni metuo a tenuiori lacte: si tamen robustus infans postea crederetur spissiori lacte opus habere, alia nutrix substitui posset.

(d) Spach. gynaec. pag. 413.

(e) Ibid. pag. 7. num. 73.

(f) Medic. Essays and observat. Tom. II. artic. XI. §. 13. pag. 242.

§. 1343. **Q**uin ad proluendam hanc pituitae mucosae saburram saepe profunt egregie Epithemata moderate aromatica, & spirituosae.

Solent quandoque abdomen tegere Epithematibus aromaticis, sed lenioribus, ne rubescens cutis, & leviter quasi Erysipelatosa irritetur nimis. Usum imprimis habent, si debiles sint recens natis & omnes motus appareant languidiores. Spes est, ut per hos stimulos excitentur vires ventriculi, & intestinorum, sicque facilius saburra illa glutinosa expellatur. Formulae talium Epithematum in *Materia Medica* ad hunc numerum habentur; ad quarum normam plures aliae similes componi facile poterunt. Quidam ad eundem scopum adhibent Emplastra leniter aromatica, *Ceratum v. g. scamaebicum Galeni*, & huic similia. Major tamen efficacia ab his, quae praecedenti paragrapho laudata fuerunt, expectatur.

§. 1344. **M**ultum patiuntur vulgo a meconio non satis cito expulso, ob debilitatem foetus, duritiem materiae, copiam ejus nimiam, siccitatem viae.

Invenitur in foetu maturo, nativitati proximo, materia saeculenta, nigra, vel & ex nigro viridescens, tenax, viscosa, totum plerumque tractum crassorum intestinorum ad recti finem usque replens. Splendet haec faex, & cum colore, ac tenacitate papaveris succo inspissato (opium vocant officinae) similis sit, hinc a veteribus Medicis Graecis *Meconium* dictum fuit, papaverculum Latine reddi solet. Haec faex, accumulata in foetus intestinis, irritat fibras, molestiam, & tenesmum creat; unde partus tempore irrequietus infans matris dolores excitat, vel jam praesentes augeat; simul ac respiraverit infans natus per aliquod tempus, nigra haec faex per anum exire solet, non quidem simul, & semel omnis, sed satis larga copia plerumque.

Cum enim foetus salivam propriam deglutiat, & in ore, oesophago, ventriculo secretum mucum in intestinis, similiter muco obductis, colligat, bilem, ac humores alios affluentes recipiat, omniaque haec aliquas semper faeces ponant, ab his collectis talis materia in intestinis crassis accumulatur. Si foetus simul liquorem amnia contentum ore hauriat, quod multis satis probabile videtur (§); tunc ex hoc saeculenta relictæ meconii quantitatem augere poterunt. Copia meconii talis esse solet, ut crassa intestina sufficiant ad illud continendum: rarius enim meconium occurrit in tenuibus intestinis. Nigra illa faex, per plures menses accumulata, exire debet de corpore, ut recens natus infans sanus maneat, & saepe pars ejus exire solet per anum, simul ac natus est. Si autem debilis langueat infans, tunc tardius haec evacuatio contingit: si meconium durius fuerit, difficulter siccibus infantis exprimi pote-

(§) Vide Instit. Medic. Boerh. §. 682. 683.

poterit: hoc autem rarius contingit; sed molesta potius glutinositate adhaeret intestinorum lateribus; tantam enim habet tenacitatem, ut difficulter a naribus, & femoribus ablui possit, & lintea inficiat maculis, quae difficulter eluuntur.

Si magna copia meconii in intestinis haeserit, longius tempus requiritur ad evacuationem; nam, uti dixi, non expellitur simul & semel omne meconium.

Notum est, intestinorum cavum naturaliter lubricum, & humidum esse, sed imprimis intestina crassa muco copioso inungi, ut duras faeces facilius transmittere possint. Observatur autem, intestina eo plures glandulas, plufque muci habere, quo fini propiora sunt (*b*). Hinc ano circumfusa haeret tanta pinguedinis copia, ut faecibus, intestinum rectum distendentibus, cedere possint vicina, & omnia lubricentur. Si mucus ille, vel pinguedo deficient, alvus pertinaciter tarda est. Verum raro observatur haec faecitas in recens natis, quibus totum corpus molle, humidum, & succo plenum est.

§. 1345. **H**inc ab ejus mora, aere jam appulso, acrimonia, acor, putredo, in vapores resolutio, adeoque dolores torminosi, convulsiones, nauseae, vomitus, singultus, tussis, sternutationes, clamores, siletus, pervigilia, terrores, febres, macies, mors.

Meconium, excrementitium cum sit, & corpori inutile, distendens & gravans intestina, quibus retiaetur, de corpore eliminandum esse, nemo dubitat. Ipsa Natura sponte hanc evacuationem tentat statim post nativitatem, si nihil obstat.

Quandiu enim infans in utero materno haeret, nullus aer ventriculi, aut intestinorum cava ingredi potest. Saepius antea dictum fuit, extravasatos humores, in cavis corporis collectos, per menses haerere immutatos, & postquameducti libero aëri expositi fuerint, subito putrescere, pessimamque mephitum quaquaversum dispergere. In capitulo de *Hydrope* plura talia habentur, quae hoc evidenter docent. Idem a meconio metuendum est, nisi cito de corpore exeat. Observavi, aliquoties meconium, quod statim post nativitatem exit, non habere malignum odorem, sed, si per aliquot horas in linteis relictum fuerit, tunc acidum spirasse, quoadque & putridum, prout nempe in hanc, illamve indolem magis inclinaverit. Omne enim foeculentum, quod a bile utraque, succo gastrico, pancreatico, &c., in intestinis foetus colligitur, cum animale productum sit, potius in putredinem vergit. Antea dictum fuit, admodum probabile esse; ultimis graviditatis mensibus lactis aliquid venire ad foetum jam adultiore. Lac autem accescit sponte; sed tamen pars, lac constituens, caseus nempe, rancescit, si pinguis sit; sin minus, in naturam animaleam vergit, & lentescit, cornuum instar, si igni propius admoveatur; & si comburatur, similem foetorem spargit, ac cornua, & ungulae animalium, dum uruntur.

Antea

(*k*) Vide Infit. Medic. Boerh. §. 111. 112.

Antea in *Capite de Ruſſu*, & *Flatu* §. 646., & §. 647. patuit, humores putrefcentes, & fermentantes dare ructibus, & flatibus materiem. Si aer extrahatur ex his humoribus diſtendat ventriculum, ac inteſtina, & per illa libere oberrat, vel ſurſum per ructus, vel deorſum per flatus exploditur. Si vero acre irritans ſimul addit, per quod fibrae convulſione conſtrictae liberum flatulentae materiae tranſitum impediunt, tunc membranae claudentes tenduntur, diſtrahuntur; unde dolores, & anxietates intolerabiles; qui emiſſis flatibus mox ceſſant, & denuo redeunt, niſi cauſa horum malorum ablata fuerit. Si autem inflammatio, & febris acceſſerint hiſ malis, etiam in adultis, & robuſtis hominibus, intolerabiles dolores ſunt, & ſaepe cita mors.

Patet ergo ratio, quare a retento meconio dolores torminofi ſiant, & anxietates; quae mala teſtantur miſelli irrequieta, & perpetua jaſtatione corporis, & clamoribus, & ſletu; quamvis ante elapſum primum aetatis menſem vix unquam lacrymas emittant; hinc potius clamant, quam ſlent, miſelli.

Si autem, uti ad §. 1341. dictum fuit, a ſolo glutine, primas vias mole ſua irritante, tot mala oriri poſſint, quanto magis haec metuenda ſunt, dum meconium piceae tenacitatis, nimis diu retentum, a libero aeris acceſſu acrimoniam acquirit, & loca, quibus haeret, irritat.

Recens natis, ſi omnia recte cedant, ſomnus fere perpetuus eſt; verum, ſi doleant, pervigilia adſunt: ubi exploſis flatibus dolor ceſſat, mox obdormiunt; redeunte dolore, quaſi territi ſubſiliunt; validae, & univerſales convulſiones ſequuntur, ſaepe cito lethales. Si hiſ ſupervixerint, niſi meconium expulſum fuerit, cito emaciantur; ita ut intra triduum viderim obſolus, dum naſcebantur, penitus macilentos. Nec mirum hoc: perpetuo, nec interrupto fruebantur nutrimento, dum in utero materno erant; nunc nauſea, & vomitus ingeſtionem alimenti impediunt; & ſi quid ſubinde ingeſtum fuerit, non digeritur, ſed corrumpitur; unde vitiola in viſceribus ſaburra augetur. Somnus, adeo reficiat infantes, vel nullus eſt, vel continuo per dolores interrumpitur, cum fere perpetuus eſſe debebat: dolor ipſe vires conſumit, unde mors ſequitur brevi. Quotidianae obſervationes docent, plures infantes ab hac ſola cauſa perire in ipſo vitae limine.

Inter recens natorum morbos *Hippocrates* (i) recensuit *vomitiones, tuſſes, vigilias, pavores*. Caeterum irritationem inteſtini craſſi tuſſim excitare, docet obſervatio ſatis mira *Celeberrimi Albini* (k) de milite, cui inteſtinum colon, vulneratum, ſic ſanatum fuerat, ut cicatricem per ambitum orae duxerit unam ventris plaga, & inteſtini: unde interior inteſtini ſuperficies oculis patebat non tantum, ſed & univerſa quandoque foras protrudebatur. Si aer frigidiuſculus ad inteſtini internam ſuperficiem perveniret, flatim ſuperveniebat tuſſis, quae non ceſſabat, niſi inteſtinum denuo recaluiſſet.

(i) Aphor. 24. ſect. 3. Charter. Tomi IX. pag. 119.

(k) Academ. Annotat. lib. 2. cap. 8. pag. 34.

§. 1346. **C**orrigitur vis expellens sopita stimulo leni purgante, leni supposito, cardiaco suavissimo, & leni.

Cognoscitur, vim expellentem sopitam esse, si nullos nixus ad deponendam alvum faciat infans, vel admodum debiles tantum. Facile patet, tunc opus esse leni stimulo purgante: *Rheum*, & omnia, quae inde praeparari solent in officinis, solum sufficit: acriores enim purgantium stimulos, absque convulsionum periculo, tenellum recens nati infantis corpusculum non fert. *Syrupus cichorii cum rheo*, *Syr. ros. solut. simplex*, *Manna*, *Cassiae fistulae* pulpa sunt praecipua, quibus Medici utuntur in hoc casu. In *Materia Medica* ad hunc numerum plures tales formulae habentur.

Suppositoria ad eundem scopum adhibentur, quae vel mole sola, vel leni stimulo addito, leviter irritant finem intestini recti; unde tenesmus alvum deponendi sequitur; sicque evacuatur Meconium retentum. *Scbum candellarum*, in globulum, vel parvum conum formatum, mole sola agit: globuli saccharati, qui solent ex *semine foeniculi* saccharo-obducto parari, praeter molem, lenem sacchari sensum deliquescens stimulum habent; qui paullo efficacior est in suppositoriis, quae ex melle cocto, vel sapone veneto formantur; de quibus vide *Materiam Medicam* ad hunc numerum.

Quaecumque ex *Materia suppositoria* haec fuerint parata, oleo inunguntur, ut lubrica, absque vi ulla, per anum immitti possint. Relinquantur, donec una cum faecibus alvinis exeant; quod plerumque satis cito fieri solet. Si diutius maneant, sensim solvuntur; & si quid stimulantis simul habeant, ab hoc nixus deponendi alvum excitatur, si a sola mole suppositorii hic effectus non fuerit secutus.

Commendantur & grata Cardiaca, si debilis infans fuerit; quae leni stimulo excitant torpentes ventriculi, & intestinorum actiones. Formulae horum in *Materia Medica* habentur.

Cognoscitur autem, omne Meconium exivisse, si faeces alvinae colorem mutaverint; qui tunc flavus, vel ex albo flavescens solet esse, & post aliquot horas, si in linteis relinquantur, in viridescentem saepe mutatur. Quandoque etiam biliosa viridia per alvum prodeunt, postquam Meconium evacuatum fuit: optime enim notavit *Monro* (1), recens natorum vesicam felleam plerumque turgere bile viridi, & acriore; quia ob respirationis defectum, & gluten, obliniens intestinorum latera, non tam facile in intestina exire potuit. Haec est ratio, quare, evacuato meconio, tormina adhuc maneant, ob copiam bilis per intestina transeuntis; qua evacuata, melius se habent: hinc in similibus usu pergitur, donec faeces flavae, molles, absque signo doloris, per alvum prodeant. Laxior enim alvus junioribus magis prodest, quam si stricta fuerit. Quod & affirmat *Hippocrates* (m), dicens: *Quibus copiose profuit alvus, & belle concoquunt, illi meliorem sanitate fruuntur.*

(1) Medic. Essays and observat. Tom. II. artic. XI. §. 13. pag. 243.

(m) De Dentitione num. 4. Charter. Tom. VII. pag. 871.

§. 1347. **D**urities materiae corrigitur haustu feri lactis recentis cum paucō melle diluto, clysmate ex sero lactis saponato, vel mellito.

Raro Meconium durum est; sed potius picea fere ejus tenacitas facit, ut difficiliori per alvum exire possit: at si nimis diu haeserit, indurescere possit: tamen satis cito corrumpendum meconium, per moram nata acrimonia, plus nocebit, uti ad §. 1345. dictum fuit.

Primum illud lac maternum, cujus usus ante laudatus fuit, facile cavebit nimiam duritiem meconii, simulque vi diluente minuet tenacitatem. Si ubera materna non ducat infans, pauculum feri lactis, melle edulcorati, exhiberi solet (vide *Materiam Medicam* ad hunc numerum); quod facile assumunt recens nati infantes. Optime etiam profunt clysmata ex sero lactis, paucō melle, & pauculo saponē veneto; cum meconium praecipue in crassius intestinis collectum haereat, & sic facile elui possit. Sufficiet, si uncia, vel sesquiuincia talis feri lactis injiciatur, & leni vi quidem, ne tenera intestina inde moleste afficiantur. Tutius enim est, repetere tale clyisma, si opus fuerit, quam simul, & semel majorem copiam adhibere.

§. 1348. **I**ntestina lubricantur, assumto oleo Lini, Olivarum, Amygdal. dulcium, &c., tum, injectis iisdem Clysmatis specie, & linimentis similibus.

Omnia olea pressa lubricant, siccitatem intestinorum emendant, illorum latera oblinunt, omnemque acrimoniam obvolvendo enervant, quaecumque demum illa fuerit: hinc, uti notum est, ad venena acria ingesta adeo laudantur ab omnibus olea mollia recentia, tam ex vegetabilium, quam ex animalium. ^{ergo mucosum, acris jam collatum in} flina irritando, dolores torminosos producit (§. 1345.), usum habere haec poterunt. Cavendum tamen videtur, ne majori copia, vel diu haec adhibeantur. Solidarum enim partium robur minuunt (§. 35.), & si diu maneant in ventriculo, ac intestinis, rancefcunt, pessimamque acrimoniam inducunt: in sanis etiam, & fortibus hominibus, si opima pinguis copiosa in prandio assumerint, observatur, quod vesperti eructent merum oleum; sed jam adeo acre, ut oesophagum, & fauces exurat, imo fere praefocet. Haec est ratio, quare in *Materia Medica* ad hunc numerum parca tantum quantitas oleorum mollium praescribatur, simulque admisceantur syropi, ut facili saponacea virtute reddatur illud oleum miscibile humoribus aquosis, sicque caveatur, ne diutius cavae intestinorum superficiei haereat. Ob eandem rationem oleo lini additur ovi vitellus, & mel mercuriale, dum forma clysmatis recens natis injicitur: simulque monetur, tale clyisma semel in die injiciendum esse, donec lubricitas redeat. Scopō enim hoc obtento, melius abstinetur.

Solent & commendari inunctiones abdominis mollibus unguentis; quae tamen non ita directe intestinorum lubricationi servire possunt.

Obser-

Observavit *Tiffot* (*), olea pressa, recens natis infantibus data, sedasse tormina ventris quandoque satis cito; sed postea rediisse frequentius, si continuaretur oleorum usus. Curavit quosdam, absque ullo remedio dato, prohibendo olei usum.

§. 1349. **Q**ua Methodo, quibus Medicamentis felicissime superantur varia illa, & pessima symptomata ab hac una radice orta (1345).

Primae viae strigementis mucosis undique occupantur in recens natis; quod multis molestiis originem dat, uti dictum fuit: crassa intestina copiam tenacis meconii habent, quod gravat, distendit, & mora acrius redditum irritat. Si autem haec educantur de corpore, ventriculus, & intestina depurantur, aptaque evadunt, ut recipiant, retineant, mutant ingesta, quae requiruntur ad nutritionem, & incrementum recens nati infantis. Unde patet, hanc methodum, haec remedia sufficere, ut superentur mala recensita.

§. 1350. **S**i vero usquam, hic antacida usum habent, & inter illa absorbentia imprimis.

Cum recens nato infanti praebeantur ubera, vel puliculae ex lacte, farinae, pane, atque omnia haec ex propria natura sua degenerent in acrimoniam acidam, patet, quare antacida hic locum habeant, & inter illa praeferantur absorbentia; quia acidum quidem domant efficaciter, sed simul nullam acrimoniam habent. Videantur illa, quae §. 66. dicta sunt, dum de morbis spontaneis ex acido humore agebatur.

§. 1351. **O**piata raro, neque sine magna circumspectione, adhibenda.

Pessimus ille mos apud plebem in multis locis nimis invaluit, ut opiata dentur, dum misero ejulatu infantes dolorem testantur: sic quidem doloris sensus obtunditur; sed causa doloris pergit agere, & potest tenellum recens nati corpusculum destruere. Si a meconio retento, & acri reddito, intestina vellicentur, ejus expulsio promoveri debet, uti dictum fuit: si ab acrimonia acida talia mala contigerint, illa corrigi tuto potest per absorbentia remedia. Cum autem laxior alvus profit primo hoc vitae stadio ad evacuandum meconium, expellendamque bilem copiosius collectam, & acriorem quandoque, opiata nocent, cum alvum strictam reddere soleant. Unde patet, talia remedia locum non habere; vel si perpetui ejulatus aliquid lenimen postulent, lenissima sola adhibenda esse. *Syr. fl. rhoeados, syr. diacodii,*

(*) Avis au peuple sur sa santé pag. 387.

codii, & his similes, qui in omnibus officinis habentur, aqua diluti, & parca dosi dati, repetitis vicibus, donec blanda quies sequatur, tolerari possent; validiora nocent semper. Nutrices mercenariae, & custodes infantum clam saepe solent haec dare infantibus, & cum brevi nullum amplius effectum praestent, nisi dosis augeatur, hinc quandoque audacter ad magnam quantitatem adscendunt; sicque assuescunt his miselli, ut diu postea his carere nequeant omnino: unde vidi stupidos, & hebetes vixisse ad tertium, quartumve annum usque. Sensim tamen in plerisque haec mala, procedente aetate, emendata fuerunt.

§. 1352. **Q**uin evitanda omnia nimis attenuantia, stimulantia, volatilia.

In utero materno foetus blandis sanae matris humoribus vixit, ac increvit, & uti antea dictum fuit, damnum accipit, si gravida acrioribus cibis, potibus, vel condimentis indulserit. Postquam natus est infans, molle lac maternum ipsius usibus destinatum est. Tenera recens natorum viscera nihil acris, nihil irritantis ferre possunt; hinc omnes prudentes Medici, dum tractant infantum morbos, ab illis cavent. Unde patet, quantum peccent mulierculae, dum calidis opiatīs compositionibus somnum infantibus conciliare nituntur. *Iberiasam*, *Misbridatum*, & similia aromatica miscellis ingerunt, quantumvis etiam reluctantis: multum usitata est in quibusdam locis compositio, quae *Electuarium*, seu *requies Nicolai*, & ab effectu *Requies puerorum* in officinis dicitur. Illud *Electuarium*, praeter largam fatīs opii copiam, continet *Nucem Mosibatam*, *Cinnamomum*, *Zingiber*. Imo vidi, quod calidissimum *Electuarium*, in officinis *Philonium Romanum* dictum, exhibuerint; quod, praeter opii largam admodum copiam, continet *piper*, & igneam *pyrhetri* radiculam: haec compositio adeo calida est, ut fauces vix non inflamet, dum deglutitur.

Postquam *Sylvi* sal volatile oleosum incaluerat, fere pro Panacea habebatur, cum vix non omnes morborum causas ab acido solo derivaret. Praeterea, cum acida acrimonia in ventriculo, & intestinis infantum toties adfit, & plurima mala producat, hinc acre illud remedium, quod ex sale volatili alcalino, & oleis aromaticis calidissimis constat, infantibus adhibiturum fuit. Verum, si halitus illius remedii nares feriat robusti, & sani hominis, fere convellit totum corpus. Quantum ergo metui debet, dum similis halitus, calore corporis actuosior redditus, per ventriculum, & intestina tenelli infantis oberrat. Acidum quidem domat hoc remedium, & cum acido unitum mutatur in salem neutrum blandae indolis, sed nocet acri stimulo, antequam hoc fiat.

Haec est ratio, quare prudentes Medici maluerunt. absorbentibus uti remediis ad domandum acidum in primis viis infantum haerens; imo illa praetulerint salibus fixis alcalinis; licet haec salibus volatilibus alcalinis minus stimulent. Omnia enim illa, si non occurrant acido, vel antequam illi uniantur, sua propria acrimonia nocere possunt. Absorbentia autem blanda sunt, & nullam acrimoniam habent.

§. 1353. Cuique vero singulari malo (1345.) facile remedium invenitur, cognita historia causae, & curationis omnium morborum huc usque descriptorum.

Omnia illa mala, quae §. 1345. enumerantur, solent feliciter tolli, causa sublata; id est, dum meconium expellitur, & a glutinosis lentis ventriculus, ac intestina liberantur. Interim contingere potest, ut post diuturniorem moram meconii, jam acrioris redditi, male affecta fuerint intestina, & ideo post expulsionem etiam meconii aliqua ex his malis adhuc supersint: possunt enim v. g. intestina inflammari, ventriculus a diuturniori vomitu sic irritari, ut nausea, & vomitus maneat. Verum tunc medela requiritur talis singulorum malorum, qualis determinata fuit antea, dum de his morbis agebatur: habito tamen semper respectu ad tenellam aetatem, quae mollissima tantum fert remedia.

Hinc etiam patet ratio, quare sollicite cavendum sit ab omnibus, quae sensuum organa in recens natis subito, & valide afficere possint. Unde prudenter Moshibon (o) monuit, ut recens nati decumbant *in loco mediocriter calido, non valde lucido, sic ut nullus ibi odor sit*. Sic imitatur providam naturam, quae in recens natis infantibus pupillam membranula occludente munivit (p), ne vivida nimis lux oculos perfringeret. Similis cautela & circa auditus organum habetur, partim per membranam obturantem, partim quia meatus auditorius brevissimus est; postea sensim elongandus. Unde male consultitur regum pueris, dum in luminosis conclavibus exponuntur, dum in vicinia exploduntur tormenta bellica, &c. Noxium hunc morem, si non abolere omnino potuerim, saltem sic emendare licuit, ut vix amplius nocere possit.

Molle recens nati corpusculum, & cereae flexilitatis fere ossa caute tractanda sunt, ne membrorum difformitas producat, postea difficulter emendanda. Tota tamen tantae rei cura committi solet mulierculis, quae fasciis stringunt, artus componunt pro lubitu suo; Medicorum, & Chirurgorum oprimia consilia spernunt petulanter; unde saepe magnae miseriis infantibus molestiae oriuntur.

Caute praecepit Moshibon (q), ut reponantur recens nati in strato, molli quidem, non admodum tamen, sed mediocriter tantum: metuebat enim, ne spina dorsi, vel cervix distorterentur, si a pondere corporis stratum subfideret nimis.

In utero materno foetus, molli liquori amnii immersus, omnes artus libere movere poterat; postquam autem in lucem editus est, mox fasciis circumductis sic stringitur, ut immobilis haereat. Molli fascia, sed leniter stricta, obvolvere corpus, & artus non nocebit quidem, ut a nutrice, ac custodibus tra-

(o) Spach. gynaeceor. pag. 7. num. 69.

(p) Albin. Annotat. Academ. Lib. I. pag. 33.

(q) In loco modo citato.

tractari, de loco in locum deferri, & uberibus admoventi possit. De tempore, quo fasciis utendum est, dixit *Mosibion* (r), quibusdam statutos esse dies quadraginta, aliis sexaginta; se autem in ea esse sententia, fascias conducere, donec firma fuerit corporis compages; quod in robustioribus citius, tardius in imbecillioribus contingit.

Praecipuus ergo, imo unicus, fasciarum usus est, ut a frigore aëris defendatur infans, & impediatur laesio a rudiori tactu, uti etiam a frictione partium ad se invicem. Unde artus circumducuntur molli linteo, ut attritus omnis vitetur. Pessimus autem ille mos nimis obtinuit, ut fasciarum adstrictione artus immobiles, & in rectum extensi retineantur, sicque miselli in tali situ cogantur decumbere, qui etiam sanis, & robustis hominibus intolerabilis foret. Antea, dum de decubitu in morbis agebatur, dictum fuit, illum laudari optimum, qui in sanis dormientibus constanter observatur; qui nunquam extensis in directum artubus dormiunt, sed semiflexis, dum, motu voluntario silente in somno, musculi flexores praevalent extensoribus, & articulos leviter flectunt. Stolidae infantum custodes omni molimine flexuram artuum impediunt, brachia, & cubitos in directum extendunt, extensa fascia firmant circumducta, lateribus corporis applicant, & retrorsum trahunt: simili modo & artus inferiores tractant, omnem genuum inflexionem impediendo; sic miserum infantem, mumiae instar fasciis involutum, ac immobilem, matri, & adstantibus monstrant, tanquam de re bene gesta gloriantes.

Ipse mulieres mirantur, infantem, miserrime ejulantem, dum in fasciis haeret, quiescere statim, simul ac solutis his vinculis membra libere movere potest. Sed nec evidenti hoc experimento convincere potui obstinatissimas, ut majorem libertatem infantum membris relinquerent. Augustis prolibus sex primis a nativitate septimanis semper additi bis de die, dum fasciae applicabantur, & nisi manifeste perciperem, omnes artus libere flecti posse, totum apparatus removendum jussi illico, quantumvis obmurmurarent mulierculae, non consilio, sed sola auctoritate compescendae. Simul curavi, ut inculcassetur obitetricibus, quae pro more recens natis primas fascias applicare solent, ne arcta nimis deligatione uterentur. Sic sensim obrinui, ut plures resipiscerent.

Nunquam aliquid metuendum videtur a laxitate fasciarum: in utero materno libere fluctuat foetus, membra fortiter movet, calcitrat. Integrae nationes nullis unquam utuntur fasciis, sed molliter testos ab injuriis aëris tantum defendunt. Europaei tamen mirantur robur, & agilitatem horum hominum (s), & raro in illis observatur corporis deformitas.

Imprimis cavendum est, ne caput valide prematur in recens natis; nihil enim periculosius est. Optimum monitum habetur (t); *Caput pannis, aut lanis*

(r) Spach. gynaeec. pag. 10. n. 107, 108. & Harmon. gynaeec. part. I. Cap. 21. pag. 17.

(s) Hist. natur. gener. & particul. avec le descript. du Cabinet du Roy tom. 2. pag. 457.

(t) Spach. Harmon. gynaeec. part. 1. cap. XXI. pag. 17.

Tom. IV. pars II.

lanis mirandis contegatur. Dum in eodem capitulo de fasciis circumducendis reliquo corpori agitur, in capite tamen nulla fit ligaturae mentio; & merito quidem, cum ossa capitis mollia sint, membranis inter se unita tantum, ita, ut pressione externa adhibita, facile supra se mutuo scandere possint, sicque minuto calvariae cavo cerebrum comprimere. Mollis pileolus, laxè capiti applicatus, sufficit. In illis, qui a nativitate fatui vixerunt, plerumque calvariae forma depravata invenitur.

Praeterea & fasciarum nimia adstrictio nocet, quatenus liberum thoracis motum, ad respirationem requisitum, impedir, costasque ultimas spurias introrsum premir; unde plurima mala sequi possunt. Dum simul ab eadem causa abdominalia viscera comprimuntur, ventriculus nec debitam copiam lactis recipere, nec receptum retinere poterit; unde frequens lactis regurgitatio, & vomitus molestus sequi solent; uti *Mazricus* (u) optime monuit.

Cum autem foetus, in utero materno a fune umbilicali pendulus, agitur facile hinc inde, dum mater corpus movet, hinc non sine ratione creditum fuit, recens natos simili motu, oscillatorio quasi, delectari; unde cunis imposituerunt infantes, ut lenissimo hoc exercitationis genere frui possent, sicque magis magisque firmari. Quotidiana experientia docet, morosiores etiam infantes blando hoc motu demulceri, & in suavem somnum delabi. Verum requiritur, ut illa cunarum agitatio lenis sit, & aequabilis. Unde *Mesbion* (vv) dixit: *Cunae vel pensiles sunt, vel pedibus, spondisve suis infra, supraque ita fabricatis, ut facillime in utrumque latus moveantur.* Pensiles cunae omnium optimae sunt, cum parva vi moveri possint aequabilissime, & absque ullo strepitu. Simul motus, talibus cunis impressus, sensim sine sensu minuitur, tandemque absque ullo concussu desinit.

§. 1. 54. 3. **M**ultum patiuntur ab ipso lacte, dum id nimis cito, fortiterque, in stomacho coagulatum, compingitur in unam massam gravem, acremque.

Postquam in lucem editus est infans, resecta chorda umbilicali, ablatum est omne commercium, quod haecenus cum matre habuit, sed post aliquot horarum jejunium, ut melius abstergerentur primae viae, uti dictum fuit, alimento opus est; quod ut praesto sit, tenue, serosum, detergens lac in mammis maternis provida natura paravit. Nihil ergo magis naturale, nihil magis utile infanti esse potest, quam ut propriae matris lacte nutriatur. In utero ab humoribus maternis nutrimentum habuit, & incrementum; imo admodum probabile videtur, uti antea monitum fuit, ultimis graviditatis mensibus lac ad uterum, & foetum ferri.

Si jam adultis, & sanis hominibus subita in victu mutatio non caret periculo, sponte patet, multum metuendum esse, ne recens natus infans ab alieno

nu-

(u) *Traité des malades, des femmes.* Tom. I. liv. 3. chapit. 37 pag. 506.

(vv) *Spach. Gynaec.* pag. 9. n. 104.

nutrimento male afficiatur, & langueat. Cum enim non tantum foeminis humanis, sed & quadrupedibus mammae datae fuerint, tanto plures numero, quanto numerosiores foetus parere soleant, ut singulis alimentum praesto foret, simul ac nati sunt, patet evidenter, naturale institutum esse, ut recens nati infantes alantur lacte materno tandiu, donec, incrementum corporis robore, & dentibus enatis, duriores cibis, qui majori digestionis molimine indigent, assumere, & in usus suos convertere possint. A naturali autem lege prudens Medicus nunquam recedet, nisi ob graves, & urgentes rationes.

Verum quidem est, lac sponte sua acescere, coagulari in ventriculo, moram acrius reddi, & multa inde fieri mala de quibus jam agendum erit: unde videntur quidam lac habuisse pro alimento minus congruo, & alium potius victum suasisse recens natis. Verum, si adeo languidae fuerint viscera chylipoieticorum vires, ut lac, in materno corpore jam paratum, & subactum, digerere nequeant, an separari poterit, posse subigi alia ingesta, quae a sanorum humorum indole magis remota sunt, quam ipsum lac? Certe vix hoc verosimile videtur. Lac, antequam in mammis colligitur, omnium viscerum, & vasorum corporis humani actionem expertum fuit, cum omnibus humoribus totius corporis mistum per vasa fluxit, imo jam proximum est humoribus humanis. Nulla ars praeviam talem mutationem inducere poterit, ingerendis cibis, qualis in lacte jam adest. Hinc merito concluditur, lac esse aptissimum nutrimenti infantum materiam. Illa autem mala, quae a lacte non bene digesto contingere observantur, caveri poterunt; & si nata fuerint, non adeo difficile est, illa emendare, uti patebit in sequentibus.

Helmontius (x), licet lac damnaverit, & plurima mala inde metuenda recensuerit, dixit tamen: *Natura destinavit lac in uberibus pro cibo, & potu infanti, quod ipse alimentum commune cum brutis cessit.* Sed ideo lac minori in pretio videtur habuisse. *Natura regitur digito Dei.* Ita est. Lac ergo, ut alimentum ordinarium ad vivendum sufficienter praebuit; non autem, ut vitae longe inserviret. Non enim natura amplius de vita longa est meditata, postquam novit, auctorem suum vitam accurtassee, nec velle unumquemque longaevitae. Lac autem unicuique in cibum dedit ex aequo; etenim morborum exercitum; ut mille morbis praecocitates ad vitae fundamenta vergerent in ruinam. Natura ergo per lac satisfas finibus sui auctoris, deditque alimentum belluinum. Cum autem de vita longa, per arcana sua remedia producenda, somniaret, quotidie bis de die guttas quatuor de arbore vitae sumendas voluit: ob hanc causam etiam lac damnavit, quod medicamen ad vitam longam, ut a cunis quotidie guttatim porrigitur, ad vitam longam, & sanam non potest digeri, ut neque penetrare, si intra crassos lactis grumos sepellatur. Utpote sic etiam venena in lacte propemodum innocua evadunt, & velut castrata sterilescunt.

Sed quale alimentum lacti, quod damnavit, substituit *Laudo pro pueris nostris alimenta, quae pane, tantisper in tenui cerevisia bullito, cum melle despumato, sit minus, cum saccharo, instituitur: donec simul in mucilaginis, aut collae speciem.*

(x) In Capitulo: *Infantis nutritio ad vitam longam* pag. 622. & seq.

ciem, sive gelatinam, devenerint. Notum autem est, panem cum cerevisia coctum cito aclescere, & valide quidem: nemo sane functionum corporis gnarus spissam talem pultem praeferebat lacti, quod de uberibus ducitur.

Hinc non adeo multos sequi *Helmontii* paradoxam sententiam, observatur, qui omnia omnino lac damnavit, humanum aequae, ac aliorum animalium. Ridentur pro merito a prudentibus vanae illae de vitia prolonganda Chemicorum fabulae, nec a lactis usu arceant recens natos, ne scilicet molli lacte obtunderetur efficacia *Entis Cedrii, Arboris vitae &c.*

Alii, & egregii viri, quos veneror, mitius senserunt de lacte, illiusque utilitatem agnoverunt quidem, sed praetulerunt humano lac aliorum animalium, & speciosis argumentis suam opinionem stabilire nituntur.

Fateantur quidem, historiam sacram, & profanam testari, Reginas, & Principes foeminas ubera dedisse propriis infantibus (y). Imo piaculum fore testantur, si naturali huic legi non obedivissent. Verum prima haec saecula morum innocentia commendabat, & una cum lacte virtutum semina natis tradebant matres. Nostris temporibus vitia praedominantur, morborum semina, & criminum una cum lacte materno hauriunt infantes. Hinc in votis habetur (z), ut Principum auctoritate ab uberibus prohiberentur infantes. Medici nunquam desinere deberent monitis instare, dum patienter expectant talem temporum felicitatem.

Mitius, fateor, de saeculo nostro censendum crederem: si numerosa fuerint vitia, non defunt tamen virtutes. Parricidii crimen primam mundi infantiam jam maculavit: post quindecim a creato mundo elapsa saecula crimina adeo increverant, ut, tarda adeo ad vindictam, divina ira totum genus humanum diluvii aquis deleverit, servato solo Noë, viro justo, & perfecto, cum familia sua. Prima haec saecula procul dubio pejora fuerunt nostris. *Omnis quippe caro corrumperet viam suam in universa terra* (a).

Nec facile induci possem, ut crederem, lac in mores imperium habere. Novi quidem, multa de hac re historias narrari. Quanta diversitas morum in *Caïno*, & *Abel* fratribus! Iisdem tamen parentibus nati, eadem ubera duxerant. Quis credet, *Caïnum* iram, invidiam, crudelitatem ferocem adeo una cum lacte ex uberibus matris viventium haussisse? Quotidiana observata docent, fratres, ex iisdem parentibus genitos, eodem lacte nutritos, moribus esse diversissimos. Si verum sit (de quo dubito tamen), in *Moscovia*, & *Islandia* (b) matres nunquam lactare prolem, an constat, ibi vitia minus dominari, quam alibi? Vitulus, in ferocem taurum crescens, idem cum matris indolis sororibus lac de uberibus hausit. Dum solliciti parentes nutricem, quamvis caeterum sanissimam, removeere vellent ideo, quod stupidioris ingenii videretur, veteranus Medicus subridens dixit, nutricem procul dubio ingenio praevalere vaccae, cujus lacte nutrire volebant prolem. Quam parum autem lac in mores agat, proprio suo exemplo docet egregius auctor

(y) Vander Monde sur la maniere de perfectionner l'espèce humaine Tom. 2. chap. V.

(z) Brouzet sur l'éducat. Médic. des Enfants Tom. 1. chap. V. pag. 165.

(a) Genes. cap. VI. (b) Brouzet sur l'éducation Méd. chap. V. pag. 160.

auctor (c). Fatetur enim, se per octodecim menses nutritum fuisse lacte nutritricis ebriosae, absque ullo detrimento vel roboris, vel sanitatis. Nec tamen pulcher tractatus, quem de educatione Medica infantum scripsit, ullo modo hoc morum vitium sapit.

An non illi, qui lac humanum damnant, tanquam morborum mentis, & corporis causam, timere deberent stupidam asini hebetudinem, vel salacitatem, & irrequietam corporis agilitatem, dum lac asinum, vel caprillum nutrimento infantum adhibetur (d)?

Si lac animalium in morbis difficillimis curandis profuerit, lac humanum adhuc longe majorem praestitit utilitatem. Videantur illa, quae ad §. 28. i. dicta fuerunt, uti & illa, quae de phthisi curanda ad §. 1211. habentur. Notatum tunc fuit, calidum ex uberibus emulctum lac, dum aëri exponitur, halitum emittere grati satis odoris, qui statim in auras dispergiatur, & non sine ratione creditur esse subtilissimi, atque elaboratissimi fluidi, in corpore materno parati, progenies. Totum illud perit cito, dum lac aëri exponitur: unde provide natura fecit, ut lac ex uberibus transeat in ventriculum infantis immediate, absque ulla iactura subtilissimi illius halitus.

Alterum argumentum, quod opponitur lactationi, est, quod lactantes foeminae minus foecundae sint; & secundum hanc sententiam augetur hominum numerus, si lactationis munus aboleretur omnino: voluit celebris auctor (e) ad minimum duas tertias partes temporis, quo mulieres foecundae esse solent, inutiliter perire, dum lactantur infantes. Videtur autem haec opinio repugnare certis, & quotidianis observatis. Numerosissimas vidi mulieres, quae singulis fere annis feliciter pariebant, licet ubera praebere infantibus. Nobilem matronam novi, quae octodecim infantes peperit, lactavit omnes, & ab ultimo partu resurgens, nihil de venusta forma amiserat, ita ut filiarum soror potius, quam mater, videretur. Magnam in Austria observo mulierum foecunditatem, etiam in plebeis, quae nutricum sumtus ferre non possunt, & quae longe facilius putant, ubera praebere infantibus, quam in tempesta nocte alium cibum parare. Multas audiavi querulas, quod tantum sexies, vel octies peperissent, firmiter persuasae, quod singulis puerperiis noxii quid secederet de corpore; quod nisi fieret, morbosas brevi se futuras, metuebant. Patet ergo, foecunditatem non impediri lactatione, & video quotidie, lactantes infantes feliciter crescere.

Suavi semper, nec poenituit, puerperam totam integram esse matrem filii sui; quod est enim hoc contra naturam imperfectum, atque dimidiatum matris genus, peperisse, ac statim abiectisse abs sese? aluisse in utero sanguine suo nescio quid, quod non videres; non alere nunc suo lacte, quod videas, jam viventem, jam hominem, jam matris officia implorantem? an tu quoque, inquit, putas, naturam foeminae mammarum ubera quasi quosdam natusculos venustiores, non liberum alendurum,

(c) Brouzet sur l'éducation. Méd. pap. 175. in notis.

sect. de l'espèce humaine chap. V. pag. 88.

Tom. 1. chap. V. pag. 164.

Tom. IV. Pars II.

(d) Vander Monde sur la puerperité.

(e) Brouzet sur l'éducat. Médic.

dorum, sed ornandi pectoris causa dedisse? Sic enim, quod a vobis scilicet abest, pleraque illae prodigiosae mulieres fontem illum sanctissimum corporis generis humani educatorem, arrefacere, & exstinguere, cum periculo quoque averfi, corruptisque lactis, laborans, tanquam pulcritudinis sibi insignia devenisset &c. (f). Galliae Regina filio ubera praebuit, nec cessare voluit, licet aegrotaret. Dumque paroxysmi febris intermittentis tempore alia matrona mammas porrexisset sitienti, & ejulanti puello, aegre hoc adeo tulit, ut digito in os infantis immisso, vomitum excitaverit, nolens, ut, alia mater suo munereungeretur (g).

Si autem mater ob morbum, debilitatem, aliamve causam infantem lactare non possit, vel nolit, tunc optimum est, si nutrix eligatur, quae praebeat ubera. Primum, quod requiritur in nutrice, est sanitas illibata: hinc Medici omni cum cura inquirunt, an aliquid morborum possit detegi. Si color cutis bonus fuerit, oculi vivaces, gingivae bene coloratae, & firmae, dentes nitidi, & sani, cutis ubique pura, nullus odor malus ex ore, naribus, vel cute spiret, functiones omnes corporis rite peragantur, tunc de integra sanitate certi esse possumus. Simul examinatur infans, quem lactat, an sanus sit, an justum incrementum acquisiverit: inde enim concluditur de lactis bono effectu. Prudens, & perita obstetrix omnia sollicitè perlustrat, & si in quodam loco suspecta cicatrix, pustulae, fluor albus inveniantur, repudiatur merito nutrix.

Aetas optima laudari solet a vigesimo quinto ad trigésimum aetatis annum. Sed certe viginti annorum nutrices inveni robustas, & sanissimas, quae felicissime hoc munere functae fuerunt. Majorem prudentiam in adultioribus laudare solent; & hoc forte considerari meretur: verum nutrices Regiis pueris ubera praebent tantum, reliquarum rerum cura relinquitur prudentibus, & probatae fidei mulieribus: apud privatos, si nutrix curam infantis simul gerere debeat, caeteris paribus, primiparis praefertuntur illae, quae plures infantes pepererunt, modo adhuc in flore aetatis sint.

Mammarum forma laudatur illa, ut non sint flaccidae, sed tensae, elasticae, & moderatae molis. Metuebat Aetius (h), ne in magnis mammis nimia copia lactis conficeretur, quod, stagnando corruptum, noceret infanti. Verum antea, ubi de puerperii morbis agebatur, notatum fuit, praeter apparatus discernendo, & colligendo lacti dicatum, in mammis adesse tunicam adiposam, quae, si multo adipe distenta fuerit, mammarum molem auget quidem, sed lactis secretionem non promovet, at impedit potius, dum glandulosam mammae partem sua mole comprimit. Saepius vidi, ingentes tales mammas parum lactis dedisse.

In papillis laudatur ruber color, firmas, & ut satis super mammae discum emineant, ut facile illas infans attripere possit. Moderatae etiam magnitudinis ut sint, oportet; nimis magnae enim si fuerint, linguae motum, ad deglutitionem requisitum, impediunt; si vero nimis tenues fuerint, difficilius in-

(f) Auli Gellii Noct. Attic. Lib. XII. cap. 1. pag. 281.

(g) Broussier in loco modo citato pag. 166.

(h) Lib. IV. cap. 4. pag. 67. verba.

infans illas ore retinere poterit, & dum fugere tentat, facile elabuntur (i). Optimum simum est, si, leni compressione manuum facta, imprimis circa areolam papillae, lac facile, & ad magnam distantiam ex pluribus quasi siphunculis profiliat. Si vero latiores fuerint hi siphunculi, ut tanquam per fistulam confertum lac emittant, *Aëtius* (k) suffocationis periculum metuebat. Caeterum aetatem nutricis definit, ut nec viginti annis junior, neque quadraginta annis major sit.

Moris erat, nutricem non dare ubera, nisi quatuor, imo & sex septimanae a partu numerarentur; ut scilicet a lochiis pura, & a toleratis in partu laboribus omnino restituta foret. *Mauriceau* (l) fatetur, se propriae matris lac praeferre, ideoque se potius optare, ut duodecim, aut quindecim a partu diebus nutrix alere inciperet infantem. Sed facile patet, non semper tale haberi posse. Unde *Aegineta* (m) dixit, magnum infanti esse commodum, si nutrix non ita diu ante pepererit; & imprimis, si ejus infans masculus fuerit. De sexu infantis parum sollicitus fuit, modo in reliquis nutrix optime constituta foret. Fuerunt alii in hac opinione, pro masculino nutriendum eligendam esse nutricem, quae masculum peperit, & contra, si sequioris sexus infans foret.

Lactis bonitas cognoscitur, si odorem non ingratum spiret, album fuerit, dulcis, & saccharini quasi saporis; si aqua pura mistum aequabilissime diluatur. Consistentia laudatur talis, si guttula ungui imposita, inclinato parum digito, non illico defluat tota, sed aliqua pars in superficie unguis maneat: si vero nimis haereat ungui, crassum, & viscosum damnatur. Simul laudatur, si non omnino album, & opacum fuerit, sed aliquid subcaeruleo scintillae habeat, semipellucidum quasi.

Caeterum prudenter monuerunt (n) auctores, ut eligatur nutrix, quae prudens sit, nec in iram prona, cui addidit *Aëtius*, non epileptica. Dictum fuit antea, ubi de Epilepsia agebatur, magna quandoque intervalla inter retri hujus morbi paroxysmos interponi, & intermedio hoc tempore nullum latentis morbi vestigium detegi posse: praeterea mulieres, quae in validos animi affectus pronae sunt, saepe hystericiis malis vivunt obnoxiae. Facile patet, tales nutrices amovendas esse; certa enim observata docuerunt, infantes, qui ita furentium obstetricum ubera duxerant, subito convulsos fuisse. Nec mirum hoc videbitur, si considerentur illa, quae ad §. 104. & aliis in locis de mutationibus miris in corpore humano factis per validos, & subitos animi affectus dicta fuerunt.

Hinc optime in aulis plures nutrices eliguntur, quae eadem in domo sub tutela prudentis matronae vivunt, & omnes eodem victu utuntur, secum mutuo quotidie conversantes, simul proprias proles lactant, illarumque curam gerunt. Sic occasio datur, ut detegantur corporis, & animi vitia, quae nondum

(i) Lib. IV. cap. 4. pag. 67. vers. (k) Ibid. (l) *Mauric. Traité des malad. des femmes*, gross. &c. tom. 1. liv. 3. chapit. 43. pag. 52. (m) Lib. I. cap. 2. pag. 2. (n) *Aëtius* Lib. IV. cap. 4. pag. 67. vers. *Molichon* apud *Spach*. pag. 7. d. 76.

dum innotuerant. Unde *Aëtius* (o) dixit: *Divitisibus vero praestat plures habere nutrices.*

Cum autem certis observatis constet, lac, in mammis secretum, & collectum, nondum omnino deposuisse ciborum, & potuum indolem, patet ratio, quare in victu delectus habendus sit. Unde prudenter monuit *Aëtius* (p), cibos congruo tempore exhibendos esse, boni succi, quantitate debita: jussit, abstinendum a porris, cepis, alliis, sale maceratis, ab omnibus virosis, & tetri odoris, a bellariorum copia, &c.

Nec tamen victus, quo ante uti solebat nutrix, simul & semel mutandus est, cum illo utens antea vixerit sana. Hinc prudenter de nutricum diaeta *Moschion* (q) dixit, illas nutriendas esse communiter, sicut omnes homines, ut sana esse possit. Contra hoc praeceptum toties peccant nimis sollicitae matres, dum nutricibus exhibent omni arte culinaria parata cibaria, dum urgent jam saturas, ut gustent saltem oblatas delicias, credentes, se prodesse proli, dum nutricis ventriculum gravant. Plenus victus prodest quidem nutricibus, modo appetitus respondeat, ut copia lactis semper praesto sit. Victus tamen simplex omnium optimus est, ex jusculis, carnibus juniorum animalium elixis, vel assatis: profunt & olera mollia, fructus horaei bene maturi, non acidi, ova recentia, lacticia: cpima, pinguis, acria, falsa, aromatica vitanda: sic enim ex his in sanae nutricis corpore copia boni, & blandichyli parabitur; quae & nutrici, & infanti alendis abunde sufficiet. Simol & satis magna ciborum varietas ex his parari poterit, ne eadem fercula, quotidie repetita, fastidium pariant.

Dum recens natus infans ubera ducere incipit, commendari solet nutricibus, ut liquidiori victu utantur, aucta jusculorum copia, & minuta carnis quantitate; si acer nutricis appetitus validiorem cibum poscat, copia potus tenuis chylum dilutiorem reddere poterit.

Sensim autem, crescente infantis robore, & validiores cibi nutrici concedi poterunt (r).

Potus laudatur imprimis aqua pura, cum reliqui potus, arte parati, cerevisia, vinum v. g., & similia vel acida jam sint, vel sponte sua acefcant, & in infantibus acida acrimonia metuenda sit. *Moschion* (s) primis diebus aquam solam concedit; postea, adultiori jam infante, vinum potui communi misceri, permittit. Aliquid tamen videtur concedendum regioni, & consuetudina: notum est, in quibusdam regionibus aquam vel nunquam, vel saltem rarissime potari. Si v. g. cerevisiae potui semper assueta fuerit nutrix, aquae potum vix feret, & languebit brevi. Cerevisiam nunquam vidi novicuisse assuetis, modo mollis, recens, & bene defaecata fuerit; praepriis meracior, quae non tam facile acefcit, & satis multum nutrimenti in se habet. *Aëtius* (t), dum lac deficeret in nutrice, *Zythum* propinari jussit; dixit-

(o) *Aëtius* Lib. IV. cap. 5.

(p) *Ibid.* cap. VI.

(q) *Spach. gynaec.* pag. 7.

n. 77.

(r) *Moschion* apud *Spach.* pag. 7. n. 77.

(s) *Ibidem.*

(t) *Lib.* IV. cap. 6. pag. 67. versa.

xitque: Eodem die ubera lacte replebantur. Mulieri autem videbitur, ubi poculum acciperis, omnibus membris languescere, & exsolvī, donec lac in mammillis collectum fuerit. Debet autem talis cerevisia meracior nondum per fermentationem temulentam vim acquisivisse; tunc enim fortiter inebriat. In pluribus lactantibus egregium talis cerevisiae effectum vidi, & quidem in propria uxore, quae, dum infantibus suis daret ubera, lectam petens, hujus cerevisiae libram sumit, hoc cum effectu, ut tota nocte ubera lacto plena haberet.

Cum autem pleniori victu utantur nutrices, si desidem vitam agentes inereī torpeant otio, sanitas brevi detrimentum patietur: hinc omnes Medici nutricibus suaserunt, ut salubri motu corpus exerceant. Laudaverunt imprimis exercitia, per quae corporis partes superiores maxime exercentur (u). Hinc farinam parare, lectos sternere, imo aquam portare, jusserunt. Deambulatio in aëre aperto, puro, sereno prodest quam maxime. Multum facit ad nutricis sanitatem conservandam, si pacatus animus, & hilaris sit.

Multum metui solet, si lactanti nutrici menstrua prodierint; imo apud quosdam in more est, ut statim alia substituatur. Multae enim noxae solebant imputari virginī menstruo, uti in *Capitulo de Morbis Virginum* dictum fuit. Aëtius (vv) monuit, ne nutricibus daret bellariorum copia, & praesertim pincarum: hac enim, quod oleaginosae sint, bilem generant, & in stomacho stuant, sed & venereem excitant, a qua omnino nutricem abstinere oportet: hora enim concubitus menses provocantur; unde & lac corrumpitur, & depravatum, paucissimumque generatur. Similia & apud Moschionem (x) habentur. Dum nutrices eliguntur, inquiri plerumque solet, an lactationis tempore menstrua habuerint olim: si fateantur, creditur, tales nutrices minus conducere. Vidi, sexies mutatas fuisse nutrices anni spatio ob hanc solam causam. Soleo in tali casu sollicite examinare nutricem, ejusque lac. Si nihil in sanitate mutatum invenio, si lactis copia, & qualitas omni dote bonae fuerint, meo consilio nunquam mutata fuit nutrix. Simul notandum est, quod miserae nutrices, dum menstruorum prima vestigia percipiunt, animo turbentur, metuentes, ne removeantur. Ubi vero blando alloquio erectae spem habent, non futurum, quod timent, mox omnes illae turbae sileant, & pristina redit alacritas. Bona fide asseverare possum, me nunquam, sub datis condicionibus, aliquid damni observasse, si lactentes menstruantis nutricis ubera ducerent. Plus metuendum videtur a frequenti nutricum mutatione.

Moris quidem est in aulis, ut nutrices a consortio mariti separentur, & Aëtius (y) severe concubitus prohibet, & ob menstrua, a quibus metuebatur, & quia quaedam ipsarum concipiant; quo nihil nutriendo infanti perniciosius. Quotidiana tamen observata docent, mulieres, quae proprios infantes lactant, maritorum consortio uti libere, & nihilominus feliciter prolem educare; multasque concipere lactationis tempore. An non potius metuendum est, dum mulier in flore aetatis commode, & laute vivit, ne furtiva venere utatur, vel,

(u) Aët. in loco modo citato. Moschion. pag. 7. n. 77. 79.

(vv) Ibidem.

(x) In loco modo citato. (y) In loco modo citato.

vel, si severe custodiat, languere incipiat. Aliquoties hoc contigisse, vidi. Haec est ratio, quare moderatus licitae veneris usus non credatur nocere nutrici, nec infanti (z). Verum quidem est, inveniri quandoque mulieres, non adeo in venerem pronas ex propria temperie, quae tunc plerumque iners, & frigida esse solet, sed pro nutricibus eligi solent fanilissimae, & succi plenae, in quibus talis temperies non adest.

Nec videtur adeo metuendum esse, si lactationis tempore conceperint: solet illud satis frequenter contingere mulieribus, quae suis infantibus ubera praebent: cum enim saepius lactationis tempore non prodeant menstrua, contingit frequenter, tales gravidas esse, licet ignorent. Imo in pluribus lac aequae bonum, & copiosum manet primis graviditatis mensibus. Plerumque contingit, utero mole aucto, lactis copiam in mammis minui; imo sponte evanescere: verum infans, per aliquot saltem menses materni lactis beneficio usus, facilius ab lactationem feret. Credi solet, recens concepto Embryoni nocere, si gravis mater infantem lactet: sed tantillae molis est, ut facile nutrimentum in utero invehiat, licet copia lactis quotidie ad mammas derivetur. Si binos, imo plures foetus in utero nutrire possit foemina, cur non posse nascentem foetum in utero, & natum jam infantem, alere eodem tempore?

Vidi mulierem, quae primos partus dolores percipiens, dabat ubera annuo infanti, illumque subridens monebat, ut valediceret mammis, quae mox nascituro dicatae jam erant. Dum mirabar, dixit, sex jam vicibus se idem fecisse. Post paucas horas enixa fuit infantem sanum, & robustum, quem feliciter educavit.

Non incongruum videtur, hoc loco agere de illis impedimentis, quae faciunt, ut infans vel omnino non, vel saltem difficulter ubera ducere possit; simulque considerare, qua methodo haec obstacula tolli, vel emendari possint.

Linguam, & labia prae reliquis servire suctioni notum est; unde integritas, & libera mobilitas harum partium requiruntur. Inter ligamenta, quae linguam firman, & in situ retinent, praecipuum est illud, quod anteriori, & inferiori parti linguae inferitur, & fraenum linguae dici solet. Si aperto ore sursum elevetur linguae apex, statim oculis apparet: est autem continuatio, & duplicatura, laxae cohaerens, membranae, quae retrius oris cavum investit. Ligamentum illud impedit, ne lingua nimis retrahi possit versus fauces: observatur autem, finem illius ligamenti in recens natis proprius ad apicem linguae extremum accedere, quam in adultis; imo quandoque, licet rarius, ad extremum linguae apicem usque produci, & tunc impedire, ne lingua ad palati fornicem elevari, vel ad labiorum extrema usque adduci possit. Sic linguae liber motus, qui ad suctionem requiritur, impeditur. In tali casu, levi sectione prudenti manu facta, ligamenti pars anterior a linguae apice solvitur.

Pelli-

Pessimus mos obtinuit, ut sciolae obstetrices hoc unguibus lacerarent, vel & forfice rescinderent, credentes certissime, hoc absolute requiri ad facilem suctionem: imo adultis nunquam expeditam loquelam fore, nisi illud fraenum linguae resectum fuerit. Unde in proverbium abiit de garrulis dicere: *Lorum linguae illis nimis resectum fuisse.*

Facile patet, primo inquirendum esse, an illa sectio opus sit, nec ne, quod sic exploratur. Si infans possit linguam producere ad extrema labia usque; si apice linguae palatum tangere possit; si digitum ori immissum sugendo prehendat; tunc hac sectione opus non est, cum lingua habeat mobilitatem requisitam ad illos usus, quibus infans hac aetate indiget, ad suctionem nempe, & deglutitionem. Celebris, & toties jam laudatus *Petit (a)*, si dubitaret de sectionis fraeni necessitate, infantem admovebat uberibus; si sugere poterat, non secabar, licet ipse crederet, linguae motum ob hoc impedimentum non satis expeditum esse. Malebat enim operationem differre, donec adultior foret infans; quia tunc facilius tentari potest; & saepe observaverat, vitium illud sensim per aetatem emendari, ita ut postea liberrime loquerentur, licet omnes statim post nativitatem voluissent sectionem faciendam esse. Praeterea cum in recens natis difficilior sit hanc sectionem instituere, ut nec iusto major, nec minor sit, hinc merito differtur, nisi sugendi impossibilitas urgeat. Vidit enim *Petit (b)*, postea novam sectionem debere fieri ad tollendum loquela impedimentum in adultiori, dum prior linguam non satis liberaverat. Contra, si sectio productior facta fuit, linguae pars non satis sustinetur.

Vidit infantem balbutientem, & credidit, hoc factum fuisse, quod temere, absque ulla necessitate, resectum fuerit fraenum. Faterur, plus quam medietatem infantum, ad quos vocatus fuit, nulla sectione opus habuisse, neque se hoc tentasse in omnibus, quibus fraenum linguae morum difficiliorem reddere videbatur.

Adjacent utrinque huic linguae fraenulo vasa ranina, arteriosa, & venosa, quae imperita manu facile laedi possunt; imprimis venosa, quae ante arterias locantur: dum autem suctionem perpetuo sere tentat infans recens natus, hinc haemorrhagia augetur, & proprium sanguinem exsurgens perit. Infelix talis casus legitur (c), ex *Dionysio* descriptus, de recens nato in diviti familia haerede, cui Chirurgus, secundo fraenum, raninam venam laeserat incisus. Dum vidit, infantem ubera cum facilitate ducere, securus abiit. Nutrix infantem lacte saturum, ut putabat, in cumis reposuit: pergebat labia movere, ac si suggeret, quod satis consuetum est infantibus; unde nemo quid mali suspicabatur: sed incipiebat pallefcere, debilis fieri, & paullo post moritur. In cadavere inventus fuit ventriculus sanguine plenus. Plures similes casus in Historia Medica habentur.

Patet inde, prudentem manum requiri, ut haec operatio tuto fiat. Haemorrh-

(a) Acad. des Scienc. l'an. 1742. Mém. pag. 333. & seq. (b) Ibid. pag. 339.

(c) Andry Orthopédie tom. 2. pag. 266.

morrhagia talis, licet terreat semper, & insausiti casus docuerint, illam periculo non carere, tamen arte supprimi potest, si peritia, & dexteritas Chirurgi non defuerit, simulque constantis animi sit. Testatur *Petii* (d), quod nullus infans, ad quem vocatus fuerat, tali haemorrhagia perierit. In adultis, uti notum est, venae raninae satis tuto lanceola perundi possunt; verum illi, dum monentur, linguam immotam retinent, & sanguis, aqua frigidissima, vel glaciei frustulo sub lingua posito satis cito compescitur. Verum infantes, dum sanguis exit, perpetuo sugunt, & sic haemorrhagia non tantum pergit, sed augetur. Praecipuum ergo auxilium ab eo pender, ut, lingua immota reddita, suctio impediatur. Sumit *Petii* (e) furcinulam, ex ramulo mollis ligni paratam (*bouleau*), in illo loco, ubi bini ramuli, aequalis, quantum fieri possit, magnitudinis, bifurcantur: adhibuit ad hunc usum. Curavit autem, ut trunculus quatuor lineas, singuli vero ramuli octo lineas aequarent longitudine; adeoque confecit furcinulam, cujus manubrium duplo brevius erat dentibus: tenuis lintei fasciola obvolvebat totam hanc machinulam, & obvolvutam supponebat linguae infantis ita, ut manubrii extremum tangeret, & initteretur maxillae inferiori; angulus autem, ex divergentibus furcinulae hujus dentibus exurgens, applicaretur vasis apertis, dum simul dentes utrimque motum linguae in latera impedirent: Fasciam deinde, ex tenui linteo paratam, ulnam longam, & octo, vel decem lineas latam, applicabat linguae, ita ut labiorum utrumque angulum tangeret; postea sub maxillam deducebat, prope laryngem decussabat illam, & utrumque fasciae extremum posteriori pileoli parti affigebat. Sic & lingua firmabatur, & vasa laesa comprimebantur. Hac methodo servatus fuit infans, licet jam durasset haemorrhagia per viginti quatuor horas, & admodum debilis foret (f).

Optime autem monet egregius ille vir, haemorrhagiam sequi posse, licet dexterrime peracta fuerit haec operatio, & nulla vasorum raninorum laesio facta sit. Vidit enim talem casum, ubi sectionis limes distabat ultra duas lineas a vasis raninis, & tamen notabilis copia sanguinis effluebat. Hoc contingere potest, si majores horum vasorum ramuli per duplicaturam fraenuli decurrant; quod imprimis fit, si illud solito crassius fuerit.

Sed & aliud periculum imminet, si linguae fraenulum absque ratione resectum sit, vel sectio nimis longa instituatur: paucus sanguis, qui semper ex vasculis laevis exstillat, irritat infantem, ut deglutiat; sicque lingua; cum fraenulum resectum jam non firmet, & retineat illam, versus posteriora trahitur, apicem suo pone velum pendulum palatinum deducitur, linguae basis retrorsum ducta. Epiglottidem deprimit, rimam glottidis obturat, & infans brevi suffocatur. Tristem talem casum vidit *Petii* (g). Infanti statim post nativitatem secabatur fraenulum; & post quinque horas suffocatus periit: vocatus, ut mortis subitae causam rimaretur, digito in os immisso linguam invenire non potuit; sed tangebatur carnem quasi massam, obtu-

ran-

(d) In loco modo citato pag. 353.

(e) Ibid. pag. 356.

(f) Ibid. pag. 353.

(g) Ibid. pag. 339.

rantem aditum ex ore in fauces. Fissis utrinque ad masseteres musculos usque genis, vidi, carneam illam massam esse linguam retractam pone velum pendulum palatinum ita, ut linguae apex pharyngem spectaret. Sic evidenter paruit, quod miser infans propriam linguam deglutivisset.

Postea, dum recenti in memoria habebat hunc casum, vocatus fuit ad infantem, cui bihorio post nativitatem fraenum sectum fuerat; qui paulo post in simile periculum incidit: statim digitum ori immisit, & invenit linguam nondum penitus in fauces retractam, quam digito reduxit; & audiebatur sonus, ac si vi embolus ex syphone extraheretur. Pergebat infans suctionis motum facere, audiebatur sonitus deglutitionis per quatuor, vel quinque minuta, & subito apparebant instantis suffocationis signa. Digito linguam ex faucibus statim reduxit, & reductam retinuit per aliquot minuta; tunc infans digitum fugere incepit, & oblatis uberibus lac avidè hausit. Omnia in vado jam esse, credebatur; sed post horae intervallum idem periculum rediit; quod *Petit*, cum in vicinia esset, pro tertia vice feliciter superavit, simulque necesse credidit, illo tempore, dum non fugebat infans, linguae motum impediendum esse. In hunc finem linguae imposuit splenium, duos pollices longum, quindecim lineas latum, sex lineas crassum, atque fascia quatuor caput firmavit. Amovebatur ille apparatus, dum mammae fugetet infans, & mox denuo apponebatur: cum tota die feliciter cederet haec methodus, nutrix cum infante rus petiit. Stupida haec mulier, inutilem credens hunc apparatus, amoverat; & dum illa obdormisceret, miser infans strangulatus periit. Lingua retro velum pendulum palatinum inventa fuit, ut in priori casu. Post duos, tresve annos similis casus denuo contigit; verum infans, debita cura adhibita, servatus fuit.

Magis adhuc mirum videtur, idem infortunium contigisse infanti bihorio post nativitatem, licet fraenum sectum non fuerit. Testatur *Petit* (b), se hoc vidisse: casu statim digitus ori immittebatur, mox cessabat suffocatio, & digitum fugere incepit: idem periculum rediit saepius, simili modo levabatur. Dies, & noctes vigilare debuerunt custodes, ut ab instante suffocatione misellum infantem servarent; post duas, tresve septimanas desuevit propriam linguam deglutire. Notum est, Angolenses servos, propria lingua deglutita, se ipsos suffocare, si dura nimis servitus ipsis displicuerit; ut nempe, morte sua damnum hero inferentes, ulciscantur injuriam. Quis illos docuit suae hanc artem, cujus unicum tantum experimentum capere licet? An in hoc infante fraenum linguae nimis cedere potuit? An in Epilepticiis, qui in paroxysmo suffocantur, valide convulsis linguae musculis, simile quid contingit?

Ex his omnibus jure conclusit *Petit*, nunquam secundum esse linguae fraenum, si infans ubera ducere valeat. Stolidae mulierculae, dum, ducto sub linguam digito, fraenum tangunt, statim illud secundum volunt, ignarae, illud ligamentum naturaliter adesse, & magnum habere usum. Si autem abso-

(A) In loco modo citato pag. 343.

absoluta necessitas hoc postulat, praesto debet adesse nutrix, quae mox det ubera. Sugere enim incipit infans sanguinem, qui ex hoc vulnuscule fluit; qui, si feliciter res peracta sit, brevi cessat; at, nisi ubera porrigantur, tunc pergit infans inanes deglutitionis nixus facere, sicque tandem propriam linguam deglutit.

Ubi autem sectio froenuli omnino requiritur, omnis cautela adhibenda est, ut vitetur laesio vasorum raninorum. Si digitos Chirurgus inter linguam, & maxillam inferiorem ponere possit, satis facile haec sectio institui potest forsice, cujus apices obtusi sunt. Saepius autem contingit in tali casu, si impeditam esse linguam, ut ejus apex elevari non possit. Pulcrum invenit, descripsit (i), & figura expressit instrumentum, quo haec operatio tuto fieri possit, & alterius, quod laudari solebat, vitia detexit.

Quandoque, sed rarius, laterales linguae partes nectuntur ligamentis praeternaturalibus (k) ad vicinas partes, quae refecandae sunt; quod satis tuto fieri poterit, cum non sit tantum periculum laesionis vasorum.

Observata fuit & alia causa, quae suctionem impedit, de qua vix cogitatum fuit. Contingit quandoque ut lingua arctissime applicetur cavo palati fornicis, & sic adhaereat, ac si glutine interposito juncta foret. Spatula tunc, vel alio simili instrumento removenda est lingua a palato, ut infans sugere, & deglutire possit. Tres recensentur casus (l) infantum, qui per plures dies ubera ducere non poterant ob hanc causam, & feliciter hac methodo servati sunt.

Possunt & obstacula in velo pendulo, vel faucibus adesse, quae suctionem, & deglutitionem difficiliorem reddunt, dum expeditam actionem partium, ad deglutitionem requisitarum, turbat. Sic Hippocrates (m) notavit: *Quos infantes, dum lac sugunt, tussis obsidet, illi uvam majorem habere consueverunt.* Postea & plura memorat de ulcerosis malis, has partes quandoque obsidentibus.

Si labium superius a nativitate fissum fuerit (labium leporinum vocari solet), suctio difficilis fit, praecipue cum plerumque palati fornicis simul fissus sit, & ob liberum aëris per hanc rimam ingressum suctio impediatur, vel si quid lactis ex mammis trahant, per nares plerumque regurgitet: idem fit, si cochleatim missellis his nutrimentum ingeratur. Unde non mirum est, si plures ex his pereant. Tamen & quidam emergunt. Videntur enim sensim aduescere, ut, elevato dorso linguae, fissuram palati claudant, apice linguae, & labiis fugentes. Dum, aetate jam robustioribus factis, fissa labia uniuntur arte Chirurgica, in plerisque sensim minuitur palati fornicari fissura, & tandem integre aboletur (n). Vidi tamen aliquos, quibus labium superius a nativitate integrum fuit, & fornicis palati magnam fissuram habebat a parte posteriori, quae apicem digiti minimi facile capere poterat. Vidi

vi-

(i) In loco modo citato pag. 351.

(k) Levret l'art. des accouchem. pag. 222.

(l) Mém. de l'Acad. Royale de Chirurgie tom. 9. pag. 16.

(m) De Dentis Charter.

Tom. VII. pag. 872.

(n) Levret l'art des Accouchem. pag. 224. Mém. de l'Académ. Royal. de Chirurg. Tom. I. pag. 605.

virum, quingenario majorem, cui labium, nulla cura adhibita, fissum manifest; fornix palati tamen erat integer. An antea fissuram habuerit, nec ne, expiscari non potui.

Ex haftenus dictis satis constitit, lac esse naturale, & optimum recens natis nutrimentum. Considerandum jam est, quomodo illud lac in ventriculo retentum mutari debeat, & quanam inde mala sequi possint, si non rite digeratur.

Lac, uti notum est, si in vase puro quiescit, primo aequabilissime candidum apparet; dein cremorem album, crassum, pinguem, ejicit sursum; quo ablato, manet lac desloratum, subcaerulecens, & magis pellucidum, quod partem serosam lactis, & caseosam simul continet. Si autem coagulum lactis, paratum de succo ventriculi ruminantium, lacti miscetur, fit una, aequabilis, coagulata, scissilis massa, quae brevi sponte secedit in serum, & colostratum, sive caseosum (o). Unde patet, lac coagulari naturaliter in ventriculo. Ideoque etiam infantes, si avidius ubera duxerint, paullo post eructant lactis colostrum, sed molle, nec fortiter compactum. Simul notandum est, lac humanum minus illius colostri continere, quam aliorum animalium: humanum enim lac valde dulce, & tenue est; proximum asinum; dein equinum, caprillum, & ovillum; denique bubulum, omnium crassissimum, magnam casei copiam continet. Unde alia ratio patet, quare lac humanum recens natis infantibus prae reliquis lactis speciebus conducatur. Verum lac, in loco imprimis calido retentum, sponte sua in acidam acrimoniam vergit, quae, ubi nata fuit, lactis in ventriculo coagulum accelerat, & auget; unde dicitur in textu, quod tunc multum patiantur infantes a lacte, si illud nimis cito, & fortiter in stomacho coaguletur, ac compingatur. Vidi aliquoties post mortem totum ventriculum crasso colostro distentum, acidum redolente.

Dum autem lac coagulatum, sed molle adhuc, sensim per pylorum exir, statim occurrit in intestino duodeni bili saponaceae, & succo pancreatico, salivae simillimo, quorum efficacia diluitur, & solvitur illud concretum, sicque aptum redditur, ut in reliquo intestinorum tractu inde resorbeat omne utile, & faeces inutiles per anum exeant; quae in infantibus, solo lacte materno nutritis, satis solidae, & copiosae observantur. Videtur autem faeces illae, pro maxima saltem parte, originem debere caseo in lacte contento. Unde Hippocrates videtur monuisse (p): *Quibus multum lactem vomitione refunditur, illis alvus fistitur*. Notari enim meretur, quod non dixerit, lac refundi, sed *γαστρίδι*; nam colostrum revomunt, vel potius eructant, sed molle; sicque copia materiae, per alvum excernendae, minuitur. Habet & sequentia (q): *Qui copiosius merant, quam desiciunt, pro ratione melius nutriuntur*. In illis enim omne solubile vi viscerum chylopoieticorum reforbetur in sanguinem; unde parcius faecum alvinarum copia; cum

(o) Her. Boerh. chem. 10m. 2. pag. 298.
pag. 871.

(q) Ibid.

(p) De Dentit. Charter. Tom. VII.

tamen urina copiosior monstret, quod satis multum lactis hauserint. Contrarium autem damnavit (r): *Qui non pro ratione merjunt, sed a pueris alvus crebro crudum dejicit, si morbis sunt obnoxii.* Alvum autem copiosorem laudavit, quam bona coctio comitaretur: *Quibus copiosa profluit alvus, & belle concoquunt, si magis sanitas fruuntur.* Tunc enim copia lactis assumti, & bene digesti significatur.

Unde naturaliter quidem coagulatur lac in ventriculo infantis; sed tunc morbosum dicitur coagulum, si nimis cito, & fortiter fiat. Multum hoc caveri posset, si attenderet ad sequentia.

Infantes molestias, quas patiuntur, & necessitatem alimenti solo indicant ejulatu. Saepe contingit, ut nutrices ubera porrigant statim, de reliquis ejulatus causis parum sollicitae, & si lacte abundent, repetant brevi temporis intervallo. Expediit quidem recens natis, ut saepius ubera ducant; sed simul modicam tantum lactis copiam hauriant: aliter enim ventriculus nimium distenditur, nec poterit tunc agere in lac contentum; quod, brevi accescens, novos ejulatus excitabit, & si denuo fugat infans, omnia mala augeruntur quam maxime. Unde prudenter monuit *Moschion* (s), non ad omnem ploratum exhibenda esse ubera, sed indagandum sollicitae, an forte nimia fasciarum adstrictio membrorum per fascias distortio, urinae, aut faecis alvinae excretio, stetibus causam dederint. Tunc autem nutrimento opus habere infantem, dicit, si *hypochondria cava sint*, ventriculo nempe depleto; si ab ultima suctione tantum temporis effluerit, ut nutrimento opus habeat; si os aperiat, labia moveat; si digitum labiis admotum prehendant, & sugat. Premittit autem quandoque, & angitur a nimia lactis ventriculo contenti copia: tunc hinc inde se jactat, & ob tumentem ventriculum turgent praecordia: in tali casu a novo lacte ingesto molestiae augereatur. Si nihil inveniatur, cui ejulatus causa tribui potest, monet *Galenus* (t), praeter nutricis papillam, & alia duo superesse harum molestiarum lenimiga: *Motum medicorem, & vocis modulationem; quibus perpetuo usae non solum mitigant, sed etiam somnum conciliant; vel hoc ipso testificantes, ad Muscam eos, & exercitia super ingenio esse propensas.*

Verum & alia causa est, quae lactis coagulationem auget, & accelerat; motus nempe cunarum nimis validus. Notum est, sola agitatione lac recens in vasis vitreis purissimis in coagulum vergere, & quandoque intra breve temporis spatium separari partem pinguem butyraceam lactis a reliquis, quae paulo post acescit, & mora in acrimoniam rancidam mutatur. Ablato hoc butyro, relinquitur serum, cum parte lactis caseosa mistum; quod lac ebutyratum vocatur, satis spissum est, & mox acescit. Ubi jam infantum custodes valida cunarum agitatione morosos ejulatus compescere tentant, lac in ventriculo simili modo mutatur brevi. Antea ad §. 63., ubi de noxis acrimoniae acidae in ventriculo agebatur, notatum fuit, ventriculum ipsum forte non adeo sensibilem esse; sed orificium superius ventriculi ab acri quocumque affici

(r) De Dentis. Charter, Tom. VII. pag. 872.

(s) Spach, Gynaec. pag. 9. num. 99.

100. 101.

(t) De sanitat. tuend. Lib. I. cap. 7. V. Charter Tom. VI. pag. 51.

affici multum, & dolere: unde, dum acidum in ventriculo quietum haeret, nulla molestia percipitur; verum, simul ac ructus expellens sursum, motus, vel mutatus situs corporis, facit, ut acidum acre applicetur orificio superiori ventriculi, molesta cardialgia sequitur. Quantum ergo patietur misellus infans, dum horizontali sere situ in cunis jacens, valide agitur. Imocerebrum adeo mobile in hac aetate, per validos cunarum concussus turbari poterit; praecipue, si inaequales fuerint; unde vertigines, vomitus, convulsiones merito metuuntur (u). Novi, puerum, robustum, octo annorum, dum a sodalibus in cunas projectus vi retinebatur, a rapido cunarum motu vertigine tenebrosa correptum fuisse, sequente vomitu bilis aeruginosae: miser per aliquot dies postea languit.

Ideo praefertur cunae, quae non insunt pavimento, sed, suspensae utrimque, laenissimo motu agitari possunt, quam aequabilissime, minimo cum attritu, pendoli instar oscillant, sensim minuto motu ad quietem redeunt, tandemque absque ullo subsultu quiescunt. In cunis, quae super pavimentum rotantur, simul ac motus cessat, exasperari solent infantes.

Placidus talis cunarum motus infantibus optime conducit; est enim lenissimum exercitationis corporis genus, quod & delectat, & prodest.

§. 1355. **H**Aec enim sensum acrior, acidiorque, reddita faeces alvi virides, acidum spirantes, materiem vomitu rejectam acidam, hinc tormina, flatus, dolores, & infinita alia excitat maxime convulsiones.

In capitulo, ubi de *Morbis spontaneis ex acido humore* agebatur §. 60. & sequentibus, patuit, praecipuam sedem acrimoniae acidae esse in primae digestionis officina; ventriculo nempe, & intestinis; adeoque hac viscera primo affici.

Mora autem lac coagulatum in ventriculo acrius fit, &, acore semel nato in ventriculo, quidquid de lacte ingeritur, statim coagulatur fortiter, & cito eandem acrimoniam induit: hinc prudentes Medici, simul ac eructando infans acidum spirat, vel acidam materiam vomitu rejicit, statim absorbentibus acidum remediis illam acrimoniam domare conantur; probe gnari, difficilium curari hoc malum, si mora longiori tota superficies cava ventriculi acido quasi imbuta fuerit. Uti enim lac recens, immixtum vasi, quod lac acidum diu continuit, statim corrumpitur; sic idem fit tunc in ventriculo, dum de novo lac ingeritur. Brevi tunc & illa, quae tota intestinorum longitudine continentur, in acidam acrimoniam degenerant, faecesque alvinas viridescunt, & acidum fortiter spirant.

Magnum in recens natis hepar copiosam bilem secernit, quae colostro caseoso per pylorum egredienti admixta; illius tenacitatem solvit, & acidam,

acri-

(u) Brouzet Educ. Médicin. des enfans Tom. I. pag. 123.
Tom. IV. part. II.

acrimonia cavet, vel emendat: hinc in sanis infantibus faeces alvinae aequabiles sunt, & flavescent. Simul ac verq bilis interior redditur, vel copia deficit, albicantes grumi caseosi cum faecibus misti, ano exeunt, & simul faecum flavus color mutatur in viridem, quandoque tam profundum, ut aeruginis instar lintea tingantur maculis vix delendis. Unde Medici ex faecibus alvinis infantum de acidae acrimoniae praesentia certam Diagnostin habet. Si enim faeces aequabiles fuerint, absque grumis caseosis intermissis, pro optimo signo habetur. Si faeces flavae quidem ano emittuntur, sed, in linteis relictæ, cito viridescent, jam signum dant, acidam acrimoniam in procipectu esse. Si autem virides exiverint, acidum spirantes, merito concluditur, totum tractum intestinorum acido lactis colostro repleti (vide §. 63. 64.) Sed a tali acrimonia, perpetuo irritante, & continuo peiori reddita, dolores, tormina, flatus, & alia plura mala fieri, facile intelligitur.

Simul emaciantur toto corpore, abdomen, a colostro in intestinis coacervato, intumescit, & nisi illud evacuari possit, acidumque domari, misere pereunt. Ubi enim eo usque pervenerit malum, difficulter curatur. Saepè tamen voraces sunt; & videtur hoc indigitasse Hippocrates (vv), dum dicit: *Qui mammam sugentes non probe aluntur, macilentis sunt, & aegre resiciuntur, uti & in alio textu (x); voraces, quique copiosum lac trahunt, non pro ratione corpulentis evadunt. Quibus modice fertur alvus, & sunt voraces, neque pro ratione enutriuntur, morbis sunt obnoxii.*

Toties occurrunt Medicis miseri tales infantes, qui, toto corpore emaciatissimi, turgidum, & prominulum abdomen monstrant; imprimis apud inferioris sortis homines, qui dura pauperie, & curis domesticis pressi, saepius negligunt incipiens malum, & sero nimis medicam implorant opem. Tarda diu moratur alvus in misellis, postea colliquans diarrhoea sequitur, vires collabuntur, & mors his malis finem imponit. Mirum videri posset forte, quod morbus ab acidæ acrimonia natus, desinat in diarrhoeam putridam. Sed gangraenescendum tandem viscerum tabus per alvum fluit, & praeterea caseosa lactis pars, licet primo acetescat ob copiosum admistum serum, ex sua tamen natura in animale indolem vergit. Caseus enim antiquus putrescit, acris fit: imo, licet nondum putruerit, igni impositus funditur instar cornu, & similem ingratum nidorem spirat, ac partes animalium solent, dum comburuntur. Sed & Chémico examine caseus familia producta dat, ac ex partibus solidis, & fluidis animalium per ignem prodire solent.

Saepius tamen non eo usque adolescit malum, sed prius pereunt convulsi; dum acre acidum intestina rodit, & totum systema nervorum adeo mobile in hac ætate irritat. Unde Hippocrates (in textu §. 712. citato) monuit: *Pueris vero convulsiones fiunt, si febris acuta fuerit, & venter non desiciat, & wigilens, & perterreantur, & ejulent, & colorem immutent, & ex viridi pallidum, aut lividum, aut rubrum colorem induant. Haec autem promissiſſime accidunt puerulis recens natis ad septem annos usque. Alvus stricta retehtam materiam*

(vv) De Dentit. Charter. Tom. VII. pag. 872.

(x) Ibid. pag. 875.

riam indicat; & reliqua mala doloris signa sunt. Unde & alibi (y) similia leguntur: *Puerulus febris acuta, & alvus suppressa, cum vigiliis, & calcitrare, & colorem mutare, & ruborem habere, convulsivum est.* Dum enim torminibus ventris corripuntur infantes, pedibus calcitrant perpetuo. Convulsiones etiam praefagiunt mirae rotationes bulborum oculi, quae & sub palpebris clausis apparent: adfuit quoque illi meticulosi quasi adpectus versus custodes suas, mox vomendi nixus sequitur; & post hunc convulsio.

§. 1356. **Q**uae curantur Antacidis fixis, Purgantibus permixtis, Clysmatibus similibus, Carminantibus blandis, Oleosis internis, externisque.

Acida acrimonia tuto domari potest remediis absorbentibus, uti antea dictum fuit; verum hoc in casu non sufficiunt illa, sed praeterea requiruntur talia, quae possint concreta illa caseosa sic solvere, ut facile per pylorum exire, & dein per intestinorum anfractus transire queant. Simul prodest lenis stimulus purgans, ut facilius, & citius per alvum expellantur.

Cum autem per acidum concretio colostri caseosi augeatur, hinc antacida fixa, sales nempe alcalini, laudata fuerunt, ut & acidum destruendo, & solvendo illa, quae per acidum concreverant prius, prodesse. Unde Hoffmannus (z) adeo laudavit usum pulverum absorbentium, olei tartari per deliquium imbibitorum; si cum aequali portione rhabarbari, addita una, vel altera guttula olei anisi, vel foeniculi, vel etiam pauxillo croci, miscantur, & crebrius offerantur.

Directis tamen experimentis constitit (a), oleum tartari si lacti admisceatur, illud coagulari, & sedere in massulas coagulatas, quamvis haud adeo magnas, compaatasque, ac ab acido, nec tam facile durescentes. Praeterea, si lacti per acida, vel per coagulum coagulato, & servido, alcali admisceo, videtis, non esse verum, quod ubique asseritur, resolvi illud coactum in antiquum siquidum rursus, & resolvere alcalia, quae ab acidis erant densata. Cum ergo antacida illa fixa habeant acrimoniam satis notabilem, quae nocere posset, nisi statim acido occurrere per illud mitigaretur, neque tamen vi solvendi concreta per acidum se commendent, plures Medici maluerunt innocuis absorbentibus remediis acidam acrimoniam domare, & simul adhibere talia, quae vi solvente concretum colostrium pollent, ac blanda sunt.

Tria imprimis laudari solent remedia in hunc usum. Bilis, ovi vitellus, sapo ex oleo presso, & sale alcalino fixo paratus. Bilis, si bona fuerit, & copiosa satis in infante, coagulatum in ventriculo lac solvit, dum ipsi in intestino duodeno miscetur. Coagulum lactis in primo vitulorum ventriculo copiosum reperitur; post bilem admixtam autem sic solvitur denuo, ut in quarto horum animalium ventriculo dispareat. Ubi ergo a coagulo lactis

t 2

nata

(y) Coaccar. Praenot. n. III. Charter. Tom. VIII. pag. 858. (z) Me-l. ration. & systemat. tom. 2. pag. 341. (a) Herm. Boerh. Chem. tom. 2. pag. 302. 303.

nata symptomata apparebant, concludebant Medici, bilem, vel copia deficere, vel nimis inertem esse, ut munere suo rite fungi possit: nihil autem in tali casu magis congruum videbatur, quam bilem in alio animali sano paratam, in corpus infantis ingerere: amarities difficultatem pariebat quidem, & hinc clysmatibus miscebatur. Sed & fel bubulum leni igne inspissatum in officinis prostat, ex quo, addito pauco croci pulvere, consiciuntur parvae molis pilulae, rite deaurandae, quarum aliquot semel, aut bis de die, crassiori pulcricula testae, dantur: succedit hoc quandoque satis feliciter; imprimis si veraciores infantes deglutiant cito, antequam maceratae in pulcricula pilulae solvi incipiant.

Simili artificio vesiculam fellis, bile sua plenam, ex anguilla pisce desumptam adhibuerunt quidam. Cum autem hoc animal dentibus careat, & feliciter digerat, creditur magis actuosam bilem a natura ipsi concessam fuisse. Simul & ideo placebat, quod meraca haec bilis, nullo igne mutata, proprio folliculo contenta, dum deglutita in ventriculo haeret, sensim stillaret per ductum angustum, & sic contentis in ventriculo misceretur.

Vitellus ovi, uti notum est, olea, & balsama nativa, si cum illis misceatur, reddit apta, ut in aqua dilui possint; imo & resinarum tenacitatem frangit: hinc laudatur ad solvendum lactis coagulum, quod praeter caseosum colostrum, & pinguem butyraceam lactis partem continet, quae per vitellum ovi commode solvi potest. Simul nullam acrimoniam habet vitellus ovi, & blandum nutrimentum dat.

Quando sal alcalinus per calcem vivam admixtam acrior redditus, cum oleo pressio coquitur, addita aqua, fit perfecta unio salis alcalini cum oleo, & ex hac unione prodit massa alba, consistens, scissilis, in aqua perfecta solubilis, quae nec in aëre sponte deliquescit, nec acrem alcalinum saporem linguae exhibet. Vocatur tunc sapo (6); qui eo melior, & usibus medicatis aptior censetur, quo alcali purius, & oleum magis sincerum fuerit, nec odore, & sapore ingratum. Manet in hoc concreto antiqua salis lixiviosi vis, qua detergit, glutinosa attenuat absque rorsionis metu. Obstat acidis, ne cogant chylum, vel lac; imo & his acido densatis iterum resolutionem affert; quod sales alcalini soli non faciunt. Facit sapo, quod aqua nequit, quod oleo negatur, id praestat. Efficit tunc, quod alcalia cum periculo. Potest exsequi, quod reliquis salibus nefas.

Novimus autem per certas, & numerosas observationes, saponem Venetum larga quantitate posse ferri a corpore humano absque ulla noxa. Unde nemo mirabitur in *Materia Medica* ad hunc numerum binas saponis drachmas addita dupla copia vitelli ovi, dilui in quatuor uncias aquae, & cochleatim dari infantibus: adduntur *rhabarbarum*, *cancrorum lapides*, & pro edulcoratione mollis *de Alibaea* syrupus. Convenit autem dare talem saponis quantitatem, dum tensio ventriculi, & abdominis indicant, copiam densi colostri in ventriculo, & intestinis collectam haerere. Solent tunc brevi post per alvum pro-

(6) Herm. Boerb. Chem. tom. 2. pag. 257. & seq.

prodire massulae caseosae, primo albae, dein rhabbarbari colore parum tinctae, cum insigni levamine, & abdominis detumescencia. Lenis *rhei* purgans stimulus per totum tractum intestinorum saponis vim solventem promovet, una cum pulveribus absorbentibus, qui acidum, cui occurrunt, domant. Sic pulcherrime omni indicationi haec methodus respondet.

Talia remedia ad solvendum, & expellendum colostrum requiruntur: sed longe minor saponis copia sufficit ad cavendam nimiam lactis in ventriculo coagulationem. Ateae, ubi in cura *Phthiseos*, & ad *Podagrae* tormenta lenienda, lactis usus commendabatur, suatum fuit, ut lactea dieta utentes sumerent mane sex, vel octo grana saponis, in hunc finem.

Si malevolus quis, rustico noctere volens, drachmam tantam saponis immittat magno vasi, in quo lac valide, & perpetuo agitari solet, ut butyrum inde separetur, vel nulla omnino, vel difficulter admodum, fit separatio partium, quae lac constituunt. Unde recens natis, per aliquot septimanas bis, vel ter de die unum, alterumque cochlear similis mixturae dari curavi, in qua tantum quindecim, vel viginti grana saponis soluta erant. Sic metuendum lactis coagulum, & acidam acrimoniam, cavere potui, semper optimo cum successu.

Eidem scopo serviunt clysmata, quae saponem habent, aut bilem, ut nempe solvatur, & educatur simile colostrum, si in crassis intestinis haeserit. Formulae in *Materia Medica* ad hunc numerum pariter habentur.

Carminantia, id est, status discutientia, remedia sola possunt prodesse, quae blanda sunt; de quibus videantur illa, quae habentur ad §. 650., ubi de *Rustibus*, & *Flatibus* agebatur. Causa enim irritante emendata, vel expulsa, omnis illa statulentia cessat.

Olea interne data quid efficiant, & qua cum cautela dari debeant, ad §. 1348. dictum fuit. Externo usu, una cum molli frictione, prodesse possunt; sed si calida, & aromatica olea huic usui adhibeantur, debent refracta dosi, vel aliis mollibus oleis mista applicari, ne tenera infantum cutis inflammetur, & magnas pariat molestias.

Ubi autem in infantibus acida acrimonia dominatur, tunc convenit nutriticis dietam sic dirigere, ut lac ejus minus in acescentiam pronum sit, de qua re videantur illa, quae ad §. 66. dicta fuerunt.

§. 1357. **I**nsultus porro Epileptici hinc plerumque originem ducunt, irritato genere nervoso ope acrimoniae vellicantis.

In infantibus caput maximum est, totum corpus molle, nervi tenerissimi, & a levioribus etiam causis valide afficiendi. Ideo sollicita natura cavit, uti antea dictum fuit, ne a vivida luce oculi, a valido sono aures affici facile possent. Non mirum ergo, si ab acrimonia acida vellicante genus nervorum irritetur, & motus Epileptici sequantur, qui non tantum ob instans mortis periculum metuendi sunt, verum etiam, quia, licet evaserint infantes, saepe tristissima mala per totam vitam supersunt. Membra distor-

ra, luscitatem, furditatem, loquelam deperditam, fatuitatem perpetuam, funestas convulsionum sequelas fuisse, docent numerosa observata.

Unde merito *Celeberrimus Hoffmannus* (c) dixit: *Morbi, infantibus tenellis, & pueris quoque proprii, infestant maxime caput, inque ejus parte, tam externa, quam interna, fixam suam sedem, & domicilium habent*: quod deinde recensione plurimum morborum infantilium probat.

§. 1358. **U**nde & his remediis solis curantur, si medelam capiunt.

Nugantur hic imprimis mulierculae, dum *corallia rubra, ungulam alcis, dentes lupi*, & nescio quae amuleta ex infantis collo suspendunt: interim talia facile tolerat Medicus, modo iis contentae non impediant efficaciorum medelam, quae sola his malis profigandis prodest, de qua dictum fuit. Sed non semper haec mala superari possunt, praecipue, si jam provecta nimis haec sint; dum infantum custodes multa nugacia tentare soleant, priusquam Medici implorent opem. Vidi post mortem ventriculorum distentum ingenti caseosa mole, & adeo plenum, ut nec alimentum, nec medicamentum recipere posset: vidi colostrum durum, cunei instar pyloro intrusum, sicque omnem exitum ex ventriculo impediens, lethales fecisse convulsiones.

Disputaverunt Medici, an Infanti, quamdiu ubera ducit, conveniat alios etiam cibos porrigere. Quidam summopere noxium crediderunt, si una cum lacte juscula carni, panatellae, vel similia ingererentur, & credebant, bonam digestionem inde impediri quam certissime.

Recens natis lac maternum, vel nutricis sanae omnium maxime congruum dat, & sufficiens alimentum, neque videtur conducere, ut alio praeter hoc alimento utantur. Circa tertium mensem solent semel, vel bis de die unum, alterumve cochlear lactis vaccini cum pauca farina leviter cocti dare, non adeo, ut augeatur nutrimenti quantitas, vel robur, quam potius, ut sensim assuescant ex cochleari alimentum sumere. Primis enim diebus, dum hoc tentatur, pusilli pulcriculam talem ore volvunt, sed maximam partem expuunt, & parum deglutunt. Usus habet hoc tentasse, ut ali possit commode infans, si matri, vel nutrici quid sinistri contigerit, quod per aliquod tempus lactationem suspendit, licet nondum omnimoda ablactatio requiratur. Sic v. g. si nutrix subito, & valido animi affectu corripitur, non sine periculo hoc tempore lac haurire poterit infans, sed per aliquot horas expectandum est, donec omnes illae turbae sopitae fuerint prius. Certe enim observata docuerunt, subito convulsos fuisse infantes, si ira furentis, vel metu fere eneatae, nutricis ubera ducerent.

Nocet certo pulcriculis talibus implere ventriculum infantis, qui avide copiosum lac ex uberibus haurit, ut scilicet plus nutriatur: gravatur enim tunc ventriculus, & multa mala sequi possunt, praecipue si copiosa farina addita,

(c) Medic. ration. system. Tom. II, pag. 340.

addita, diu coquendo, spissas pulcriculas conficiant, quae viscido lentore gravant magis, quam nutriunt. Notari simul meretur, quod farinae magna diversitas in variis regionibus invenitur. Memini, me lectissimam farinam in itineris usum mecum tulisse ex patria, cujus partem residuam dum compararem farinae Austriacae, manifeste vidi, Batavam farinam longe viscidiorum esse Austriacae. Si ex *Malta* parata farina adhiberetur, illa minorem lentorem haberet: notum enim est, frumenti grana, aqua-respersa, in tepido loco, brevi germinare: simul ac germinatio incepta est tantum, valido calore exsiccantur subito haec grana, & runc vocatur *Malta*; quae cerevisiae parandae inservit. Per inceptam hanc, & mox suffocatam vegetationem lentor farinosus insigniter minuitur (*d*). In pane per inceptam fermentationem, quae mox clibani calore supprimitur, idem obtinetur; hinc panis, intritus lacti calido potius, quam coctus, iisdem usibus servire poterit.

Sensim enim, auctis infantis viribus, ejus ventriculus sic firmatur, ut praeter lac & alios cibos digerere possit: sed ita incipitur a levioribus, & quae magnam similitudinem cum lacte, quod ex uberibus ducitur, habent; sic enim lac animalium lacti humano miscetur. Multi infantes hanc diactam facile sustinent ad ablactationem usque; & postquam ablactati sunt, similibus pulcriculis adhuc satis commode nutriuntur, praecipue, si ex pane bis-cocto parentur, qui omni lentore farinoso caret, & lacti aequabilissime unitur; in quo & vitellum ovi diluere solent.

Multi jubent, omnino abstinendum esse a lactis usu, simul ac aliis alimentis uti incipit infans (*e*); adeoque incongruum videretur, vitellum ovi miscere lacti, cum ad regnum animale pertineat. Bona fide affirmare possum, me nullum unquam damnum observasse, & saepe vitello ovi usum fuisse, uti §. 1356. monui, ad tollendam nimiam coaguli lactis in ventriculo cohaesionem.

Omnes mutationes subitae in victu, sanorum etiam, & robustorum hominum, suspectae sunt; adeoque videtur minus tutum, si ablactationis tempore, simul, & semel omne lac repudietur, nisi ipsa sub lactatione sensim aliis cibis assueverit infans. Fatetur ipse egregius vir (*f*), vegetum colorem mutari, & macilentiores fieri, dum ablactantur, subita tali victus mutatione facta. Credit, per ablactationem infantibus conciliari morbum, sed talem; qui si rite tractetur, suos usus habet in generali vitae Oeconomia. Fateor, malle sanitatem illibatam pergere, quam turbari per ablactationem: hinc solitus fui, post sextum mensem, & quandoque citius, si lactitancia fastidire inciperent (quod in quibusdam contingit), panatellas cum jusculo pulli, vel & vitulinae carnis paratas porrigere bis de die; sed in initio tantum parca copia simul; attentus eram semper, an quid invenirem mutatum in sanitate. Hoc unicum notavi, quod faeces alvinae magis fusci coloris fierent, simul ac carniarum jusculis uterentur; caeterum nil mali observavi,

(d) Brouzet *Essays sur l'Éducat. Médic. des Enfants* Tom. I. pag. 255.

(e) *Ibid.* pag. 270.

(f) *Ibid.* pag. 259. 260.

fervavi, licet tot regiarum prolium curam gesserim, ad omnia ratione muneris attentissimus. Omnes ablactationem facile tulerunt. Adstipulatur & Hippocrates (g), dicens: *Qui dum las sugunt, interea cibum capiunt, facilius ablactantur.*

Hinc non videtur adeo metuendum esse a lactis miscela cum aliis cibis ex carnis succo paratis: imo antea notatum fuit, lactis partem crassiore, caseum nempe, magis animalis naturae esse, quam serum, & butyrum, quibus miscetur. Imo multis in more est, ut post ablactationem, & lacte animalium, & jusculis utantur, absque noxa sensibili: sic sensum pusilli affuecunt vario victus generi.

Interim in ciborum delectu post ablactationem attendendum est ad aetatem infantis, & robur. In votis habuerunt Medici, ut ablactatio non tentaretur, antequam dentes adsint, numerosi, & firmi satis, ut solidum magis alimentum non tantum dividere, sed etiam diligenter manducare, possint (h); tuncque commendant, ut rarius infanti porrigantur ubera, sed alii cibi offerantur, ut sic sensim ablactetur.

Verum aliquando contingit, ut nutrici per morbum vel sponte lac deficiat, antequam dentes satis numerosi emerferint; tunc animalium lac, si alia nutrix haberi nequeat, substituendum est: vaccinum si detur, aquae quarta parte diluitur, & pauculo saccharo addito, dulcedo ipsi conciliatur, ut lacti humano reddatur similis. Solent quandoque talem miscelam infundere vasi stanno, cujus apex, molli corio tectus, papillae molem, & figuram refert, pluribusque foraminibus pertunditur, ut infans facile sumat: si plus aquae misceatur, potus loco servit. Simul tunc pultriculae, de quibus ante dictum fuit, dantur subinde: sic pergitur, donec dentes numerosiores, & firmiores adsint, qui indicant, parum solidiorem cibum nunc concedi posse. A saccharo autem lacti addito nihil mali metuendum est (i). Veteres Medici mel, & mulsam dederunt etiam recens natis infantibus: imo, saccharo addito, minus fortiter coagulatur lac. Miratus fui quandoque Medicos, severe omnem sacchari prohibentes usum, dum eodem die tyrupos ex saccharo paratos praescribebant.

Quoad tempus ablactationis, in genere statuitur, tunc illud adesse, dum copiosi satis, & firmi dentes prodierint; cum autem hoc omnino variet in diversis infantibus, illud exacte determinari nequit. Vidi, uti ad §. 1359. monui, abortum quinque mensium, cui bini dentes incisores in maxilla inferiori manifeste prominebant. Vidi sanam, & vegetam puellam, cui decimo nono mense primus dens erumpebat. Circa septimum mensem solet frequentius incipere dentitio; & incisores primo prodeunt in utraque maxilla. Saepe contingit, ut molares dentes, minores nempe, caninis proximi, prodire incipiant, antequam octo dentes incisores proruperint omnes. Post hos sequi solent canini, sed tardius. Cum autem dentitionis tempore saepe gingivae

(g) De Denit. Charter, Tom. VII. pag. 873.

(h) Moschion apud Spach. gynaecc. pag. 10. n. 113. Harmon. gynaecc. part. prior. cap. 22. pag. 18.

(i) Brouzet Educac. Medic. des Enf. Tom. I. pag. 273.

gingivae pruriant, doleant, tumeant, magnum solamen habetur, si hoc tem-
pore infans ubera nutricis ducere possit; cum cochlearis attractum dolentes
gingivae ferre vix possint; unde prolongatur ablactatio, prout serius, vel ocyus
dentes erumpunt. Cum autem saepe dentium incisoriorum octo, quatuor mola-
rium, & quatuor caninorum, octodecimo mense absoluta sit eruptio, suaserunt
Medici (k), ut post sesquiannum, vel biennio absoluto, tentetur ablactatio. Vix
autem quid metuendum videtur pro infante, si diutius nutricis ubera ducat.
Fortissima mater, dum crudelem Antiochum irridens ultimum natu filium
hortaretur, ut pro patria lege strenue martyrium ferret, dixit: *Fili mi, mi-
serere mei, quae te in utero novem mensibus portavi, & las triennio dedi, &
alui, & in aetatem illam perduxi* (l).

Post ablactationem tamen non statim infantibus exhibenda sunt quaecvis,
etiam duriora, edulia; a mollioribus sensim incipiendo, ad solidiores cibos
procedendum est, ut sensim viscera his assuescant. Ciborum avidi sunt,
imo satis voraces, si sani fuerint; & licet dentibus satis valeant, oblato
cibos vix manducant, sed ilico deglutiant. Apud plebejos moris est, ut
parentum mensae adsint, qui infantum voracitate delectantur, & obvia
quaevis porrigunt edulia. Ingeruntur haec quidem, sed non digeruntur: in-
farctum abdomen tumet quidem, sed totum corpus emaciatur, & saepe ca-
chectici pereunt.

Nitiditas autem quam maxime requiritur, ut tota cutis tersa semper sit,
neque diu maneant conspurcata foecibus, aut urina; inde enim cutis rubores,
& erosiones molestissimae metuendae sunt. Sed & cutaneis morbis infantes
frequenter obnoxii sunt, dum sordes in cryptis cutaneis collectae manent,
quae molli abstersione, spongiis, aqua tepida, & lacte plenis, tolluntur; &
cum bis de die hoc fiat, cavetur, ne similia imposterum facile colligantur
in cute. Observatum fuit, infantes feliciter nutrir, & crescere, si haec
mundities rite observetur (m). Balneis, ex aquae, & lactis partibus aequa-
libus paratis atrophicam puellam feliciter curavit *Fischerus* (n).

Profuit, e gelida tantum aqua lavare infantes, & sensim assuesfacere, ut
frigidam lavationem ferant: multum enim sic roboratur corpus, & postea
a tempestivata mutationibus non facile adficitur (o). In genere mollis ni-
mis educatio, & superfluae illae cautela, quae a nimis sollicitis matribus
imperantur, infirma reddunt corpora, ita ut postea minimam in sex rebus
non naturalibus mutationem sentiant. Galliae Regina, cum plures proles
anxia nimis educatione perdidisset, ex Medicorum consilio, infantiam *Hen-
rici quarti* rustico commisit, voluitque, ut eodem victu, & vestitu utere-
tur cum rustici prolibus: sic robustus, agilis, laborum tolerans, evasit. Ita
saltem fert constans traditio (p).

(k) Aeginet. Lib. I. Cap. V. pag. 2. vers. Mosch. apud Spach. gynacc. pag. 10. n. 113.

(l) Machab. Lib. II. cap. VII. vs. 17.

(m) Aët. Erudit. 1727. pag. 326.

(n) De remedio rustic. variol. per balnea &c. curand. pag. 30.

(o) Tissot avis au peuple sur sa santé §. 340. pag. 389.

(p) Brouzet Educac. Médic. Tom. I. pag. 329.

§. 1359. Simul ac haec superarunt mala infantes, & incipiunt uti cibis crudis, fructibus horaeis, carnibus, caseo, similibusque, Vermes oriuntur.*

Postquam ab uberibus remoti sunt infantes, & communi adulatorum victu uti incipiunt, prudentia suadet, ut gradatim solidioribus cibis adfuecant, & primo talia exhibeantur fercula, quae facili digestioni sunt.

Frequenter observatum fuit, hoc aetatis tempore infantes verminosos esse: unde *Hippocrates* (g), postquam recens natorum, & dentientium morbos recensuerat, dixit; inter alios morbos, illis jam adultioribus factis contingentes, numerari lumbricos rotundos, sive teretes, & Ascarides. Taeniam in hoc loco non memorat; quia videtur credidisse, hunc vermem homini coaevum esse, uti postea dicitur. Voluit *Galenus* (r) in Commentariis ad hunc Aphorismum, illos vermes, non ex semine, sed ex putredine gigni; praecipue si calor major simul accedat; & ideo putavit, in adultioribus jam vermes potius gigari, quam in recens natis, & lactantibus, quia major in his calor adest.

Satis quidem verosimile videtur, in adultioribus, communi adulatorum victu jam utentibus, frequentius observari vermes; sed tamen negari nequit, in lactantibus, & quandoque in recens natis vermes inventos fuisse. Celebris Medicus de Lisle (s), in propria filiola, undecim hebdomadas nata; integros vermium nidos observavit; licet mater illi praeter ubera nihilum adhuc, neque lac collum quidem, praebuisset: cum autem vermium symptomata plurima ab ipsa nativitate in hac filiola observasset, vix impedire potuit, quin crederet, vermes congenitos fuisse.

Plures observationes foetuum, vermes in intestinis habentium, dum in utero materno adhuc haerebant, collegit egregius Medicus van Doeveren (t); cujus Dissertatio legi meretur quam maxime.

Honesta, & ingeniosa matrona, filium trimestrem lactans, mihi testata fuit, se saepius vidisse, parvos vermes ex ano filii prodire.

Quamdiu infans ubera ducit, lac nondum expositum aëri haurit; postquam cibos aëri expositos sumit, possunt ova insectorum una cum his facilius in corpus venire; imprimis, si crudi assumuntur, & non cocti. Fructus horaei toties verminosi inveniuntur; caseus saepius minimis vermiculis non tantum; sed etiam majoribus scatet. Novi olim hominem, qui simul ac caseum album manducaret, bidui tempore post molestum pruritus ab ascaridibus copiosis, circa anum sentiebat: erat ille caseus, qui ex toto lacte, non separata prius parte cremoracea, conficitur; hinc pinguis satis est, & sapore gratus. Si abstineret a talis casei elu, vel alia casei specie uteretur, brevi cessabat molestus ille pruritus, nec amplius apparebant ascarides.

Hinc

(g) Aphor. 26. sect. 3. Charter. Tom. IX. pag. 121.

(r) Ibid. pag. 122.

(s) De cordis palpitatione pag. 133.

(t) Dissert. Inaugur. de verm. Intestin. homin. Lugd. Batav. 1753. pag. 31.

Hinc non mirum videtur, ab ovis assumtis excludi animalia, cum calor, & humiditas faveant exclusioni. Sed manet tamen illa difficultas, quod extra corpus humanum non sint adeo obvii vermes humani, ut certo constare possit, ab ovis horum ingestis frequenter adeo observatos vermes produci; de qua re sequenti paragrafo dicitur.

§. 1360. **C**ausam dant ova insectorum, in aëre, vel terra viventium, assumpta, neque vi tenelli motus destruenda.

Antea, ut notum est, credebatur ex putrefactione vermes, & alia animalia nasci posse, imprimis insecta. Postquam autem summorum virorum industria detecta fuit mirabilis, & artificiosissima insectorum fabrica, facile patuit, impossibile esse, ut ex putredine informi exurgeret animal, quod adeo multiplices, adeo diversas, adeo miro ordine dispositas partes habet, numero, & situ semper easdem in eadem specie. Unde penitus evulsi haec sententia. Veterum opinioni forte ansam dederat, quod in putridis, vel cito, & facile putrescentibus ova sua deponerent insecta frequentius, ut & calore, putredinem comitante, foverentur, & ex ovo prorepens vermiculus paratum inveniret nutrimentum. Sic fervida aestate circumvolitantes muscae carnis animalium mactatorum imponunt ova sua, & citissime quidem: gravida musca turgido abdomine quingenta, quandoque & plura ova continet, quae paucò tempore in obvias carnes distribuere novit; sicque hominum cibos vermibus brevi nascituris foedat. Cum autem plurimorum animis haec opinio infedit, vermes putredinem comitari, hinc detestantur carnes, si vel unicum vermiculum in illis invenerint. Certum tamen est, teneras, & sapidissimas carnes a muscis eligi, in quibus ova sua ponant: sic & optimorum fructuum seledum facere noverunt, ut in molli pulpa tuto ova collocent.

Nec viventibus parcunt animalibus, sed cavo aculeo, ovum continente, cutim perforant, sub illa ovum deponunt; vermiculus ex ovo emergens rodit domicilii sui parietes, inflammat locum, pure, inflammationem sequente; nutritur, crescit, mutatur in chrysalidem; ex qua prodians musca cutim perforat, avolat. In vaccis observata fuerunt talia apostemata saepius.

Sed & in cervorum, & ovium nares ingrediens musca, ova in his cavis deponit. Alia muscarum species equos circumvolat, & dum hoc animal alvum egerit, per anum intrat, antequam ani sphincter claudatur, lateribusque intestini ova sua affigit. Innumerae artes sunt, quibus insecta prospicere noverunt progeniei, ut commodum locum, teporem requisitum, & obvium nutrimentum procurent; de quibus videri possunt illa, quae *Svammerdam*, *Valisnieri*, *Redi*, *Reaumur*, *Linnæus*, *Bonnet*, & alii incomparabili industria, & improbo labore collegerunt.

Cum jam in aqua toties minimorum animalculorum myriades detegerentur, & in aqua, ubi nulla microscopiis detegebantur talia, si aëri exponeretur, vel, cum plantarum partibus infunderetur, post ingens horum numerus occurreret, hinc conclusum fuit, aërem, quem haurimus, viventibus

bus plenum esse. Cum autem & terra scateret his, minus mirum videbatur, cur horum ova, quorum ingestio inevitabilis omnino videbatur, pullarent etiam in corpore.

Postquam autem summorum virorum indefessa industria detexerat sexus diversitatem in insectis, & copulam, in aliis utrumque sexum, quae ramentum sibi similibus duplici coitu uniebantur, dum quaedam vivos foetus ponerent, plurima essent ovipara, credebatur universalis lex esse, ut vel vivo partu, vel ovis depositis, propagarentur insecta. Unde concluderetur vel ex insectis vivis minoribus deglutitis, vel illorum ovis corpus nostrum ingressis, vermes in corpore humano produci. Cum autem & in viviparis animalibus ova, & ovaria detecta fuissent, hinc statuebatur satis unanimiter, *omne animal ex ovo esse.*

Verum reservatum erat ingeniosissimo, & naturalis historiae amantissimo, viro *Trembley*, alium propagationis insectorum modum videre (a). Viderat in aqua aliquod corpusculum, nudis oculis facile conspicendum, semen *cardui benedicti* non inepte mole, & figura referens, de quo dubitabat; an ad vegetabilium, an vero ad animalium classem pertineret. Sedulo examine constitit, in motum localem habere illud corpusculum, cirrhis emissis vermiculos in aqua natantes arripere, arreptos ori admove, & deglutire: unde merito conclusit, animal esse, & *Polypum* vocavit, cum & cirrhis, & reliquo corporis habitu, *Polypum piscem* referret.

Novo hoc spolio laetus mirabatur, ex corpore hujus animalculi nasci alium *Polypum*, similem, eodem modo ac rami de trunco arboris prodeunt, cito crescere; & parenti adhuc haerentem cum illa de praeda certare. Sperabatur quandoque sponte a matre *Polypus*, & vivus natabat, vermiculos devorabat, digerebat, egerebat. Quandoque & matri adhuc cohaerens similem progeniem, simili modo producebat, quae, calida tempestate, brevi aequae foecunda erat, ac mater, & avia. Sic miro spectaculo ramofus *polypus* medium quoddam inter animale, & vegetabilem familiam avidis monstrabat oculis, dum motu locali, & praedam sectando, animal, propagatione plantam referret. *Polypus* enim ex *polypo*, uti ramuli ex truncis plantarum crescebat.

Sed & longe magis mira inventa fuerunt. Dum medius secabatur *Polypus*, ex capite nova crescebat cauda, & novum caput emergebat ex caudae extremo, quod trunco cohaeserat: eadem reproductio succedebat, si secundum corporis longitudinem bifariam scinderetur *Polypus*. Hanc divisionem, & subdivisionem eo usque produxit egregius *Trembley*, donec ex uno *Polypo*, in sexaginta quatuor partes diviso, totidem novi producerentur. Praeterea dexteritate summa, non facile ab unoquoque imitanda, totum *Polypi* corpus invertit, ita ut interior tota corporis superficies foret exterior, & contra exterior occuparet interiora: adeo vexatum hoc animal oblatam praedam devoravit, ut ante, & novis foetibus pullulantibus ramofum postea apparuit.

Plu-

(a) Mémoires pour servir à l'Hist. d'un genre de Polype d'eau douce.

Plura ex his stupendis propriis oculis vidi, dum ipse harum rerum primus inventor solita sua humanitate mihi demonstraret; quaedam, tanti Praeceptoris vestigia sequens, licet impare gressu, imitari conatus fui. Postea & in aliis majoribus insectis similia tentata fuerunt, & non sine successu, in lumbricis terrestribus, hirundinibus, &c. licet non adeo foecunde, ac in Polypis.

Saltem inde discimus, ne tam facile generales regulas statuamus, quamvis numerosis observationibus fultae videantur. Forte enim numerosiora adhuc nos latent, quae contrarium evincunt. Plantas ex seminibus propagari constat; sed non unica est in plantis propagationis methodus, per corticem, ramos, folia, radices, multiplicationes plantarum obtineri possunt; licet & feliciter eadem ex seminibus crescant. Notum est, radices quarundam plantarum in partes dissectas, terrae fertili commissas, novam dare progeniem. Aloë prolifera dicta, uti propriis oculis vidi in horto *Augusti Imperatoris*, caulem ramosum ingentem educit, florigerum; delapsis floribus, millenae novae plantulae in caule ramoso apparent; quae, sponte delapsae, speciem laetissime propagant. Sicut jam in plantis non unus, sed plures propagationis modi sunt, an non in regno animali idem obtinere poterit? Certe Polypus non per copulam redditur foecundus; sed in se ipso, & in singulis disseci corporis partibus, vim producendi sui simile habet. Observaverunt celebres viri ante, laudati, quaedam insecta esse vivipara aetate, autumno ovipara: inventa fuerunt alia, quae foecunda erant, & vivos foetus pariebant, absque ullo commercio cum aliis: egredientes ex matris alvo foetus, statim remoti, solitarii, vitro reclusi, servabantur caute, & tamen suo tempore vivos foetus pariebant: nova haec proles simili modo custodiebatur solitaria, & tamen foecunda erat; idem experimentum successit per plures successivas generationes.

Forte haec, & alia plura, quae a tantorum virorum industria sperare licet, majorem lucem aliquando affudent generationi, & propagationi vermium in corpore humano. Haec obiter hoc in loco monuisse sufficit; postea enim ad §. 1363. de hac re quaedam adhuc dicenda erunt, ubi de vermicibus in corpore humano maxime obvis agetur; qui nempe in primae coctionis visceribus inveniuntur.

Cum tantus insectorum numerus sit, & tam facile, minora, vel & majorum ovula, cum aëre, cibis, potibus, in corpus humanum venire possint, non adeo mirum videbatur, in ventriculo, & in intestinis vermes frequenter inveniri. Sed major difficultas visa fuit, dum & in aliis corporis locis inveniebantur; ad quae non intelligebatur, adeo facilis aditus. Dum *Rossibus* (vv), non tantum in hepate, in ductu cystico, poro bilario, & vesica fellea, ovium (ad quae loca minus difficilis via vermicibus ex intestinorum cavo videtur), vermes inveniebant; verum etiam frequenter in canum renibus, & semel in humanis renibus illos viderat; imo etiam in arteriis viventium equorum, & apud

magni

(vv) Observ. Anatom. Chirurg. n. 64. pag. 69.

magni nominis auctores legerat, etiam in cerebro vermes fuisse repertos; fatetur, quod dubitare coeperit, *an omnia ex ovo generentur, uti Harvey, ejusque sectatores volunt.* Com autem ventriculi, & intestinorum actione solidiores etiam cibi tantam mutationem patiantur, latebatur, se intelligere non posse, quomodo tenera insecta, illorumve ovula, horum viscerum actionem experta, potuerint manere integra. Addebat & hoc argumentum, *quod nullus mortalium unquam ejusmodi vermes extra corpus viderit*; de qua re postea dicitur: interim in figuris *Ruysschii* delineat taeniam ex pisce desumtam (x). Videri possunt & illa, quae de vermibus alia occasione ad §. 916. dicta fuerunt.

Sed & veteres Medici de vermibus agentes, videntur ambigui haesisse; imprimis de taenia, quae cum magnam adeo longitudinem quandoque acquirit, ut fere intestinorum omnes gyros aequare posse videatur, dixit *Aëtius* (y); *Est autem latus lumbricus, si ita dicere libeat, permutatio pelliculae, infectus senia intestina ambiens, in corpus vivum quoddam, quod continuis stomacho morsus infert, & ad cibis incorrigibilem appetitum.*

Mirae habentur observationes de vermibus in diversis corporis locis inventis. Celebris *Du Verney* (z) refert, infantem quinque annorum semper conquestum fuisse de dolore valido circa nasi radicem: per tres menses decubuit febre lenta: dein validae convulsiones secutae fuerunt: post mortem inventus fuit in sinu longitudinali cerebri vermis, quinque circiter pollices longus & lumbrico terrestris similis. Credi forte posset, quod fuerit concretio polyposa; qualis satis frequenter in hoc sinu invenitur; quae vermis specie fallere potuisset: sed addit, quod vermis ille a sexta matutina ad tertiam pomeridianam usque vixerit. Videtur fuisse de terebini genere, qui lumbricis satis similes apparent.

Apud *Baglivium* (a) in epistola ad celeberrimum *Andry* scripta, legitur de homine quadraginta annorum, qui de repente laborare coepit doloribus stomachi, & partium vicinarum vehementissimis; hi per octo dies perduraverunt: postea diu, nocturnoque singulo semiquadrante horae convellebatur leviter toto corpore, sed momento temporis tantum, cum pallore vultus, & virium prostratione. Afflicto per octo dies his malis misero aegro, derepente quieverunt omnia per duas circiter horas; quibus vix elapsis, supervenit dolor stomachi, ac pectoris tam crudelis, ac vehemens, ut ejus vi paullo post perierit. Dicebat ante mortem miser, cor, & ventrem sibi veluti a canibus lacerrari. Aperto cadavere, inventus est in cavitate pericardii vermis niger, pilosus, vivus, palmaris fere longitudinis. Cor erat valde lividum.

Celeberrimus Senac (b), cum viderat concreciones polyposas rubras, figuram vermium exacte referentes, vermium in corde, vel cavo pericardii nidulantium historiam in medio relinquit; sed testatur tamen, quod *De Lapeyronie*

(x) Observat. Anatom. Chirurg. n. 64. pag. 60.

(y) Sermone 9. cap. 40. pag. 173.

(z) Acad. des scienc. l'an. 1700. hist. pag. 15.

(a) Oper. omni. pag. 699.

(b) Traité de la structure du coeur tom. 2. pag. 437.

ipsi affirmaverit, se in diversis canibus invenisse vermium convolutorum glomeres inter basim cordis, & pericardium; imo & in ipsis cordis ventriculis. Hinc concludit, nullo modo impossibile esse, ut in corde humano similia observentur.

Cum autem cor in pericardio clauso undique haereat, nulli parti corporis nexum, nisi sibi ipsi per vasa, debuit vermis ovum, vel quodcumque aliud statuatur ejus primordium, per vasa huc delatum fuisse: sed quam tenuia haec sunt, quae ex cordis superficie, & pericardii tenui membrana, rorem tenuissimum, cor perpetuo humectantem, exhalant! per tenuiora adhuc vasa debuit transivisse infecti primum stamen, si ab *Adriano Spigelio* in humore vitreo oculi equini inventus fuerit Vermiculus. (c).

Verum quidem est, in aquis stagnantibus, in plantarum infusis per microscopium detegi minutissima animalcula, quae, si liquidis nostris mista forent, cum his per minima vasa transire possent. Sed nulla observata docuerunt, minuta haec in tantam molem excrescere posse, ut palmarem v. g. magnitudinem aequarent.

Non mirum ergo videri poterit, si tot difficultates motae fuerint ab exercitatisimis in naturali historia viris contra generationem vermium humanorum ex ovis in corpus ingestis. Hujus loci non est omnia haec singularium expendere, cum Medico sufficiat novisse signa, quae docent, insectos illos hospites in corpore humano nidulari, praevidere mala, quae inde sequi possunt, & scire methodum, ac remedia, per quae de corpore expelluntur. Caeterum videri possunt illa, quae de his difficultatibus dicta sunt (d). Imprimis apud *Clericum*, ubi harum collectio legi potest. *Swammerdamius* (e), adeo oculatus, adeo sedulus in his rimandis, postquam omnia confideraverat, dixit: *Difficillimum quidem est explicatu, quam ratione vermes in animantibus viventibus generentur &c.*: Quantum ad me attinet, fateor ego, tam pauca mihi circa hanc rem experimenta solida suppetere, ut hactenus nihil omnino in ea videam, etiamsi multos, modisque multisariis constitutos, vermes in viventibus, & se moventibus tam terrestrium, quam aquatilium, & aëreorum animalium corporibus conspexerim. Atamen nihil solidi quidquam, certe hic pronuntiare valeo.

Non mirum hinc, si in diversas sententias abiverint Eruditi viri, dum vermium humanorum originem rimabantur. Quidam putaverunt, vix morbosos vocandos esse vermes. In lacertae Indicae squamosae, ventriculi parte superiori inventus fuit sacculus plenus vermibus vivis, aciculam longitudine, & crassitie aequantibus, quorum numerus ad milleimum accedebat; nec videbatur morbosus esse, cum in alia Lacerta ejusdem speciei similis omnino sacculus verminosus inveniretur. Copia vermium in Tigridis ventriculo inventa pariter fuit (f); quod & recentiora observata confirmant. Uti jam singu-

(c) Bonet. sepulcret. Lib. I. sect. 18. Observ. VI. tom. 1. pag. 432.

(d) Académ.

des sciences. Jan. 1709. Hist. pag. 46. Dan. Clerici hist. natur. & Medic. Jabor. lumb. Lib. I. cap. 14. pag. 546. & seq.

(e) Bibl. Natuf. tom. 2. pag. 708. 709.

(f) Acad. des sciences, Jan. 1703. Hist. pag. 47.

lis animalium speciebus, imo & plantarum, certa insectorum species familiaris est, ita fuscabantur, quandam sorte utilitatem vermes corpori adferre, vel talia saltem consumere in suos usus, quibus facile carere possumus, sicque nostris impensis quidem, sed absque noxa vivere. Tunc tantum nocituros credebant, si numero nimis aucti, vel alia quacumque de causa deficiente pabulo, vicina irritarent, vel roderent. *Hippocrates*, uti postea docuerat, coeam credidit humano generi taeniam. Interim patebit, credo, ex sequentibus, vermes non adeo innoxios esse; licet negari nequeat, quandoque copiam vermium prodire de corpore hominum, quos nulla signa docuerant, verminosos esse.

Historiae naturalis, & thesauri regii descriptione adeo Celebris *Buffon*, postquam consideraverat illa, quae circa vasa seminalia *Polypi*, *Sepiae*, *Loliginis*, detexerat acutissimus *Needham* (g), fuit in illa opinione, quod omnia corpora, viventia, aut vegetantia, continerent partes quasdam organicas, viventes quidem, sed quae tamen nec animalia, nec vegetabilia forent, at medium quid. Animalcula, spermatica dicta, voluit esse tales moleculas organicas, quae, licet motum habeant, tamen non sint animalia. In alimentis, ex vegetabilibus, & animalibus paratis, latere statuit talia, quae ope moduli cujusdam interioris effingerentur in moleculas organicas viventes; residua, bruta quasi, alimentorum materia, separatim actuosius illis moleculis, inutili jam, de corpore expulsa. His moleculis perditorum restitutionem, & corporis incrementum tribuit; easdem collectas haerere in locis ad hunc usum destinatis, & semen animalium constituere voluit. Credidit etiam, easdem moleculas organicas, si colligantur in locis, ubi sibi invicem uniri possint, & magna simul copia praesto sint, tunc in animalium corpore formari in alia animalia; qualia sunt taenia, ascarides, vermes aliquando reperti in venis, & sinibus cerebri, hepate, &c. haec autem animalia non debent suam existentiam aliis animalibus ejusdem speciei; non enim generantur simili modo ac alia animalia; sed producuntur ab illa materia organica, si extravasata fuerit, vel non resorpta per vasa, quae nutriendo corporis serviat. Satis enim probabile credit, substantiam illam productivam, semper actuosam, & tendentem in organizationem producere vermes, aliaque minuta corpora diversae speciei, pro diversitate locorum, & matricum, in quibus accumulatur.

Legi merentur illa, quae egregius ille vir subtiliter de his disputat (h).

Interim haec opinio, licet ingeniosa, non videtur carere magnis difficultatibus.

Unde hactenus communior illa sententia viget, vermes humanos ab ovis, foris in corpus humanum delatis, originem ducere, & in ipso corpore, more aliis animalibus consueto, multiplicari (i). *Quaquam vero & haec sententia suis vexatur dubiis, quae expediti acgre quaeant; non sunt tamen ista tanti momenti,*

(g) *Nouvell. découv. par le microscope de T. Needham* pag. 60. & seq. (h) *Hist. natur. génér. & particul.* tom. 2. pag. 18. 19. & seq. & pag. 258. & seq.

(i) *Van Doeveren dissert. de verm. inter.* pag. 25. & seq.

si, ut non sperare liceat, ulteriori scrutinio tandem ad liquidum perductum iri. Quod ipsa natura dilavis systema, non illico turbandum, se qua forsitan parte ob cognitionis humanae defectum bias (k). Supponit autem haec sententia, similia his animalia extra corpus humanum existere, de qua re postea ad §. 1363. quaedam dicentur.

§. 1361. **N**idum dat pituita intestinalis, vel gastrica, in qua haerent, foventur, pariunt, augenturque.

Cum vermes humani in primis viis praecipue reperiantur, & maxime communis opinio sit, uti dictum fuit, originem illos ducere ex ovis ingestis, videbatur verosimile, quod haec vel destrui deberent motu peristaltico, vel saltem, si huic resistere potuerint, cum reliquis faecibus per alvum expelli, nisi lateribus intestinorum fixa haerent, quacumque de causa haec adhaesio fieret.

Notum est, ventriculorum, & intestina obduci glutinoso muco, sed beneficio, & naturali, quo lubricatur, inungitur interna illorum superficies, simulque ab omni acrimonia defenditur, uti & asperitate ingestorum, quae in voracibus hominibus saepe non satis comminuuntur dentibus, antequam deglutiantur. Hic mucus nidum dare poterit vermium ovis satis commodum, in quo foveri poterunt, & per quem adhaerent intestinorum parietibus sic, ut nec motu intestinorum peristaltico, nec a transeuntibus per cavum intestinorum ingestis cibis, & faecibus, loco moveri possint. Cum autem mucus ille abundet in junioribus, hinc creditur, vel ab hac causa illos vermibus laborare frequentius. Non mirum ergo, quod vermes tali muco undique obducti quandoque inventi fuerint.

§. 1362. **H**inc raro in adultis; & in his modo torpidis, & leucophlegmaticis.

Cum autem in adultis major corporis siccitas fiat, bilis, & omnes humores in ventriculorum, & intestina depluentes aciores sint, quam in junioribus, hinc minus frequenter vermibus molestantur, nisi lenti, frigidi, mucosi, humores copiosi in corpore adsint; ut in illis observatur, quos Leucophlegmaticos Medici vocant. De qua re videantur illa, quae ad §. 69. & sequentes habentur, ubi de *glutinoso* spontaneo agebatur.

Interim certum est, non omnes adultos, licet etiam optimam corporis temperiem habuerint, a vermibus immunes vivere. Cum totum corpus firmitus sit, & nervosum systema minus irritabile, saepe non sentiunt tantas a vermibus molestias, ac quidem juniores pati solent: hinc saepe vermes habent inficii, qui per medicamenta purgantia imprimis expelluntur; quandoque & acutorum morborum tempore prodeunt improvise. Unde Hippo-

Tom. IV. part II.

u

crates

(k) Gaub. Instit. Patholog. §. 587. pag. 302.

crates (1) dixit: Sed & lumbricos teretes, morbo iudicium subeunte, una cum excrementis prodire, utile fuerit. Cum autem illo tempore, dum morbus iudicium subit, multae turbae in corpore fiant, & magnae humorum mutationes, mirum non est, vermes teretes, qui satis mobiles sunt, ex sede sua exturbari. Unde videtur vermium horum exturbatio criticam perturbationem designare, non tamen bonum semper effectum. Si enim humores per validum morbum corrupti, affatim per alvum ruant, simul expelluntur vermes; sed funesto cum eventu. Sic apud Hippocratem (m) legitur de homine, qui incalescens coenavit, multum bibit, & deinde hypochondrii dolore inflammatorio correptus, acute febricitavit cum malis symptomatibus; Septimo die ab alvo irritata liquida, & turbulenta cum lumbricis secesserunt; sed absque levamine symptomatum, & undecimo die periit.

Sic & observatum fuit *Bitteris* (Bézier) anno millesimo septingentesimo trigésimo, epidemicorum more, verminosam colluviem affluxisse plurimos. Licet enim & aliis temporibus vermes satis frequentes fuerint incolis, illo anno tamen cuiusvis sexus, aetatis, temperiei homines vermibus infestabantur; & quidem ita, ut aliqui succubuerint, frustra adhibitis omnibus remediis; quae satis valida dari debebant, ut, sursum, aut deorsum expellerentur vermes, quorum plurimi exibant vivi de corpore (n).

Toties in castris observatae fuerunt vermium excretiones in militibus, dysenteria, febribus intermittentibus, remittentibus, aut continuis laborantibus. Teretes autem erant vermes, qui in his morbis excernebantur (o). Monet simul egregius auctor, non cogitandum esse, vermes fuisse dysenteriae, aut harum febrium causam, sed tantum reddidisse hos morbos peiores. Idem in nostro exercitu observatum fuit. Unde patet, & in adultis, duro labore exercitatis corporibus, vermes satis frequenter adesse, qui non prodissent, nisi hi morbi adfuissent. Videtur enim admodum verosimile, hos vermes ante morbum jam extitisse.

Praeterea Taenia, sive vermis latus in adultis observatur satis frequenter.

§. 1363. Suntque rotundi, lati, ascarides.

Tres illae vermium species communiter occurrunt in ventriculo, & intestinis humanis; ideoque de illis in vermium historia, & cura imprimis agitur, licet negari nequeat, & alius insectorum species in his locis fuisse deprehensas. Si enim foecunda aliorum insectorum ova ad has partes delata fuerint, non videtur mirum, quod in loco tali humido, & calido excludantur. Plures observationes in historia medica leguntur ranarum, lacertarum,

(1) In Prognostic. Charter. Tom. VIII. pag. 628.

(m) Epidem. Lib. I. sectu 12. *Ægiot.* 12. *Charact.* Tom. IX. pag. 114.

(n) Académ. des scienc. l'an 1730. hist. pag. 57.

(o) Pringle observat. on the diseases of the army part. 1. Chap. 1. Pag. 20. Chap. 3. pag. 30.

rum, per vomitum, vel per alvum redditarum; sed stagnantes aquae verno tempore sperma sic dictum ranarum &c. habent, & quandoque a sitientibus incaute potantur. A tali, vel simili causa videntur produci insecta, quae a vermibus humanis vulgo dictis penitus diversa in corpore humano reperiuntur. Indus triginta sex annorum molestum abdominis dolorem diu passus fuit: cum frequenter Indi vermibus laboraret, Medicus Anthelminticum praescribit, quod *semen contra* (vermes scilicet) vocari solet. Paucis tempore post hoc remedium assumptum dolores minuuntur, & alvo excernit vermem mortuum, qui septuaginta sex pollices, & quatuor lineas aequabat longitudine, & crassitie quatuor lineas. Vermis ille erat rotundus, coloris pallide flavescentis, caput durum habebat, & a capite usque fere ad caudam numerabantur centum, & septemdecim annuli cartilaginei, omnes integri. Expulso hoc verme, cessabat omnino dolor, vivus redibat vultui color, nec postea de ullo malo conquestus fuit (p). Facile patet, vermem illum a teretibus vermibus humanis omnino diversum esse.

Aliud mirabile exemplum legitur (q). Nobilis puer, unicus viduae matris filius, vermibus laborabat cum summis doloribus abdominis, convulsionibus &c. Sentiebat miser puer, repere in ventriculo serpentem, ut credebatur; percipiebat, morsu lacerari viscera. Ab amaris, anthelminticis purgantibus exasperabantur omnia symptomata; imo a diagridio dato sequebantur convulsiones. Celebris Illo Medicus, videns, ab irritantibus augeri omnia mala, dedit satis largum haustum lactis vaccini, quo potato mox sopiebantur omnes dolores; qui, dum redirent, lacte epoto pariter placabantur. Denuo ab alio Medico datum fuit purgans; verum omnia mala recrudescabant; lacte potu iterum cessabant, & totam curam anxia mater Celebris Gallo commisit, qui tentavit allicere vermem odore lactis calidi versus os, hac spe, ut vel sponte exiret, vel arreptus extrahi posset. Feliciter cessit haec methodus: tertio enim tentamine, ascendens ad radicem linguae vermis, tenaculo prehensus educebatur. Vermis ille niger erat, rotundus, & pilosus, crassitie calami scriptorium superans, & triginta palmas Italicas longus, quem in rei insolitae memoriam servavit Medicus.

Per biennium laborabat homo doloribus colicis admodum validis, cum mixtis vomendi vehementibus, & fame fere insatiabili. Copiam vermium planorum quandoque integros glomeres alvo deponebat. Praescriptae fuerant pilulae, certo intervallo temporis sumendae, una cum quodam decocto. Pertasus tot molestiarum aeger, saepius, quam praescriptum fuerat, sumisit haec remedia; unde animi deliquia, & syncope sequebantur, ita ut morti proximus videretur. Simul tam valida aderant abdominis murmura, ut ad triginta, & ultra passuum distantiam auribus percipi poterint. Tandem prodierunt vermes, quorum quidam satis longi erant, praecipue ultimus, qui infestissimus aegro hostis fuisse credebatur merito.

u 2

Ver-

(p) Feuillee journ. des observat. phys. &c. Tom. I. pag. 421.

(q) Gallo dissertaz. dell' uso del latte. Tom. 2. pag. 133. & seq.

Vermis ille vivus prodiit, sedecim pedes longus, caput ad sesqui-pedis longitudinem elevatum tenens semper, sive in terra reperet, sive in glomerem convolutus jaceret. In vas aqua plenum dimissus, miris movebatur modis, semper erectum tenens caput, quod nigrum erat, & instar pisi rotundum: collum habebat valde angustum, & binos oculos: eminentias habebat vertebriis similes. Aeger postea optime valuit, laudans suam temeritatem, quae forte ad curationem necessaria erat, vel saltem illam acceleravit (r).

Describitur & vermis, qui per anum exivit, longus sesqui-pedem; corporis diameter aequabat pollicem cum dimidio; totus vermis sanguine plenus erat; dum exibat, simul aliquot librae sanguinis prodierunt, & per aliquot dies postea sanguinis grumosi aliqua copia per anum exiit. Vermis ille mortuus prodibat, & annulos habebat instar lumbrici terrestris. Caput erat reliquo corpore angustius, ostriangulare, hirudinis instar. Postea nunciavit aeger, se alium similem evacuasse vermem, priori potius adhuc majorem, qui frustillarim prodiit (s). Vermis ille ab idoneis testibus visus fuit, & a perito pictore delineatus in Icone exhibetur.

Plura similia facile colligere potuissem; verum haec sufficient, ut constet, in ventriculo, & intestinis humanis quandoque alia insecta reperta fuisse, praeter vermes rotundos, latos, & ascarides, de quibus singulis nunc dicitur.

Rotundi. Vocantur & teretes; reliquis vermibus humanis frequentius reperiuntur in intestinis: cum autem externa forma satis similes appareant lumbricis terrestribus, quorum ingens copia ubique praesto est, hinc multi crediderunt, ex ovis lumbricorum, quocumque demum modo haec corpus humanum ingressa fuerint, teretes vermes produci. Sic *Celeberrimus Linnaeus* (t) voluit, *lumbricum intestinorum esse eandem speciem cum lumbrico terrestri vulgatissimo*. Eandem sententiam amplexus fuit *Scopoli* in historia naturali admodum versatus (u). *Docet hoc communis utriusque fabrica, habitatio, vita, foecunditas, & communia utrisque venena*. Foecunditas satis convenit: sed nec habitatio, nec vitae genus eadem sunt. In terra nidulantur lumbrici, terram comedunt, quae & in illorum interaneis invenitur, & per illorum alvum egeritur: vermes humani in intestinis habitant, & longe alio fruuntur alimento. Vermes terrae sanguinem rubrum habent (v), & pedes, vel saltem pedibus quid analogum in illis *Svammerdam* detexit. Voluit quidem, ridiculam esse illorum opinionem, quae ex ovulis deglutitis vermes in nobis oriri, statuit, cum longe aliud alimentum requirant. Sed credidit tamen, tunc possibile hoc esse, si corpori humano ingerantur ova talium insectorum, quae in aliorum animalium intestinis vixerunt (x) Ver-

mes

(r) Académ. des scienc. l'an 1740. hist. pag. 72.

(s) Médic. Essays and observat. Tom. 2. An. XXVI. pag. 336.

(t) In system. Natur. pag. 85.

(u) De hydrarg. Idriens. tentamin. 157.

(v) Svammerd. Bibl. nat. pag. 120. 247.

(x) Ibid. pag. 710.

mes humani, quantum constat, nullam unquam subeunt metamorphosin, nec etiam lumbrici terrestres. Non tamen impossibile est, insecta in ipsis animalium intestinis metamorphosin subire posse. Musca illa, de qua ad §. 1360. dictum fuit, per anum equi ingreditur, ova ponit, quae vermem excludunt, suo tempore in chrysalidem mutandum, ex qua musca prodit postea.

Verum inveniuntur in aliis animalibus teretes vermes, humanis omnino similes (de reliquis postea dicitur.) Vermes rotundos invenit in vitulorum, &c. quidem adhuc lactantium, intestinis *Celeberrimus Vallisnerius*; dissecuit summa, qua valebat, dexteritate; & invenit structuram diversam a lumbricis terrestribus: vidit ova vera, sed numerosissima (y). *Clericum* citavi, quia & *Vallisnerii*, & *Redii* observata collecta apud hunc auctorem habentur.

Egregius *Edw. Tyson* (z) dissecuit & vermes teretes humanos, illosque omnino diversos a lumbricis terrestribus invenit. Credidit, se diversitate sexus invenisse in vermibus teretibus, & figuris expressit marem, ac foeminam dissectos: delineavit vasa feminalia in utroque sexu, & ova microscopio conspecta, quorum plus quam decem millia in uno verme adesse credit. Omnem hunc ovorum numerum non excludi in corpore, facile creditur; plura cum faecibus alvinis exire, probabile videtur; quae si postea, quocumque modo humanum corpus, vel & aliorum animalium ingrediantur, species propagari poterit, dum consuetum parentibus domicilium, & alimentum tunc acquirunt. Mira observatio *Celeberrimi Listeri* huic opinioni favere videtur (a). Puella octo annorum ulcus habebat circa malleolum, dolens valde; juniorem catulum chirurgus discepsit, & imposuit loco ulcerato: dum removel postea, sexaginta ad minimum vermes invenit partim in catuli corpore dissecto, partim extraxit ex malleoli ulcere: catulus denuo applicatus fuit ulceri, & dum secunda vice removebatur, aderat *Lister*, viditque unicum tantum vermem, sed vivacissimum: postea injectionibus adhibitis, plures vermes enecti fuerunt. Examinans autem illos vermes, dixit sequentia: *Affermo, hos vermes, quantum cognoscere potui, (& habui opportunitatem illos comparandi), esse ejusdem speciei cum lumbricis teretibus, quos infantes frequenter per anum reddunt; tres, quatuorve circiter pollices longi erant; omnes sive ejusdem crassitiei, ac si eodem tempore fuissent exclusi; parum crassiores anatis penna; utrumque extremum in apicem acutum desinebat; vermes illi erant rigidi, perfecte rotundi, absque incisuris, & tamen facile se movebant (vivi nempe). Vermes illi magis albicabant, quam teretes intestinorum.* Unde patet, vermes teretes non tantum in ventriculo, & intestinis, sed & in aliis corporis locis ex succis humanis vivere posse.

Verum quidem est, Muscas in ulceribus ova quandoque deponere; sed ex his vermes tantae magnitudinis non producuntur, at longe minores.

Tom. IV. Pars. II.

u. 3.

Nec.

(y) Dan. Cleric. Hist. natur. & medic. histor. lumbric. pag. 227 252.

(z) The Philosoph. transact. &c. abrig'd Tom. III. pag. 130.

(a) Ibid. pag. 132.

Nec videtur ulla suspicio, illos vermes in catuli intestinis latitasse prius. Testimonium autem *Lisleri* magni ponderis est, cum similium aptissimus iudex esset, & non perfunctorie hanc rem examinaverit. Vermium ergo horum ova vel per vasa cum humoribus ad ulcus delata fuerunt, vel debuerunt ab extra ad ulcus pervenisse; in quo casu rotundi vermes, vel eorum ova etiam extra corpus humanum subsistere potuerunt.

Non videtur probabilis illa opinio, quae statuit, vermes rotundos esse larvas seu nymphas, taeniarum (*b*), quae *Celeberrimo Frisibio* tribuitur. Accurata dissectio vermis teretis contrarium docet: non enim latens sub involucre taenia deprehensa fuit, sed canalis alimentarius, anus, os, & nigrissimus apparatus vasorum seminalium &c. Notum est, insecta, dum sub larva Nymphae, aut Chrysalidis latent, nullum nutrimentum sumere, nec vivacissimos tales motus edere unquam, quales in vermibus rotundis observati fuerunt, qui per omnia intestina repunt ad ventriculū usque, & ex ventriculo ad intestina redeunt.

Cæterum, licet ova vera invenerint Celeberrimi viri ante laudati, observatio legitur (*c*), quae probare videretur, vermes teretes esse viviparos. Puella *Scarintii*, quum vermibus quoque laboraret, & illi tarde datum esset medicamentum, unum præmagnum egressi vermem rotundum, cuius cum pater pede calcasset caput, ex eo alii prodierunt vermes: puella tamen brevi mortua est.

Rudis satis observatio hæc est, & fide patris, harum rerum procul dubio ignari, nititur. Si enim vermis teres monstraretur imperitis, per integumenta manifeste conspiciuntur vasa seminalia albicantia, vario modo convoluta, quae minorum vermium in maiore latitantium speciem non inepte referunt. Accedit, quod in vermibus rotundis humanis, ad tertiam circiter totius longitudinis a capite distantiam, rima adfit (quae in teretibus vitulinis capiti propinquior est), per quam, calcato verme, totum vasorum spermaticorum systema elabi possit. Servo talem vermem teretem integerrimum, cui vasa hæc ex illa rima propendent omnia, & liberrime in liquore, in quo conservatur, fluctuant. Nec repugnat tamen, vermes rotundos esse & viviparos, & oviparos; cum antea monitum fuerit, dari talia insecta, quae uno tempore anni sunt vivipara, altero autem ovipara.

Cæterum vermes rotundi crassitiem calami scriptorii solent habere plerumque, raro illam excedunt, quandoque & tenuiores inveniuntur: longitudo varia est; rarius pedis mensuram superant. Memini, me vidisse, qui sesquipedem aequabat. Notandum autem, hic agi de vermibus rotundis proprie dictis: nam in eadem hoc paragrapho notatum fuit, sursum, vel deorsum quandoque excerni vermes alterius speciei, qui vermes rotundos mole multum superant. Talis videtur fuisse vermis, qui apud *Andry* (*d*) describitur. Fatetur enim Celeberrimus Vir, quod differebat a verme rotundo, cum totus rugosus esset, & rictum manifestum haberet.

Lati

(*b*) Van Doveren de verm. intest. pag. 24.

(*c*) Amat. Lusit. curat. medicis, Cent. V. n. 46, pag. 513.

(*d*) Tom. I. pag. 390.

Lasti, vocantur, & *Tæniæ* a figura plana, & longitudine totius vermis, quæ sæpe immensa est. Dicitur & *Vermis solitarius*, quia credebatur solus esse semper, & totam longitudinem intestinorum adæquare: hæc *Hippocratis* (e) erat sententia, qui statuebat, vermem latum in puero, dum adhuc in utero est, procreari. Credebat autem, vermes ex putredine originem habere; & cum in nato jam homine, si sanus futurus sit, besternum sterius semper cunctis diebus excernatur, hinc colligebat, nec moram satis longam esse materiae putrefaciendæ; nec sufficientem ejus copiam, ut tantæ longitudinis vermis in intestinis formari posset: aliud autem obtinebat, dum infans in utero latens, per novem menses alvum non evacuabat. Notat, recens natis talia ingeri, quæ faeces expellunt; dein addit: *Multi sane pueri tum rotundos, tum latos lumbricos, una cum primo stercore, per alvum excrerunt*. Tales vermes certe in utero geniti fuerant, & hoc factum aliquoties fuisse, antea dictum fuit. Subjungit. *Es seretes quidem parvuli; lati vero non amplius; nisi eos parere dicunt*. Quicumque enim homo latum lumbricum habet, quale cucumeris semen alias, atque cum stercore dejicit; & sunt homines, qui hoc lumbrici partus esse affirmant. Mibi vero, qui talia proferunt, haud recte dicere videntur. Neque enim ab uno animali tot pulli nasci possunt, neque tanta est in intestino capacitas, ut partus educere queat. Credebat autem, vermem latum una cum puero crescere, & circa pubertatem intestinorum longitudinem jam æquare: cum tamen vermis latus crescere pergit, per rectum intestinum cum stercore excernitur, & velut cucumeris semen excidit; plerumque etiam major. Nonnullis vero iter facientibus, aut vehementer laborantibus, & ventre incaliente, deorsum prodit, ipsique ex recto intestino inflatus prominet, idque facit, & ex ano rescatur, aut retrocedit. Quod vero non pariat, sed velut ego dico, se res habeat, hæc signa sunt. Quod si quis hominem vermem (lato) laborantem cures, & medicamentum, aut potionem dederis si quidem homo probe præparatus fuerit, totus rotundus, ut globus, prodit, & homo sanus evadit. Si vero ad medicamentum prodeat, & recta (pars) abrumptur duorum, aut trium cubitorum longitudine, aut etiam longe major. Quomodo abruptus fuerit, multo tempore cum stercore nulla se produnt signa, postea vero ineresunt. Ex quibus patet, Hippocratem vermem latum bene cognovisse; simulque apparet ratio, cur solitarius crediderit; quia nempe vermis ille totam intestinorum longitudinem occupat solus. Hippocratis opinionem plures Medici, & inter illos Celeberrimus Andry, fuerunt amplexi; quam refutavit Dionis (f), qui in homine, penitus emaciato, & febre lenta sere exhausto, vidit prodire duas tæniæ singulas propria membrana inclusas: quindecim dierum spatio appetitus, & vires redierunt, atque integre convaluit (g). Plures observationes habentur, quæ docent, tæniam non semper solitariam esse, sed quandoque plures simul in hominibus nidulari (h).

(e) De morb. lib. IV. cap. 15. Charter. Tom. VIII. pag. 613.

(f) Dissertat. sur le Taenia, ou ver plat pag. 14. & seq.

(g) Ibid. pag. 21.

(h) Van Doeveren Dissertat. de verm. intest. pag. 39.

In aliorum animalium corporibus frequenter inveniuntur plures taeniae; in cane tres ipse vidi, in diversis, & satis a se mutuo distitis intestinorum tenuium locis. *Celeberrimus Lister* (1) testatur, se invenisse in cane forte plus quam centum lumbricos latos, ita ut intestinum duodenum, his plenum, admodum distenderetur. In mure invenit duodenum, mole ventriculum excedens multum, pariter plenissimum vermibus latis; sed diversae formae penitus, ac unquam viderat. In cane illo aderant & taeniae in jejunio, & ileo, sed ad aliquam distantiam a se mutuo remotae; in crassis intestinis nullae aderant. In jejunio, & ileo taeniae jacebant quandoque singulae, quandoque binae, vel plures inter se convolutae. In vicinia horum vermium semper invenit illorum excrementa, grisei coloris. Omnium extremum tenuius superiora spectabat, ac si descendenti chylo inhiarent. Omnes illi vermes habebant eandem longitudinem, nec pedis mensuram excedebant. Latius extremum latitudinem habebat unguis digiti minimi, & in lanceolae quasi acumen desinebat. Si ab extremo hoc latiori binae partes rotius longitudinis vermis computentur, tunc incipiunt articuli sensim fieri angustiores, & tandem desinunt in extremum tenue, cujus apex in globulum definit, caput aciculae mole aequantem. Comparavit has taenias canum iconi taeniae humanae, quae apud *Tulpium* (2) habetur, & invenit magnam similitudinem. Notandum imprimis videtur, quod *Tulpius* affirmat de hac taenia: *Idque non semel, atque iterum: quippe toties hoc insectum excrevit uxor Gulielmi Smittii. Modo quidem frustulatum, & mutilum, sed interim ter integrum, & omnibus numeris absolutum. Erat autem caput hoc non minus acutum, quam planum, & ore admodum exili, plane eadem forma, qua ejus iconem, dum adhuc reperet, acri incidit Salomon Saverius, artis ejus abunde peritus. Ex hac Tulpii observatione pluralitas taeniarum in corpore humano confirmatur.* Sed & vermis latus alias vermium species comites quandoque habet. Sic observavit *Rawlin* (3), hominem, qui taenia laborabat, etiam vermes teretes per alvum deposuisse. In fele, cocculis sumtis necato, invenit *Voeppers* (4) vermem latum adhuc vivum, & plures lumbricos teretes. In lupo semestri, & robusto, post napelli radicem sumtam occiso, invenit sequentia: *Duodeni, & jejuni superficiem incrustabat substantia conglutinis similis, alba, viscida, alicubi flavo. In ileo continebantur cucurbitini vermes solitarii, semen cucurbitae figura, & magnitudine referentes, cohaerentes, duas spithamas longi, desinentes in filamentum prope spithamae longitudine, in cujus extremo globulus, caput acus referens: item taeniae, seu lumbrici lati, omnes adhuc viventes (5).* Satis convenit haec observatio descriptioni *Listeri*, quam modo recensui; sed mirum est, quod vermes cucurbitinos, sibi mutuo cohaerentes, & desinentes in filum, cujus extremum in globulum definit, distinguat a lumbricis latis. Saltem pluralitas vermium latorum *Voeppersi* testimonio confirmatur.

Vi-

(1) Philosoph. Transact. abrig'd Tom. 3. pag. 119.

(2) Lib. 2. observat. Medic. cap. 42. pag. 161.

(3) Des malad. occat. par les variat. de l'air pag. 426.

(4) Cicut. aquar. histor. & noxae cap. 12. pag. 186.

(5) Ibid. cap. 11. pag. 180.

Videntur plures taeniae species esse. *Cekherimus Andry* (a) duas descripsit: prima distinguitur, quod articuli constituentes longitudinem taeniae, in medio corpore longi sint satis; hinc inter unum articulum, & proximum satis magna ibi distantia est; versus extrema autem hi articuli magis sibi invicem propinqui sunt; imprimis circa illud extremum, quod caput vocat, & in apicem globosum desinit; ubi parum admodum a se mutuo distant: talis taeniae iconem habet (p). In medio cuiusque articuli, in ipso margine, conspicitur quasi papilla, foramen in apice habens; in quo observavit vas subcaeruleum, quod ad medium usque latitudinis corporis penetrat. Papillae autem illae inaequali ordine distribuuntur; quandoque in uno latere binae sunt, & in latere opposito unica tantum; quandoque tres ab una parte, & nulla in parte opposita. Altera teniae species ab eodem auctore (q) describitur, differtque a priori, quod articulationes minus prominent, & minus a se invicem distant: hinc media inter binas articulationes pars brevior est, quam in specie praecedenti. Simul adest series nodulorum, sive granorum scabrorum, quae secundum rotam longitudinem vermis lati disponuntur, in recta linea, & spinas dorsi figuram referunt. Plures tales vermes latos *Calcherrimus Andry* iconibus expressit.

Praeter binas has species tertiam invenit *Dionis* (r), quae sacculo membranaceo haeret inclusa; quo rupto erumpit. Quando talis vermis latus in sacculo haerens, ano exit, tunc facile haberi posset pro verme tereti; & forte hinc nata fuit opinio, de qua paullo ante dictum fuit, quod vermes teretes forent nymphae vermis lati. Accuratissimus in his, & dexterissimus *Vainslow* (s), talem vermem, qui teretem referebat, dissecuit, & invenit sub hoc involucre contineri taeniam. In murium hepatibus inventi fuerunt vermes lati; sed cystidi inclusi (t). Icones tamen horum vermium videntur differe a vermicibus latis.

Forte & aliae vermis lati species acutissimorum observatorum industria detegentur.

Interim mirum hoc animal multum exercuit Philosophorum ingenia: quidam voluerunt, vermem latum non esse unicum animal, sed congeriem animalium potius: cum enim, qui hoc verme laborant, saepe excernant ano vermes cucurbitinos dictos, quia figuram semini cucurbitae officinarum satis similem habent (u), qui in loco citato delineari habentur, & vivi adhuc, & mortui; cum manifestum motum habeant, & magna copia excernantur quandoque, ita ut pyxidem magnam, cucurbitinis his plenam, obtulerit *Cekherimus Andry* (v) aeger, qui taeniam in intestinis habebat; hinc habebantur vel pro ovibus, vel pro foetibus vermis lati: a quibusdam, Praeterea, cum vermis latus distrahitur ita, ut articuli separentur a se mutuo, tunc singuli articuli referunt vermem cucurbitinum (x); hinc non mirum

(a) De la générat. des vers pag. 194. & seq.

(p) De la générat. des vers préface pag. 4.

sur le taenia pag. 21. (r) Ibidem

du Cabin. du Roy Tom. VII. pag. 315.

(s) Ibid. pag. 218.

(t) Ibid. pag. 219.

(q) Ibid. pag. 195.

(r) Dissert.

(s) Hist. natur. &c. avec la descrip.

(u) Andry générat. des vers pag. 224.

(v) Ibid. pag. 218.

(x) Ibid. pag. 219.

est, alios in hanc sententiam venisse, vermem latum esse tantum catenam vermium cucurbitinorum: favebat huic opinioni, quod frequenter plures ulnae vermis lati per anum prodirent, licet nihil capiti, vel caudae analogum in extremis partibus inveniretur; imo quod saepius familia vermis lati fragmenta prodirent ex eodem corpore diversis temporibus; quod facile explicari poterat, si cucurbitini vermes sibi mutuo juncti taeniam constituerent. Alii voluerunt, non tantum cucurbitinos necesse sibi invicem, sed post hunc nexum unitos non esse amplius numerosorum vermium congeriem, at anum tantum animal, ex pluribus unitis concretum: unde, dum novi cucurbitini secundum longitudinem necerentur vermi lato, poterat augeri ejus longitudo immaniter; sicque perpetuo crescebat vermis latus; & licet plures ulnae exirent de alvo, damnum illud brevi, ac facile poterat restitui. Quamvis autem illa concretio plurium animalium in unum creditu difficilis videretur, reponi posset, quod hoc saeculo tot nova, tot mira detecta fuerint circa generationem insectorum, ut vix quis aliquid impossibile imposterum affirmare audeat. Si quis enim dicere ausus fuisset antea, dari animal, quod in, sexaginta quatuor partes dissectum, totidem nova, sibi omnino similia, reproduceret animalia, procul dubio ab omnibus risu exceptus fuisset: si addidisset, idem illud animal, inversum instar chirothecae digiti, praedam devorasse, & ingestam digessisse, ut antea, increvisse, & sui simile produxisse, meras narrari fabulas, credidissent omnes. Tamen haec omnia quam verissima esse, novimus hodie.

Interim negari nequit, si taenia componeretur ex vermibus cucurbitinis, sive simplici nexu unitis, sive in unum animal concretis, deberet taenia constare in tota sua longitudine partibus homogeneis. Si vero deprehendi possit taeniae pars reliquis dissimilis, & diversam habens fabricam, tunc haec opinio cadit; quae tamen jam dudum apud Celebres Medicos invaluit (y), & postea a *Vallisferio*, *Couléro*, aliisque defensa fuit.

Vermis latus quandoque integer prodit, uti *Hippocrates* (vide locum ante citatum) notavit, sub forma glomeris; qui, si evolvatur, quantumvis longior, vel brevior fuerit, desinit, sensum decrefcentibus in longitudine, & latitudine articulis, in extremum angustum valde, in ultimo apice globulo quasi munitum: illud vermis lati extremum vocatur filum a quibusdam, & nisi illud exiverit, periti metuunt, ne vermis latus recrefcat postea, quantumcumque etiam longitudo ejus per anum prodierit. Vidi saepius illud filum in vermibus latis integris, vel per morbos, vel per vim remedium expulsus.

Monet *Celeberrimus Iysen* (z), plures angustiores hanc taeniae partem habuisse pro cauda vermis lati; inter quos numerat *Spigelium*, & *Amatum Lufitanum*. Ipse autem caput esse credit. Invenit enim in canis dissecti intestino lleo vivum vermem latum (a), qui non jacebat directus, sed in multis locis convolutus, & duplicatus: caute findens intestinum quaesivit extremum angustum vermis lati, quod versus duodenum intestinum protende-

(y) Marcel. Donat. de Medic. histor. mirab. cap. 26. pag. 255.
Transact. abridg'd tom. 3. pag. 421.

(z) Ibid. pag. 404.

(1) Philosoph.

debat, dum extremum taeniae latius, liberum, nullique parti adhaerens, deorsum versus intestinum rectum tenderet. Angustius autem taeniae extremum infigebatur internae intestini tunicae, & adeo firmiter haerebat, ut non sine difficultate leviter illud ungue elevans, ab intestino separare potuerit: dum hoc faciebat, contorquebat se vermis, & a digito decidebat, moxque se intestino infigebat ita, ut simili modo, aequali cum difficultate inde separari debuerit. Microscopio examinavit illud extremum, & binis iconibus expressit illa, quae viderat: invenit enim, illud non esse planum, sed utcumque convexum, dense constum hamatis quasi pilis, quos postea, attente dum conspiceret, etiam nudis oculis videre potuit. Eandem structuram observavit & in aliis duabus taeniis.

Vermes firmiter adhaerere intestinis, pariter observavit *Voefferus* (b): invenit enim mucum, cum aliquos lumbricis latis, cucurbitinis, & seretibus, quorum plures adhuc vivebant, *Probofides* firmissime intestinum tunicae infigentes, a qua etiam *hirudinum* instar pendebant, sublato intestino.

Credidit *Tyson* (c) illam partem modo descriptam, quam pro capite vermis lati habuit, praecipue servire, ut stabili in loco maneat vermis latus, neque facile integer per anum prodeat, sed saepe plures ulnae reliqui corporis separatim exeant. Dubitat tamen, an per illam partem adeo parvam, ac caput est, nutrimentum recipere posset taenia, quod tantae corporis longitudini alendae, & augendae sufficeret: unde potius credit, papillas illas, quae in singulis teniae articulis reperiuntur, uti ante dictum fuit, chylum forbere, quo tota vermis lati longitudo repleta invenitur, & qui album illud sedimentum dat in fundo lagenae, dum vermis latus in spirituoso liquido servatur. Caeterum caput vermis lati vidit distinctius, & icone expressit *Celeberrimus Bonnes* (d); cui historia naturalis tantum debet, tam in regno animali, quam in vegetabili. Eodem in loco omnia collecta habentur, quae hodie novimus de verme lato, simulque diversae clarorum viro- rum observationes accurate expenduntur, & exacto ratiocinio, certisque observatis demonstratur, quid de singulis censendum sit. Pluribus enim de hac re agere, non videtur huius loci esse.

Cum autem, de origine vermium humanorum ubi agitur, probabilis maxime opinio sit illa, quae statuit (vide §. 1360.), aliunde hos in corpus humanum venire, non autem esse absolute inquilinos, aut congenitos, hinc merito inquisitum fuit, an vermis latus extra corpus humanum inveniat. *Celeberrimus Lynnaeus* (e), se in praesentia septem fociorum invenisse in oclra acidularum vermem latum testatur. *Egregius Tissot* (f) memoriae tradit, puerum, quatuor annos natum, cum levi ani pruritu deie- cisse simul & turetem, & nascentem taeniam; *Filum nimirum crassum, al- bum,*

(b) Cicut. aquat. histor. & noxae cap. XIII. pag. 206.

(c) Philosoph. transact. Abridg'd

tom. 3. pag. 126. 127.

(d) Mémoires de Mémbr. & Physiq. présentés à l'Acad. des scienc. &c. Tom. I. pag. 478. 530. & Considérations sur les corps organes pag. 202. &c.

(e) In systemate naturae: observat. in regn. animale.

(f) De morbo

migro, scirthis &c. pag. 31. Van Doeveren dissent. de vermib. intest. pag. 33.

hum, acquabile, viginti quinque circiter pollices longum, quatuor, aut quinque circumvolutum gyris,isque omnino similem, quas in fontibus Sueciae invenis Ill. Linnaeus, & in fonte Helvetico amicus Medicus. Ex agni nondum trimensis intestinis eductae taeniae frustum, viginti sex pedes longum, vidit Raulin (g). In bobus taenia observatur saepe, in vitulis rarius, frequentissime in piscibus, & quidem varii generis (h). Cum autem haec animalia cibum hominibus praestent, suspicio nasci potest, hoc modo taeniam in corpus humanum venire posse.

Verum quidem, est coctione, assatione, aliisque artibus culinariis cibos sic mutari, ut non facile manere possit ovorum insectorum integritas, si per hanc viam in corpus venirent. Quaedam tamen observata docere videntur, vermem latum ferre posse insignem caloris gradum, vita superflite. Propriis oculis vidit *Illustr. Archiater Rosen (i)*, una cum aliis septem testibus, inter pisces coctos mensae illatos fuisse unum, qui taeniam adhuc viventem, & se moventem continebat. Taenias illas in piscibus vivis frequenter satis vidi; sed inveni illas extra intestina in abdominis cavo viventes, per viginti quatuor horas, & ultra in aqua servavi, & motum manifestum toto hoc tempore observavi; de qua re & videri potest *Andry (*)*, qui notat, multos habuisse hos vermes pro lactibus piscium, & manducasse. Observavit *Coules (k)*, Ascarides, quos non disferre a cucurbitinis aliorum auctorum voluit, illico frigescere, simul atque ex recto exiverunt, & molestissimum frigoris sensum excitare in cute externa, ubi haerent: simul vidit, in aëre frigido mori cito. Testatur, quod aquam fervidam serant facile; imo duos *ascarides in brodium carnis vitulinae fervidum immittebat, illudque in eodem caloris gradu, mediante igni mediocri, in balneo Mariae per duodecim horas continebat, & tum illos acque vividos, agiles, ac sanos inveniebat, atque erant, dum primo ex intestinis deciderent. Ex quibus concludi potest, vermes hos, absque destructione, intensum satis calorem ferre posse, & hinc nascitur major probabilitas, quod ipsi hi vermes, vel illorum ova una cum cibis in corpus humanum venire possint.*

Caeterum, antequam materiam hanc de verme lato dimittam, operae pretium duxi, recensere miram observationem, quae *Coulesi* opinionio multum favere videtur. *Celeberrimus Koenig (l)* vivum vermem cucurbitinum manus calidae dorso imposuit, cui una, vel altera guttula lactis inspersa erat, vixitque vermem transversim prorumpere; & tuberculum illud, sive papillula, quae in latere corporis haeret, de qua ante dictum fuit in verme lato, & quae vix amplitudinem habet puncti lacrymalis in homine, coepit intumescere, & extraverso rotundo labio, decuplo amplius fieri: armato autem lente convexa oculo vidit, ex hac dilatata bucca emergere proboscidem quasi, lineam cum quarta parte longam, in extremitate fuscam, & il-

(g) Sur les maladies par les variétés de l'air pag. 444.

(k) Philosoph. Transact.

Abd'id tom. 3. pag. 121.

(l) Des Schvvelischen Akad. abhandl. 22. stück

pag. 161.

(*) De la générat. des vers pag. 53. & seq.

(k) De Ascarid.

& lumbrico lato pag. 30. 31.

(i) Ad. Helvetic. volum. I. pag. 28.

& illam versus lactis guttulam dirigi. Dum autem altiori voce compelleret praesentem *Herrensibevandum* baptissimum certe in similibus testem) monens, se rem nunquam visam observare, respondit ille, se simili spectaculo frui. Subito tamen vermis proboscidem illam retraxit, sive ob trigus aëris, sive a fortiore vocis emissionem percussus fuerit. Haec observatio docet, stigmata illa, sive papillulas oris officio fungi; cumque in vermis lati articulis singulis similia deprehendantur, iusta nascitur suspicio, quod & in illo idem praestent officium. Sed postea addit (m), quod doctissimo, & expertissimo viro *Ernstio*, qui dissertationem de *Tacnia secunda Placii* scripserat, communicaverit quaedam experimenta, ex quibus constat; quod hi vermes, cum se jungunt, ita connectantur, ut canales communes toti series connexorum vermium tunc disponantur eo modo, uti, si liquor aliquis coloratus per osculum sacro dictum injiciatur, per siphonem ei osculo aptum, is per omnem ambitum vermis, paraeilelogrammum referentis, in determinato canale satis amplo decurrat, & eo loco utrimque, ubi isti vermes conjuncti sunt, in vicinum vermem, & simili ratione in propinquum transeat, ut *tacnia* marginibus egregie a colorato liquore pilis exurgat, qui liquor aliquando ex ore in illa serie decimi vermis rursus efflueret. Sic certe hi vermes & soli vivere possent; & dum uniti sunt, non sibi solis, sed & aliis dant alimentum, & vicissim ab iis accipiunt. Unde etiam mirum non est, ab eodem homine & singulos, & concatenatos, jam in vermem latum mutatos, expelli.

Certe miras observationes *Trembley* docent, quod Polypus, ex matre tantum ramus ex trunco prodiens, non tantum a matre alatur, sed & matrem alit. Felicitas nostri saeculi est, quod multa jam cognoscamus vera; quae antea ne quidem verosimilia credi potuissent. Plura adhuc a tot, & tantorum Virorum industria sperare licet, qui difficultates, quae adhuc fusperant, elucidabunt.

Ascarides. Hos definivit *Galenus* (n), quod sint *tenuis quidam lumbrici, in parte praecipue inferiori crassi intestini procreati*. Sunt autem teretis figurae, parvi admodum, utrimque mucronati; ingenti numero finem intestini recti obfident quandoque, & cum faecibus alvinis excernuntur. Admodum autem irrequieti sunt, & vivacissimi; unde nomen videntur adepti fuisse. *Ασκαρίδι* enim idem, quod *Σαρκίτι*, significat (vide *Foëti Oeconomiam*); nempe saltare, salire, palpitare, moveri; unde & irrequietus foetus maturi in utero motus eodem nomine vocatur (o). Omnes fere, qui *Ascaridum* mentionem fecerunt, tenues, & exiguos illos esse, notant. Quoad figuram, colorem, magnitudinem, habent maximam convenientiam cum illis vermibus, quos in casco videmus admodum frequenter. Unde multi crediderunt, inde ortum ducere (p). Antea ad §. 1359. dictum fuit, hominem quemdam *ascaridum molstias* illico sensisse, postquam caseum album comedesat. Toto

ramen

(m) *Act. Helvetic. Volum. I. pag. 30. 31.*

(n) *Comment. in Aphor. 26. sect. 3. Charter. Tom. IX. pag. 122.*

(o) *Galen. Comment. in aphorism. 37. sect. 5. Ibidem pag. 237.*

(p) *Van Doeveren de verm. intestin. pag. 10.*

tamen coelo differre creduntur ab ascaridibus vermiculi in caseo reperti; quia nempe hi metamorphosin subeunt; non tamen videtur repugnare, casei vermiculos pariter admodum vivaces, dum vivi deglutiuntur, ad anum delatos, molestum pruritum excitare posse, aequè ac *Ascarides*; qui cum teretium vermium, de quibus ante dictum fuit, figuram referant, sed mole longe minores sint, hinc suspicio nata fuit, an forte essent teretium vermium foetus. De hac re tamen, quantum novi, nil adhuc certi constat. Vermes teretes dicti, uti antea monitum fuit, calami scriptorii crassitiem habent plerumque, quandoque & superant; sed inventi fuerunt in hominum, & animalium corpore vermes similis figurae, tenues admodum. In tribus equis dissectis plus quam sexaginta vermiculos albos subtilissimos, & teretes invenit *Vandellius*, celebris Medicus (g). Libere perreptabant totam abdominis cavitatem, & maxime prope hepar inveniebantur. Horum vermiculorum longitudo tres, vel quatuor pollices, crassities mediam lineam Parisiensem aequabat. Reliqua descriptio satis videtur respondere teretibus vermibus. Postea ab equorum lanionibus intellexit, in omnibus equis hujusmodi vermiculos minori, aut majori quantitate extra intestina morari.

Si ascarides teretium vermium foetus fuerint, anne potuerint se aliquando insinuare inter tunicas ventriculi, ac intestinorum, & ibi crescere in majorem molem? Tanquam dubium propono, quia quaedam observata tale quid utrumque suadere videntur. *Damianus Sinopens* (r) in cadavere invenit ventricululum flaccidum, tumidulum, fideratum, duobus lumbricis vivis inter tunicas ejus haerentibus, altero circa fundum, altero in parte superiori: quisque spithamam erat longus, ac uterque recta extensus juxta longitudinem ventriculi, nisi quod in medio, parum deorsum flexus, ac rursus elevatus. Neuter autem vel forinsecus, vel intrinsecus apparebat, neque loculo suo moveri poterat absque incisione parietum; quavis superiorem, priusquam parietes incideret, leviter palpando susque deque adgerim, quo forte, illo moto, observare possem foramen, per quod eo penetrasse credebam, ingruente morte; sed nec ita, nec aliter, lustrando superficiem cum exteriorum, tum maxime interiorum, ullum foramen animadverti. Intervallum emicatum, in quo quisque lumbricorum haerebat, seu loculus cujusque, pure semiplenus, laxae respondebat figurae, & magnitudini hospitis sui, nullo cuniculo ultra porrecto.

Ex quibus conclusit egregius ille Medicus, lumbricos illos diutius inter ventriculi tunicas latuisse.

Inter tunicas intestinorum latentes vermes teretes vidit *Siorck* (s) in foemina viginti, & quinque annorum, quae post usum remedii anthelmintici sursum, & deorsum innumeros lumbricos excrevit, nec tamen signa vermium in intestinis latitantium evanuerunt, & tunc periit. In cadavere intestina, variis in partibus penitus arrosa, inflammata, corrupta, & microscopio

(g) *Domin. Vandellii Dissertat. tres pag. 25.*

(r) *Parerg. Medic. pag. 62.*

(s) *Ann. Medic. secund. pag. 228.*

pio infinita, oblonga infesta visa sunt. Intra ipsam substantiam intestini jejuni (intra membranas nimirum,) latuerunt tres lumbrici, quorum quilibet longitudine quatuor pollices superavit.

Videtur Coulet manifeste voluisse, illos vermes, quos alii auctores cucurbitinos dixerunt, vocandos esse Ascarides. Patebit hoc evidenter, si Couleti (1) figurae conferantur cum figuris, quae apud Andry (u) habentur. Ascarides vero Graecorum, qui breves, & rotundi dicuntur, noluit esse aliud vermium genus; dicit enim: *Eos nonnisi Ascaridum nostrorum partum juniorem pronunciare minime dubito* (v). Videtur autem hoc assertum nullibi probare, quod nempe minores, & rotundi illi vermiculi mutarentur, dum adolecerent, in cucurbitinos vocatos aliis auctoribus.

Caeterum illa, quae Veteres de Ascaridibus dixerunt, hodie etiam observantur. Hippocrates (x) notat, Ascarides vespere imprimis molestos esse: idem saepius observavi. Celeberrimus Bianchi (y) narrat de amico suo, quod quotidie ab hora nona vespertina ad decimam per plures annos molestam adeo titillationem sentiret ab Ascaridibus, ut nullis negotiis vacare posset illo tempore. Reliquo tempore ab his molestiis omnino liber erat. Contingebat autem id constantissime per omnes tempestates anni, omnesque status affectus. Monuit Galenus (z), Ascarides vehementiora remedia poscere, ut expellantur: Bianchi (a) fatetur, verminis hanc familiam a quocumque remedio indomabilem fuisse. Scripserat Hippocrates, quarto de morbis libro, in muliebri sinu, pudendoque gigni Ascarides, ut Hallerius (b) monet; dein addit; *Et nos scimus, e meatibus urinariis cum urina exclusos*.

Postquam sic recensita fuerunt praecipua, quae de triplici hac vermium humanorum specie habentur cognita, sequitur, ut agatur de variis noxis, quae ab iisdem in corpore humano producuntur; ex quibus cognitis simul eruuntur signa Diagnostica, quae vermium in corpore praesentiam docent.

§. 1364. EFFiciunt irritatione nauseas, vomitus, alvi fluores, animi deliquia, pulsus exiles, deficientes, intermittentes, pruritus narium, insultus epilepticos.

Quaenam mala metuenda sint a vermibus; diversa corporis loca occupantibus, antea dictum fuit: possunt enim turbare omnes functiones partium; in quibus nidulantur. Verum hoc loco agitur praecipue de illis, quae vermes, in ventriculo, & intestinis dum haerent, producere solent.

Nauseas, vomitus. Ubi §. 652. de nausea, & vomitu agebatur, probatum fuit, causam proximam nauseae, & vomitus esse convulsionem fibrarum muscularium faucium, oesophagi, stomachi, intestinorum, diaphragmatis,

(1) De Ascarid. & Lumbrico lato post praefationem. (u) De la générat. des vers pag. 224.

(v) Coulet, ibid. pag. 5.

(x) Epidem. Lib. 2. sect. 1. text. 3.

Charter. Tom. IX. pag. 113.

(y) Method. medend. Lib. XIV. in fine.

(z) Charter. Tom. X. pag. 343.

(a) In loco modo citato.

(b) In souv. Hippoc. comment. pag. 262.

(y) Histoir Hepat. Tom. I. part. 2. cap. 7. pag. 166.

tis, muscutorum abdominalium: pro remota autem causa statuebatur omne illud, quod irritando fibras descriptas, vel facile convellenda viscera, stimulat. Si plumula in faucibus mota, si iners gluten in ventriculo partim fluctuans, partim ejus lateribus haerens, nauseam, & vomitum facere possint (vide §. 71.) multo magis hoc fiet, dum vermes per ventriculum, & intestina repunt; vel haec vellicant. Unde Hippocrates (c) dixit: *Quaecumque autem, dum jejuna sunt, subitiosa vomunt per multos dies, quum neque iterum gessent, neque febricitent, eas interrogare oportet, an lumbricos rotundos simul vomant; si enim hoc non consentiunt, praedicendum est, ipsi futurum esse. Fit autem hic morbus maxime quidem mulieribus; deinde vero etiam virginibus: aliis autem hominibus minus.* Vermes enim teretes mobiles sunt satis, & quaquaversum repunt, versus loca, ubi alimentum invenire solebant: vermis latus minus mobilis est; & hinc saepe per plures annos in corpore hoispiratur, absque multa molestia.

Ob eandem rationem haud difficulter intelligitur, cur vermibus laborantes illico tumeant post pastum; dum nempe agmen vermium versus superiora repit. Ubi enim §. 646. & sequentibus de *Rufibus*, & *Flatibus* agebatur, constitit, illos nasci ab elastica materia, quae nunc coërcetur, contractis ventriculo, & intestinis, nunc vero, laxato clauistro coërcente, expanditur cum sono, & impetu.

Verum ab aëre deglutito cum cibus, & potibus, praesto est elastica talis materies, cujus copia augetur, dum per ciborum digestionem magis extricatur, & separatur aër ab ingestis; causam irritantem in contractiones intestina praebet vermium motus, & vellicatio. Unde subitus abdominis tumor post pastum inter signa vermium in intestinis latentium numerari solet.

Alvi fliores. Anrea ad §. 719. & sequentes, dum de *Diarrhoea Febrili* agebatur, dictum fuit, praeter stimulum irritantem, pro causa haberi vires in intestina expellentes validas, dum simul in ipsis intestinis contrahentes vires debiles, vel in vasis absorbentibus intestinorum impedimenta sunt, ne admittant.

Sed vermes, rependo, & vellicando, agunt instar stimuli, & videmus, nauseantibus os liquidis impleri: simul vermes turbant naturalem motum peristalticum, qui resorptionem, liquidi in cavo intestinorum, contenti adeo promovet. Insuper pituita, vermium nidus, de quo §. 1369. dicitur, impedire potest facilem humorum resorptionem, obstruendo venarum in intestina hiantium oscula. Accedit, quod, si numerosa vermium cohors adsit, plures ex illis, moriantur, mortui putrescant in intestinis, sicque nova fluctus alvi causa nascatur.

Animi deliquia. Dum vermis, in cavo pericardii haerens, cor irritabat, mirum non erat, frequentia adfuisse animi deliquia; sed, ventriculo turbato, cordis motum turbari, antea pluribus demonstratum fuit; imprimis §. 700. &

(c) Praediction, lib. 2. cap. 14. Charter. Tom. VIII. pag. 924.

& sequentibus, ubi de *Delirio Febrili* agebatur. Ob hanc causam ventriculi superius orificium *napis* vocarunt veteres Medici, quia tantum in cordis actionem habet imperium. Multis agit *Galenus* (d) de ventriculo, & cardia, concluditque: *Nec mirandum, si ejus dolores, tum animi deliquia, tum virium lapsus, comitentur. Quum enim digiti offensio videantur aliqui animi deliquio laborare, mirum profecto non est, affectu stomachi id accidere; quum & ob eximium sensum, & ob situs vicinitatem, duo principia promtus in consensum adsciscere possit.* Alio in loco (e), de eadem re agens, plurima recenset symptomata, quae cardiacam male affectam sequuntur; dein addit: *Atque horum symptomatum vix ullum crederes a ventriculi ore procedere, quemadmodum nec syncopas quoque, nisi crebro ita evenire videretur.* Si jam cogitemus, ventriculo, & intestina non tantum irritari, ac vellicari a vermibus, sed quandoque perterrebrari, syncope etiam lethalis sequi poterit. *Sed & doloris vehementia vires prostrat; nimirum si repente vel morsus incidat, vel tormina, vel colicus affectus, vel ileos* (f).

Pulsus exiles, deficientes, intermittentes. Tales pulsus enim solent praecedere animi deliquia, & designant, vires vitales labascere: ratio modo dicta fuit.

Pruritus narium. Membrana, quae nares internas investit, pituitaria dicta, videtur continuari per pharyngem, oesophagum, & forte ulterius: omnia enim haec loca madent muco ab arteriis secreto, similiisque ventriculi, & intestinorum superficiem inungit, ac lubricat. Vasorum artificiosa repletio per materiam ceraceam abunde docet, diversum apparatus esse in naribus, oesophago, ventriculo, & intestinis; nec mirum, cum adeo diversae sint functiones harum partium. Verum videtur esse membranae continuatio in his partibus, ex qua, praeter alios usus, mollis mucus secernitur. Dum ergo vermes in intestinis, vel ventriculo repunt, non adeo mirum est, si & nares leviter irritentur, per quas nervi distribuuntur numerosi, & adeo sensibiles, ut afficiantur a minimis rerum odoratarum effluviis, quae nullis aliis sensibus percipi possunt. Certum est, constanti observatione, etiam vulgo notissima, verminosos infantes nasum perpetuo fricare.

Insultus Epilepticos. Hoc jam notatum fuit ad §. 1075. N. 4.; & numerosae observationes confirmant, vermes satis frequenter dedisse *Epilepsiae*, dirisque convulsionibus causam. Verum & *Cataleptis*, in quo mirabili morbo, uno quasi momento, totum sensorium commune immobile fit, omne mentis imperium in corpus cessat, omnia manent in eodem statu, in quo erant illo temporis momento, dum morbus invadit, ille, inquam, morbus a vermibus productus fuit. Videatur mirabilis ille casus, cujus oculus testis fui; qui ad §. 1040. descriptus habetur. Vidi molestissimam vertiginem illico sana-

(d) De symptom. caus. Lib. I. cap. 7. Charter. Tom. VII. pag. 60.

affect. Lib. V. Cap. VI. Charter. Tom. VII. pag. 492.

Meisend. ad Glauco. Lib. I. cap. 15. Charter. Tom. X. pag. 360.

Tom. IV. Pars II.

(e) De locis

affect. Lib. V. Cap. VI. Charter. Tom. VII. pag. 492.

(f) Galen. Method.

fanatam, per vomitum excussis vermibus: mane jejunum hominem praecipue infestabat vertigo; minuebatur post sumtum jentaculum. Vermis latus teretibus vermibus minus mobilis est; & tamen de illo Hippocrates (g) monuit sequentia: *Ubi homo jejunus fuerit, alias, atque alias ad hepar feritur impetu, & dolorem excitat. Interdum autem, ubi ad hepar irrumpit, spua ad os affluunt; interdum vero minime. Nonnullis quoque, ubi ad hepar vehementer proruperis, vocis defectionem inducit, & ex ore spua admodum multa fluunt, quae paullo post sistuntur, subindeque tormina multa in ventre excitantur. Quandoque etiam ad dorsum dolor incidit; illuc enim etiam decumbit. Vermes, teretes imprimis, dum deficit in intestinis pabulum, versus duodenum prorepunt, quod sub hepate ponitur; & ideo videtur Hippocrates dixisse, quod in jejunis vermes ad hepar ferantur. Vidi in tyrone artis chirurgicae, miti febre continua decumbente, quae jam statum praetergressa manifeste declinabat, subito accessisse aphoniam cum involuntaria saecum alvinarum excretionem. Mirabar hoc imprimis, cum in toto morbi decursu nullum signum affecti cerebri adfuisset, nec ullam rationem invenirem cogitandi de metastasi materiae morbosae in caput. Paullo post evomuit vermem teretem vivum, & illico omnia haec mala evanuerunt, morbusque reliquum decursum absolvit feliciter, & brevi.*

Ancilla, triginta trium annorum, subitis & validissimis abdominis doloribus, praecipue circa ventriculum, obnoxia, convellebatur fortiter, nec ullum verbum proferre poterat, licet mente, & sensibus valeret: sequebatur tetanus universalis, cum palpitatione cordis; mens constabat; dolores ventriculi horrendi manebant; & tertia die periit. Cum pessima, & anomala symptomata veneni dati suspicionem facerent, apertum fuit cadaver; & in intestino duodeno, atque in cardia, sive sinistro ventriculi orificio inventi fuerunt numerosi vermes teretes, magni, quorum quidam quindecim, & sedecim pollices longi erant. Cardia autem sanguinolenta, & erosa inveniebatur (h).

Sed & molesta tussis aliquando a vermibus excitatur. Docet Diemerbroeck (i), quandoque vermes in pulmonibus repertos fuisse; & testatur, *se vidisse vivum vermem, magnitudine, & forma bombycem majusculum referentem, sed subrubrum, cum valida tussis a muliere quadam excussum.* In aspera arteria ciconiae Vespersi (k) invenit plurimos vermes, *ascaridibus similes; sed crassiores, & longiores circa asperae arteriae primam divaricationem; & in bronchiis vicinis in glomerem coacti erant.* Mirum minime est, tussim fieri a vermibus in pulmone nidulantibus; sed videtur etiam tussis excitari posse a vermibus, qui in ventriculo, & intestinis haerent.

Antea ad §. 1345. notatum fuit, tussim natam fuisse ab attractu intestini coli, cujus abscissi extremum in abdomine vulnerati olim militis prominebat.

Cer-

(g) De Morbis Lib. IV. Cap. XV. Charter. Tom. VII. pag. 614.

(h) Heisterss Wahrnehmungen N. 372. pag. 614. 615.

(i) Anatom. lib. 2. cap. 13. pag. 306.

(k) Cicut. aquat. histor. & noxae cap. 19. pag. 236.

Certe *Asius* (1) inter signa vermium in intestinis latentium numerat *tufficulas tenuissimas, ac frequenter irritantes, quum tamen nihil rejiciatur*. Eruditissimus *Freind* (m), licet crederet, tussim inter vermium symptomata non numerari ab antiquis Medicis, tamen testatur, recentiorum numerosa observata, & propriam experientiam evincere, in pueris praecipue, qui vermicibus laborant, tussim esse symptoma frequentissimum.

Facile patet, ingentem Symptomatum varietatem obtinere posse, prout vermes has, illasve partes irritant, aut rodunt; neque tantum ex ipsa laesione partium sola, verum etiam quatenus inde aliae partes disstae in suis functionibus turbari possunt; uti ex dictis patet.

In *Coactis Praenotionibus* (n) leguntur sequentia: In *Lientericis cum animalculis* (*quasi tenebris*), dolores tormine soluti partes circa articulos tumesciunt: ex talibus squamulae rubicundae, pustulosae: exsudantes hi velut flagris caesi rubescunt. Verum quidem est, *mi Oeger* pro feris & malignis ulceribus haberi apud *Hippocratem*, & lienteriam saepe sequi post longas dysenterias, in quibus intestina ulcerata sunt; sed & plurimis in locis *mi Oeger* intestinorum vermes significant; quod credo in hoc textu obtinere: quia in oenopola quodam, vermicibus laborante, totam horum symptomatum seriem, eodem ordine, ut hic recensentur, vidi: quam maxime mirabar in hoc homine, postquam sudaverat, totum corpus vibicibus rubris obsideri, ac si virgis caesus fuisset. Caeterum bidui spatio hi vibices disparuerunt; & a morbo suo post aliquod tempus integre curatus fuit.

§. 1365. **E**fficiunt consumptione chyli esuriem, pallorem, debilitatem, alvum adstrictam, inde tumorem abdominis, ructus, borborygmus.

Vermes, uti ex ante dictis constat, quandoque ingenti numero adsunt in intestinis, & ventriculo: taenia immanem quandoque longitudinem habuisse observata fuit. Nutrimento hi indigent, ut sustineantur, & crescant; quod videtur invenire in locis corporis, ubi habitant. In renibus inventi fuerunt vermes, qui totam illorum substantiam consumferant; in hepate nidulabatur vermis, qui illud viscus eroderat (o), viginti pollices longus, & diametro pollicem aequans, ruber, sanguine plenus, saturae hirudinis instar. Senserat misera aegra vivi animalis motum; summos dolores cum manifesto rationis sensu querebatur; praedixerat Medicis, & adstantibus saepius, vivum animal viscera discerpere. Tales vermes chylo non nutrir, certum est.

Sed vermes intestinorum undique chylo alluuntur; albi coloris sunt; si aquae, vel & spirituofo liquido immittantur, illud lacteo colore turbidum reddunt; non semper vellicant intestina; ita ut saepe per plures annos haereant in cor-

x 2

po-

(1) Sermott. 9. Cap. 30. pag. 171.
Charter. Tom. VIII. pag. 879.
pag. 67. & seq.

(m) Hist. of Phys. Tom. 2. pag. 100.
(o) Medic. Observat. and Inquir. vol. I. N. IX.

pore, imprimis vermis latus, absque magna molestia. Unde patet, quod non ex substantia ipsa ventriculi, & intestinorum hauriant nutrimentum, sed ex illis, quae horum viscerum cavo continentur; inter quae certe chylus blandus nutriendis his animalibus aptissimus videtur. Dubitavit de hac re *van Dooeren* (p), an non, praeter chylum, etiam sanguinem haurirent vermes. Meminit taeniae, quam amicus expelli vidit, *cujus osculis singulis guttula sanguinis effluebat*. Confirmari hoc credidit observatione vermis excreti (q), qui totus sanguine plenus erat; quem vermem latum credidit. Verum, si examinetur figura hujus vermis, Icone expressa, omnino differt a verme lato; sed potius videtur similis illi, qui hepar eroserat, cujus statim mentionem feci. Omnia haec modo dicta si considerentur, videtur admodum verosimile, quod vermes intestinorum chylo nutrantur: neque videntur argumenta clarorum viro-
(r), qui contrariam opinionem tuentur, omni exceptione majora esse.

Opponi forte posset *Coulesi* (s) observatio. Vidit enim, *Ascarides* ipsi vocatos vermes, simul ac ano exiverunt, emittere substantiam quandam albisimam sub forma liquoris; quod optime apparet, si *Ascaris* in aquam, aliumve liquorem demittatur; *tunc enim visibiliter exit a partis anterioris extremitate media, eodem fere modo, ac fumus e camino, vel vapor tenuis ex angustiore parte Infundibuli inversi prodire consuevit* &c. Post aliquod temporis spatium illud album petit fundum, sub specie pulveris tenuissimi, atque albisimi.

Albus ille liquor, qui instar guttae lactis conspicitur, brevissimo tempore totus exsiccat, & refert cretam, aqua gummata solutam, ac siccata, simulque tenaciter haeret obviis corporibus: sed liquor ille, sive fluidus adhuc, sive exsiccatu fuerit, intensissimae falsedinis saporem linguae imprimit. Unde sequi videtur, quod ille liquor à blando chylo diversus omnino sit.

Verum considerari debet, chylum intestinorum, si vermibus alimentum det, ulterius adhuc elaborandum esse in vermium corpore, antequam illum nutrire possit; & tunc longe alias dotes acquirit, ac prius habebat: hinc falsus ille, albus, cito exsicandus, humor, quem eructat *Ascaris*, non est chylus, sed ex chylo in vermis corpore elaboratus liquor.

Si ergo, uti admodum credibile videtur, vermes chylo alantur, defraudatur nutrimenti parte corpus, dum vermes illud consumunt; hinc perpetua alimenti necessitas adest, & vermibus laborantes magis esuriunt. Infatiabilem sic famem observavit, quam *Bulimum* vocant Medici, *Alexander Trallianus* (t) in homine, cui vermis in stomacho haerebat. Quandoque famem acerrimam illico nausea sequitur, motis nempe vermibus post cibum ingestum, uti aliquoties in verminosis observavi.

Pat-

(p) Differt. de verm. intestin. pag. 48.

(q) Medic. Essays and observat. vol. 2. N. 26. pag. 333. & seq.

(r) Essais sur l'educat. medic. des Enfants tom. 2. pag. 37. &c.

(s) De *Ascarid.* & *Lumbr.* lat. Cap. 8. pag. 19. & seq.

(t) Lib. VII. cap. 4. pag. 324.

Pallorem, debilitatem. Cum ex bono chylo per actionem vasorum, & viscerum sanguis confici debeat, a quo reliqui humores subtiliores debent secerni, patet sponte, ob solam copiam chyli minutam, minui debere & sanguinem rubrum; unde pallor, quem, a tali causa natum, semper debilitas comitatur.

Alvum adstrictam &c. Praecedenti paragrapho dictum fuit, vermes irritando alvi fluores quandoque producere. Verum, ubi morbus adultior est, & vermium copia aucta, tunc omne fluidius ex contentis intestinorum vermes consumunt, crassum manet, & ob turbatum motum peristalticum non propellitur expedite anum versus: hinc intestina impleta dilatantur; vis contractilis illorum minuitur; & ideo magis magisque abdomen turgescit, ut in verminosis pueris quotidiana observatio docet.

Ructus, & borborygmi. Videantur illa, quae ad §. 648. de his dicta fuerunt: causa enim spasmos intestinorum produciens adest, irritatio nempe a vermibus facta, & major acrimonia materiae retentae; sed & simul a putredine retentorum producitur copia elasticae materiae, adeoque ructuum, flatuum, borborygmorum causa completa adest in verminosis.

§. 1366. **E**fficiunt saepe perforationem ipsorum intestinorum.

Fuerunt clari in arte Viri, qui dubitaverunt, an unquam vermes intestina perforare possent. Nondum enim a naturalis historiae auctoribus descripta fuerunt talia in vermibus humanis organa, quibus possent perforare, & erodere intestina. Negari non potest, inventos fuisse in cavo abdomine vermes, & adfuisse simul intestinorum perforationem. Malebant tamen credere, solutionem illam continui, in tubo intestinali post mortem deprehensam, esse effectum gangraenae, quae dum in tabum putridum diffuit, vel separatur per suppurationem, natam a vivis partibus vicinis, necessario viam facit, per quam vermes in cavum abdominis venire possunt (u). Vix dubium est, quin hoc quandoque contingat. Sed numerosa, & fidelia observata docuerunt, vermes sibi ipsis viam parasse, perforando intestina.

Acerbissimus ille casus, cujus §. 1364. memini, de adulta virgine, quae post enormes dolores tetano correpta periit, hoc docet evidenter. In ventriculo enim numerosi vermes teretes inventi fuerunt, & cardia erat sanguinolenta, ac erosa.

Dolores molestissimi, qui toties in verminosis observantur, idem suadent, & ideo ab Hippocrate inter signa Diagnostica numerantur, quae vermium praesentiam in corpore humano docent: *Oris ventriculi dolores cum tormine ventris animalcula (saepia) erumpere faciunt.* Aperuit Heisterus cadaver pueri septennis, qui ab aliquo tempore molestos dolores abdominis passus fuerat, & li-

(u) Brouzet sur l'educ. medic. des Enfants Tom. 2. pag. 38.

cet optimo gauderet appetitu, tamen sensim torofitate corporis imminuta periiit. In abdomine aliquot uncias aquae flavae invenit, quibus spongia absorptis in conspectum veniebant plures vermes teretes; & licet cadaver sequente post mortem die apertum fuerit, unicum inter illos invenit vivum. Intestina tenuia foraminulenta erant, & plures adhuc continebant vermes, sed omnes mortuos. Nullam gangraenae mentionem fecit; sed invenit in quodam loco intestinorum tenuium tumorem rubrum, durum, qui patula aliquot foramina habebat, per quae vermes intestinorum in cavum abdominis prorepfisse credebatur (v). Eadem haec observatio, latina lingua scripta, alibi legitur (x).

Foeminae, torminibus, vomitu, & stricta alvo laboranti per quinque dies, varia adhibebantur absque multo fructu: frequenti usu clysmatum emollientium alvus evacuebatur, cum aliquo levamine torminum ventris; sed manebat vomitus. Octavo die evomuit vermem teretem, qui pollicem longitudine aequabat. Inde levamen circa ventriculum sensit; sed manebant tormina, licet leniora.

Monebat, tumorem adesse in inguine dextro jam per octodecim menses, instar ovi gallinae minoris, qui tumor nunquam haecenus doluerat, sed cedebat pressioni manus. Herniosum tumorem suspicabatur peritus chirurgus Douglas (y), illumque ex arte tractabat per triduum, cum aliquo aegrae levamine. Quarto die dolor multum augebatur in tumore, cum sensu pulsationis; tunc primo permisit Chirurgus, ut oculis lustraret malum, quod haecenus sollicito texerat. Invenit tumorem inflammatorium largum, in suppurationem tendentem, absque ulla intumescencia glandularum inguinalium: applicato cataplasmate suppuratorio per biduum, ruptorio communi decima quarta morbi die apertus fuit tumor; exiverunt quatuor circiter unciae puris serosi, quod successively in melius mutabatur: sed vigesimo tertio die ex ulcere prodiit vermis teres, simulque recordabatur, biduo post aperturam ulceris similem vermem exivisse; postea adhuc alter prodiit: circa quadragessimam diem ulcus consolidatum fuit: post mensem tamen parva apertura demum in cicatrice apparuit, per quam tenuior pars excrementorum prodiit. Sed leve hoc incommodum postea facile toleravit.

Satis similem praecedenti affectum tractavit (z) *Celeberrimus Benevoli*, qui omnibus consideratis credidit, intestinum a vermibus perforatum esse; *uti cadaverum incisio docuerat, saepius contigisse* (a). Ex urethra pueri septennis prodierunt vermes intestinorum saepius, quos pater, dum circa glandem haerebat, solebat extrahere. Semel dum hoc tentaret, ruptus fuit vermis, & residuum, in urethra haerens, impedivit urinae excretionem; tabescente tamen brevi verme, ut praedixerat celeberrimus ille Vir, urina libere prodiit. Mortuo puero, in vesica inventi fuerunt duo calculi. Sed collum vesicae obli-

(v) Heisters Wahrnehm. N. 115. pag. 869.

(x) Aët. Phys. Med. Volum. 1. observ.

172. pag. 391.

(y) Med. Essays and. observat. Tom. 1. N. XIX. pag. 223.

(z) Dissertat. c. Observat. N. XVII. pag. 145. & seq.

(a) Ibid. pag. 149.

oblique perforatum erat; quae perforatio respondebat simili foramini in intestino recto: patebat ergo sic via, per quam vermes ex intestino in urethram venire poterant. Dubium tamen manet (ut nil dissimulem), an erodendo vermes viam sibi paraverint. *Alghisi* enim, inter lithotomos sui temporis adeo celeberrimis, credebatur, forte post toleratas variolas, abscessu hic nato, erodi potuisse intestinum rectum, & collum vesicae; tamen in historia morbi non memoratur, quod constet, talem abscessum in his locis adfuisse (b).

Tulpius (c) observavit, ex ulcere inguinali mulieris erupisse lumbricum vivum; & licet Chirurgus inde metueret immedicabile intestinorum ulcus, tamen brevi curata fuit.

Egregius vir *Jacquin*, dum in America degebat, ut colligeret specimina rerum naturalium, quae ingentem thesaurum *Augustissimi Imperatoris* augent, & ornant, scripsit mihi, incolas, vermibus frequentissime laborantes, saepius perire, eroso a vermibus ventriculo. Fidem, & diligentiam hujus viri nemo facile in dubium vocabit: luculentum enim testimonium dat splendidum opus Botanicum, quod hoc anno in lucem prodit.

Credo haec sufficere, ut probetur, perforationem intestinorum a vermibus metuendam esse.

§. 1367. **U**Nde & toties lethales reperti sunt.

Verum quidem est, quod *Hippocrates* (d), de verme lato agens, dixerit frequentia: *Qui hunc vermem habet, ei toto quidem tempore nihil valde metuendum accidit; quum vero debilis existeris, aegre reficitur. Vermis enim eorum, quae ventriculum ingredientur, partem aliquam assumit. Si igitur, ut convenit, curatus fueris, convalescis; si vero non curetur, sua sponte non exit; mortem tamen non infert; sed una consenscit.* Negari nequit, vermem latum per multos annos quandoque hospitari in corpore absque periculosis malis; sed non absque molestia semper. Verum illa, quae haecenus dicta fuerunt de vermibus, satis probant, saepius mortem his imputandam esse, sive lentam, dum miseri infantes ob nutrimenti defectum, tumente abdomine, vero marasmo pereunt, sive subitam, dum diris convulsionibus necantur. Plures observationes enarratae fuerunt, quae hanc veritatem docent.

§. 1368. **C**Ognoscamus ab aetate, victu, temperie, effectibus, (1364. 1365. 1366.)

Antequam de curatione vermium dicatur, operae pretium est considerare illa signa, quae docent, vermes adesse in corpore, ne anthelmintica remedia adhibeantur, dum ab aliis causis symptomata observata ortum ducunt. Si

x 4. ver.

(b) Dissertaz. e osservazion. VIII. pag. 109. & seq. (c) Lib. 3. observat. 12. pag. 199.

(d) De Morb. Lib. IV. cap. 25. *Charteri. Tom. VIII. pag. 624.*

vermes sursum, vel deorsum prodierint, credere possumus, plures adhuc latere in corpore, si eadem symptomata maneat, vel augeantur; & tunc facilius est Diagnosis. Verum, ubi nulli unquam vermes excreti fuerunt, & tamen vermium suspicio adest, tunc ad omnia sollicitè attendendum, ut bona Diagnosis haberi possit.

Ætate. Juniores magis infestantur vermibus; & ideo inter morbos infantum vermes recensentur: tamen ex antedictis patuit, reliquas vitæ periodos a vermibus non semper immunes esse. Voraces & in junioribus, & in adultis sæpius inveniuntur verminosi.

Vita. Observavit modo laudatus *Jacquin*, plurimos laborare vermibus, qui fructibus horaeis nondum bene maturis, piscibus & carnibus salitis, copiose vesciebantur, dum reliqui, meliori diaeta utentes, magis immunes forent. Narravit mihi probus ex Franciscanorum familia religiosus, qui per aliquot annos in aula Regis Marocco vixerat, plurimos delectari crudæ carnis esu, & vermibus pessime laborare, non sine periculo, nisi singulis mensibus, valido purgante remedio sumto, verminosa hæc sabburra de corpore expellatur. Pauperum infantes, qui meliori victu carent, & obvia quæque comedere solent, longe frequentius aliis, vermibus cum tumido abdomine laborant, uti quotidianis observatis constat.

Temperie. Si nempe laxi, pituitosi fuerint, in quibus omnes corporis functiones languidius exercentur. Videantur illa, quæ §. 1360. 1361., circa hanc rem dicta sunt.

Effectus. Qui paragraphis hic citatis enumerati fuerunt.

Sed & vermium copia quandoque una cum morbis Epidemicis observatur. Sic in Budensi obsidione prima morbus Epidemicus verminosus grassabatur (c). Sæpius in morbis castrensibus hoc observatum fuit, uti etiam post largas inundationes, Plurimæ observationes, quæ hoc confirmant, collectæ habentur (f). Verno tempore 1763., ruri degens, longe plures rusticorum pueros curandos habui, qui vermibus laborabant, quam aliis annis. Præcefferat tamen hyems acerrima, & longa. Autumnali tempore solent ut plurimum vermes magis molesti esse. *Hippocrates* (g) dixit, *Autumno maxime lumbrici, & cardialgia.* Idem confirmat *Raulin* (h), qui observavit hominem, taenia laborantem, qui per viginti quinque annos singulis autumnis colicis doloribus vexabatur, reliquo autem anni tempore solis exercitiis vacabat, & appetitu gaudebat integerrimo. Præter hos dolores colicos autumnales nullum aliud symptoma aderat per quatuordecim annos, nisi quod subinde, circa finem hujus periodi, vermes cucurbitini per aquam exirent, qui, non sine ratione, pro signo latentis taeniae haberi solent.

Quaedam adhuc alia signa latentium in corpore vermium apud auctores habentur.

(c) Masgsl. Histor. Danob. Tom. VI. pag. 114.

(f) Van Doeveren d'ssert. de verm. intestin. pag. 27.

(g) Epidem. lib. 2. text. 3. Charter. Tom. IX. pag. 119. & lib. 6. Epidem. text. 24.

(h) Ibid. pag. 376.

(*) Des malad. occas. par les vers, de l'air pag. 424. &c.

bentur. Sic *Jacotius* (i) monet sequentia: In pueris autem, cum ex aliis signis, tum familiari illo deprehenduntur, quod, per somnum concipientes lumbricorum in ventre fursum, masticeis musculis masticatoriis imaginata, ut voluit, exprimentibus.

Alii addiderunt, praeter signa memorata, odorem quemdam peculiarem, qui describi verbis non potest, singultum, terrores in somnis, nasum album cerae instar (k), subitas mutationes coloris in facie. *Celeberrimus Alexander Monro* (l) addidit adhuc aliud signum: *Diu observavi*, inquit, *in illis hominibus pupillam esse dilatam, qui vermibus in ventriculo, vel intestinis laborant; & si non pro signo pathognomica, saltem pro syndrome; sive symptomatum concursu, & optima Diagnosi haberi potest.* Phenomenon autem hoc explicat ex unione paris nervorum octavi cum nervo intercostali. Constat enim, disscisso nervo intercostali in cane vivo, oculos obscurari, splendorem amittere, lacrymari, cavos fieri, globum oculi minui, pupillam coarctari. Unde concludit, nervum intercostalem dilatationi pupillae servire, & ab irritatione nervorum ventriculi, ac intestinorum actione: ejus augeri.

Notum est, in vera & perfecta anurosi pupillam esse dilatatissimam, & oculos apparere nictitissimos, lucentes quasi. Scripserat autem ad me *Jacquin*, dum in America degebat, incolas frequentissime vermibus infestari, & observavit signa sequentia, quae aderant; *Somnolentia, tormina ventris, oculi clari, sed flavescentes, palpebra inferior flavescent, vel saevalescent, convulsiones subito lethales.* Pulcre certo confirmatur sic *Celeberrimi Monro*i opinio.

Nunquam nocebit plura signa colligere, ut tanto certior habeatur Diagnofis. Quandoque enim plura vermium symptomata occurrunt, licet nulli adsint. Memorabilem talem casum recenset *Celeberrimus Edinburgensis Professor St. Clair* (m). Puer quatuor annorum stomachi dolores patiebatur; narium aderat pruritus, pervigilia, terrores in somnis, & tunc subito cum subito evigilabat; postea nares perficabat perpetuo, sive vigilaret, sive dormiret; sequebantur convulsiones, quibus sexto die perit, incassum tentatis pluribus, secundum artis praecepta, remediis. Intestinis in tota sua longitudine caute dissectis, uti & ventriculo aperto, nulli apparuerunt vermes; sed inveniebantur unciae circiter binae substantiae viscidae, gelatinae instar, circa jejunii intestini principium.

Quandoque observatum fuit, expulsi jam vermibus, quaedam adhuc manere symptomata, quae vermibus imputari possent. Sic toties contingit, Epilepsiam a vermibus productam, si frequentes jam fuerint, & validi paroxysmi, manere, vermibus sublatis. Manet tunc in sensorio communi, toties, & tam valide turbato, character ille Epilepticus, qui diu sopitus silet; sed non tantum a vermibus, verum & ab aliis causis proegumenis excitari potest, & actuosus reddi. De qua re videantur illa, quae in Capitulo de Epilepsia habentur.

(i) *Holter. in Coac. Hippoc. pag. 194.*

(k) *Brouzet Educat. Medicin. des Enfants Tom. 2. pag. 57.*

(l) *Nervor. Anat. contracta pag. 39. in notis.*

(m) *Medic. Essays and observ. Vol. 2. Arug. XVIII. pag. 294. & seq.*

bentur. Cum enim, uti postea dicitur, in cura validis purgantibus opus sit, minime tutum foret corpus per haec emungere ulterius, si non vermes, sed levia tantum symptomata quaedam superessent.

§. 1369. **C**uratio fit 1. nidum destruendo (1361.) per alcalia fixa, gummata phlegmagoga, mercurialia, antimonialia, aromatica amara.

De pituita, tanquam vermium sado, ad §. 1361. jam dictum fuit: adeff mucus inungens internam superficiem intestinorum, & lubricans; haec quandoque augeri potest, mollemque nidum vermibus parare. Verum & ex ipsa superficie corporis vermis videtur secerni copia viscida humoris, quo undique regitur, & sic ab acrium ingestorum actione defenditur. Mucus, vermem involvens, copia auctus, secedit, novusque in eisdem usus fecernitur. Ob hanc causam creditur, illos, qui vermibus laborant, frequenter mucosa per alvum excernere (n).

De cura talis glutinis, in primis viis collecti, dictum fuit ad §. 75. ubi de curandis morbis ex glutine spontaneo ortis agebatur. Amara biliola, saponacea solventia, gummi aromatica stimulantia, quae simul leniter evacuant, salina solventia, aromatica roborantia, blanda mercurialia laudantur imprimis. In *Materia Medica* ad hunc numerum habentur formulae, quae huic scopo servire possunt, & ad quarum normam aliae plures similes possent praescribi.

Facile intelligitur, in horum usu semper habendam esse rationem aetatis, ac virium; & augeri, vel minui debere dosia horum remedium pro re nata.

§. 1370. **T**um externe inungendo abdomen balsamicis ex aromaticis fortissimis, permixtis purgantibus, oleosisque.

Pleraque ex remediis modo laudatis amara sunt, alia satis nauseosum saporrem habent: unde saepe admodum difficile est, infantibus saltem, taliaingere ea copia, ut effectus inde sperari possit. Hinc coacti fuerunt Medici ad externa remedia confugere.

Bina talia Unguenta in plerisque officinis prostant, quae, abdomini inuncta calide, penetrabili vi agunt in intestina, saepe cum hoc effectu, ut valida purgatio sequatur. *Unguentum Agrippae* acerrima purgantia continet, *radicem Bryoniae*, *Elaeterium*, sive *cucumerum asininum*, *Scillae balthum*, *Iridis radicem*. Alterum est, *Unguentum Arthanitae*, sive *de Cyclamine* dictum; quod praeter *Cyclaminis* radices, & *Cucumerem Asininum*, continet *Colocynthis* pulpam amarissimam, *Fel taurinum*, *Baccas Mezerei*, *Siammoneum*, *Euphorbium*, *Aloen*, &c. Utriusque huius Unguenti aequalis copia miscetur in *Materia Medica*, ut pauxillum subinde inungatur umbilici loco.

Plc.

(n) Philosoph. tractat. Abrig'd vol. 3. pag. 230.

Pleraque remedia, ex quibus componuntur haec unguenta, validissime afvum movent; unde non, nisi magna cum prudentia, interno usu adhiberi possunt in sanis, & robustis hominibus: a leniorum enim usu externo nihil sperari poterit. An vero stimulans vis horum medicamentorum, per cutem penetrans, in supposita intestina agat immediate, an vero resorpta per venas absorbentes cutis, cum reliquis corporis humoribus fluens per vasa, alvi purgationem producat, disputatur. Certum est, quod, similibus umbilico inuaditis, in tenella aetate, secuta fuerit aliquando periculosa hypercatharsis, quae molestiam Dysenteriam producere poterit. Unde pauculum tantum illinitur simul, & dum de ventris torminibus conqueri incipiunt, prudentia suadet, non amplius umbilicum inungendum his esse, antequam constet de effectu. Si autem copiosa evacuatio sequatur, abluendus est ilico umbilicus, & vicina cutis *Saponis Veneti* lixivio; ne quid de unguento maneat amplius in cute, quod similes turbas augere posset.

In *Materia Medica* ad hunc numerum & alia formula habetur, quae nulla purgantia remedia habet, sed cujus efficacia a fragranti aromate *Tanacetii* praecipue pendet.

§. 1371. ...2. **V**ermes necando: quod fit ope Medicamentorum mellitorum, salinorum, indigestibilium vermibus, amarorum aromaticorum, Mercurialium, Acidorum, Vitriolatorum ex chalybe, vel cupro.

Vermes intestinorum, dum vivunt, sic videntur haerere posse intestinorum lateribus, ut illo motu, per quem ingesta ad anum usque sensim protruduntur, non expellantur de corpore. Vermes teretes tamen facilius prodeunt, & frequentius per anum; praecipue si mortui fuerint; quandoque etiam vivi, domicilii sui pertaesi, prorepunt per anum; quandoque & ventriculum ingressi per vomitum expelluntur vivi, uti frequenti Medicorum observatione constat. Sed vermes teretes satis mobiles sunt; & probabile est, quod locum saepe mutant; imo morborum tempore, uti antea dictum fuit, nullis anthelminticis remediis datis, dum nec aeger, nec Medicus illos adesse suspicatur, sponte prodeunt. Forte humores, per morbum mutati, in intestinis collecti, vermibus infesti sunt, sicque cogunt, ut locum mutant. Si illo tempore, dum valido nixu alvi vel invitatus homo cogitur faeces expellere, quidam vermes non haereant intestini lateribus, una cum faecibus abripiuntur. *Taenia* autem, uti antea dictum fuit, tenuiori suo extremo figitur, & haeret firmiter intestino: hinc etiam difficilior expellitur; & raro sponte prodit integer; satis saepe tamen notabilis ejus pars abrupta, multas quandoque ulnas longa, expellitur, uti numerosa observata docent. *Ascarides*, & cucurbitini, admodum mobiles cum sint, frequenter per anum prodeunt.

Si autem hoc obtineri possit, ut vermes moriantur in intestinis, tunc cum reliquis faecibus facile expellantur, dum motui peristaltico intestinorum assisterent.

filiter tantum possint vivi. Et licet vermes, jam mortui, adhuc adhaerere intestinis, in loco calido, & humido brevi tabescerent, sicque nexus ille solveretur.

Optime hoc notavit *Aëtius* (o), dum de vermium cura agit, dicens: *Viventes equidem vicinas partes apprehendunt; mortui vero, una cum stercore, evacuantur. Prodeunt autem quidam adhuc vivi, sed vertigine affecti, & si ita dicere libeat, seminecati.*

Verum, dum vermes necandos esse indicatio suadet, simul cavendum quam maxime est, ne exhibeantur talia, quae intestina, aut ventriculū, laedere possent. Plura recensentur remedia ad hunc paragraphum, quae considerari singulatim merentur.

Ope Medicamentorum mellitorum. Solventes in melle vires agnoverunt omnes; hinc solvendae pituitae, & attenuandae prodesse potest. An autem vermium infestum mel ipsum sit, non adeo constat. Verum quidem est, *Aëtium* (p) ad vermes laudasse melleam, & suasse; *In sorbitiones vero mellis plurimum conjiciendum.* Notandum tamen est, veteres Medicos bilem vermium adversam credidisse, etiam externe umbilico inunctam. Simul autem statuerunt, mel in bilem verti in corpore humano; praecipue, si simul adsit calida temperies. Sic apud *Galenum* (q) de melle leguntur sequentia: *Siquidem illis, qui jam in flore aetatis sunt, potissimum si calidiore natura sint, ac vitam degant laboriosam, in iis totum mel vertitur in flavam bilem.* Quod idem alio in loco (r) confirmat. Forte & ob hanc rationem mel laudatum fuit inter anthelmintica remedia. Caeterum lubricando, & alvum solvendo prodesse potest. Crediderunt postea recentiores Medici, vermium ideo nocivum mel esse, si copiosum ingeratur, quod obstruere posset tracheas dictas in infectis, a *Malpighio* in Bombyce descriptas, per quas respirant. Verum illae tracheae in vermium humanis nondum demonstratae sunt; & forte non respirant, cum in intestinis humanis vivere debeant, quorum cavum a contentis repletur; praecipue, cum in statu naturali contracta sint intestina, uti alia occasione in *Capitulo de rustibus, & flatibus* dictum fuit.

Ob eandem rationem & olei usus commendatus fuit, si magna nempe daretur copia, ut intestina hoc non tantum inungerentur, sed quasi replerentur. Sic cyathum olei omphacini propinari, jussit *Aëtius* (s), & pisanæ oleum plurimum omphacinum incoquendum, *praebitiones vero ex oleo semper augendas*, voluit. Rationem autem dedit hanc: *In universum enim omnia, quae lumbricos educunt, aut per acredinem occidendo, aut per amaritatem subducendo, aut ad excretionem irritando, aut per consequentem ad ea, quae exhibentur, lubricitatem, efficacia cognoscuntur. Extrahuntur autem simul, ut verisimile est, per sorbitiones vias lubricas reddentes, aut etiam per innominatam ali-*
quam

(o) Serru. 9. cap. 39. pag. 173.

(p) Ibidem.

(q) De natur. facultat. lib. 2. cap. 8. Charter. Tom. V. pag. 45.

(r) De Aliment. facultat. lib. 3. cap. 39. Charter. Tom. VI. pag. 399.

(s) Serruon. 9. cap. 39. pag. 173.

quam qualitatem. Sic & *Vegetius* (r) una cum aliis remediis oleum copiosum miscuit, & vel per cornu ingestit animalibus, vel per clystma injiciens dum curavit; dicens; *Quae virtus medicamentorum, & lenitas olei animula ipsa intus occidit, & foras ejicit.*

Caeterum experimenta capta varium effectum demonstrarunt. *Celeberrimus Lanzoni* vermem humanum vivum excretum oleo communi immerfit; qui statim vivere desit. Lumbricum vomitu rejectum in melle posuit, qui statim mortuus est. Alium vomitu rejectum oleo amygdalarum dulcium immerfit; qui brevi mortuus est (u). Vermes illi teretes fuerunt. Sed *Coules cucurbitinos* in nullo liquore longius vivos servare potuit, quam in oleo amygdalarum, in quo per 24. horas vixerunt (v). In verme lato, si vivus, & integer ex corpore egerit, non memini haec experimenta instituta fuisse; cum brevi, postquam expulsum fuit, perire soleat. Experimenta videri possunt plura apud *Celeberrimum Torti* (x), quibus constat, vermes teretes, in Oleo communi, & Melicrato, sive aqua mulsa per plures horas commode vixisse.

Mel, uti etiam oleum, magna quandoque copia adhibui; sed in verme lato necando nil profeci: cum saepe haec nauseam moveant, & vomitum, lato aliquando per vomitum prodierunt vermes teretes; & a melle copioso dato, si alvi fluxus sequeretur, ut saepe fit, quandoque simul vermes prodierunt. Non tamen ita certus horum effectus fuit, ut fidere liceat. Dum *Ascarides* molestissimum circa anum pruritum facerent, oleum injici curavi saepius, uti & mulsam; sed spem fefellerunt haec auxilia.

Salinorum. Sales, imprimis aciores, vel & leniores majori copia exhibitos, vermium molestiam facere posse, vix dubium est; sed haec omnia non possunt dari, nisi tam moderata copia, ut intestina laedere non possint; adeoque minor tunc spes erit, vermes inde multum affici posse. Ubi autem sales simul catharticam vim habent, tunc majorem utilitatis spem faciunt. Unde *Salem Sedlicensem*, *Ebshamensem*, aliosque his similes prae caeteris laudaverunt Medici.

Ut *Ascarides* in intestino recto, aut pudendo muliebri nidulantes exturbarentur, jussit *Hippocrates* (y), ut muria colluantur haec loca.

Indigestibilium vermium. Cum vermes videantur potissimum nutriri chylo, hinc vix videntur talia adhiberi posse, quae a vermibus assumerentur, & sumta illis nocerent.

Dum praecipua remedia talia anthelmintica, ab auctoribus commendata, consideramus, videntur in tres classes satis commode distribui posse. Illa primae classis aspera, ac scabra sunt; & ab his speratur, quod, motu peristaltico in-

(r) Art. veterin. Lib. I. cap. 44. 45. Script. rei rustic. tom. 2. pag. 1065, 1066.

(u) Acta Phys. Med. nat. curios. Vol. I. observ. 94. pag. 173.

(v) De *Ascarid.* & Lumbrico lato pag. 31. & 33.

(x) Therapeut. special. ad febres &c. Lib. V. cap. 6. pag. 510. & seq.

(y) De Mulier. Morb. lib. 2. cap. 60. Charier. Tom. VII. pag. 832.

intestinatorum mota & pressa, tenera vermium corpora destruerent, vel multum laederent; unde mortui, vel saltem debilitati Vermes facilius expelli possent de corpore. Secunda classis continet talia, quae ingratum, & penetrabilem halitum per totum primarum viarum tractum dispergunt, tali modo adhibita, ut continua, nunquam interrupta, actio habeatur. Tertia demum classis complectitur illa, quae licet nec scabritie partium, nec ingrato odore, vermibus insensa esse possint, tamen per observationes comperta sint, quod vermibus noceant insigniter.

Ad primam classem videtur pertinere illud remedium, quod usu efficacissimum se comperisse, testatur *Celeberrimus Mead* (x): *Stanni rasi*, & *coralli rubri* partes aequales in pulverem subtilissimum terebantur, cujus drachmam, cum conserva summitatum *absinthii maritimi* in bolum redactam, exhibebat bis de die. Longe majori copia stannum purum dedit verminosis *Celeberrimus Aston* (a). Post datum catharticum, sequenti die mane vacuo ventriculo dabat unciam stanni puri pulverisati, per cribrum, ex pilis equinis paratum, angustissimas nallas habens, transmissi: miscebat stanni pulverem quatuor unciiis syrupi nigri, viscosissimi, qui in depuratione sacchari, sedimenti instar, relinquitur (*Molasses*); & hinc faex sacchari vocatur. Sequenti die unciam mediam stanni pulverisati dabat, permixti duabus unciiis ejusdem syrupi; & eandem dosin exhibebat die tertio. Sequenti die, quarto nempe, dabatur purgans, ex infuso *foliorum senae* & *manna* paratum; quale remedium & fuerat exhibitum pridie antequam pulvis stanni daretur: testatur, se felicissimos effectus hujus remedii vidisse, quod simul ventriculi dolorem, a vermibus natum, statim levat; licet vermes non nisi aliquot diebus postea prodeant. Haec stanni quantitas adultis hominibus datur; in junioribus copia minuitur pro varia aetate.

Quamvis autem stannum, in pulverem redactum, vario modo vermibus nocere possit, credidit tamen *Celeberrimus Vir*, imprimis hoc modo agere, quod pulvis stanni se interponat inter ventriculi, intestinorumque tunicas, & vermes, sicque impediatur, ne vermes facile adhaerere possint ventriculo, & intestinis; unde, dato cathartico, facile expelluntur.

Forte & simili modo agit *ferri limatura*, si per plures dies omni mane ad drachmae pondas detur (b). Cum tamen ferrum satis facile & in humoribus nostris, & in potu ingesto solvatur, admodum verosimile est, quod non tantum vi mechanica, sed & virtute metallica medicata, agat; de qua re statim adhuc dicetur.

Videtur ob eandem rationem, asperitatem nempe mechanicam, inter anthelmintica remedia nomen celebre obtinuisse plantula marina (forte cum multis aliis ad regnum animale reducenda), quae sub *Corallinae* nomine in officinis prostat. Certe *Comradus Gesnerus* (c) ad vermes necandos praescripsit *Corallinam*

(x) *Monit. & Praecept. Medic.* sect. 3. pag. 119.

(a) *Medic. Essays and observat.* Vol. V. part. I. pag. 89. & seq.

(b) *Van Doeveren* de verm. intestin. pag. 71.

(c) *Epistol. Medic.* pag. 91.

linam tritam, sed non cribratam. Facile patet, & alios pulveres scabros, & innoxios tentari posse ad eundem usum.

Secunda classis continet illa remedia, quae ingrato foetore vermibus infesta sunt.

Allium inter haec principem locum obtinet, cum odorem satis fortem, penetrabilem, ingratum non assuetis spiret quaquaersum. Ab humano corpore facile fertur, multisque, uti notum est, in deliciis est, dum alii abominantur ejus odorem; inter quos & *Horatius* fuit, qui in paricidii poenam allium, cicuta nocentius, dari voluit: cum tamen videret, impune comedi a plebe, exclamavit. *O dura messorum Illa!* Semper in deliciis fuit hominibus, qui duro labore vitam ducunt. Mille, & sexcenta talenta erogata fuerunt in *allia*, *cepas*, & *raphanos*, pro operariis Pyramides exstruentibus (d). Adeo autem penetrabile allium est, ut tota cutis, ad apices digitorum usque, spiret allium in hominibus, qui quotidiano ejus usui indulgent: imo dum cataplasma, ex *Allio*, *malva*, &c. paratum, in Ischuria applicabatur lumbis, post mortem aperto abdomine statim exspirabat Allii odor (e). Hinc *Allii* virtus aequae facile per venas absorbentes ingreditur, ac per vasa arteriosa penetrat. Ob penetrabiles illas *Allii* vires *Galenus* (f) dixit: *Itaque ego aggressum Iberiacen illud edulium appello. Ac, si quis vel Ibracae, vel Gallos, vel denique qui frigidam regionem incolunt, vesci illis veteris, non leviter iis hominibus nocuerit.* Eodem in loco dixit; *Allium* status discutere: sed *Hippocrates* (g) dixit de Allio; *Flatum autem parit propter spiritus vebementiam; & alibi* (h); *In utero autem quum flatum excitare volueris, allii caput unicum, & laevis succum ad subdititia admisceto.* Verum in Capitulo de *Rustibus*, & *Flatibus* dictum fuit, carminantia, sive status discutientia remedia, dum status discutunt, etiam status producere, cum blando aromatico stimulo leviter irritent intestina, ut in variis locis contrahantur, hoc effectu, ut spasmus fixior in quodam loco solvatur; tunc sequuntur borborygmi, & paullo post flatuum explosio sursum, vel deorsum.

Prodesse poterit ergo Allium, non tantum, dum odore vermibus molestum est, verum etiam, dum, aucto motu in fibris intestinorum, adhaesionem vermium ad latera intestinorum minuit ita, ut facilius a catharticis remediis expelli possint. Imprimis autem actio Allii efficacior erit in illis, qui non assueverunt quotidiano ejus usui; in talibus enim minus agit. Bulbum allii, si minor fuerit, integrum, vel in aliquot partes sectum, si deglutiant aegri semel de die, tunc manet odor Allii perpetuo in ventriculo, & intestinis. Cocti in aceto bulbi allii condimentum mensis dant satis gratum; verum tunc Allii vis inertiore est. Si *Ascarides* in pudendo muliebri nidulentur, pessaria anthelmintica commendavit *Hippocrates* (i); sed simul addidit; *Et aliis coctis & crudis vesciatur, & Ascarides exeunt, ac moriuntur.*

Ad

- (d) Herodot. lib. 2. pag. 137. (e) Lobd of curing. fevers. pag. 53. (f) Method. Medend. Lib. XII. Cap. VIII. Charter. Tom. XII. pag. 201. (g) De victus rat. sanor. lib. 2. cap. 7. Charter. Tom. VI. pag. 470. (h) De Insuecund. Capir. XVIII. Charter. Tom. VII. pag. 857. (i) De Mulier. Moib. lib. 2. cap. 66. Charter. Tom. VII. pag. 832.

Ad similes usus commendatur *Asa foetida*, longe magis graveolens alio; imprimis si recens, lactei adhuc coloris, ex Asia adfertur: qualem aliquando videre mihi contigit; tunc enim vix tolerabilem odorem spargit: unde sacculi, recens collecta Asa-pleni, dum transferuntur navi, ex mali cacumine suspenduntur; si enim in navi recluderentur, nemo tolerare posset foetorem, qui tamen sensim exsiccatione mitigatur. Interim in Asia inter mensarum delicias Asa numeratur, dum condimentis miscetur, vel patinae levissime perficiantur. De his legi potest *Koempferus in Amoenitatibus exoticis*. Unde *Hofmannus* (k) verminosam progeniem exturbare solebat specifico suo anthelmintico, pilulis nempe ex *Asa foetida*, myrrha, croco, & mercurio dulci paratis.

Ad hanc classem spectat & radix *Valerianae Sylvestris*; quam *Pbu verum Dioscoridis* esse, voluit *Fabius Columna* (l), & in se ipso aliisque ad sanandam Epilepsiam invenit efficacem, si ad drachmam semissem mane sumeretur radix in pulverem trita. *Celeberrimus Marsbani* (m) tentavit hujus radicis usum in Epilepticis sanandis; & quidem pulcro cum successu; sed simul vidit, vermes expelli de corpore, & sudare fortiter aegros. Radix haec gravem valde odorem spirat, & cum praecipue per sudorem agat, raro alvum moveat, videtur infesta vermibus esse. Tot novis in usum Medicum deductis remediis celebris Archiater *Storck*, felicissimo cum successu, radicem *Valerianae* junxit purgantibus, & aromaticis, ad vermes pellendos (n).

Ob eandem, vel similem saltem rationem laudatur, tanquam optimum anthelminticum, caput mortuum, quod superest, postquam magno igne expulsa fuerunt omnia volatiliora ex Cornubus Cervinis. Carbo enim manet solidus, friabilis, foetidus, amarus, oleo crasso tenaci piceo inquinatus adhuc (o).

Forte & huc spectat sulphur, quod, si crudum humano ingeritur corpori, parvum, sed repetita crebro dosi, primas vias mire repurgat, tandem satis valide, tumque morbos quosdam cutaneos, verminosos, metallicos, minerales, efficaciter sanat (p). Saepius dedi sulphur tali modo, & licet ipsum ex se vix odorum sit, nisi vel attritu, vel igne calefcat, tamen, dum solvitur in primis viis five vi nostrorum humorum, five ab ingestis, tunc per alvum exeunt olidissimae faeces. An ab illo insolito foetore vermibus noxa fit?

Minime improbabile videtur, quod plura alia detegantur five casu, five attenta observatione, & variis tentaminibus prudenter institutis. Summa talium utilitas stimulum addet Medicis, ut in haec inquirent ulterius.

Sequitur tertia classis, quae continet illa remedia, quae vermibus nocere observata sunt, licet nec asperitate partium, nec ingratis odore praedita fuerint.

Scriptit *Galenus* (q) de *Persica arbore*, quod in germinibus, & foliis vincentem habet

(k) Medic. ration. system. tom. 3. sect. I. cap. 5. §. 32. pag. 110.

(l) In *Phytobasano* pag. 113. 121. & in *Ecpirasi plantar.* pag. 210.

(m) *Academ. des Scienc. l'an 1706. Mém.* pag. 430. &c.

(n) *Ann. Medic. secund.* pag. 228.

(o) H. Boerh. *Chem. tom. 2. process.* 120. pag. 359.

(p) H. Boerh. *Chem. tom. 2. pag.* 417.

(q) De *Simplic. rer. scult. Lib. VII. N. 17. Charter, Tom. XIII. pag.* 209.

bes amarum qualitatem, & ideo folia ejus trita, & super umbilicum imposita vermes necant. Ex observatis *Celeberrimi Bouldus* (r) constat, infusum florum, uti & tenerorum foliorum, arboris persicæ blandam vim purgantem habere; illudque laudat, tanquam optimum remedium ad vermes infantum. Quid de amaris sentiendum sit, dicitur statim, & paragrapho sequenti patebit, lenia purgantia vix unquam sufficere. Unde hoc remedium peculiari quadam virtute in vermes agit.

De *Filice* dixit *Galenus* (s); *Radicem habet maxime utilem: latum enim lumbricum interficit, si quis eam quatuor drachmis in melierato ebibat.* Confirmat *Galenus* sententiam *Celeberrimus Marchand* (t). Testatur enim, constare infinito numero experimentorum, radicem filicis esse mirum, & certum, remedium ad expellendos omnis generis vermes de corpore humano. Verosimile videtur, remedium illud ex filice paratum (*Eau de Fougères*), quod tanquam arcanum *Andry* sibi, & genero suo *Dionis* reservavit, filicis radicem pro basi habere, nec diffitetur hoc; sed peculiarem quamdam filicis radicem præparationem requiri prætendit (u). Post mortem *Andry* gener ejus *Dionis* (v) publico persuadere conatur, pauculum tantum de filice ingredi hoc arcanum, & numerosa alia adesse ingredientia. Sed quisque novit, arcanorum venditoribus non semper habendam esse fidem. Ingenuum decet, ut generis humani utilitatem lucro magis aestimet. Sed auri sacra fames saepe aliud suadet. Nunquam me poenituit, candide communicasse omnibus, si quid in arte utile novissem, nec poenitebit, certus sum, illo tempore,

*Dum numina nobis
Mors instans majora facit.*

Plura forte alia similem effectum habent. *Scordium*, in pulverem tritum, saepe profuisse in affectibus verminosis, testatur *Barrere* (x). Ingens Antelminticorum remedium catalogus videri potest (y).

Amarorum, Aromatisorum. Talia remedia ad roboranda viscera primæ coctionis solent proficere, & Leucophlegmaticam corporis cachexiam, quæ verminosis morbis favet (1362.), emendant. An vero amarities vermicibus adeo infesta sit, non ita constat.

Scriptit quidem *Galenus* (z), vermes necari amaris, & postea addidit; *As teretes quidem Absinthium perimere potest. Lati vehementiora remedia desiderant, cujusmodi est filix; pari modo & quæ ascaris dicitur.* Sed ex ante memoratis observatis patuit, vermes in duodeno intestino repertos fuisse saepius, in quod per

(r) Académ. des scienc. l'an 1714. hist. pag. 49. (s) De simplic. rer. Facult. Lib. VIII. N. 39. Charter. Tom. XIII. pag. 223. (t) Académ. des scienc. l'an 1701. Mémoires, pag. 285. (u) *Andry* sur la génération des vers pag. 531. (v) De Taenia pag. 45. (x) Observat. Anatom. &c. pag. 170. (y) *Andry* sur la générat. des vers pag. 609. & seq. Le Clerc histor. Lumbric. lat. pag. 408. & seq. (z) Meth. Medend. Lib. XIV. cap. ultim. Charter. Tom. X. pag. 343.

per ductum communem depluit amara bilis. Constat *Celeberrimi Redi* experimentis, vermes tam terrestres, quam humanos in amarissimis decoctis manere diu superfluites; b' evi autem perire in aqua, melle, vel saccharo edulcorata. Non tantum in hepate, bilis officina, inventi fuerunt vermes, sed in ipsa cystide fellea ovis, bilem amarissimam continente, placide natabant vermes (a). Fatetur *Coulet* (b), quod *nullum invenerit liquidum adeo amarum, quod amaritie sua vermes exsinguere posset. Immo ex opposito eos semper & vivaciores, & vegetiores in salibus liquidis inveniebat.* Addit tamen, quod vermes non diutius vixerint in amaris liquoribus, quam in aqua pura. Teretes vermes, ex vituli mactati intestinis defuncti, bili bubulae immerfi vixerunt per novem circiter horas. In amarissimis infusis *Aloes*, & *colocynthidis*, uti & in infuso *corticis Peruviani* tam diu vivebant vegeti hi vermes, ut *Celeberrimus Torti* (c), morae pertaesus, eductos ex his liquoribus vermes immerferit spiritui vini, in quo statim necabantur. Sed & *Alii* succum, pauca aqua dilutum, tulerunt facile. Haec sufficere videntur, ut pateat, ab amaris aromaticis non tam facile necari vermes, ac quidem multi crediderunt.

Mercurialium. Cum insectis cutaneis necandis argentum vivum, pinguius subactum, serviat egregie, hinc cogitatum fuit, vermibus intestinorum necandis illud etiam utile futurum. Sunt, qui ex *Brasavoli* consilio pauca grana mercurii crudi infantibus ingerebant ad vermes necandos; & dicitur, hoc pulcro cum successu factum fuisse (d). Dubitari tamen non sine ratione potest, an tantillum argenti vivi vermes necare posset. Tutum enim minime foret in tenella aetate repetitas tales doses exhibere. Imo non videtur certo constare, quod argentum vivum adeo noxium vermibus sit. Observavit egregius Medicus, & Historiae naturalis cultor, *Scopoli* (e), nullibi plures, aut frequentiores observari lumbricos intestinorum, quam circa sodinas argenti vivi. *Nulla actas reperitur, & nullus est sexus, qui iisdem non labores.* Tamen homines illi vivunt in aëre, volatili per ignem reddito argento vivo, inquinati, & saepe ab his exhalationibus male afficiuntur. Praeterea argentum vivum ore haustum, etiam majori copia, solet fatis cito per alvum exire.

Alii fuerunt in hac opinione, aquam, si ebulliat cum argento vivo, vel digeratur tantum, acquirere vim anthelminticam insignem; unde, talem aquam, si poteretur, vermes certo necaturam, asserunt. *Pauci tali, & innoxio potu omnes vermes interimi tam in intestinis, quam alibi, in ulceribus etiam, si aqua ista affundatur, statuit Helmontius* (f). Crediderunt hinc multi, aliquid de argento vivo solvi in aqua; in qua opinione fuit & *Celeberrimus Hoffmannus* (g), qui sic habet; *Quin etiam sola aqua communis, propter subtilissimum illud universale, in poris ejus residens, sal, tandem, coctione diutius instituta, ex argen-*

(a) Le Clerc *Histor. Lumbr. lat.* pag. 94.
lat. pag. 32. 33.

(b) *Traetat. de Ascarid & Lumbric.*

(c) *Theraeut. spec. febr. Lib. V. Cap. VI. pag. 510. 511.*

(d) *Herman, Kau diss. de Argento vivo pag. 14.*

(e) *De Hydragyro Idienfi pag. 155.*

(f) *In fine capituli Sexuplex digestio alimenti humani pag. 180.*

(g) *Medic. Ration. & system. Tom. II. Cap. VI. pag. 261. 262.*

argento vivo partes abradit; unde hoc decoctum ad luis Venereae virus, item ad progeniem verminis fam expellendam in praxi non ignotum est. Imo Dionis (b) testatur, se vidisse aegros, post diuturnum aquae mercurialis usum, tremore omnium membrorum correptos fuisse, ut contingere solet illis, qui mercurio crudo imprudenter usi fuerunt, vel halitibus mercurialibus diu expositi, uti in deauratoribus toties observatur. Heisterus notavit (i), columbas verminosas sanatas fuisse, dum potabant aquam, cui argentum vivum miscebatur.

Experimenta tentata fuerunt (K), ut detegeretur, an aquae purae argentum vivum aliquid largiretur per infusionem, digestionem, coctionem ipsam. Conclusum fuit, nihil decessisse argento vivo. Cum autem raro aquae, quae potui communi servire solent, purae sint ab omni sale, & hodie noverimus, mercurium solvi non tantum in acidis, verum etiam affici a salibus alcalicis, & neutris, hinc mirum non est, si tali aquae aliquid communicetur a mercurio. Sed simul videtur ab aqua pura argentum vivum nullo modo affici. Credit & hoc Helmontius (l), qui affirmat, virtutem anthelminticam conciliari aquae, si in illa maceretur argentum vivum; praecipue autem, si ebullitio accesserit: Haec aqua namque, licet ne minimum quid de argento vivo in se ferbeat, aut ad sui naturam convertere queat, attamen ab argento vivo proprietatem, non item substantiam mutuatur, sic, ut pota aqua ejusmodi necet lumbricos universos, & ascarides, existentes etiam, quo potus isse nunquam pervenit, quippe qui mox totus in lotium rapitur &c. Sic unica uncia argenti vivi millies poterit insicere mensuram aquae, attamen permanere in pondere, & proprietate pristinis &c. Est nempe id absque ulla argenti vivi passione, diminutione, mutatione, debilitate, atque alteritate. Deinde illud adhuc latius deducit.

Fateri debemus, dari remedia talia, quae absque jactura sensibili ponderis sui imbuunt liquida, quibus infunduntur, vi medicata, quae totum corpus turbat mirabiliter. Vitrum Antimonii, regulus Antimonii, infusa vino, non mutantur, nec perdunt sensibilibiter de pondere suo; nec vini sapor, odor, color mutantur; & tamen unciae binae talis vini antimoniatum si deatur homini sanissimo, totum corpus turbant, sursum, deorsumque evacuant.

Unde apparet, liquidis, dum infunduntur, vel decoquantur cum rebus metallicis, posse communicari vires mirabiles. Sollicita, & repetita observatio sola determinare poterit, quid ab hoc remedio sperandum sit. Torti (m), vi illata, submersit lumbricum hydrargyro, qui, aliquo etiam nonnunquam mercurii granulo onustus, emergebat: huic post modum aqua simplex superaddebatur, ipsius praecursoris mercurii agitatione, quantum licet, roborata, qua lumbricus ab externi aeris immediato contactu, & injuria tutus evadebat. Cum autem per novem, & ultra horas viveret vermis, morae pertaesus Torti illum spiritui vini immisit, atque necavit.

Caec.

- (h) Dissertat. sur le taenia pag. 45. & seq. (i) VVarhnehm. n. 200. pag. 351. 352.
(K) Institut. Bonon. rom. 2. part. 1. pag. 118. part. 2. pag. 117. (l) In capitulo: In verbis, herbis, & lapidibus est magna virus. pag. 459.
peut. Special. feb. Lib. V. Cap. VI. pag. 510. 511. (m) Thera-

Cacterum praeparata Mercurialia expellendis de corpore vermibus prodelle insigniter, patebit sequenti paragrapho.

Acidorum. Fortia, & rodentia acida nocere vermibus, certum est; sed haec ferri non possunt ab intestinis, & ventriculo, nisi prius copiosa aqua diluta fuerint; at tunc minus nocebunt vermibus. Observatum fuit, acetum alacres, & vividissimos reddidisse vermes humanos, dum cito necaret vermes terrestres (n). Verum illa vivacitas, & alacritas ex valido vermium motu cognoscitur illo tempore, dum irrorantur aceto, & inde concludi probabiliter posset, vermes humano non refici aceto, sed molestiam pati, quam irrequietus motus testatur. De Lumbricis terrestribus pariter observavit Torri (o), quod statim interirent, si aceto immergerentur (p). Vermis autem teres vitulinus sex horarum spatio mansit in aceto, antequam moreretur. Videtur ergo acetum vermibus molestum esse, & forte hoc efficere, ut irrequieto motu vermes removeantur ab adhaesione ad intestina, sicque facilius expelli possint. Apud Amatum (q) describitur pulvis ad vermes, cui magnam efficaciam tribuit: *Corallinae, Sem. Santonicae ana partes duas: Diastami albi, bistortae, tormentillae, ana partem unam*. Haec in pulverem redacta irrorabantur aceto acerrimo; dein in umbra siccabantur. Dosis erat a drachma ad drachmas tres, pro diversa virium, & morbi magnitudine. Post exsiccationem aceti partem acidissimam manere, ex Chemicis satis notum est. *Alorum, Crocum, Myrrham* fumebat *Boerhaavius* (r); his adfundebat vigecuplum aceti stillatitii vini acerrimi, in alta phiala chemica; coquebat per duodecim horas; colatura a subsidente faece removebat acetum, viribus ingredientium dives; residuo affundebat dimidium prioris quantitatis, coquebat, ut prius; binas illas tincturas mistas, leni igne destillando, inspissabat usque ad residuum tertiae partis; adeoque remanebat concentratum satis acidum aceti, impraegnatum viribus ingredientium. Laudat (s) hoc remedium; *Quoties in primis viis putredo, bilis foetida, concreta pituita, lumbrici, & infusis, de quatuor his causis orti, morbi praedominantur*.

A drachma una ad drachmas tres sumitur hoc remedium, ex mulla, hydromele, aut vino molli, dulci, mane, vacuo ventriculo, duodecim ad minimum horas post ultimum pastum. Egrege hoc profuisse saepius novi.

Vitriolatorum ex chalybe. In eadem hoc paragrapho dictum fuit, limaturam ferri profuisse verminosis, quatenus scabritie suarum partium molesta foret vermibus. Notum autem est, ferrum satis facile solvi in humoribus nostris, & insigniter prodelle ferri scobem debili sexui languenti; imo magis quam alia ex ferro per artem laboriosam praeparata (t). Si limatura ferri solvitur in oleo vitrioli, aqua diluto, paratur inde *Vitriolum Martis* in officinis dictum; cujus drachma si diluatur in libra aquae purae, & potatur jejuno veno-

(n) Van Doeveren de verm. intest. pag. 68. (o) Therapeut. special. Feb. Liv. V. Cap. VI. pag. 512. (p) Ibid. pag. 510. (q) Curat. Medicin. Cent. 3. Curat. 97. pag. 354. (r) Chem. Tom. II. Process. 81. pag. 277. (s) Ibid. pag. 278. (t) Ibid. pag. 440.

ventriculo, cum leni deambulatione, *aperis, laxas, purgas, urinam moves, lumbricos necas, pelliculas, faeces alvi aterrimas tingit, aut inflat terrae argillaeae format, fibras roborat, haecque ratione multos, bosque diversissimos, morbos sanat (u)*. Haec quantitas adulto homini datur, minor junioribus: quibusdum nauseam movet; tamen satis facile fertur, & potest syrupo quodam officinali edulcorari malignus vitrioli martis sapor. Cum autem faeces tingat atro colore, si per tres, quatuorve dies successivos hoc remedium adhibetur, totus tractus intestinorum imbutur sapore vitriolico, & pariter omnia liquida, quae ingeruntur, vel ex visceribus secreta in intestina derivantur. Vermes in ventriculo satis certo, ac cito necat; & tunc plerumque paullo post vomitu expelluntur. Observatum est aliquoties, post limaturam ferri datam prodiisse vermes colore ferrugineo tinctos. Ferrum, in acido vegetabili solutum (v), mitius dat remedium, efficax tamen.

Vel cupro. In omnibus remediis, quae ex cupro sunt, longe majori cautela opus est; vitriolum martis, cum acido potentissimo, vitrioli nempe oleo paratum, tuto datur, & notabili copia fertur a corpore humano, uti modo dictum fuit: sed cuprum, in acido vegetabili solutum, quod multo mitius est, non nisi summa cum prudentia, & vix sine periculo interne dari potest. Notum est, quanta mala contigerint, dum aerugine infecta vasa cibis parandis adhibita fuerunt. Novi, optimum, & sincerum vinum, in phiala argentea clausa servatum, pessima mala produxisse, dum potaretur: illud autem non ab argento factum fuit, sed a cupro, quod in utensilibus ex argento paratis semper adest. Phialae enim illius argenteae superficies interna aerugine obducta inveniebatur, dum in causam horum malorum inquirebatur.

Interim tamen cuprum, in acidis solutum, dat efficax insectis venenum. *Solutio cupri in aqua forti si diluatur aqua quamplurima, pediculos, pulices, pediculos planos pubis promte enecat (x)*. Vidi, infecta in sinubus frontilibus nidulantia, dolores saevos, & vertiginem molestissimam producentia, enecta, & expulsa fuisse, dum grasum vitrioli cupri in uncia media aquae solutum per nares attrahebatur.

Cuprum solutum in sale alcalino volatili, vel & in salibus neutris mitius agit. Unde laudata fuit tinctura caerulea, quae ex saturata muria salis ammoniaci, & limatura cupri paratur, tanquam antiepilepticum puerorum remedium. Notum est, frequenter insultus epilepticos a vermibus produci. *Gustulae pauculae, in hydromele datae jejunis, levi motu, alvi subduzione, nausea indulta, mire mutant pigros, senellos, stomachos; hos excitant, aquas, pituitas educunt, vermes occidunt (y)*. Notavit idem Celeberrimus auctor (z), quasdam aquas stillaticias anthelmintica vi imbuti tantum ideo, quia cuprum solutum continent. Dum enim accurate describit methodum parandi aquas stillati-

(*) Chem. Tom. II. Proceff. 81. pag. 459.

(v) Ibidem pag. 441.

(x) Ibi-

dem Proceff. 150. pag. 477.

(y) Ibid. pag. 476.

(z) Ibid. Proceff. 25.

pag. 71.

Tom. IV. pars II.

laritias ex fragrantibus plantis, notat, primo prodire aquam, quae alba, crassa, odora, sapida, spumosa, turbida apparet; quae ad usum medicatum servanda. Si continuetur destillatio, sequitur altera aqua, pellucida, tenuis, odore proprio plantae carens, sapore nativo plantae destituta, sed acidula fere. Si cava superficies alembici aenei statim haud accurate obducta fuerit, tunc haec aqua postrema cuprum rodit, viridescit quandoque, nauseosa, emetica, venenata evadit utentibus, debilibus imprimis, infantibusque, solum deorsum acri cum tormine alvum perturbans. Tunc haec aqua vim anthelminticam acquirit, sed a cupro soluto tantum, quod vermibus admodum infestum esse, docent experimenta *Torti* (a), qui observavit, vermes teretes vitulinos, dum immergerentur infusioni viridis aeris, mox fecisse observabiles admodum motiones, & contorfiones; in aliis liquidis longe minus: vitam tamen satis diu protrahabant in illa infusione aeruginis. Adeo autem agitabantur vermes, dum immergebantur huic solutioni, ut non semel ad explorandum, an vermis aliquis, de quo adhuc ambigebatur, num esset exstinctus, eere viveret (quod in insectis bisce haud ita facile semper noscitur), tanquam ad *Igdium lapidem salis* fueris recursus ad infusionem viridis aeris. Si enim non plane mortuus erat vermis, statim aliquem motum edebat.

Observaverat *Van Dorenen* (b) miros effectus a spiritu juniperi vulgaris, quo plebs apud Batavos abutitur toties; hinc dubitat, an non peculiari quadam efficacia ageret. Spiritus fermentatus ex frumento paratus destillatur cum baccis juniperi, quarum fragrantia, spiritui frumenti unita, dat spiritum juniperi dictum. Non videtur autem a junipero pendere vis anthelmintica. Experimenta *Torti* (c) docuerunt, in spiritu vini statim necari vermes teretes vitulinos: lumbrici terrestres vix tangebantur a spiritu vini, quin perirent illi. Hinc videtur spiritus frumenti plus, & citius nocere vermibus, quam juniperi aroma. Unde conclusit *Torti* (d) sequentia: Cum primo in vini spiritu, mox in aceto, & tertio loco in vino interire lumbrici utriusque speciei fuerint observati, videtur consilii posse, quod vino, aliisque liquoribus ex vino prodeuntibus, praecipue vero parti illius spirituosiori insit aliquid hujusmodi insectis inimicum, quod illos bebetet, inebriet, ac tandem occidat, quemadmodum gallinas, grano vini spiritu imbutis nutritas, fere ut mortuas ad tempus in terram conidere, vulgo satis est notum. Credebat *Van Dorenen*, in pituitum, vermium nidum, agere spiritum juniperi; sed ipsis vermibus videtur nocere potius. Confirmari hoc videtur praeterea observatione Medica, quae apud *Baglivium* (e) legitur, de constitutione fere Epidemica febrium putridarum, atque malignarum, quae *Massae Tudetinarum* in *Umbria* regnabat ultimo elapsi saeculi anno. Singuli aegri vermes teretes magna copia excoernebant: Hi vermes vi, *positi in vinum, statim peribant; in oleo, aqua saccharata, spiritu vini, aceto, succo limonium, per plures horas vivebant, ut plures dies. Aegroti, qui vi-

num

(a) Therapeut. Spec. febr. Lib. V. Cap. VI. pag. 510. 511. (b) Differat. de Verm. Intestin. pag. 62. (c) Vide locum modo citatum. (d) Ibid. pag. 512. (e) Oper. omn. pag. 699.

num bibebant, omnes sanabantur pene. In febre Calkrensi verminosa vinum, & imprimis ferum lactis vinosum, profuisse novi, dum larga copia potabatur. Si in ventriculo haerent tales vermes, statim a potu vinoso afficiuntur.

Caeterum in observatis Torti, qui vermes teretes vitulinos exploravit, habetur, quod citissime necabantur in *spiritu vini*, dein in *aceto*, tardius in *vinis*: hinc mirum videtur, quod teretes vermes humani cito extincti fuerint in vino, & per horas, imo per dies, in spiritu vini, & aceto vivere poterint. An in observatione ipsa subrepsit forte incuria? An diversa natura vermium teretium vitulinorum ab humanis in causa est?

Cum autem nec vini copia, nec spiritus vini tolerari possit absque periculo in prima aetate, patet facile, in adultis tantum quid sperari posse a similibus.

Ex observatis *Coules* (f) patuit, vermes humanos magnum calorem ferre posse; illico autem necari a glacie, vel & aqua gelidissima, sed nondum congelata. Multi glacie delectantur; & videtur assuetorum ventriculus illam ferre posse: periculosum tamen semper est, ventriculum simul, & semel implere aqua gelidissima, quae nocere quidem posset vermibus in ventriculo haerentibus, sed certo frigoris illum gradum amittet aqua, antequam ad intestina pervenerit, adeoque vermibus intestinorum infesta esse nequit. Gelidam aquam per clystima injicere suaserunt aliqui; sed nec haec ad intestina tenuia penetrare poteris; obstat enim coli valvula. Forte Ascarides, circa finem intestini recti haerentes, & intolerabilem quandoque pruritus excitantes, glacie ano admota necari possent: sed agilissimi illi vermes, simul ac infernum frigus sentiunt, tutiorem locum invenient facile.

Caeterum in *Materia Medica* ad hunc numerum plures habentur formulae, quae ad necandos vermes, in juniore imprimis aetate, adhiberi solent, & ad quarum normam plures aliae similes parari poterunt facile. Forte vel casus fortuitus, vel industria Medicorum detegent alia anthelmintica, adhuc efficaciora, quae absque laesione ventriculi, aut intestinorum vermes occidere valent. Haec enim cognita remedia nondum talem efficaciam monstraverunt, cui certo confidere possumus in necandis vermibus. Viderat *Celeberrimus Homburg* (g) sanum in reliquis juvenem, qui quatuor, vel quinque annorum spatio quotidie per alvum excernebat magnam copiam vermium, qui quinque, vel sex pollices longi erant: semel, aut bis reddidit parem Taeniae, ulnam cum dimidia longam; unde verosimile videtur, reliquos vermes, quos excrevit, fuisse cucurbitinos dictos. A lactuca, & fructibus horaeis abstinuit omnino; & quaevis anthelmintica, tunc temporis cognita, adhibuerat; sed absque fructu.

Credo, omnes Medicos, qui praxin exercent, saepius doluisse, quod minus felices effectus habuerint in necandis vermibus. Saepius successit vermium sive vivorum, sive mortuorum expulsio per purgantia, sive sola, sive admixtis simul talibus, quae vermibus infesta esse creduntur; de qua methodo nunc dicendum erit.

(f) De Ascarid. & sumbr. lato pag. 3.
Hist. pag. 11.

(g) Académ. des Scienc. l'an 1707.

§. 1372. **E**xpellendo Lumbricos vivos, enectosve ope purgantium amarorum, phlegmagogorum, Mercurialiumque.

Purgantia remedia praecipuum locum obtinuerunt semper inter anthelmintica, cum parum referat, an vermes vivi, an mortui fuerint, modo expellantur de corpore, & tuto simul hoc fieri possit. Si per remedia, praecedenti paragrapho enumerata, necari possint vermes, vel saltem sic enervari, ut fortiter se intestinis affigere nequeant, facilius exturbari per remedia cathartica poterunt.

Purgantibus usus fuit Hippocrates (b), ut latum lumbricum expelleret de corpore. Sic enim habet: *Quod si quis hominem lumbrico laborantem cures, & medicamentum, aut potionem dederit, si quidem homo probe praeparatus fuerit, totus rotundus, ut globus prodit, & homo sanus evadit.* Postea addit, quod si pars in rectum extensa abrumperetur a lumbrico, duorum, aut trium cubitorum longitudine, aut etiam longe major, tunc non curatur homo; & quidem multo tempore cum stercore nulla signa se produnt; sed postea vermibus increfcit. Haec respondent exactissime hodiernorum observatis. Dum enim integer expellitur vermis latus, semper in glomerem collectus apparet, & adest simul extremum tenuius, in globosum apicem desinens; quod filum vermibus lati hodie vocari solet. Vermem latum in glomerem sic collectum figura expressit Andry (i).

Notum autem est omnibus, etiam in Hippocratis lectione vel mediocriter versatis, *gagaxus* & *gagaxivus* non de quibusvis remediis, sed de purgantibus dici praecipue. Simul constat, veterum purgantia fuisse admodum valida: Helleboris enim, Granis cnidiis, Elaterio utebantur frequenter. Sic (k) Hippocrates fatetur de Scamandro, qui convulsus perit octavo a primo convulsionis insultu die, quod diutius sustinere morbum potuisset, nisi validum medicamentum, sinceram bilem purgans, sumisset. Alia similia habentur (l); imprimis de muliere sana, & robusta, quae a catoporio, conceptus gratia deglutito, ventris dolore, & intestinorum torminibus corripitur, intumescerebat, sanguinem vomebat, sed non copiosum: tam male autem se habuit, ut quinquies jam mortua crederetur. Triginta amphoris aquae frigidae corpus perfundi debuit; quod unicum opem ferre videbatur, cum postea bilis copiosa deorsum fecesserit. Vixit tamen.

Facile quis credet, tantis turbis in corpore excitatis, nec vermem latum resistere posse. Hinc cautela multa utebantur Veteres Medici, antequam purgans darent: *Quum quis corpora purgare vellet, ea menbilia facere oportet (m)*, de qua re videantur illa, quae ad §. 605. n. 13. dicta fuerunt. Hinc, dum expulsionem vermibus lati tentandam suadet Hippocrates, monet, ut prius praepar-

(A) De Morbis Lib. IV. Cap. XV. Charter. Tom. VII. pag. 614.

(i) Sur la Générat.

des vers pag. 33.

(k) Epidem. Lib. V. Text. X. Charter. Tom. IX. pag.

336.

(l) Ibid. textu XXV. & seq. pag. 342. 343.

(m) Hipp. Aphorism.

9. Sect. 2. Charter. Tom. IX. pag. 49.

praeparetur corpus, antequam validum adhibeatur pharmacum. Balnea, cibi molles, quies, &c., adhibebantur illis, qui *Helleborum* erant sumturi.

Juvenis, gonorrhoea virulenta laborans, habebat urethrae orificium obstitum plurimis verrucis venericis: cum a me auxilium peteret, dedi validum purgans, ex *Turkish minerali*, *Scammoneo*, *Resina Jalappae* compositum. Valde purgatus ab hoc remedio fuit; gonorrhoea fuit emendata; verrucae corrugatae, flaccidae ceciderunt sponte post paucos dies. Sed simul ostendit mihi vermem latum integrum cum filo suo, qui medicamento vi expulsum fuerat. Noverat ille, quod vermem latum haberet; sed, de morbo venereo sollicitus tantum, mihi non indicaverat. Varia anthelmintica se fuisse fassus est; sed incassum. Postea tentavi simile remedium cum successu aliquoties. Cum multum corpus turberet, dedi illud bis in mense; raro ter sumtum fuit, quin vermis prodierit totus.

Hydragogum Argentum Boylei, vel *Angeli Salae*, si sollicita arte paratum fuerit (n), & grana duo cum sacchari conici granis sex in mortario vitro terantur minutissime, deinde cum decem granis pastae panis formentur in Catapotia, & deglutiantur ab homine adulto jejuno, superbibendo Uncias quatuor, vel sex aquae mellitae calidae, purgatio per alvum sequitur: *Necat lumbricos, taenias, ascariides*. Cavendum a nimio usu; a nimis larga dosi cavendum: rodus semper, & labesfactas, ventriculorum imprimis. Quod vitii Rob Juperi baccarum sanat.

Celeberrimus *Boulduc* (o), examinans *gratiolam* dictam herbam, quae inter potentissima *Hydragoga* remedia numeratur, & sursum, ac deorsum potenter evacuat, dum in substantia, vel infuso sumitur, invenit hanc plantulam habere insignem vim Anthelminticam; praecipue si infundatur lacti recenti; tunc enim mitius agit. In America parant decoctum ex *Spigelia Linnaei*, quae adeo venenata est, ut Galli huic plantae nomen famosissimae olim in Gallia veneficae (*Bravaiensis*) dederint. Sursum, & deorsum fortiter evacuat; vermesque certo expellit. Cum autem verminosi morbi ibi frequentissimi sint, ex hoc decocto syrupum parant, ut omni anni tempore semper praesto sit efficax medela. Sic audiavi a fide digno teste. Verum *Patrick Brovone* (*) certitudinem virtutis Anthelminticae hujus plantae laudat quidem, sed testatur, hoc remedium somnum facere instar opii. Simul monet, post usum hujus remedii lene purgans debere dari ex infuso *senae*, *rhabarbari*, *manna*, &c.

Satis autem patet, omnia haec valida remedia magna cum cautela tantum adhiberi posse, & vix locum habere in teneris infantibus unquam. Sed & mitiora habentur purgantia, satis efficacia tamen. *Jalappa*, notissimum purgans, & frequentius apud vulgum usus, tale dat remedium; de quo *VVeppesius* (p) testatur sequentia; *Jalappam lumbricos latos praec multis expellere*,
pri-

(n) H. Boerh. Chem. Tom. II. pag. 467. 468.

(o) Acad. des Scienc. l'an 1705.

Mém. pag. 245.

(*) Civil and Natural History of Jamaica in three parts,

in folio, London 1756. pag. 156.

Car. Linnaei Amoen. Académ. vol. V. pag.

140.

(p) Cicut. aquat. Histor. & Noxae. Cap. XV. pag. 224.

primum casu, postea plurimis experimentis didici. A magisterio, sive resina, Jalappae, ad scirpulum data cani semestri, & dein vivo dissecto, inventa quidem, fuerunt in ventriculo, & intestinis signa inflammationis (q); sed hoc minus metuendum videtur a pulvere *radicis Jalappae*, quo uti malo potius, quam ejus resina, quae tenacissima est, & facile adhaeret superficiei ventriculi, ac intestinorum, tuoque tormina molesta, & hypercatharhes saepe producit. Cum autem *Jalappae radix* seligatur talis, quae habet copiosas strias resinosas, hinc, majoris cautelae gratia, curo, ut pulvis ejus diu teratur in mortario vitreo cum dimidia parte sacchari pori sicc: sic enim tenacitas resinosa, a qua imprimis metuendum videtur, frangitur. Mulier quadragenaria, quae, instante menstrua periodo, vermes cucurbitinos, & vivacissimos quidem solebat excernere, praeterea aliquot ulnas vermis lati per alvum deposuerat ante biennium. unde de vermis lati praesentia nullum erat dubium. Tentavi decantatissima Anthelmintica: diu usa fuit cupro soluto in muria salis ammoniaci; sed absque ullo effectu. Inceperunt tumere pedes, crura, femora, dein & venter. Cum debilis, & languida esset, dedi drachmam mediam *radicis Jalappae*, diu cum saccharo tritae, & paullo post excrevit vermem latum, sex fere ulnas longum, vivum, & alacriter se moventem. Periiit tamen postea lento hydrope.

Quandoque profuit per plures dies replere totum intestinale tubum haliubus foetidis, qui vermibus infesti creduntur, de quibus praecedenti paragrafo dictum fuit. Sic v. g. per triduum, vel quadriduum aliquot grana assae foetidae deglutienda dedi ter, quaterve de die, & postea purgans exhibui satis acre, habita semper ratione virium, & aetatis. Saepius feliciter cessit.

Aliis magis placuit Anthelmintica purgantibus miscere, ut haec, ingrata vermibus, citius per totum tractum intestinorum applicarentur. Felicem inde successum aliquoties vidi, & plures observationes hoc confirmant (r). *Extractum Hellebori nigri cum vitriolo Martis*, omnibus vulgaribus Anthelminticis incaustum tentatis, nunquam caruisse successu, testatur *De Lille* (s). *Ex sale polybreffo, jalappa, valeriana, ad drachmam sumitis, additis oxyrhini salitici unc: 1v., uncia media corticis uvinae, & vini generosi libris duabus*, confecit *Storck* remedium, cujus uncia quater de die dabatur adultis: junioribus vero ad drachmam unam, alteramve (t), felici pariter cum successu. In hoc remedio talia sunt, quae pituitam, vermium nidum, attenuant, alia, quae vermibus infesta habentur, & *Jalappae radix*, quae alvum movet.

Ex omnibus his patere videtur, praecipuam spem curandi morbos verminos poni in remediis evacuantibus. Remedia, quae arcani sub titulo commendantur, & felici effectu se commendaverunt saepius, fuerunt inventa talia imprimis, quae corpus turbant satis, & sursum deorsumve evacuant.

Ad hanc classem videtur pertinere remedium *D. Herrensibruand*, quod non-

(q) Cicut. aquat. Hist. & Noxae Cap. XV. pag. 322.
natur. curios. Vol. IX. observ. XIV. pag. 41.

(r) Aët. Physic. Med. De Palpit. cord. pag. 255.

(s) Ann. Medic. secund. pag. 228. & 286.

nondum publico communicatum fuit, & de quo sequentia novimus (u). Quatuor pulveres sunt, quorum primus, sub titulo remedii praeparatorii, sumitur pridie. Coena levis conceditur aegro; & dum se ad somnum componit, dantur bina cochlearia olei amygdalini, vel olivarum. Sequenti mane, jejunio ventriculo, primam dosin specifici remedii sumit aeger; a qua bis levis vomitus sequi solet, totidemque per alvum evacuationes, quae certo sequuntur; sed vomitus non semper, qui videtur fieri a motu vermis lati. Intra bihorii spatium & vomitus, & alvi evacuatio cessant; dein jusculum propinat aegro. Hoc facto, secunda dosis exhibetur, quae eundem omnino praestat effectum, ac prior, sed plerumque vermis latus expellitur; unde non semper opus est, tertiam dosin exhibere. Si vero vermis nondum exiverit, post tertiam dosin assumtam exit certo, citius, vel serius, saepe vivus, semper integer, cum filo suo. Nec fatigatur aeger ab hoc remedio plus, quam si aliud catharticum remedium sumisset. Testatur auctor, se viginti, & tribus vicibus illud dedisse, aequali semper successu, in sexu, temperie, aetate variis, etiam teneris, & delicatis.

Omnia autem haec postea aliorum Medicorum observatis confirmata fuerunt.

Similia his in humanissimis literis ad me datis scripsit egregius auctor; addiditque, in ducentis casibus octo, vel novem vicibus tantum non successisse remedii effectum. Addit dein sequentia: *Omnes aegri sic curati erant, Helvetii circa Genevum, Neuchâtel, de Bienn, & de Morat; neque per duos cum dimidio annos, quo dedit hoc specificum, ullus rediit querens de hoc verme; quem tamen subaudierat rediisse in Hollandia post usum hujus specifici, quod fortiter purgat sursum, & deorsum. Bis vidit duos vermes latus excretos ab eodem aegro, qui pessime aegrotaverat. Plures aegri simul vermes teretes, & ascarides creverunt. Servat Colon caninum, cujus tunicae villosae adhaerebant in spatio, quod nummum Imperialem (Ecu) aequat, duae taeniae completae, & adbus tria filamenta, quae singula singulis pumillis tunicae villosae affigebantur.*

In Historia naturali, aliisque scientiis adeo notus, Bonnet (v) quaedam habet circa specificum hoc contra taeniam remedium. Pulvis est levis, subtilissimus, coloris olivacei; qui videtur ad regnum vegetabile pertinere, in quo apparent, oculo nudo, & imprimis lente armato, particulae splendentes; crocum redolet, & saporem leviter salsum habet. Pridie, antequam detur specificum, hora quarta pomeridiana dat sex grana pulveris albi, qui continet vitriolum martis, ex aqua tepida; nec sequitur ullus effectus sensibilis. Pulvisculus autem ille non est absolute necessarius ad curam. Hora septima datur levis coena; post bihorium datur cochlear olei amygdalini, vel olivarum. Sequenti mane datur omni bihorio pulvis, qui drachmam, vel scrupulos quatuor aequat pondere; minuendo, vel augendo quantitatem pro diversis viribus aegri. Nunquam plures doses dantur, quam tres. Post primam dosin quandoque nullus sequitur effectus; aliquando levis vomitus; saepius succedit alvi eva-

(u) Biblioth. Raison. Tom. 33. Octob. Novemb. Decemb. pag. 281. (v) Mém. de Mathém. & de Phys. présent. à l'Académ. Royale des Scienc. Tom. I. pag. 479.

evacuatio: tunc datur jusculum. Si vermis nondum prodeat, ut plerumque fieri solet, datur secunda dosis, &c, si opus fuerit, etiam tertia. Attamen non sine molestia agit hoc remedium. Quandoque enim sursum, & deorsum purgat valide, tormina abdominis adsunt, & pulsus insurgit. Aliquando longe mitius agit remedium. Saepe post meridiem taenia expellitur; tardissime nocte, vel mane sequentis diei. Quater Genevae contigit, ut post primam dosin assumptam taenia expelleretur, quae si longior fuerit, post expulsionem sentiant similia mala, ac ascitici post aquas per paracentesin eductas, nisi abdomen rite firmatum fuerit. Quidam languent per unum, alterumve diem; alii febricitant; alii tam parum ab hoc remedio afficiuntur, ut eodem die domo exire possint.

Cum contigerit bis, *Genevae*, ut sumto remedio nulla prodierit taenia, quae forte antea incisiis aegris expulsa fuerat; hinc, ut certus sit, taeniam adesse, dat unciam mediam *Syrupi florum Persicorum*: si enim tunc cum faecibus prodeant grana, sive molecule albicantes, quas putat esse taeniae excrementa, tunc de taeniae praesentia minime dubitandum, putat.

Dum autem *Basilicae* suo remedio uteretur *Herresbivand*, obstupuit, vermem latum nunquam integrum prodire, sed frustulatum tantum. Taeniae autem illae pertinebant ad secundam speciem *Plateri*, quam credit reliquis difficilior expelli.

Cacterum pulvis ille praeparatorius, qui pridie sumitur, licet omnino necessarius non sit, creditur hunc usum habere, quod nempe specificum sequenti die melius, & promptius agat. Testatur autem *Van Doeveren* (*), quod ipse *Herresbivand* ipsi affirmaverit, suum remedium non convenire in illa taeniae specie, quae, ubi in intestinis nidulatur, portiones suas cucurbitini formes dimittit, cum hanc rarissime expellere possit; solam alteram speciem, quae non dimittit articulos, & secunda nostra videtur (articulis brevioribus) constantissimo effectu ab eo expelli. Simul observationibus variis confirmat, illud remedium non adeo lene, & blandum esse, sed saepe maximas excitare in corpore turbas. Varias purgantium remediorum formulae pro junioribus in *Materia Medica* ad hunc numerum habentur.

§. 1373. **Q**uin Clysmata, Suppositoria, Unguenta externa ad eadem profunt quam maxime.

De usu unguentorum exteriorum ad §. 1370. dictum fuit.

Suppositoria autem solent parari ex amaris, aliisque, quae Ascaridibus imprimis infesta creduntur: verum, ut ante monitum jam fuit, hi vermes, cum vivacissimi sint, brevi alium locum petent, si quid ingrati invenerint circa finem intestini recti. Alvum movent suppositoria vel mole, vel stimulo, dum irritant intestinum rectum. Clysmata pariter non pertingunt ad intestina tenuia usque; adeoque tantum nocere possunt vermibus, qui in crassis intestinis

(*) Dissert. de verm. intest. pag. 73. 74.

nis nidulantur. Habent & hunc ufum, quod morosis infantibus purgantia per clyfma exhiberi poffunt, quae, fi tripla dofi fic adhibentur, fimilem effectum faciunt, ac fi fimplex purgantis remedii dofi deglutita fuiffet.

Sed & aliam ob rationem clyfmata laudaverunt Medici; nempe, ut vermes locum mutarent. Dabant amara remedia potanda, dum lac fimul per anum injici curabant, hac fpe, ut vermes, amarorem horrentes, ex ventriculo, & inteftinis tenuibus defcenderent in craffa inteftina, allekti lactis odore; ficque facilius per alia clyfmata poffent necari, vel per purgantia promtus expelli.

Imo *Dureius* (y) fuit in illa opinione, per folam mutationem loci vermes neceffario perire, cum ex chylo vivant, quem in inteftinis craffis nunquam adeffe voluit. Sic autem habet: *Quae caufa eft, cur fapientes Medici potius amara exhibeant, praeterim e furdio: lac autem fubjiciant, ut illius fugati, bine vero allekti, relicto jejuno, defcendant in colon, ubi vel ad punctum temporis durare non poffunt, vita fupervivunt.* Omnia enim, quae vivunt, quaeque moventur, in fuo quaeque loco fervantur, & aluntur, ex quibus conflant. Interim certum eft, contenta in craffis inteftinis nondum omni chylo orbata effe penitus, cum Anatome detexerit vafa lactea, quae chylum abforbent ad extremum inteftini recti ufque. Praeterea ex haftenus dictis patuit, amara non adeo infefla vermibus effe, ac quidem dici folet; & vermes vivos inveniri in craffis inteftinis, non tantum teretes, & afcarides, verum etiam taeniam; nec unicam fed plures in colo inteftino vidit *Herrenfibuvand*, uti ad praecedentem paragraphum dictum fuit.

Cacterum in *Materia Medica* & clyfmatum, & fuppoftitoriorum formulae variare habentur, ex diverfis Anthelminticis paratae; & plures fimiles ad harum normam facile concinnari poterunt.

§. 1374. **Q**uando Dentes incipiunt prodire, maxime acuti, a tenfione, punctura, laceratione gingivarum nervofarum, fanguinolentarumque oritur inflammatio, tumor, gangraena, convulfio, alvi fluor viridis, falivatio, febris, mors.

Constant obfervatis *Eufachii* (x), in recens natis, diffecta maxilla utraque, occurrere dentes partim mucofos, partim ofleos non obfcure magnitudinis, fufque praefepiis undique vallatos, qui poftea erumpunt. His dentibus docta manu detractis, tenuiffimum interftitium, vix offeum factum, confpicitur; quo pari diligentia amoto, obviam veniunt totidem dentes, pene mucofi, & longe minores, qui poft alios caveis latent. Ulmi illi, prioribus deciduis, circa feptimum annum prodire folent, citius, vel ferius. Unde *Autopfia* docet, dentes, qui circa feptennium renafcuntur, cum prioribus nullo modo junctos effe, fed ne quidem illos tangere poffe, quum inter utroque medium fit interftitium offeum, primum, & fecundum dentem a fe invicem dirimens, quo poftea perforato erumpet fuo tempore dens fecundus.

Un-

(y) In Coac. Hippoc. pag. 174.

(x) Traetat. de dentibus.

Unde cadit illa sententia, quod secundus dens ex radice prioris relicta germinaret (a). Neque tantum in recens natis, verum etiam in Embryonibus primos, & secundos dentes invenit *Celeberrimus Albinus* (b); ita tamen, ut nondum sepiemento osseo interposito discreti fuerint. Aliquoties in abortibus idem mihi videre contigit.

Magna autem diversitas observatur in tempore, quo dentes prodeunt. Communiter quidem statui solet, septimo circiter mense dentitionem incipere; sed contingit aliquando, & ipse vidi, recens natos jam unum, alterumve in maxillis ostendere dentem: imo in abortu quinque mensium vidi binos incisores ex maxilla inferiori prominere quam manifestissime. E contra in sana, vegeta, torosa puellula primus dens decimo nono mense prodiit, sequentibus satis cito reliquis, & sine molestia fere ulla. In debilibus, & morbofis quandoque adhuc serius incipit dentitio. Ex quibus patet, primorum dentium eruptionem diverso tempore etiam naturaliter contingere. Longe major mora in secundorum dentium eruptione observata fuit. Vidit *Helmontius* (c) anno sexagesimo tertio aetatis *Senem*, & *Vetulam*, quibus quondam amissi dentes sponte renascebantur, etiam cum doloribus puerilibus. Nullam tamen notabas vitae longaeuitatem, eo quod uterque eodem anno mortem oppetierit. Legitur (d) de fabro lignario octoginta quatuor annorum, cui biennii spatio quatuor dentes eruperant, duo nempe incisores, & totidem canini. Ipse vidi in *Vetula*, quae octogesimo sextum annum compleverat, binos dentes molares prodiisse; mortua fuit octogesimo octavo aetatis anno. Mirum est, tamdiu latere potuisse in maxillis dentium, sera tantum aetate proditurorum, rudimenta.

Prudenter hinc statuit *Moschion* (e), septimo mense dentitionem incipere, sed non in omnibus aequaliter.

Naturaliter quidem ex maxilla utraque dentes erumpunt; quandoque, tamen deviant. Vidi ex medio palato dentem molarem erupisse. In thesauro suo servabat *Ruyfibius* (f) os palati humanum, ex cuius medio dens molaris erupit. Plures dentium aberrationes recensentur (g).

Solent primo omnium prodire dentes incisores; sed plerumque antequam octo incisores omnes prodierint, unus, alterve dentium molarium erumpit. Postea sequuntur, quandoque satis magno interposito temporis intervallo, quatuor canini. Legitur (b), in America septentrionali, in insula, quae a canibus nomen habet, incolae habere dentes incisores planos, dentibus molaribus similes. Cariosum foret scire, an illis etiam primo prodeant tales incisores, cum aequè difficulter ex maxilla erumpant, ac molares.

Cum ergo dentes lateant in alveolis suis, non tantum illi, qui primo prodituri sunt, verum etiam alii, qui circa septimum aetatis annum prodire solent,

(a) B. S. Albin. Acad. Annot. Lib. II. pag. 9. & seq. (b) Ibid. pag. 9. (c) In Capiulo. *Arcana Parasiti* pag. 626. col. 2. (d) Académ. des scienc. l'an 1730. Hist. pag. 36. (e) Spach. gynæc. pag. 10. N. 118. (f) Mus. Anatom. five Catalog. rar. pag. 177. (g) Albin. Académ. Annot. Lib. I. Cap. XIII. pag. 52. (h) Académ. des scienc. l'an 1722. Mém. pag. 446.

lent, incipiunt augeri mole; dum exitum moliantur, crusta adamantina muniantur, ut suo munere postea fungi possint. Quomodo hoc fiat, credo, quod haecenus ignoremus: quis enim solidam, & evidentem rationem dedit, cur primus dens incipiat augeri, exurgere, viam sibi parare? dum secundus dens, ipsi suppositus, quiescit, post septem annos demum similia praestiturus: hoc fieri videmus evidenter, licet rationem facti non intelligamus. Haerent illa dentium germina in alveolis maxillarum; sed horum alveolorum exitus tegitur membrana satis densa, coriacea, quae ab erupturo dente pertundi debet, quin imo lacerari; ita ut post eruptionem dentis lacerae hujus membranae laciniae observatae fuerint ab accurato in similibus indagandis *Herissant* (i). Exsiccatae deinde hae laciniae sponte cadunt. Magna ergo satis vis a dente erupturo fieri debet, ut hanc membranam rumpat. Egregius *De Lafosse* (K), qui pulcra dedit observata de organisatione ossium, & dentium, credit, quod, postquam dentis superior pars jam induruerit, tunc interior pars mucosa, vegetare pergens, nec potens superare obstaculum durum in parte dentis superiori, urgeat interiora, ubi minor est resistentia; & hoc mechanismo putavit formari dentium radices, quae productae deorsum, occurrentes diaphragmati osseo, quod inter primum, & secundum dentem interjacet, non amplius descendere possunt; sed, pergente eadem vi dentem elongante, necessarius superior dentis pars elevari debet; unde sensim lacerabitur membrana, alveolos tegens, & dens prodibit. Ingeniosa certe haec explicatio est; nec tamen videtur difficultatem modo propositam solvere; cum nulla pateat ratio, quare in primo dente illa vegetatio adeo efficaciter agat, dum per tot annos iners quiescit in dente secundo, qui primo adeo vicinus est.

Praeterea plures dentes primos, dum vacillare incipiunt, eductos examinaui, & in plurimis ne vestigium quidem radices inveni. Mirabantur hoc chirurgi peritissimi, qui in dentium morbis curandis versatissimi merito habebantur. Stabant, dentes, qui circa septimum annum cadere solent, radices habuisse: dum illos, jam vacillantes, levissima vi educebant, nullas radices inveniebant. Ut hoc explicarent, dixerunt, secundum dentem, dum assurgit, atterere radices prioris, & sic comminueri in minutissimum pollinem, qui prae tenuitate sua evanesceret totus; nam nemo illum unquam invenit. An lente ascendens dentis secundi, dum primum loco movet, actio tanta esse potuit, ut prioris radices in pollinem comminueret? Egregius in hac chirurgiae parte *Bourdes* (l) statuit, primos dentes, antequam vacillent, habere radices aequae fortis fere, & duras, quam observantur in secundis. Dum autem refutat sententiam *Buonon*, qui statuebat, radices illas a frictione ascendens dentis secundi destrui, provocat ad illa, quae in recentis cadaveris maxillas inveniuntur, dum secundi dentes jam ossei fieri incipiunt, & primi dentes, lactei dicti, adhuc adsunt; *sive firmi adhuc haereant*, sive jam plus minusve vacillare inceperint. Apparet enim, dentem secundum, dum assurgit, sua membrana

(i) Académ. des Scienc. in 4. l'an 1754. Mém. pag. 411. ... (K) Ibid. l'an 1752. Mém. pag. 168.

(l) Recherch. & observat. sur l'art du Dentiste §. 5. pag. 511.

brana involutum manere, donec exitui proximus sit. Radicibus ergo dentis lactei, & assurgenti denti secundo interponitur membrana. Radices tamen dentium lacteorum destructae jam sunt, antequam secundi dentes illas tangere possint. Praeterea parva distantia observatur inter dentem primum, & secundum; unde concludit, radicem dentis lactei consumi ab alia causa, non vero per attritum dentis suppositi. Hinc maluit credere, ab adjacentibus partibus secerni acriorem quendam humorem, qui illas radices consumeret.

Fateor, quod mihi longe probabilior videatur opinio, quae statuit, dentes lacteos carere radicibus. *Celeberrimus Albinus (m)*, de his agens, dicit: *Quum dentis naturam dentes induunt, testa quaedam primum oritur, forma folliculi paruli. Eaque ad corpus dentis pertinet, radice nondum incubata.* Talia dentium corpora absque ullo radicum vestigio in abortuum, & recens natorum maxillis dissecis vidi saepe. Eadem in tabulis nitidissime expressa habentur *(n)*. Ubi simul videri potest, quomodo successive radices ex dentis corpore protrudantur. Dens ergo sinit absque radicibus, &, dum cadit lacteus, radicibus caret. An credibile videtur, denti lacteo crevisse radices, & denuo destructas fuisse, antequam caderet, dum nulla probabilis destructionis radicem causa fuerit unquam inventa? Ab attritu secundi dentis assurgentes hoc fieri non posse, ex dictis patuit evidenter. Rodentem liquorem hic in auxilium vocare, quam precarium est!

Videntur tamen observationes docere, quod dentes lactei, si non cadant suo tempore, aut jam vacillantes non eximantur, apri sunt, ut radices protrudant ex suo corpore, quibus postea fixi in maxillis haerent saepe tota vita.

Vidi attentus toties, vel sponte cadentes, vel Chirurgi manu eductos, dentes lacteos, & inveni limbum inferiorem non aequalem, sed hinc inde prominentiis, quandoque processibus acutis asperum, quos in illis, quibus diutius relictis fuerant dentes lactei, inveni jam longiores multo, & concavitate sua respondentes suppositi dentis convexae superficiei; ita ut manifeste se accommodarent vicino obstaculo, ut profundius descendere possent. Ante laudatus *Bourdes (o)* eadem omnino vidit, licet in alia opinione fuerit. Sedecim annorum virgini jam a sex septimanis dens caninus perforaverat superiorem partem gingivae in maxilla superiori: locum suum servaverat dens caninus lacteus ipsi respondens; qui tamen multum vacillabat; quem dum eduxerat, vidit, aliquam radicis partem habere, illam esse punctis quibusdam, sive asperitatibus inaequalem; hinc adstantium una firmiter credidit, fracto dente, radicem in alveolo mansisse: statetur, quod vix contrarium persuadere poterit. Praeterea vidi saepius, dentem lacteum, a binis vicinis dentibus nimis pressum, non vacillasse illo tempore, dum naturaliter cadere debebat, hinc in loco suo relictum fuisse, dum interim secundus dens emergens, ante, vel retro priorem, maxillam perforaret; unde quandoque deformitas nata fuit, ad quam tollendam dens lacteus, jam firmiter haerens, dum educeretur, radici-

(m) *Annos. Academ. Lib. II. Cap. II. pag. 16.*
 & observ. sur l'art du Dentiste pag. 52, 53.

(n) *Ibid. tab. 2.*

(o) *Recherch.*

dicibus praeditus erat. Unde merito concluditur, dentem lacteum posse radices producere deorsum. Si enim secundum multorum opinionem dentis lactei radices consumtae fuissent, dum cadere deberet, novae renatae essent; & tunc statuendum foret, bis in eodem dente radices natas fuisse. Unde videtur, dentes lacteos naturaliter carere radicibus, dum sponte cadunt; aptos tamen esse, ut radices producant, si diutius in loco suo relinquantur, & quod saepe in dentibus lacteis, dum sponte cadunt, vel jam vacillantes educuntur, detegantur erumpentium radicum prima vestigia; quae ab aliis habentur pro reliquiis radicum detritarum, quae prius adhaerant.

Quamvis autem dentium eruptio naturalis sit, & in multis infantibus absque magna molestia contingat, in quibusdam tamen gravibus dentitione stipatur symptomatibus, quae aliquando aliis morbis attribuuntur, licet a sola dentitione pendeant. Unde sollicitè monet Sydenhamus (p), dum febres Epidemicæ grassantur, & infantes aegrotant, omni cum cura inquirendum esse, an febris illa ad constitutionem epidemicam referenda sit, an vero a dentitione pendeat. Vulgo enim notissimum est, infantes a doloribus, ex dentitione oriri, facius in febres agi, quae haud ita facile ab alterius generis febribus internoscuntur. Operae pretium est ergo, considerare illa signa, quae docent, dentitionem imminere, vel jam inceptam esse.

Patuit ex antedictis, tempus dentitionis satis incertum esse, adeoque non adeo magnum momentum inter signa dentitionis habere, nisi quod incitet attentionem Medici, ut circa septimum mensem magis invigilet.

Dum de morbis aetatum agit Hippocrates (q) dicit: *Ad dentitionem vero productis, gingivarum pruritus, febres, convulsiones, diarrhoeae; ac maxime, cum animos dentes edunt, crassissimisque pueris, ac duras alvos habentibus.*

Primum, quod observare potui, dentitionis incipientis signum erat, si arcus maxillae superior, qui ex convergentibus alveolorum lamellis constituitur, incipiat latius fieri, sensim a se invicem recedentibus his lamellis, ut denti erupturo locus fiat. Videtur hoc fieri a dente sensim ascendente: hoc tempore, internum, quasi in ipsa maxilla, pruritus sentire videntur, dum perpetuo faciem, nares imprimis, & mentum fricant: gingivae enim, nec membrana alveolos tegens, tensae, aut rubrae adhucdum apparent. Simul de nocte, infantes minus quieti sunt, & solito morosiores: neque hoc mali ominis est. Monuit enim Hippocrates (r): *Quicumque dentientes bene habitus manens, & aliori somno premuneur, periculum est, ne convulsione corripiantur.*

Harris (s) duplex dentitionis tempus statuit; unum nempe, quo dens ex osse maxillari primum emergere nititur; & tunc haec symptomata adsunt. Optime monet, hoc dentitionis stadio gingivam in parte externa, & superiori, absque aliquo ejusdem tumore, albedo quodam circulo circumscripti.

Quantum

(p) Schedul. Monit. de nov. febr. ingress. pag. 674.

(q) Aphor. 25. sect. 1. Charac. Tom. IX. pag. 120.

(r) Lib. de Dentit. text. 9. Charac. Tom. VII. pag. 871.

(s) De morb. acut. infant. pag. 15.

Tom. IV. part. II.

Quandoque apparent duo, vel plura talia loca, ac si dens emerfurus pelluceret per gingivam. Saepe per aliquot septimanas durat hoc dentitionis stadium, antequam incipiat alterum, quo dens mole jam auctior, & major facilius, gingivam tumidam semper reddit, inflammationem insignem in eadem parit, atque eam percurrere omni vi conatur. In difficili dentitione haec vera sunt: saepe tamen facilius haec peragitur; & tunc omnia haec symptomata adeo levia sunt, ut dens, non advertentibus infantum custodiis, prodeat. Simul solet adesse major salivae copia; quandoque & tussis: nares pluunt, genae rubent a dentis emerfuri irritatione, humoribus majori copia versus caput derivatis, ut docent symptomata plura, quae apud aethiopes collecta leguntur.

Sic Moschion (r) habet: *Gingivarum pruritus; fervor genarum; dolor nervorum in cervice; frequentius sanguinolentus humor per os, vel aures exit.* Ita & apud Aëtium (u) leguntur sequentia de dentitione: *Circa septimum mensem infantes dentes producere incipiunt, punguntur, stimulantur, sanguinem a paxillo quodam, separante gingivas dente. Inflammationes succedunt gingivarum, & maxillarum, & tendinum; quas febres plerumque sequuntur. Succedit & pruritus in meatibus auditoriis, & aures tumescunt: nonnullis ophthalmia coarpiis, & sanguis ex oculis (ocularum) fluit. Pluribus perturbatur venter, ob stomachi inflammationem, ventrisque exsolutionem.*

Cum autem omnia haec mala a tensione, punctura, laceratione gingivarum nervosarum, sanguinolentarumque oriantur, patet facile, omnia haec mala magis metuenda esse, dum erumpunt dentes canini, qui obtusum apicem habent, & satis crassi sunt. Incisores acutum referunt cuneum; hinc facilius membranam incumbenter findunt. Molares autem, licet latiore superficie habent, quam canini, & quatuor apices, facilius feruntur; quoniam non simul, & semel, sed successive illi apices emergunt. A solo dolore intensiori convulsiones metuendas esse in infantibus, quibus nervosum genus adeo facile irritatur, facile intelligitur. Unde etiam (§. 1075. 4.) inter epilepsiae causas dentitio numeratur; ubi simul notatur ex Hippocrate, non omnes ex dentitione convulsos interire, sed multos sospites evadere, uti quotidiana in Praxi observata docent. Si autem multum timeat gingiva, simulque admodum rubeat, valida inflammationis signum est, quae quandoque in gangraenam satis cito terminatur; praecipue, si acrior humorum indoles simul addit. De qua re videntur illa, quae in Capitulo de *Gangraena* dicta fuerunt. Cito autem gingivae sic affectae putrescunt, & malum ad vicina loca propagatur, nisi spiritu salis marini misto cum melle rosarum saepius tangatur locus gangraenosus, sicque fistatur proserpens putredo. Vidi aliquoties in pauperum infantibus, qui omnino neglecti fuerant, partem ossis maxillae cecidisse, una cum alveolis, & dentibus contentis: unde in hoc loco destructae maxillae tota vita fuerunt edentuli.

Alvi fluxus viridis suspectus est, dum dentitionis tempore adest. Antea dictum fuit, dum acido in primis viis laborant, faeces alvinas viridescere; unde

(r) Mosch. apud Spach. gynaec. pag. 10, a. 118.

(u) Lib. 4. cap. 5. pag. 68.

unde & ab hac causa possent vitidia per alvum externi, licet a dentitione hoc non fieret. Verum si faeces, quae naturaliter flavescunt in infantibus, dentitionis tempore subito fiant aeruginosae, tunc periti Medici convulsiones metuere solent; quia ex illa coloris mutatione concludunt, sensorium commune, & totum nervorum systema turbari. Si sanus homo subito in gyrum rotetur, vertigine corripitur; & nisi haec rotatio cesset, cadit, bilemque aeruginosam vomit. Unde etiam §. 275. pro malo signo habetur, si post concussum validum capitis biliosus vomitus sequatur.

Caeterum alvus laxior dentientibus infantibus prodest potius. *Quibus in dentitione alvus multoties subducitur, illi minus convelluntur, quam quibus ita paucies.*

De salivatione, dentitionem consequente, jam dictum fuit.

Febris, mors. Dolor molestus, inflammatio gingivarum, insomnia sufficiunt, ut febris excitetur, quae certe, si valida fuerit, tenerum corpusculum brevi destruere poterit. Interim non semper funestum eventum a febre, dentitionem comitante videtur metuisse Hippocrates (x): dicit enim: *Quibus in dentitione febris acuta oboritur, raro convelluntur.* Caeterum hyemale tempus dentitioni magis convenire statuit (y), ita ut facilius emergant, caeteris paribus, hoc anni tempore. Simul observavit, illis, qui cum tussi dentiant, dentes tardius erumpere, verum in punctione magis extenuari. Solet enim in omnibus dentientibus torositas corporis minui, & carnes fieri flaccidiores, praecipue dum dentes canini prodire incipiunt.

§. 1375. **Q**uae cuncta facile ex eadem causa oriri demonstrantur.

Sensim enim distrahitur membrana, quae alveolos claudit, & tegit; si jam inflammatio addit, & a duro dente inflammatus ille locus rumpi debeat, facile patet ratio, quare omnia illa mala, modo recensita, sequi debeant.

§. 1376. **Q**uin sublata irritatione nervorum (1374) sponte cessant.

Dolor, uti alia occasione ad §. 220. & sequentes dictum fuit, ponit fibræ nervosæ sic affectam, ut dissolutionem minuetur: hinc dolor acrior est, dum fibra nervosa est rupturæ propior. Unde patet, quare molestias omnes augeantur, dum dens eruptioni proximus est, & denuo cessent, simul ac dens membranam prius tensam ruperit. Cessat enim tunc nervorum irritatio. Hinc simul patet, quid sentiendum sit de omnibus illis *Perceptis*, & *Amuleis*, quæ infantibus, dentitionis tempore, appendi solent, hæc spe, ut dentes facilius, & citius erumpant. Dentitio naturæ solius opus est; hanc accelerari posse per artem, nemo peritus facile crederet. Verum molestias,

(x) Hippoc. lib. de Dentit. Charact. Tom. VII. pag. 871.

(y) Ibidem.

stias, dentium eruptionem comitantes, lenire ars valet, uti sequenti paragra-pho dicitur. Facile tamen permittitur mulierculus, ut *Corallia rubra*, *poconiae radicem*, *dentes lupi*, *apri*, *vulpis*, & his similia collo dentientis infantis appendant; a quibus nulla metuenda est noxa. Solent enim tunc magis morigerae esse Medicorum consilii.

§. 1377. **Q**uod fit 1. gingivae emolliendo, refrigerando, leniendo mollibus, glutinosis, antiphlogisticis. 2. saepe atterendo ad corpora dura, glabra, 3. dissecando ope lanceolae.

1. Quantam efficaciam habeant in dolore leniendo omnia illa, quae disten-tam fibram dolentem laxant, antea ad §. 128. 1. dictum fuit. Cum autem ten-sa, & dolens sit haec membrana, quae dentem erupturum coarctet, fa-cile patet, quare emollientissima hic locum habeant. Cum autem plerum-que gingivae, leviter saltem, inflammatae sint hoc tempore, hinc foveantur refrigerantibus, & antiphlogisticis, quae optime profunt, si simul leviter glutinosa sint, ne a copiosa saliva, quae dentitionis tempore profluit, abluantur illico. *Sempervivi majoris* succus recens pressus, cum *Syrupo florum violarum*, addita mucilagine *gummi Arabici*, *Tragacanthi*, *Sem. Cydoniorum*, &c. aptissimum tale remedium dat, si saepius gingivis illinatur. *Cremor recens lactis*, cum *vitello ovi*, & *Syrupo florum violarum* mistus, si aliqua copia aquae stillatitiae rosarum diluatur, optime prodest. *Flores Sambuci*, si una cum *plumbi* frusto in nodulo ligentur, & in fundo vasis vitrei cylindrici ponantur, dein lac recens superaffundatur, & haec omnia ponantur in leni digestionem, brevi in summitate vasis colligitur cremor, qui fragrantiam florum sambuci redolet, & gingivis illinitur saepius, optimo cum effectu. Plumbum autem additur, ut deprimatur nodulus ad fundum vasis; sicque facilius colligi possit cremor in superficie suprema; simul plumbum exter-no usu magnam efficaciam habet in sedandis inflammationibus incipientibus. Novi quidem, plumbum non sine ratione suspectum esse Medicis, imprimis usu interno; sed parum admodum de plumbo in lacte solvitur; & il-lud pauculum solum potius in fero lactis haeret, quam in parte cremo-racea: unde videtur tale remedium tuto usurpari posse; imprimis cum gin-givis dolentibus pauculum cremoris tantum illiniatur; vixque deglutiat aliquid de hoc cremore infans; sed fere totum cum saliva copiosius as-suente exeat ex ore. Si vero gingivae, profunde rubro colore tinctae, gangraenam minitentur, tunc aliquot guttulae *Spiritus salis marini* addun-tur *Syr. fl. violarum*, addito nitro; & haec diluuntur in aqua stillatitia florum rosarum, aut florum sambuci, ut gingivae saepius tali mixtura fovean-tur. Antea, ubi de *Angina gangraenosa* agebatur, uti & in capitulo de *Scorbutu*, laudata fuit efficacia *Spiritus salis marini* in similibus malis. Caeterum in *Materia Medica* ad hunc numerum tales formulae habentur,

Quan-

Quandoque contingit, gingivas sic inflammari, & dolere, ut valida accendatur febris, & sequantur convulsiones: tunc Sydenhamus (z) commendat venae sectionem, tanquam optimum, & efficacissimum remedium: simulque statuit, aequè tuto ex infantum venis, quam adutorum, sanguinem extrahi posse. Necessitatem quidem evacuationis sanguinis in tali casu agnoscit Harris (a); sed maluit unam, alteramve hirudinem infra utramque aërem applicare. Certum enim est, venae sectionem difficilius saltem institui in infantibus, ob venarum exilitatem, & irrequietum membrorum motum. Imo ipse Sydenhamus (b), dum in febre dysenterica sanguinis missionem judicabat necessariam, dixit: *Si infans hac febre laboret, tum hirudines duae, utrimque applicentur pone aures.* Notum autem est, Sydenhamum hanc schedulam scripsisse circa finem vitae, & quaedam, quae antea scripserat, mutasse, vel emendasse.

Optime monet Harris (c); *Inter denticendum os tanta teneritudine saepe affigitur, ut omne alimenti genus pertinaciter respuant. In hoc casu summopere cavendum, ne alimentum calidum, imo vix tepidum, infantibus praebatur. Nam calor oris, & gingivarum, fere exurens, vix minimum caloris adventitii gradum fert, sine molestia, & dolore accedenti.* Unde fit, ut vix cochlear ferre possint infantes; & hinc patet utilitas differendi ablationem, donec dentitio absoluta fuerit. Mollem enim nutricis papillam longe facilius ferunt. Accedit, quod nutrici ingerere possimus copiam remedium emollientium, & antiphlogisticorum, quae infanti prodesse possunt. Simul etiam, mutando nutricis dietam, possumus lac ejus reddere congruum praesenti infantis morbo. Hanc utilitatem agnoscit Mosibion (d), dum suadet, ut dentitionis tempore nutrix vinum non bibat, & tenuiori nutrimento utatur.

Simul patet, huic beneficio renunciare illos, qui lac humanum damnant, & aliorum animalium lacte infantes nutriendos volunt.

2. Circa hanc rem in diversam opinionem abiverunt illi, qui de dentitione, & de dentium conservatione scripserunt. Quidam laudaverunt, alii improbaverunt omnino. Si gingivae inflammatae doleant, noceret certe attritio ad corpora dura; sed tunc ne quidem attractum ferunt infantes, quin statim misero ejulatu dolorem testentur. Verum, ubi haec adest; videtur levis pressio gingivarum a natura indicari. Dentitionis tempore videmus, infantes propriis digitis perpetuo dentes fricare, obvia quaeque, quae arripere possunt, ori immittere, & inter maxillas comprimere quam fortissime. Videtur enim molestum in gingivis pruritus sentire, quem hoc modo lenire tentant. Nullum enim doloris percepti indicium dant; e contra hilaes, & quieti sunt, dum non impediuntur ab hoc opere; & vidi saepius, irrequietos admodum infantes pacatissime obdormivisse, dum nutrix digito prurientes gingivas molliter perfricabat.

Actus

(z) Prax. Medic. cap. V. pag. 248. 249.

(a) De morb. infant. pag. 35.

(b) Schedul. Monitor. De novae febris ingressu pag. 673.

(c) In loco modo citato,

(d) Spach, gynaecc. pag. 10. p. 219.

Ætius (c) quidem monuit, cavendum esse omnino, ne quid durum mandendum praebeatur, ne gingiva callosior reddita nasciuros dentes impediatur eandem sententiam & alii tuentur (f). Verum vix videtur ab hac frictione adeo metuenda callositas, cum perpetuo os madescat simul. Imo alii (g) optabant potius hanc callositatem, dum credebant, facilius rumpi membranas tensas, & duriores, quam molles, quae denti exurgenti cedunt nimis. Unde *Andry* damnavit emollientium ulum, nisi gingivarum inflammatio illa posceret. Et quia hyeme omnia ossa fragiliora sunt, ideo credidit, *Hippocratem* statuisse, dentitionem felicius procedere hyeme, quam aliis anni temporibus. Addit ex observatione *Spigelii*, citius erumpere dentes in maxilla superiori, quia haec magis rotatur supra papillam nutriticis, quam inferior, adeoque & plus atteritur.

Cum ergo ipsa natura videatur indicare in dentitionibus frictionem gingivarum, utile erit, si talia corpora dura, glabra ex crystallo, corallo rubro, ebore &c. parata porrigantur infantibus dentitionibus, modo nullas omnino eminentias habeant, & parata fuerint ex tali materia, quae in saliva solvi nequeat: unde ex crystallo parata praeferrunt reliquis; metallica vero repudiantur, auro purissimo excepto; argentum enim, quo ad similia conficienda utuntur, semper aliquam partem cupri continet.

3. Sectio illa tunc tantum opportuna est, cum membrana alveolum tegens a dente emergente elevatur, tenditur, rubet, dolet intense; tunc plerumque valida satis febris adest, & convulsionem metuuntur, nisi denti subito via concilietur: at post sectionem factam dens illico prominet. Si vero profundius adhuc haereat dens, dum haec sectio instituitur, vulnusculum hoc infectum brevi consolidabitur, & cicatrix resistet magis denti postea erupturo. Fama etiam Medici insigniter periclitatur, si incisionem suaserit, nec, hac facta, dens appareat. Novi contigisse, ut dens octo mensibus post factam incisionem eruperit tantum.

Antea ad §. 1374. dictum fuit, duplex esse dentitionis stadium: primum adest, dum dens ex osse maxillari primo emergere nititur; signa hujus tunc dicta sunt. Secundum stadium est, dum dens jam gingivam percurrere conatur. Monuit autem *Harris*, (b), quod, In primo illo dentitionis molimine, aequè ac in secundo, Chirurgi gingivas infantum quacumque ex occasione imperite incidunt, quo facilius dentes facilius erumpant; unde vulnus citra necessitatem, & nullam plerumque operam ferens, seneris promissus insiguitur; quem secundum solum dentitionis tempus (quod diligenter notandum) eam plagam inferri proprie requiras.

Simul, noluit in hoc casu phlebotomo, sive lanceola incisionem fieri, cum nimis cito coalescat tale vulnusculum. Unde monuit; Curandum est, ut Medico, ut instrumento magis commodo (sive sit scalpellum, quo calami scrip-

(c) Lib. IV. Cap. IX. pag. 68.

(f) Bourdet, recherches, & observat. Sec. Tom. I. §. IV. pag. 40.

(g) Andry l'orthopedie tom. 2. pag. 219. & &c.

(d) De morbis infant. pag. 35.

scriptorii vulgo conficiuntur, five sit aliud, cujus dorsum in densitatem notaculac acmulam assurgat) incisio semper fiat. Sic enim labia vulnuscule magis distant a se invicem, & tardius concresecunt. Forte ob hanc rationem quidam voluerunt (i), unguibus lacerandam esse hanc membranam, quae alveolum tegit; tunc enim certe minus cito consolidabitur vulnus. Verum facile patet, hoc majorem dolorem facere, & imperita manu fieri; unde videtur sectio praeserenda esse in tali casu semper.

Monet celebris in hac chirurgiae parte *Fauchard* (k), incisionem secundum longitudinem arcus maxillae debere fieri pro dente incisorio erupturo: crederem etiam pro canino: crucialem incisionem suadet pro dente molaris; sed simul prudenter monet, tunc tuto talem incisionem fieri, si gingiva rubescat, tumeat, tensa sit, si dens visu, aut tactu percipiatur, dum sub membrana coercente haeret. Caeterum diuturno artis usu edoctus, affirmo, sectione hac raro opus esse, etiam in difficiliore dentitione.

§. 1378. C Onvulsiones hinc oriundas minuta Sp. C. C. dosis feliciter tollit.

Dictum fuit §. 119. doloris sensum, & multos doloris effectus, qui independent, tolli posse, licet causa doloris maneat. Hinc lenia paregorica, ex *styr. stor. rhoead.*, & ex ipso *papavere* parata, in hunc finem cum prudentia tuto adhiberi posse, certus sum; modo alia, quae in causam doloris agunt, non negligentur. Observatis *Sydenhami* (l) constat, paucas guttulas, tres, quatuorve, spiritus cornu cervi, ex vehiculo idoneo exhibitas, profuisse insigniter ad curandam febrim, quae dentitionem difficilem comitatur, si quarta quaque hora ad quatuor, vel sex vices propinarentur. Formula talis in *Materia Medica* ad hunc numerum habetur.

(i) Brouet. edocat. médic. des enfans Tom. I. pag. 234.

(k) Le Chirurg. Dentiste Tom. I. Chap. XV. pag. 175.

(l) In Sched. Monit. de novae febris ingressu pag. 675.

FINIS TOMI QUARTI.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 11
PART 1
1881

1881

